

Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1797/A







Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1797/A




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1797/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1797/A





℞ Argenti ʒvi Lethargyr
ʒxij Colophonid Alumini
pici anđo ʒ
quibus adjiuntur olei et
aceti singula hemina
f. ut art. est Euplastrum
inuentis vulneribus carnis imponendum
℞ Aluminis rasis ʒiv
Sal. ammoniaci ʒiijss
Squama Aris ʒij & ʒij
Myrrho et Gummi subtilis
pulver. ʒ ʒiij Cera
ʒiij & ʒi Colophonid
ʒij ʒvi & ʒss olei
hemina acet
testarium f. ut art.
est euplastrum inuentis
vulneribus nervorum vel
cartilagini imponendum

















J. Eampi
PEDACII
DIOSCORIDIS
ANAZARBÆI

DE MATERIA ME-
DICA, LIB. V.


Eiusdem de Venenis libri duo.

Interprete IANO ANTONIO
SARACENO Lugdunæo,
Medico.




Apud heredes Andreae VVechehi, Claudium
Marnium, & Ioan. Aubrium.

M. D. XCVIII.





HENRICO IIII.
REGI GALLIARVM
ET NAVARRÆ
Christianissimo.



*Importunus haud dubitè,
R E X C H R I S T I A -
N I S S I M E, parùmque
circumspectus, imò verò
temerarius fortasse vi-
debor, qui tuam Maieſtatem hoc tem-
pore in apparando bello Aremorico
quàm occupatiſſimam compellare ac
potius interpellare non erubescam.
Sed mihi ipſe temperare non poſſum,
quominus eidem meas haſce quales-*

**.ij.*

cunque in Dioscoridē lucubrationes
offeram, cui iam multis abhinc annis
illas voui atque consecraui. Enimuero
quando pro tua summa benignitate
mi nil minùs cogitantem misso etiam
sacro Regio diplomate in Medicorum
tuorum collegium cooptasti, iam tūc
eas parturiebat animus, simulque prae-
sentiebat iis non aliunde felicitàs lu-
cem splendoremque affulgere posse,
quàm si sub Augustae tuae Maiestatis
nomine in publicam prodirent. Etsi
enim in istis quae mea sunt, ut quae
sint operae leuioris, libens agnosco mi-
nimè digna esse, quae tanti praesertim
Regis nomen praeserant: attamen cū
& Dijs olim suis rustici multaeque
Gentes lacte supplicarēt, & mola tan-
tūm salsa litarēt, quibus deerant thu-
ra: sic & ego cū neque mihi sit in
prae-

præsentia quicquam aliud ad manum,
vixque mea tenuitas imposterum am-
pliora polliceri possit, malui hoc quan-
tuloquoque testimonio, quam debet &
seruus domino & subditus Regi suo,
à quo tantum etiam beneficium acce-
perit, reuerentiam quoque modo pro-
fiteri, quam committere ut tantam
benignitatem videri possem silentio
dissimulasse. Caterum quod ad scripta
ipsius Dioscoridis attinet, nulla, sat
scio, ne apud Regiam quidem Maie-
statem indigent commendatione. Con-
tinent enim amplissimam stirpium a-
liarumque id genus naturalium re-
rum ad summam hominum & utili-
tatem & honestissimam voluptatem
comparatarum historiam, quæ nullum
non hominum genus ad sui cognitio-
nem per sese mirum in modum alli-

*. ij.

ciat. Nam & permulti iam olim Prin-
cipes viri tantum ad illorum Naturæ
operum contemplationem studij adhi-
buerunt, ut Philosophis etiam ac Me-
dicis, ad quos potissimum ea pertine-
bat, minimè cessisse videantur. Testa-
bantur id olim varij aliquot potentis-
simorum Regum Solomonis, Mithri-
datis, Iubæ, Attali & Euacis de Stir-
pibus commentarij, de quibus varia
loquuntur historiae, quique temporum
iniuria non sine magno mortalium
damno ac detrimento interciderunt.
Testantur id ipsum etiam nunc & non-
nullæ stirpes, uti Gentiana, Lysima-
chia, Clymenon, Telephium, Artemi-
sia & Helenium, quas Principes quon-
dam Maximos non puduit suis nomi-
nibus honestare: partim ut studij quo
fuerant magnoperè delectati posteris
fideyn

• *fidem facerēt, eōsque suo etiam exem-*
plo ad contemplanda suspiciendāque
Naturæ miracula prouocarent, partim
etiam ut sempiternam sui memoriam
relinquerent, quam non dubitabant
unā cum plantis ipsis repullantibus
atque reniſcentibus quotannis eſ-
ſe quaſi reuicturam. Sed te quoque,
REX CHRISTIANISſIME,
confido mihi que ipſe polliceor, prout
es ingenio virtutum, disciplinarum
ſcientiarūque omnium capacifſimo,
cumprimū à grauifſimis illis labori-
bus, quibus Gallia tua ſalutem etiam
ſuam velut alteri Parenti meritò ac-
ceptam refert, reſpirare tibi Deus Opt.
Max. precibus ſuorum perpetuis exo-
ratus conceſſerit, leuiora hæc, animi
quaſi relaxandi gratia, minimè aſper-
naturum. Ego verò ſummæ, ſicuti par
**. iiij.*

erit, felicitatis loco ponā, si meum hunc
quodammodo factum Dioscoridem in
gratiam clientelamque tuā comiter ac
beneuolē recipere Maiestas tua nō de-
dignabitur. Quod unū superest, Deum
Opt. Max. precibus omnibus obtestari
non desinam, ut post domitos ac planē
debellatos hostes huic per te florentis-
simo Regno tuo vicinisque populis o-
mnibus optatissimam pacem, eāque
stabilem ac firmam, tādē aliquando
largiatur: qua tum felicissimē, tum
quā diutissimē, perpetua cum Sacra-
tissimi nominis gloria perfruantur: ac
te interim nobis, qui fatorum tuorum
auspicia sequimur, totique Christianæ
Reip. seruet incolumē. Kal. Mart. 1598.

Tuæ Maiestati addictissimus
IAN-ANTONIUS SARA-
CENVS Lugdunæus.



CL. MARNIVS ET
IO. AVBRIVS LE-
GTORI S.



IMVLATQVE Diosco-
ridis operum editioni co-
lophonem imposuimus, in
qua Græco contextui Cl.
viri Iani Antonij Saraceni Latina in-
terpretatio noua ex aduerso respon-
det, addunturque per quàm erudita e-
iusdem Interpretis Scholia, cùm aliis
quibuscunque, tum vel maximè Lin-
guæ Græcæ studiosis plurimùm, vti
speramus, profutura: eandem illam li-
brorum de materia Medica & de Ve-
nenis Latinam versionem separatim
hac Enchiridij forma in lucem emit-
tere visum est, in eorum gratiam, qui
& sumptibus parcere cupiunt, & de

lingua Græca haud ita sunt solliciti.
Tu, si placet, hoc nostrum consilium,
tanquam ab iis profectum, qui tuis
potius quàm suis commodis ita con-
sultum voluere, grato animo inter-
pretaberis. Indicem prætereà morbo-
rum & Symptomatum, quibus à Dio-
scoride remedia è simplicibus petita
intus forisq̃ue accommodantur, li-
benter adiecissemus, itémque eius-
dem Autoris Parabulum libros: sed
veriti sumus, ne liber Enchiridij for-
mam excederet. Si tamē imposterum
desiderare te intellexerimus, hac
eadem forma seorsum excu-
dendos curabimus. His-
ce interim fruire
& vale.





INDEX EORVM

QVAE LIBRIS V. DE

materia Medica con-
tinentur.

*Prior numerus librum, posterior
caput indicat.*

A Biga 3, 175, 176	Acetum stœchadites 33
Abortium vi- num 5, 77	Achillea 4, 36
Abrotonini cō- fectio 1, 60	Acinus 3, 50
ex Abrotono vinum 5, 62	Aconitum 4, 77, 78
Abrotonum 3, 29	Acorites vinum 5, 73
Absinthites vinum 5, 49	Acorum 1, 3
Absinthium 3, 26	Adarces 5, 137
Absinthium marinum 3, 27	Adeps 2, 86
Absinthium Santonicū 3, 28	Adeps anserinus & gal- linaceus 2, 93
Acacalis 1, 118	Adeps quomodo sam- puchi odore imbua- tur 2, 92
Acacia 1, 133	Adeps fuillus & vrsinus 2, 87
Acantha 3, 19	Adeps taurinus, panthe- rinus ac leoninus 2, 90
Acantha sylvestris 3, 20	Adiantum 4, 136
Acanthium 3, 18	Adipum vrs 2, 94
Acetum 5, 21	
Acetum scillinum 5, 25	

INDEX.

Ægilops	4,139	Anchusa	4,23,24,25
Æris flos	5,88	Androsaces	3,150
Æris squama	5,89	Androsæmon	3,173
Ærugo rasilis	5,91	Anemone	2,207
Ærugo scolecia	5,92	Anethini compositio	1,61
Æs vstum	5,87	Anethinum vinum	5,75
Æthiopsis	4,105	Anethum	3,67
Ætires lapis	5,161	Anguium senecta	2,19
Agallochum	1,21	Anisum	3,65
Agaricum	3,1	Anonis	3,21
Ageratum	4,59	Anthemis	3,154
Alabastrites lapis	5,153	Anthyllis	3,153
Alcea	3,164	Antipathes	5,140
Aleyonium	5,136	Antirrhinon	4,133
Alga	4,100	Antispoda	5,86
Alisma	3,169	Aparine	3,104
Allium	2,182	Aphaca	2,178
Aloë	3,25	Aplastrum	3,118
Alfine	4,87	Apios	4,177
Althæa	3,163	Apite vinum	5,32
Alumen	5,123	Apium	3,74
Alypum	4,180	Apium palustre	3,75
Alysson	3,105	Apocynon	4,81
Amaracinum	1,68	Apollinaris herba	4,69
Ambrosia	3,129	Aqua	5,18
Amiantus lapis	5,156	Aqua marina	5,19
Ammi	3,70	Aqua mulsa	5,17
Amomum	1,14	Arabicus lapis	5,149
Ampelitisterra	5,181	Araneus	2,68
Ampeloprasum	2,180	Arbutus	1,175
Amurca	1,134	Arcion	4,107
Amygdala	1,176	Arction	4,106
Amylum	2,123	Arena	5,167
Anagallis	2,209	Argemone	2,208
Anagyris	5,167	Argenti	

INDEX.

Argentifcoria	5,101	Atramentum futorium	
Argentispuma	5,102	5,114	
Argentum viuum	5,110	Atriplex	2,145
Arisarum	2,198	Auena	2,116
Aristolochia clematidis	3,6	Auricula muris	2,214
Aristolochia longa	3,5	Auripigmentum	5,121
Aristolochia rotunda	3,4	B	
Armeniaca	1,165	Baccharis	3,51
Armenium	5,105	Balanitium	1,154
Aromitites vinum	5,64	Ballote	3,117
Aron	2,197	Balsamum	1,18
Arsenicum	5,121	Barbula hirci	2,173
Artemisia	3,127	Bdellium	1,80
Artemisia tenuifolia	3,128	Beta	2,149
Arundo	1,114	Beta sylvestris	4,16
Afarites vinum	5,68	Bitumen	1,99
Afarum	1,9	Blatta	2,38
Asclepias	3,106	Blitum	2,143
Ascyron	3,172	Botrys	3,130
Asius lapis	5,142	Brassica	2,146
Aspalathus	1,19	Brassica marina	2,148
Asparagus	2,152	Brassica sylvestris	2,147
Asphodelus	2,199	Britannica	4,2
Asplenon	3,151	Bromus	4,140
Aster Atticus	4,120	Buccina	2,5
Astragalus	4,62	Buglossum	4,128
Athera	2,114	Bulbas esculentus	2,
Atractylis	3,107	200	
Atramentum librarium	5,183	Bulbus vomitorius	2,
Atramentum metallicu	5,118	201	
		Bunias	2,136
		Bunites vinum	5,56
		Bunium	4,124
		Bupthalmum	3,156
		Bupretis	2,66

INDEX.

Butyrum, & eius fuligo		Centaurium maius	3,8
2,81		Centaurium minus	3,9
C		Cēpāa	3,168
Cacalia	4,123	Cera	2,105
Cachry	3,88	Cerasia	1,157
Cadmia	5,84	Cerebrum gallinarum	
Capa	2,181	2,53	
Ceruleum	5,106	Cerussa	5,103
Calamintha	3,43	Cestrites vinum	5,54
ē Calamintha vinum	5,	Chalcitis	5,115
62		Chamæ	2,9
Calamus odoratus	1,17	Chamæacte	4,175
Calx viua	5,133	Chamæcissus	4,126
Cancri	2,12	Camædaphne	4,149
Cancamum	1,23	Chamædryites vñum	5,
Cannabis fatiua	3,165	51	
Cannabis syluestris	3,	Chamæleon albus	3,10
166		Chamæleon niger	3,11
Cantharides	2,65	Chamæpeuce	4,127
Capnos	4,110	Chamæpityinum, vinum	
Capparis	2,204	5,80	
Cardamomum	1,5	Chamæpitys	3,175
Carduus	3,16	Chamæsyce	4,170
Caries lignorum	1,112	Chamelæa	4,172
Carum	3,66	Chamelaites vinū	5,79
Caseus recens	2,79	Chelidonia	2,212
Cassia	1,12	Chelidonia minor	2,212
Castanæ	1,145	Chia terra	5,174
Castorium	2,26	Chondros	2,118
Catanance	4,134	Chrysanthemum	4,58
Catorchites vinum	5,41	Chrysocolla	5,104
Caucalis	2,169	Chrysocome	4,55
Cedrinum vinum	5,45	Chrysogonon	4,56
Cedrites vinum	5,47	Cicadae	2,56
Cedrus	4,105	Cicer	2,126
		Cicuta	

INDEX.

•Cicuta	4,79	Cotonea	1,160
Cimices	2,36	Crataegonum	3,139
Cimolia terra	5,176	Crimnon	2,112
Cinis farmentitius	5,135	Crithmon	2,157
Cinnabari	5,109	Crocini confectio	1,
Cinnamomum	1,13	64	
Cinnamominum oleum		Crocodilium	3,12
1,74		Crocomagma	1,26
Cionia	2,6	Crocom	1,25
Circæa	3,134	Cucumis sativus	2,163
Cirsium	4,119	Cucumis sylvestris	4,
Cistus	1,126	154	
Clematis	4,7	Cucurbita	2,162
Clematitis	4,182	Cuminum sativum	3,68
Clinopodium	3,109	Cuminum sylvestre	3,
Clymenon	4,13	69	
Cnicus	4,190	Cupressus	1,102
Coagulum	2,85	Curmi	2,110
Coccum tinctile	4,48	Cyanus	5,106
Cochlea	2,11	Cyclaminus	2,194,195
Colchicum	4,84	Cydonites vinum	5,28
Colocynthis	4,178	Cynocrambe	4,192
Colymbades oliuæ	1,	Cyparissias tithym.	4,
139		165	
Condrilla	2,161	Cyperus	1,4
Conyza	3,136	Cyphi	1,24
è Conyza vinum	5,63	Cyprini spissamentū ac	
Corallium	5,139	præparatio	1,65
Coriandrum	3,71	Cyprus	1,124
Coris	3,174	Cytini	1,152
Cornu cerui	2,63	Cytisus	4,113
Cornus	1,172	D	
Cos	5,168	Daphnoides	4,148
Coronopus	2,158	Daucites vinum	5,70
Costus	1,15	Daucus	3,83

INDEX.

Delphinium	3,84,85	Erica	1,117
Dendroides	4,165	Erinus	4,29
Dictamnites vinum	5,57	Eruca	2,170
Dictamnium	3,37	Erucæ	2,64
Dictamnium Creticum	3,39	Eruum	2,131
Diphryges	5,120	Eryngium	3,24
Dipsacus	3,13	Erysimon	2,188
Dorycnion	4,75	Eupatorium	4,41
Draba	2,187	Euphorbium	3,96
Draco marinus	2,15	F	
Dracunculus siue Dra-		Faba Aegyptia	2,128
contium	2,196	Faba Græca	2,127
Dryopteris	4,189	Fabrilis rubrica	5,112
E		Fæx	5,132
Ebenus	1,129	Fagus	1,144
Ebur	2,61	Fel	2,96
Echinus marinus	2,1	Ferri recrementum seu	
Echinus terrestris	2,2	scoria	5,94
Echion	4,27	Ferrugo	5,93
Elæomeli	1,37	Ferula	3,91
Elaphoboscon	3,80	Festuca	4,139
Elatarium	4,155	Fibri testes	2,26
Elatine	4,40	Fici	1,183
Elatini confectio	1,54	Ficus Cypria	1,182
Elichryson	4,57	Ficus sylvestris	1,184
Elleborites vinum	5,82	Filicula	4,183
Empetrum	4,181	Filix	4,186
Ephemerum	4,85	Filix fœminana	4,187
Epimedium	4,19	Fimus	2,98
Epipactis	4,109	Flos æris	5,88
Epithymum	4,179	Flos salis	5,129
Equisetum	4,46,47	Fœniculus	3,81
Eretria terra	5,171	Fœnigræci farina	2,124
		Fornacum terra	5,179
		Fraxinus	1,108
		Fucus	

INDEX.

• Fucus marinus	4,100	4,31	
Fuligo ex myrrha, resina & styrace	1,85	Gramen Parnassium	4,32
Fuligo pictoria	5,182	Grossi	1,185
Fumaria	4,110	Gypsum	5,134
Fungi	4,83	H	
G		Hæmatites lapis	5,144
Gagates lapis	5,146	Halimus	1,120
Galactites lapis	5,150	Hammoniacum	3,98
Galbanum	5,97	Hastula regia	2,199
Galerita	2,59	Hedera	2,210
Galiopsis	4,95	Hedera humi repens	4,126
Galla	1,146	Hedychroon	170
Gallinæ	2,52	Hedysarum	3,146
Gallium	4,96	Helenium	1,27
Garum	2,34	Helenium Aegyptium	1,28
Genitale cerui masculi	2,43	Heleoselinum	3,75
Gentiana	3,3	Helioscopius tith.	4,165
Geodes lapis	5,169	Heliotropium magnum	4,193
Geranium	3,131	Heliotropium paruum	4,194
Gingidium	2,167	Helleborum album	4,150
Gith	3,93	Helleborum nigrum	4,151
Glandes	1,145	Helxine	4,39,86
Glastus	2,215	Hemerocallis	3,137
Glaucium	3,100	Hemionitis	3,152
Glaux	4,141	Hepar asinum	2,42
Gleucini compositio	1,67	Hierabotane	4,61
Glutinum	3,101	Hieracium magnū	3,72
Glycyrrhiza	3,7		
Gnaphalium	3,132		
Gobius	2,32		
Gramen	4,30		
Gramen arundinaceum			

I N D E X.

Hieracium paruum	3.	Indicum	5,107
73		Irini spissamentum	1.
Hippace	2,80	66	
Hippocampus	2,3	ex Iride vinum	5,65
Hippolapathum	2,141	Irio	2,188
Hippomarathrum	3,82	Iris	1,3
Hippophaës	4,162	Isatis sativa	2,215
Hippophæston	4,163	Isatis sylvestris	2,216
Hippopotami testiculus		Iudaicus lapis	5,155
2,25		Iuncus	4,52
Hippofelinum	3,78	Iuncus odoratus	1,16
Hirundo	2,60	Iuniperinum vinum	5,
Holostium	4,11	46	
Hordeum	2,108	Iuniperus	1,103
Horminum	3,145	Iusculum recentium pi-	
Hyacinthus	4,63	scium	2,35
Hydrargyrum	5,110	L	
Hydromelon	5,30	Labrusca	5,2
Hydropiper	2,191	Lac	2,75
Hyoscyamus	4,69	Lac muliebre	2,78
Hypecoon	4,68	Lac schistum	2,77
Hypericum	3,171	Lacerta	2,69
Hypocistis	1,127	Lacryma oleæ Aethio-	
Hypoglosson	4,132	pica	1,141
Hyssopites vinum	5,50	Lactariæ herba	4,165
Hyssopus	3,30	Lactuca sativa	2,165
I		Lactuca sylvestris	2,166
Iaspis	5,160	Ladanum	1,128
Iberis	1,188	Lagopus	4,17
Ichthyocolla	3,102	Lampfana	2,142
Iecur aprinum	2,40	Lanæ	2,82
Iecur canis rabidi	2,49	Lanæ vstæ	2,83
Iecur caprinum	2,47	Lapathum	2,140
Iecur mergi	2,50	Lapides spongiarum	5,
Ilex	1,144	163	
		Lapis	

INDEX.

Lapis aëtites	5,161	Lentiscus	1,89
Lapis alabastrites	5,153	Leontopetalum	3,110
Lapis amiantus	5,156	Leontopodion	4,131
Lapis Arabicus	5,149	Lepidium	2,205
Lapis Asius	5,142	Lepus marinus	2,20
Lapis Gagates	5,146	Lepus terrestris	2,21
Lapis galactites	5,150	Leucacantha	3,22
Lapis geodes	5,169	Leucas	3,113
Lapis hæmatites	5,144	Leucoion	3,138
Lapis iaspis	5,160	Libanotis	3,87
Lapis Iudaicus	5,155	Libanotis coronaria	3,
Lapis magnes	5,148	89	
Lapis Melitites	5,151	Lichen	4,53
Lapis Memphites	5,158	Lichenes equorum	2,
Lapis morochthus	5,	45	
152		Ligusticum	3,58
Lapis ophites	5,162	Lilium	3,116
Lapis ostracites	5,165	Linum	2,125
Lapis Phrygius	5,141	Limonium	4,16
Lapis pyrites	5,143	Linozotis	4,191
Lapis Samius	5,173	Lithocolla	5,164
Lapis sapphirus	5,157	Lithospermon	3,158
Lapis scissilis	5,145	Lixivium ficus	1,186
Lapis selenites	5,159	Locustæ	2,57
Lapis smyris	5,166	Lolium	2,122
Lapis Thracius	5,147	Lonchitis	3,161,162
Lapis thyites	5,154	Lotus	1,171
Lathyris	4,167	Lotus AEgyptia	4,114
Laurus	1,106	Lotus sativa	4,111
Laurus Alexandrina	4,	Lotus sylvestris	4,112
147		Lupinus	2,132
Lemnia terra	5,113	Lupinus sylvestris	2,
Lens	2,129	133	
Lenticula palustris	4,88	Lychnis coronaria	3,
Lentiscinum vinū	5,38	114	

INDEX.

Lychnis sylvestris	3,115	Melantheria	5,118
Lycium	1,132	Melanthium	3,93
Lycopsis	4,26	Melia terra	5,180
Lyncurium	2,100	Melilotus	3,48
Lyfimachia	4,3	Melimela	1,161
M		Melini compositio	1,55
Macer	1,110	Melitites lapis	5,151
Mane	2,31	Melitites vinum	5,15
Magnes	5,148	Melomeli	5,29
Mala Epirotica	1,162	Memphites lapis	5,158
Mala Persica	1,164	Mendesium	1,72
Mala sylvestria	1,163	Menta sativa	3,41
Malabathrinum oleum		Menta sylvestris	3,42
1,76		Mercurialis	4,191
Malabathro vinum	5,67	Mespilus	1,169,170
Malabathrum	1,11	Metalla	5,82
Malicorium	1,153	Metallicum atramentum	
Malua	2,144	5,118	
Malum Punicum	1,151	Metopium	1,7
Malus	1,159	Meum	1,
Mandragora	4,76	Milium	2,11
Mandragorites vinum		Millefolium	4,11
5,81		Millepedæ	2,3
Marathrites vinum	5,75	Misy	5,11
Matrubium	3,119	Molibdæna	5,10
Marum	3,49	Moly	3,5
Medica	2,177	Morochthus lapis	5,15
Medica mala	1,166	Mullus	2,2
Medium	4,18	Mulfum	5,1
Medullæ	2,95	Mures	2,7
Megaliū	1,69	Muria	5,1
Mel	2,101	Mus araneus	2,
Mel Ponticum	2,103	Musculi	2,
Mel Sardoum	2,102	Muscus	1,2
		Muscus marinus	4,9
		Muste	

INDEX.

Mustela domestica	2,27	Nitrum	5,130
Myagros	4,117	Nuces auellanae	1,179
Myofotis	2,214	Nuces iuglandes	1,178
Myrica	1,116	Nymphæa	3,148, 149
Myriophyllum	4,115	O	
Myrrha	1,77	Ochra	5,108
Myrrha Bœotica	1,78	Ocimastron	4,28
è Myrrha vinum	5,65	Ocimini præparatio	1,
Myrrhis	4,116	59	
Myrsinites vinum	5,37	Ocimoides	4,28
Myrteum vinum	5,36	Ocimum	2,171
Myrtidanum	1,156	Oenagra	4,118
Myrtus	1,155	Oenanthe	3,135, 5,5
Myrtus sylvestris	4,146	Oenanthini confectio	
Mytuli	2,7	1,56	
N		Oenanthium vinum	5,
Naphtha	1,101	33	
Narcissinum	1,63	Oesypus	2,84
Narcissus	4,161	Olea	1,138
Nardinum vnguentum	1,75	Oleæ sylvestris oleum	
è Nardo Celtica vinum	5,67	1,140	
è Nardo sylvestri vinum	5,69	Oleaster	1,137
è Nardo Syriaca vinum	5,67	Oleum amygdalinum	
Nardus	1,6	1,39	
Nardus Celtica	1,7	Oleum balaninum	1,40
Nardus montana	1,8	Oleum candidum	1,32
Nascaphæthum	1,22	Oleum caryinum	1,41
Nasturtium	2,185	Oleum cicinum	1,38
Nectarites vinum	5,66	Oleum cnicinum	1,44
Nerion	4,8	Oleum commune	1,30
Nitri spuma	5,131	Oleum Gnidicum	1,43
		Oleum hyoscyaminum	
		1,42	
		Oleum laurinum	1,49
		Oleum lentiscinum	1,50

¶. iii.

орыза

INDEX.

● Pedicularis herba	4,156	Pix spissa, siue arida	1,
Peplis	4,169	97	
Peplos	4,168	Plantago	2,153
Pepo	2,164	Platanus	1,107
Periclymenon	4,14	Platyphyllos tithym.	4,
Peristereon	4,60	165	
Persea	1,187	Plumbago	5,100
Personata	4,107	Plumbarius lapis	5,98
Petasites	4,108	Plumbi lotura	5,95
Petroselinum	3,77	Plumbi scoria	5,97
Peucedanum	3,92	Plumbum vstum	5,96
Phalangium	3,122	Pnigitis terra	5,177
Phalaris	3,159	Polemonia	4,8
Phasiolus	2,130	Polium	3,124
Phillyrea	1,125	Polycnemon	3,108
Phœnicea herba	4,43	Polygala	4,142
Phrygius lapis	5,141	Polygonatum	4,6
Phthorium vinum	5,77	Polygonum fœmina	4,5
Phu	1,10	Polygonon mas	4,4
Phyllitis	3,121	Polypodium	4,188
Phyllon	3,140	Pompholyx	5,85
Phyteuma	4,130	Populus alba	1,109
Picatum vinum	5,48	Populus nigra	1,113
Picinum oleum	1,95	Porrum	2,179
Picis liquide fuligo	1,96	Portulaca	2,150
Pingue aromatibus vt		Portulaca syluestris	2,
imbuatur	2,91	151	
Pinus	1,86	Potamogeton	4,101
Piper	2,189	Poterium	3,17
è Pipere vinum	5,65	Praefites vinum	5,58
Pissasphaltum	1,100	Propolis	2,106
Pistacia	1,177	Prunus	1,174
Pityides	1,87	Pseudobunium	4,125
Pityusa	4,166	Pseudodiētannum	3,38
Pix liquida	2,94	Pforicum	5,116

INDEX.

Psyllium	4,70	Rha	3,2
Ptarmica	2,192	Rhamnus	1,119
è Pulegio vinum	5,62	Rhaphanus	2,137
Pulegium	3,36	Rhodites vinum	5,35
Pulmo marinus	2,39	Rhoites vinum	5,34
Pulmo suillus	2,40	Rhus	1,147
Pulmo vulpinus	2,41	Ricinus	4,164
Pumex	5,125	Rosa	1,130
Purpura	2,4	Rosacei præparatio	1,
Pycnocomon	4,76	53.	
Pyrethrum	3,86	Rosei pastilli	1,131
Pyrites lapis	5,143	Rubia	3,160
Pyrum	1,167	Rubigo ferri	5,93
Pyrum sylvestre	1,168	Rubrica fabrilis	5,112
		Rubrica Sinopica	5,111
Quercus	1,142	Rubus canis	1,123
Quinquefolium	4,42	Rubus	4,37
		Rubus Idæus	4,38
R		Rumex	2,140
Radicula	2,137, 193	Ruscus	4,146
Radicula sylvestris	2,	Ruta	3,52
138		Ruta sylvestris	3,53
Radix Idæa	4,44		
Radix Rhodia	4,45	S	
Rana	2,28	Sabina	1,104
Ranunculus	2,206	Saccharum	2,104
Rapum	2,134	Sagapenum	3,95
Rapum sylvestre	2,135	Sal	5,126
Rasilis ærugo	5,91	è Salis flore vinum	5,76
Recrementum ferri	5,	Salis flos	5,129
94		Salis spuma	5,127
Resina lentiscina	1,90	Salamandra	2,67
Resina variæ	1,92	Saliuaria herba	3,86
Resina vrendæ modus,		Salix	1,136
eiúsque fuligo	1,93	Salsugo	5,128
Resinatum vinum	5,43	Salvia	3,40
		è Sal-	

INDEX.

● Salvia vinum	5,71	Scorpio terrestris	2,13
Sambucus	4,174	Scorpioides	4,195
Sambucus humilis	4,	Scorpius marinus	2,14
175		Selenites lapis	5, 159
Samia terra	5,172	Selinites vinum	5, 74
Samius lapis	5,173	Selinusia terra	5,175
Sampfuchini compo-		Semperuium magnum	
sition	1,58	4,89	
Sampfuchum	3,47	Semperuium paruum	
Sandaracha	5,122	4,90	
Sanguis	2,97	Semperuium tertium	
Sapphirus lapis	5,157	4,91	
Sarcocolla	3,99	Senecio	4,97
Sarmentitius cinis	5,135	Sepia	2,23
Satyrum	3,143	Seps	2,70
Satyrum erythronium		Seris	2,160
3,144		Serpyllum	3,46
Scammonia	4,171	Sertula Campana	3,48
Scammonites vinum	5,	Serum lactis	2,76
83		Sesamoides magnum	4,
Scandix	2,168	152	
Schistus lapis	5,145	Sesamoides paruum	4,
Scilla	2,202	153	
Scillinum acetum	5,25	Sesamum	2,121
Scillinum vinum	5,26	Seseli AEthiopicum	3,
Scincus	2,71	61	
Scissilis lapis	5,145	Seseli Mafsiliense	3,60
Scolecia ærugo	5,92	Seseli Peloponnesense	3,
Scolopendra	2,16	62	
Scolymus	3,16	Seuum bubulum	2,89
Scordium	3,125	Seuum hircinum, ouil-	
Scoria argenti	5,101	lum & ceruinum	2,
Scoria ferri	5,94	88	
Scoria plumbi	5,97	Sideritis	4,33,34,35
Scordoprason	2,183	Siliquæ	1,158

INDEX.

Silphium	3,94	Spongiz	5,138
Silurus	2,29	Spongiarum lapides	5,
Silybum	4,159	163	
Sinapi	2,184	Spuma argenti	5,102
Sinopica rubrica	5,111	Spuma maris arida	5,127
Sifer	2,139	Spuma nitri	5,131
Sison	3,64	Spuma salis	5,127
Sisymbrium	2,155,156	Squama æris	5,89
Sium	2,154	Squama Stomomatis	5,
Smaris	2,30	90	
Smilax aspera	4,44	Stacte	1,73
Smilax hortenſis	2,176	Stachys	3,120
Smilax lævis	4,145	Staphisagria	4,156
Smyris	5,166	Stibium	5,99
Smyrnium	3,79	Stæbe	4,12
Solanum halicacabum		Stæchadites acetum	5,53
4,72		Stæchadites vinum	5,52
Solanum hortenſe	4,71	Stæchas	3,31
Solanum manicum, siue		Stomomatis squama	5,
furiale	4,74	90	
Solanum somnificum	4,	Stratiotes	4,102
73		Strationes millefolius	4,
Solaris herba maior	4,	103	
193		Strigmenta à balneis	1,
Soleæ veteres	2,51	34	
Sonchus	2,159	Strigmenta gymnastiorū	
Sorba	1,173	1,36	
Sory	5,119	Strigmenta palæstrica	1,
Sparganium	4,21	35	
Spattium	4,158	Strobili	1,88
Sphondylium	3,90	Strobilites vinum	5,44
Spina acuta	1,122	Struthium	2,193
Spina alba	3,14	Styrax	1,79
Spina Arabica	3,15	Sulphur	5,124
Spodi succedanea	5,86	Susini compositio	1,62
		Sute-	

INDEX.


Sutorium atramentum	5,114	Thracius lapis	5,147
5,114		Thuris cortex	1,82
è Sycomoris vinum	5,42	Thuris fuligo	1,84
Sycomorus	1,181	Thuris manna	1,83
Symphytum petraeum	4,9,10	Thus	1,81
		Thyites lapis	5,154
T		Thymbra	3,45
Talus suillus	2,62	Thymbrites vinum	5,60
Tamarix	1,116	Thymelea	4,173
Taxus	4,80	Thymelaites vinum	5,78
Telephium	2,217	Thymites vinum	5,50
Telini compositio	1,57	Thymoxalme	5,24
Tellinae	2,8	Thymum	3,44
Terebinthinum vinum	5,39	Tithymali	4,165
Terebinthus	1,91	Tithymalus foemina	4,165
Terra	5,170		
Terra ampelitis	5,181	Tordylium	3,63
Terra Chia	5,174	Torpedo	2,17
Terra Cimolia	5,176	Tragacantha	3,23
Terra Eretria	5,171	Tragium	4,49,50
Terra fornacum	5,179	Tragoriganites vinum	5,55
Terra Lemnia	5,113	Tragoriganum	3,35
Terra Melia	5,180	Tragos	2,115
Terra Pnigitis	5,177	Tragus	4,51
Terra Samia	5,172	Tribulus	4,15
Terra Selinusia	3,175	Trichomanes	4,137
Testae	5,178	Trifolium	3,123
Testiculus	3,141,142	Tripolium	4,135
Teucrium	3,111	Triffago	3,112
Thalassomeli	5,20	Triticum	2,107
Thaliectrum	4,98	Tuber	2,175
Thapsia	4,157	Tussilage	3,126
Thelypteris	4,187	Typha	3,133
Thlaspi	2,186		

INDEX.

V		
Veratrum album	4,150	Vinū chamædryites 5,57
Veratrum nigrum	4,151	Vinum chamæpityinum
Verbascum	4,104	5,80
Verbenaca recta	4,60	Vinum chamelaites 5,9
Verbenaca supina	4,61	Vinum conyzites 5,63
Vermes terreni	2,72	Vinum cydonites 5,28
Vettonica	4,1	Vinum daucites 5,70
Vini natura pro ætatis		Vinum dictamnites 5,57
ratione 5, coloris 5,8.		Vinum elleborites 5,82
pro saporum, eorum-		Vinum hyssopites 5,50
que quæ illi miscen-		Vinum ex iride 5,65
tur, differentia 5,9.		Vinum iuniperinum 5,
pro locorum differen-		46
tia 5,10. pro vini ge-		Vinum è labrusca expref-
nerum facultate 5,12		sum 5,14
Vinum abortiuum	5,77	Vinum è malabathro 5,
Vinum ex abrotono	5,	67
62		Vinum lentiscinū 5,38
Vinum absinthites	5,49	Vinum mandragorites
Vinum acorites	5,73	5,81
Vinum adynamum	5,13	Vinum marathrites 5,75
Vinum anethinum	5,75	Vinum melitites 5,15
Vinum apite	5,32	Vinum ex myrrha 5,65
Vinum aqua marina fa-		Vinum myrsinites 5,37
ctum	5,27	Vinum myrteum 5,36
Vinum aromatites	5,64	Vinum è nardo Celtica
Vinum asarites	5,68	5,67
Vinum è betonica	5,54	Vinum è nardo syluestri
Vinum bunites	5,56	5,69
Vinum è calamintha	5,	Vinum è nardo Syriaca
62		5,67
Vinum catorchites	5,41	Vinum nectarites 5,66
Vinum cedrinum	5,45	Vinum œnanthinum 5,
Vinum cedrites	5,47	33
		Vinum organites 5,61
		Vinum

INDEX.

● Vinū palmeum	5,39,40	rea	4,122
Vinum panacites	5,72	Vipera	2,18
Vinum phthorium	5,77	Viscus	3,103
Vinum picatum	5,48	Vitex	1,135
Vinum è pipere	5,65	Vitis alba	4,184
Vinum prasites	5,58	Vitis nigra	4,185
Vinum è pulegio	5,62	Vitis sylvestris	4,183,5,2
Vinum refinatum	5,43	Vitis vinifera	5,1
Vinum rhodites	5,35	Vlmus	1,111
Vinum rhoites	5,34	Vmbilicus Veneris	4,
Vinum è salis flore	5,76	92,93	
Vinum è salvia	5,71	Vnguentorum compo-	
Vinum scammonites	5,	sitio	1,52
83		Vnguis	2,10
Vinum scillinum	5,26	Vngulæ asinorum	2,44
Vinum secundarium	5,13	Vngulæ caprinæ	2,46
Vinum selinites	5,74	Vrina	2,99
Vinum stæchadites	5,52	Vrtica	4,94
Vinum strobilites	5,44	Vua	5,3
Vinum è sycomoris	5,42	Vua passa	5,4
Vinum terebinthinum		X	
5,39		Xanthium	4,138
Vinum thymbrites	5,60	Xiphion	4,20
Vinum thymelaïtes	5,78	Xyris	4,22
Vinum thymites	5,59	Z	
Vinum tragoriganites		Zea	2,111
5,55		Zingiber	2,190
Viola alba	3,138	Zopiffa	1,98
Viola nigra seu purpu-		Zythum	2,109




ELENCHVS CAPITVM QVÆ
in Alexipharmacis continentur.

Præfatio.		De Cerussa.	C. XXII.
De Cantharidibus.	CAP. I.	De Fungis.	C. XXIII.
De Pinorum eruca.	C. II.	De Gypso.	C. XXIIII.
De Bupreste.	C. III.	De Taurino sanguine.	C.
De Salamandra.	C. II II.		XXV.
De Ephemero.	C. V.	De lacte intus coagulato.	C. XXVI.
De Dorynio.	C. VI.		
De Aconito.	C. VII.	De Argenti spuma.	C.
De melle Heraclio.	C. VIII.		XXVII.
De Coriandro.	C. IX.	De Argento vino.	C.
De Psyllio.	C. X.		XXVIII.
De Cicuta.	C. XI.	De Calce Sandaracha, & Auripigmento.	C.
De Taxo.	C. XII.		XXIX.
De Carpassi liquore.	C.	De Lepore marino.	C.
	XIII.		XXX.
De Sardonis herba.	C.	De Rubeta & rana pala- stri.	C. XXXI.
	XIIII.	De Hirudine.	C. XXXII.
De Hyoscyamo.	C. XV.	De Veratro albo, thepsia, elaterio, & quibusdam alijs.	C. XXXIII.
De Mandragora.	C. XVI.	De aqua frigida & cæteris quæ itidē nobis domestica & in quotidiano vitæ vfu sunt.	C. XXXIIII.
De Papaueris liquore.	C.		
	XVII.		
De Cornuto Papauere.	C.		
	XVIII.		
De Pharico.	C. XIX.		
De Toxico.	C. XX.		
De Ixia.	C. XXI.		

ELEN-

● **SEPTENTRIONIS**
ELENCHVS CAPITVM QVA
in Theriacis continentur.

<i>Præfatio.</i>	<i>morsorum.</i>	C. XX.
<i>Signa rabiosi canis, eorumque qui ab eo demorfi fuerint.</i>	<i>Curatio à Phalangijs morsorum.</i>	C. XXI.
<i>Morsus rabidi canis particularia remedia.</i>	<i>Curatio demorsorum à scolopendra.</i>	C. XXII.
<i>Vitæ ratio demorsorum à cane rabioso.</i>	<i>De Scorpionis ictu.</i>	C. XXIII.
<i>De Phalangijs.</i>	<i>De Pastinacæ marinæ ictu.</i>	C. XXIII.
<i>De Scolopendra.</i>	<i>De marinorum scorpionis draconisque ictibus.</i>	C. XXV.
<i>De Scorpione.</i>	<i>De Muris aranei morsu.</i>	C. XXVI.
<i>De Pastinacæ marinæ.</i>	<i>De Vipera morsu.</i>	C. XXVII.
<i>De Mure araneo.</i>	<i>De Amphibana morsu.</i>	C. XXVII.
<i>De Vipera.</i>	<i>De morsu Dryini.</i>	C. XXIX.
<i>De Scytalæ & Amphibana.</i>	<i>De morsu tñ Hemorrhoidis tñ etiā Dipsadis.</i>	C. XXX.
<i>De Dryina.</i>	<i>De morsu Natricis.</i>	C. XXXI.
<i>De Hemorrhoidis.</i>	<i>De Cenchridij morsu.</i>	C. XXXII.
<i>De Dipsade.</i>	<i>De morsu Cerastræ.</i>	C. XXXIII.
<i>De Natrice.</i>	<i>De Aspidis morsu.</i>	C. XXXIII.
<i>De Cenchro.</i>	<i>De Basilisci morsu.</i>	C. XXXIV.
<i>De Cerastræ.</i>		
<i>De Aspide.</i>		
<i>De Basilisco.</i>		
<i>Communis vulnerum à venenatis animantibus inflistorum curatio.</i>		
<i>Curatio à vespu & apibus</i>		






PEDACII DIO-
SCORIDIS ANAZAR-
bæi De Medica materia
Liber I.

IANO ANTONIO SARA-
CENO, LVGDVNAEO,
INTERPRETE.

Præfatio.

VONIAM, amicissime
Aree, conscribere multi,
non modò veteres, sed &
recentiores, de medicamen-
torum cùm præparatione,
tum etiam facultate atque
examine: demonstrare tibi conabor, me
neque frustra, neque citra rationem ad hanc
commentationem impulsus fuisse: quòd
ex iis ipsis alij nihil absolutum relique-
rint: alij pleraque ex narratione descripse-
rint. Enimuero Iolas Bithynus & Heracli-
des Tarentinus, prorsum omissa, herbarum
A. j.

tractatione, rem ipsam leuiter ac paucis at-
tigerunt: quin neque metallicorum aro-
matumve omnium meminerunt. Crateuas
autem herbarius & Andreas medicus (qui
quidem accuratius quam reliqui hac in par-
te versati existimantur) radices multas ap-
primè vtilis, herbasque nonnullas non sa-
tis designatas reliquerunt. Veruntamen pri-
scis, et si pauca tradiderint, adhibita nihilo-
minus in iis ipsis accuratæ solertiæ testimo-
niū reddi par est. At minùs probandi recen-
tiores, (quo in numero sunt, Iulius Bassus, Ni-
ceratus, Petronius, Niger & Diodotus, Af-
clepiadæ omnes) quippe qui vulgatā & vni-
cuique cognitā materiā quadantenus accu-
rata descriptione dignati sint: medicamentor-
um verò facultates & examina cursim tra-
diderint, ac minimè vim eorum ad expe-
rientiæ normam examinantes, sed inania
in assignandis causis verba funditantes, sin-
gula in controuersiarum aceruum extule-
runt: præterquam quòd alia pro aliis descri-
pserunt. Siquidem Niger, qui inter eos exi-
mius censetur, euphorbium esse chamelææ
in Italia nascentis succum asserit: vt & an-
drosæmon, cum hyperico vnum & idem ef-
se: quinetiam aloë in Iudæa fossilem na-
sci, aliæque plurima hisce similia prodit, ma-
nifestò falsa. Quæ quidem argumento sunt,
ea non

LIBER I.

• ea non ex oculata fide, sed accepta potius ex
 auditu ab aliis narratione, ab illo tradita
 fuisse. Porro etiam in ordine peccarunt: dñ
 alij nulla facultatis cognatione iuncta me-
 dicamina consociarunt, alij ordinem modò
 elemētorū secuti, eorū tum genera tū vires à
 sua cognatione ita disīxerūt, vt vel hāc vnā
 ob causam difficilius memoriæ mādari pos-
 sint. Nos verò à primis, vt ita dicā, annis iugi
 quodā pernoscēdæ materiæ desiderio capti,
 postquā terras multas obuiimus (nec enim
 militare vitā egisse nos ignoras) cōmētatio-
 nē quinque libris cōprehensam te hortāte
 exarauimus: cui etiam opus ipsum dedica-
 mus, gratum tuæque erga nos beneuolen-
 tiæ deb. tum implentes officium. Etenim,
 quæ tua est natura, cūm omnibus doctrina
 excultis, tum verò maximè iis qui tecum
 eandem artem faciunt, ac nobis etiam ali-
 quantò peculiariùs, te ipsum familiarem ex-
 hibes. Neque verò paruo est ad tuam mo-
 ram integritatem argumento viri optimi
 Licinij Balli insigne erga te studium, sat no-
 bis perspectum, cūm vna vobiscum agere-
 mus, mutuamque inter vos beneuolentiam
 æmulatione dignam obseruaremus. Cæte-
 rum te & quotquot alij estis hosce lecturi
 commentarios, rogatos velimus, vt ne ad
 nostrum dicendi genus attendatis, sed ad
 A. ij.

4 DIOSCORIDIS

eam potius quæ rebus est adhibita cum peritia industriam. Cum enim maxima cum cura diligentiaque accurata, plurima quidem oculata fide cognouerimus, alia verò partim ex concordia apud omnes historia, partim ex eorum indagatione quæ apud singulos essent domestica atque vernacula perdidicerimus: dabimus certè operam ut & diuerso ab aliis utamur ordine, & tum genera tum vires vniuscuiusque medicamento accuratè describamus. Porro tractatum de medicamentis esse necessarium nulli non est in cōfesso, quandoquidem arti toti coniunctus est, eiúsque partibus omnibus incomparabile præstat auxilium: insuperque ars ipsa per illorū præparationes ac misturas, eorundemque in morbis experimenta, incrementum capere potest, plurimum ad id cōferente singulorū medicaminum notitia. Familiarem verò vulgatamque materiam etiam complectemur, quò scriptum euadat numeris omnibus absolutum. Igitur ante omnia danda est opera, ut suis quæque temporibus singula tum legantur, tum etiam reponantur. Nam ad horum rationem medicamenta vel sunt efficacia, vel penitus exolescunt. Si quidem serena cœli constitutione legere illa oportet: neque parui refert, siccane an pluuia tempestate colligantur. Illud quoque multum

LIBER I.

tum interest, an loca sint montosa, edita, perflabilia, frigida, arida & siticulosa. His enim in locis medicamentorum vires maiores validioresque habentur. At quæ in campestribus, vliginosis, vmbrosis, ac vento minimè peruiis enascuntur, vtplurimum effectu viribúque sunt infirmioribus, multoque magis si nec suo tempore nec opportunè collecta fuerint, aut etiam per infirmitatem intabuerint. Sed nec illud ignorandum est, ea sæpenumero pro loci proprietate & anni temperatura citius tardiúsve adolescere. Nonnulla quoque per hyemem propria peculiarique vi flores foliaque proferunt: sunt & quædam bis anno florifera. Porro cni in animo est horum peritiam assequi, eum oportet tum primo germinatu è terra erumpentibus, tum adultis, atque etiam flaccescentibus adesse. Nec enim qui tantummodo pullulanti herbæ affiterit, eandem adultam nosse poterit, nec qui adultam viderit, recens ex terra emergentem agnoscat. Quo fit vt propter mutatam foliorum faciem, ac caulium, florum fructuumque magnitudinem & id genus alias peculiares notas, magno in errore interdum versentur, qui non ita studiosè singula fuere contemplati. Hancque ipsam ob causam in eum errorem quidam scriptores impulsí fuere, vt nonnulla neque

A. iij.

flores neque caulem neque semen producere asseruerint: veluti de gramine, tussilagine & quinquefolio proditum est. Ergo qui sepius ac multis in locis illa obseruauerit, eorum etiam cognitionem maximè consequetur. Quin & illud scire conuenit, sola ex herbarum medicaminibus veratrum album & nigrum in multos annos perdurare: reliqua verò, maxima ex parte donec trimatum excefferint, esse ad vsum accommodata. Quæ verò fruticosa sunt, vti stœchas, tristrago, polium, abrotonum, seriphium, absinthium, hyssopum & id genus alia, dum semine prægnant, colligenda sunt: flores autem, antea quàm sponte decidant. At fructus maturos decerpere oportet, vt & semina, cum primùm siccari cœperint, priusquàm in terram defluant. Sic & herbarum æquè ac foliorum succi, recens germinantibus cauliculis eliciendi sunt. Liquores autem & lacrymæ excipiendæ, incisis caulibus iam adultis. Quæ verò radices asseruandæ sunt, aut è quibus exprimi succi, corticisve auferri debent, eas eruere conuenit, cum primùm herbæ folia amittere cœperint. Ac eas quidem quæ mundè videbuntur, ex tempore siccis locis exiccare: quæ verò terra lutòve fuerint obsitæ, aqua prius eluere oportet. Flores autem & quæcunque odorata fuerint,

rint, capsulis tiliaceis minimè humectis reponantur. Sunt & qui chartis foliisve ad seminum conseruationem vtiliter inuoluantur. Cæterum liquidis medicamentis conueniet materia quæuis densior: qualis est argentea, vitrea aut cornea. Quin & fictilis, si modò rara non sit, accommodatur: itémq; lignea, eaque potissimum quæ ex buxo paratur. Aptæ verò erunt ænea vascula medicamentis oculariis ac liquidis, iisque omnibus quæ ex aceto, pice liquida aut cedria componuntur. Adipes autem ac medullas stanneis vasis recondi oportet.

De Iride. CAP. I.

IRIS à cœlestis arcus similitudine nomen obtinuit. Folia fert gladiolo similia, sed maiora, latiora & pinguiora: flores verò in caule ita è regione inter se collocatos, vt sibi mutuo respondeant, reflexos ac varios. Partim enim albi, partim pallētes, partim nigri, partim purpurei, partim deniq; cœrulei conspiciuntur. Atq; adeò propter hanc varietatē factū est, vt planta ipsa iridi cœlesti assimilata fuerit. Radices subiacent geniculate, solidæ, odoratæ: quas incisas in vmbra siccari, tandémq; lineo filo traiici, atq; ita recōdi oportet. Est porrò præstātor Illyrica & Macedonica: ac inter has ipsas optima, cui desca radix

A. iiii.

est, quasi decurtata, frangenti contumax, colore subfuluo, perquam odorata, gustu amariore, odore sincero, quæque situm non redolet, ac inter tundendum sternutamenta ciet. Secundum verò quoad vires locum obtinet Africana, colore alba, gustu amara. Veterascētes teredinum iniuriam sentiunt: tunc tamen odoratiores reddi solent. Cæterum vim habent omnes excalfactoriam, attenuantem, & contra tusses efficacem, ut quæ humores ægrè excreabiles attenuent. Crassos biliososque humores ex multa septem drachmarum pondere potæ purgant: somnum quoque conciliant, lacrymasque cient, & torminibus medentur. Eadem ex aceto potæ venenatorum moribus auxiliantur: itémque lienosis, conuulsis, perfrigeratis aut rigentibus, iisque quibus genitura effluit: ex vino verò bibitæ, menses ducunt. Sed & earum decoctum ad muliebres fetus est accommodatum: quippe quod locos emolliat & aperiat: nec minùs idoneum ad ischiadicorum infusa, itémque ad ea medicamenta quæ fistulas & sinus carne explent. Radices ipsæ cum melle collyrij in modum subditæ, foetus extrahunt. Coctæ verò & admotæ, strumas inueteratosque scirrhus emolliunt. Siccæ eadem ac tritæ ulcera implent, & cum melle expurgant, os-
saque

•saque nudata carne operiunt. Conferunt & ad capitis dolores, ex aceto & rosaceo applicitæ: lentigines & maculas à Solis ardore contractas exterunt, cum veratro albo & duplo melle illitæ. Induntur & pessis, malagmatis & acopis: ac in vniuersum ad multa sunt vtilissimæ.

De Acoro.

CAP. II.

ACORVM folia habet iridis æmula, at tamen angustiora, radicésque non dissimiles, verum implicitas, neque in rectum actas, sed obliquas & in summa terræ superficie sparsas, geniculis interceptas, subalidas, gustu acres & odore non ingratas. Præstat verò densum, album, carie non exesum, plenum & odoratum. Huiusmodi autem est quod in Colchide nascitur, quodq; ex Galatia aduectum Asplenium dicitur.

Vim habet radix calfactoriam: potumq; eius decoctum vrinas ciet, lateris, thoracis, hepatisque doloribus subuenit: itémq; torminibus, ruptis, conuulsis. Lienes absomit: iuuat & eos quibus substillum est lotium, & à beluis venenatis demorsos: ac in sessu tanquam iris ad muliebria conducit. Succus radicis ea, quæ pupillæ officiunt caliginemq; offundunt, discutit. Vtiliter etiam ipsa radix antidotis immiscetur.

MEVUM, quod Athamaticum cognominatur, plurimum in Macedonia & Hispania nascitur, caule foliisque anetho simile, sed eo ipso crassius, ad duos aliquando cubitos assurgens: sparsis ima parte radicibus tenuibus, partim obliquis, partim etiam rectis, longis, odoratis & linguam excalfacientibus. Hæ in aqua decoctæ, aut etiam citra cocturam ad læuorem tritæ, vitia ex vesicæ renūque angustis orta potu leniunt, & urinae difficultati conducunt: itēque stomachi inflationibus, torminibus, vterinis affectibus, & articulorum doloribus. Thoraci quoque fluxione laboranti eclegmatis instar cum melle tritæ auxiliantur. Earundem decoctum infessu sanguinem per menstrua pellit. Infantium autem imo ventri illitæ, urinas mouent. Quod si Meum largiūis quā oporteat ebibatur, capitis dolorem conciliat.

CYPERVM nonnulli æquē atque aspalathum, erysisceptrum nominant. Folia [ima] fert porro similia, sed longiora & exiliora: caulem verò cubitalem aut etiam maiorem, angulosum, iunco similem: cuius in cacumine minuta folia sese proferunt, inter quæ est semen. Radices subiacent, quarum

[quarum etiam vsus est] oblonge instar oliuarum, inter se cohærentes, aut etiam rotundæ, nigræ, odoratæ, amarulentæ. Nascitur in locis cultis iuxta atque palustribus. Optima radix quæ grauissima est, densa, plena, ægrè fragilis, aspera & odorata cum quadam acrimonia. Huiusmodi verò censetur Cilicia, itémque Syriaca, & quæ à Cycladibus insulis petitur. Vis ei excalfaciendi, vaporum oscula recludendi, & vrinas mouendi. Calculosis & hydropicis pota auxilio est, vt & à scorpione ictis. Quin & vuluæ perfrigerationibus & obstructionibus fotu accommodatur, mensesque euocat. Sicca & ad læuorem trita facit ad oris vlcera, etiam depascentia. Miscetur & malagmatis calfacientibus, & ad vnguentorum spissamenta aptatur. Memoratur & altera Cyperi species, quæ in India nascitur, zingiberis effigie: quæ commanducata croci vim reddere & amarore prædita esse animaduertitur. Illita verò, pilos quamprimum aufert.

De Cardamomo. CAP. V.

CARDAMOMVM præstantissimum censetur, quod ex Comagene, Armenia & Bosphoro importatur. In India quoque & Arabia prouenit Eligito quod est frangenti contumax, plenum, occlusum (quod enim tale non est, exoletum iudicatur) & caput

odore tentans, gustu acre & subamarum. Vim habet calfactoriam. Ex aqua potum facit ad epilepticos, tussientes, ischiadicos, paralytim, rupta, conuulsa, tormina: & latum lumbricum expellit. Confert autem ex vino epotum renum vitio laborantibus, difficulter meientibus, à scorpione iectis, omnibûsque quos virulenta animantia venenis appetiuerunt. Cum lauri verò radicis cortice drachmæ pondere bibitum, calculos comminuit: nec non fœtus suffitum enecat, & pforas ex aceto illitum aufert. Quin & ad spissamenta vnguentorum aliasque antidotos additur.

De Nardo.

CAP. VI.

NARDI duo sunt genera. vna siquidem Indica, altera Syriaca nuncupatur: nō quod in Syria inueniatur, sed quod montis in quo nascitur, pars vna Syriam, altera Indos spectet. Ac in eius quidem, quæ Syriaca dicitur, genere præstantior ea censetur, quæ recens est, leuis, comosa, colore flauo, perquam odorata, quæque præterquam quod odore cyperum imitatur, breuem habet spicam, gustu est amaro linguamque maximè ficcante, ac in sua odoris gratia diutinè permanet. Ex Indicæ verò nardi genere est quæ Gangetica dicitur, à fluuio quodam Gange nominato, qui montem, ad cuius radices ea nascitur,

nasceatur, præterfluit. Hæc viribus est infirmioribus, quòd in locis aquosis proueniat, estque procerior, atque complures habet spicas ab eadem radice tum comosas, tum sibi inuicem circumuolutas, virúsque redolentes. At quæ in editiore montis parte legitur, odoratiores est, pusillásque habet spicas, iucundúmque cyperi odorem æmuletur, ac cæteras habet in se dotes, quas & Syriaca cognominata. Est & quædam, cui Samphariticæ nomen à loco inditum est, admodum pusilla, attamen magnas habēs spicas, inter quas medius interdum prorumpit caulis, candidior & supramodum hircum olēs. Hanc damnare in totū oportet. Venditur & madefacta: sed huiusmodi vitiū ex eo deprehenditur, quòd cādida sit spica, squalida, nullaq; obsita lanugine. Adulteratur inspirato stibio cum aqua aut vino palmeo, quò videlicet magis compacta ponderosiorque appareat. Vñs tempore si quod lutum radicibus hæserit, id ipsū auferre oportet, vt & puluerem cribro incernere, qui quidem ad aquam eluendis manibus dicatam accommodatur. Vim habent excalfaciendi, exiccandi, vrinásque ciendi. Quamobrem & alium epotæ sistunt, & appositæ, ex vtero fluxiones sanienque compescunt. Ex frigida verò potē, nausæ & stomachi rosionibus

auxiliantur: itémque iis qui à flatibus exagitantur, hepaticis, iëtericis atque nephriticis. Aquæ autem incoctæ, seu foru seu infusu vuluæ inflammationibus medentur. Faciunt & ad superfluo humore redundantes oculorum palpebras, dum ipsa cilia astringunt & condensant. Quin & siccæ, humentibus corporibus ad summouendam graueolentiam vtiliter insperguntur. Miscentur etiam antidotis. Porro ad ocularia quoque medicamenta vsque ad summum lauorem trita & cum vino in pastillos conformata, vase nouo non picato reconduntur.

De Nardo Celtica.

CAP. VII.

Celtica Nardus nascitur quidem in Liguria Alpibus, vernaculo sermone Gallica dicta, sed & in Istria prouenit. Est verò pusillus breuisque frutex, qui cum radicibus in manuales fasciculos colligitur: foliis oblongis, subflauis, flore luteo. Caulium & radicum duntaxat vsus est & odoris suauitas. Quare pridie aspersos aqua fasciculos, amoto terreni si quod inhæserit, in humidiore solo supposita prius charta insternere oportet, ac postridie repurgare: siquidem utile cum aceroso & alieno minimè propter humoris vim excutitur. Adulteratur autem herba persimili, quæ vnà cum ea vellitur, quamque propter virosi odorem, hirculum.

lum nominant. Facile verò est hanc ab illa
internoscere: quandoquidem herba est cau-
lis expers & candidior, minùsque oblongis
prædita foliis: quin neq; radicē habet ama-
rā aut aromaticam, quemadmodū legitima
nardus. Itaque abiectis foliis cauliculos ra-
dicēsque seponit: ac siquidem ad vsum re-
ponere volueris, tritos vino excipito, tan-
dēque ex iis concinnatos pastillos fictili
vasē nouo ac diligenter operculato reserua.
Optima verò censetur, quæ recens est & o-
dorata, radicoſa, plena minimēque fragilis.
Iisdem quibus & Syriaca viribus pollet: sed
& valentiùs vrinas ciet, & stomacho est ac-
commodatior. Iecoris inflammationibus
suffusisq; felle auxiliatur: itēque ventri-
culi inflationibus, cum absinthij decocto
pota. Eodem planē modo valet & ad lienis,
vesicæ renūque vitia: itēque ex vino, ad
venenatorum morsus. Caterum additur e-
tiam in malagmata, potiones & vnguenta
calfacientia.

De Nardo montana. CAP. VIII.

Nardus montana, quæ à quibusdam thy-
lacitis & neris appellatur, in Cilicia & Syria
nascitur, foliis & caulibus eryngio simili-
bus: sed minoribus, non tamen alperis & a-
culeatis. Radices subiacent nigrae, odoratae,
binæ pluresve, ceu hastulae regiae, sed grac-

liores longéque minores. Neque verò caulem neque fructum, neque florem diu sustinet. Valer ad eadem omnia radix, ad quæ & Celtica nardus.

De Asaro. CAP. IX.

ASARVM aliqui sylvestre nardum appellant. Folia habet hederæ, sed densiora multò & rotundiora: florem inter folia iuxta radicem, cæruleum, hyoscyami cytinum referentem, in quo semen acini nucleo simile. Radices subiacent numerosæ, geniculatæ, tenues, obliquæ, gramine similes, longè tamen graciliores & odoratæ: quæ quidè linguâ excalfaciūt, valdèq; mordent.

Calfaciendi, vrinas vomitumque ciendi vi præditæ sunt: ideoque hydropicis & inueteratæ ischiadi profunt, ac menses quoque proliciunt. Senis drachmis ex mulsâ bibitæ radices, veratri albi modo purgant. Miscentur & vnguentis. Prouenit autem asarum in opacis montibus: plurimum verò in Ponto, Phrygia, Illyrico & Vestino Italiæ agro.

De Phu. CAP. X.

PHV, quod & ipsum aliqui sylvestre nardum appellant, in Ponto nascitur, foliaque profert elaphobosco aut oleri atro similia: caulem cubitalem, aut etiam maiorem,

• rem, læuem, mollem, purpurascentem, in medio cauum, geniculis interceptum. Flores ad narcissos proximè accedunt, sed & minores sunt & teneriores, & in albicante colore purpurei. Radix superiore quidem sui parte digiti parui crassitudinem fermè æquat, sed habet ex obliquo capillamenta iunci aut veratri nigri instar invicem implicata, flavescentia, odorata, atque adeo odore nardum æmulantia, cum virosa quadam grauitate. Trita potui data, calfaciendi vrinaeque mouendi vim habet. Eius verò decoctum & idipsum præstare potest, & ad lateris dolorem est efficax, mensèsque cit, & antidotis inseritur. Adulteratur rusci radicibus admista: sed facile est illas dignoscere: sunt enim duræ & frangi contumaces, citra gratiam odoris vllam.

De Malabathro.

CAP. XI.

MALABATHRVM nonnulli nardi Indicæ folium esse arbitrantur, odoris quadam cognatione decepti: sunt enim multa odore nardo similia, veluti phu, asarum, neris. Secus autem se res habet. Etenim peculiare genus est, quod in paludibus Indicis gignitur. Folium id est, quod lentis palustris modo aquæ innatat, nulla fultum radice. Idipsum collectum statim lino traicitur, siccatumque reconditur. Aiunt &

B. j.

aqua per æstiuos ardores exiccata cremiis
fomitibusve aridis terram peruri : atque id
nisi fiat, non ampliùs renasci. Laudatur re-
cens & in nigrore quodam albicans, mini-
mè fragile, integrum, nares odore feriens,
illiùsque suauitate diutius implens, nardo
sapore simile, nullo salis gustu. Infirmum
verò ac minutatim concisum, quòdque re-
cepta vetustatis carie situm quasi redolet,
vitiosum est. Easdem cum Nardo vires for-
titur, sed illud efficacius omnia præstat: attamen
malabathrum & urinas ciendi maiore
vi pollet, & stomacho convenientius est.
Oculorum inflammationibus in vino fer-
uefactum tritumque ac illitum apprimè
confert. Subditur & linguæ ad commen-
dandum oris halitum. Quin vestibis etiam
utiliter interponitur : eas siquidem & à ti-
neis defendit, & odore non ineleganti tue-
tur.

De Cassia.

CAP. XII.

CASSIÆ complura sunt genera, quæ
circa feracem aromatum Arabiam gi-
gnuntur. Habet autem crassi corticis sar-
mentum, foliâque piperis. Delige fuluescen-
tem, probè coloratam, corallj æmulam, per-
quàm angustam, longam, crassam, fistula-
rum plenâ, gustu mordacè & cum aliquan-
to feruore astringentem, aromaticam, odo-
re vi-

re vinoso. Talis ab indigenis achy nuncupatur: à mercatoribus verò Alexandrinis daphnitis cognominatur. Huic præfertur nigra, purpurascens simul & crassa, quæ Gizir appellatur, tanquam rosarum odorem spirans, & ad vsum medicum maximè accommodata. Secundum locum tenet antedicta. Tertia verò censetur quæ Mosyleticus blastus [hoc est, Mosyleticū germen,] nominatur. Reliquæ viles habentur, velut ea quæ Aphysemō dicitur, nigra, iniucūda & cortice tenui, aut etiam rimoso: necnon & ea quæ Moto & Darca vocitatur. Est & quædam adulterina cassia, similitudine ineffabili: attamen gustu deprehenditur: quippe quæ neque sit acris, neque aromatica, adherentēque medullæ corticem habeat. Reperitur & lata fistula, tenera, levis, surculosa: quæ quidem illi alteri præstat. Reice albicantem, scabram, quæque hircinum virus oboleat, neque fistulam habeat crassam, sed tum scabram tum tenuem. Vim habet calfaciendi, vrinas mouendi, exiccandi & leniter astringendi. Conuenit ad ea medicamenta, quæ exacuendæ oculorum aciei gratia concinnantur, & ad malagmata. Lentigines tollit ex melle illita, menstruāque ciet. Quin & à vipera demorsis pota auxiliatur. Confert & epota internis inflammationibus omnibus,

B. ij.

renibúsque affectis. Prodest quoque foem-
nis tum in sessu tum suffitu, ad vteri dilata-
tionem. Si desit cinnamomum, huius du-
plum medicamentis admistum eadem quæ
illud præstat. Est denique ad multa per-
quàm utilis.

De Cinnamomo. CAP. XIII.

CINNAMOMI plura sunt genera, gen-
tilitiis regionum in quibus nascuntur
designata nominibus. Excellit verò quod
Mosylum ex eo dicunt, quòd aliquantulam
retineat similitudinem eius cassiæ quæ Mo-
sylitis nuncupatur: præteréaque in eo ipso
genere quod recens est, colore nigrum, ex
vinoso in cinereum vergens, tenuibus vir-
gultis, læue, nodis frequentibus præditum,
perquàm odoratum. Ferè siquidem præstan-
tissimum ex odoris iucundi proprietate di-
iudicatur. Etenim in optimo & singulari
reperitur odor rutæ aut cardamomo proxi-
mus. Præfertur & gustu acre ac mordacita-
tis particeps, necnon etiam cum calfactio-
ne quadamtenus salsum, quòdque inter at-
terendum non citò friatur, ac inter frangen-
dum etiam ex se pulvisculum emittit, læ-
uiáque interim habet internodia. Facturus
periculum sumito ab vna radice furculum.
siquidem facilis est huiuscemodi probatio.
Enimuerò fragmenta miscellanea quædam
sunt:

sunt : atque adeò cùm primum sit experimentum, quæ præstantiora fuerint, dum halitu afflatiue suo odoratum implent, deterioris iudicium impediunt. Est & mōtanum crassum, pumilum, colore admodum fuluescens. Itémq; tertiū iuxta atq; quod Mosylū dicitur, nigrum & valde odoratum, sed fruticosum, nec ita multis interstinctum geniculis. Quartum verò album est, fungosum, aspectu tuberosum ac vile, fragile, grandiq; radice cassiam redolente. Quintum odore nares ferit, fulvescit, corticēque habet cassiæ ruffæ simillimum : tangenti verò solidū animaduertitur, non valde neruosum est, radicēque crassa firmatur. In hoc genere quod thus, myrrham, cassiam aut amomum odoris suauitate imitatur, deterius est. Deligito candidum, scabrum rugosūque cortice : at læue & quod circa radicem lignosum est, tanquam inutile repudiato. Est & aliud quiddam simile, quod adulterinum Cinnamomum cognominatur, vile, odoris inualidi, viribúsque defectum. Appellatur & quiddam zingiber, quod habet aliquam cum Cinnamomo cognationem, cū tamen sit xylocinnamomum. Est verò lignosum cinnamomum, virgultis longis robustisq; præditum, sed odore longè cinnamomo inferioribus. Sunt & qui xylocinnamomum ge-

B. iij.

nere ipso à cinnamomo differre dicant, quasi alterius sit naturæ. Porro cinnamomum omne vim habet calfaciendi, urinas ciendi, emolliendi atque concoquendi. Menstrua quoque ac foetus pellit cum myrrha, tum epotum, tum & appositum. Contra bestias quæ virus eiulantur, venenæque conuenit. Quæ pupillis caliginem offundunt discutit, calfacit simul & attenuat. Illitum ex melle, lentigines & maculas à Solis ardore contractas exterit. Facit & ad tusses, defluxiones, hydropem, renum vitia, urineque difficultatem. Quin & vnguentis pretiosis admiscetur: ac in vniversum ad multa est vtile. Quò diutius eduret, tritum vino excipitur, in umbra ficcatur, atque ita reconditur.

De Amomo. CAP. XIII.

AMOMVM pusillus est frutex, in vna modum suapte ligno in seipsum conuolutus. Florem habet paruum ceu violæ albæ, folia verò vitis albæ similia. Præstantissimum censetur Armeniacum, colore aureolum, ligno fuluescente, valde odoratum. Medicum, quoniam in planis aquosisque locis prouenit, infirmius existit. Est autem magnum & subuiride, tactu molle, virgultis ligneis, venosis, odore origani. Ponticum fuluescit, nec longum, nec ægrè fragile: racemosum

Decemofum verò est, fructu plenum & odore nares feriens. Deligito recens & candidum aut subrubrum: non compactum aut cohaerens, sed laxum atque diffusum, semine refertum acinis simili, ponderosum, valde odoratum, minimè mucidum situve obfitu, acre linguamque mordicans, simplici minimèque vario colore. Vim habet excafaciendi, astringendi & exiccandi. Somnificum est dolorèmq; sedat, fronti illitum. Inflammationes ac meliceridas maturat & discutit. A scorpione ictos ex ocimo illitum iuuat. Podagricis confert. Et iuuat & lenit etiam oculorum inflammationes, itèmq; viscerum, ex vna passa. Ad muliebria vitia, tū pessorum appositum, tum & in fessionibus, vtile. Eiusdem decoctum epotum, ex hepate renūmq; vitio laborantibus & podagricis apprime conuenit. Inferitur & antidotis, vnguentisq; pretiosissimis. Sunt qui Amomum herba simili, quæ Amomis dicitur, adulterent: sed quæ & inodora sit, & fructu careat. Nascitur ea in Armenia, florèmq; profert origani. Porro in huiuscemodi simplicium medicamentorum probationibus fragmenta fugienda sunt: eligenda verò, quæ ab vna radice suos habeant integros furculos.

B. iiij.

COSTVS præcellit Arabicus, candidus & levis, eximio suauique odore præditus. Secundum locum obtinet Indus, crassus, levis ac niger cœu ferula. Tertius est Syriacus, grauis, colore buxeus, odore feriens. Præstantissimus censetur recens, candicans, omnino plenus, densus, aridus, à teredinibus non exosus, minimè virosus, sapore mordaci ac feruido. Vim habet excalfaciendi, vrinæ ciendi, menstruæque ducendi. Vteri vitii & appositu, & tum humido tum etiam sicco fotu, opitulatur. A vipera demorsis succurrit, semuncie pondere potus: itémque pectoris affectibus, conuulsis, inflationibusque, ex vino & absinthio. Venerem ex mulso stimulat. quin & latum lumbricum ex aqua pellit. Contra febriles rigores ante accessionum initia, necnon etiam paralyfin, ex oleo perunctione prodest. Ex aqua aut melle itidem illitus, discolorem à Sole cutem emendat. Additur quoque in malagmata & antidota. Cæterum nonnulli admistis helenij Commageni validissimis radicibus ipsum adulterant. Sed facileprehenditur dolus: siquidem neque gustu feruct helenium, neque iucundum odorem, potentem sensumque ferientem, expirat.

De

De Iunco odorato.

CAP. XVI.

IVNCVS odoratus alius in Africa, alius in Arabia nascitur: rursúmque alius in ea parte Arabiæ quæ Nabatæa dicitur. Et hic quidem omnium est laudatissimus. Secundum locum sibi vendicat Arabicus, quem nonnulli Babylonium, alij Teuchitin cognominant. Afer verò inutilis censetur. Deligito recentem, summè ruffum, flore copioso: quique dum scinditur finditurve purpurascat: tenuem, quique dum manibus confricatur, suauem rosæ odorem emittat, multoque cum feruore linguam mordeat. Vfus est floris, culmorum & radicis. Vim habet vrinas mensésque ciendi. Inflationes discutit, caput aggrauat, leuiter ac modicè astringit: itémque calculum comminuit, concoquit, osculaque vasorum aperit. Flos eius in potiones adhibitus, utilis ad sanguinis reiectiones & oris ventriculi, pulmonis, iecoris & renum affectus. Additur & in antidota. Radix est magis astrictoria: ideóque ad stomachi fastidia exhibetur: itémque hydropticis & conuulsis ad drachmam vnam cum pari piperis pondere per dies aliquot. Eius verò decoctum vuluæ inflammationibus infusione conuenientissimum.

De Calamo odorato. CAP. XVII.

CALAMVS aromaticus in India nascitur. Est verò probatissimus in eo genere fulvus, crebris distinctus geniculis seu internodiis, quique confractus in assulas multas diffilit, plenam habens araneorum fistulam, subalbidus, in commanducando lentus viscidusve, astringens & subacris. Potus ad vrinam ciendam valet. Quare eum gramine aut apij semine decoctus & potus, conuenit hydropicis, renum vitio laborantibus, iisq; quibus substillum est lotium, & ruptis. Menses quoque & potu & appositu trahit. Tussi suffitu medetur, tum per se, tum etiam cum resina terebinthina, ore nimirum hausto per fistulam fumo. Decoquitur & ad mulieres infusus, nec non & infusiones. Miscetur denique malagmatis atque suffitibus, ad conciliandam odoris gratiam.

De Balsamo. CAP. XVIII.

BALSAMVM arbor lycij seu pyxacanthæ magnitudine conspicitur, foliaque habet rutæ proxima, sed candidiora multò & perpetuò magis virentia. In vnus Iudææ certa quadam conualle & Ægypto nascitur, differens ipsum à seipso scabritia, proceritate & gracilitate. Quod igitur in frutice tenue & capillaceum est, theriston, quasi demessile, dicitur: quoniam fortassis ob gracilitatem

litatem facile demetatur. Quod verò opobalsamum dicitur, æstiuus sub ortu Canis ardoribus excipitur, incisa ferreis vnguibus arbore. Sed tam paucum extillat, ut quotannis vix plures quàm seni septenive congi colligantur, inibique pondus argento duplo rependatur. Est autem bonus liquor qui recens est, validi odoris, sincerus, non subacidus, dilui facilis, lævis, astringens, & linguam modicè mordens. Sed variè vitiat. Sunt enim qui ipsi olea vnguentave admisceant, quale terebinthinum est, cyprinum, lentiscinum, susinum seu liliaceum, balanium ac metopium: itémque mel & ceratum myrtinum aut cyprinum valdè liquidum. Huiusmodi verò maleficio facile deprehenditur. Si quidem sincerus laneæ vesti instillatus, si deinde eluatur, neque maculam facit, neque notam ullam relinquit: at vitiat, in hærescit. Rursúmque purus lacti instillatus, id ipsum coagulat: id quod adulteratus non efficit. Qui & sincerus lacti aut aquæ infusus, celeriter diffunditur, atque lactescit: at adulteratus olei modo innatat, in orbem circumagens aut diffundens sese stel læ in modum. Attamen sincerus etiam vetustate crassescens, seipso deterior euadit. Porro hallucinantur qui sincerum hunc existimant aquæ instillatum prius ad ima

fidere fundúmque pètere, ac postea, tanquam qui facile diffundatur & diffuat, sursum remeare. Lignum verò, quod xylobalsamum vocant, probatur recens, sarmento tenui, rufum, odoratum, quadantenus opobalsamum spirans. E fructus genere (nam & huius necessarius est vsus) eligito flauum, plenum, grandem, ponderosum, gustu mordentem & feruentem in ore, modicè opobalsamum redolentem. Asportatur à Petra oppido semen hyperico simile, quo fructus hic adulteratur: sed ex eo dignosces, quòd maius illud sit, inane, ignauum, sapore piperis. Efficacissima liquori vis inest, vt qui quam maximè calfaciat. Quæ pupillis tenebras offundunt extergit: itémque vuluæ perfrictionibus medetur, cum cerato rosaceo appositus. Menses quoque, secundas & foetus extrahit: rigores illitu soluit, sordidaque vlcera expurgat. Quin & potus concoctionem iuuat, vrinâsque ciet: agrè spirantibus conuenit, necnon & iis qui aconitum hauserunt, si cum lacte exhibeatur, itémque à vipera demorsis. Miscetur & acopis, malagmatis & antidotis. Ac in vniuersum efficacissimam vim habet balsami liquor, proximam huic fructus, minimam verò lignû. Fructus potui datus conuenit pleuriticis, peripneumoniacis, rulentibus, ischiadicis, comitialibus,

mitialibus, vertiginosis, orthopnoicis, torminosis, difficulter mictibus, & à vipera venenatisque aliis animalibus demorsis. Porro & ad muliebres suffitus accommodatur: itémque decoctus in fessu vuluam aperit, humiditatemque exhaurit. Lignum eadem cum fructu vires habet, attamen minores: ex aqua decoctum & porum, cruditatibus, torminibus, virulentorum moribus, conuulsisque opitulatur. Vrinæ quoque, & capitis vulneribus cum iride sicca conuenit: squamas etiam ossium extrahit. Denique ad vnguentorum etiam spissamenta additur.

De Aspalatho.

CAP. XIX.

ASPALATHVS, aliis erysiceptrum, frutex est lignosus, spinis crebris aculeatus. Nascitur in Istro, Nisyro, Syria & Rhodo: eoque vnguentarij ad spissanda vnguenta vtuntur. Probatur ponderosus, detracto cortice rubens aut in purpuram vergens, densus, odoratus, & gustu amarescens. Est & alterum genus, candidum, lignosum, inodorum, quod etiam deterius habetur. Vim calfactricem cum astringitione obtinet. Quo fit vt ad tetra oris vlcera in vino decoctus collutusque conueniat, atque etiam ad genitalium nomas, immundamque illuuiem, necnon ad ozænas commodè infundatur.

Pesslo additus, foetus detrahit. Eius verò decoctum, aluum fistit: quin & potu sanguinis reiectionem cohibet, vrinaeque difficultatem ac inflationes discutit.

De Musco. CAP. XX.

MUSCUS, Græcis bryon, à nonnullis etiam splanchnon appellatur. In arboribus, cedro, populo alba aut quercu reperitur. Præstat verò cedrinus: proximus huic populneus: quo in genere probatur, qui odoratior est & candidus: nigricans autem, deterior censetur. Muscus astringendi vim habet, in caliditate ac frigiditate medius, facitque decoctus infessu ad vuluæ affectus. Miscetur & vnguentis balaninis ac oleis seu illitibus, propter eam qua præditus est inspissandi vim. Est & ad suffituum & acoporum medicamentorum præparationes utilis & accommodatus.

De Agallocho. CAP. XXI.

AGALLOCHVN lignum est, quod ex India & Arabia deportatur, thyiæ ligno simile, punctis maculisve distinctum, odoratum, gustu quodammodo astringens cum quadam amaritudine, cortice vestitum cutis instar molli & aliquantulum versicolore. Facit autem commanducatum, itemque decocto collutum, ad commendandum oris halitum: ac toti quoque corpori siccum tritumque

tumque odoris gratia inspergitur: ad suffimenta denique thuris instar adhibetur. Radix verò drachmæ unius pondere pota, stomachi superfluos humores, imbecillitatem ardoremque mitigat. Iis quoque quos lateris & iecinoris dolor excruciat, ac dysentericis aut torminosis ex aqua bibita opitulatur.

De Nascaphtho. CAP. XXII.

NASCAPHTHVM, aliis narcaphthum, etiam ex India deferretur. Est verò corticosum, mori libro simile, quod iucundi odoris gratia suffitur. Factitiis suffimentis inferitur: vuluam quoque astrictam suffitu iuuat.

De Cancamo. CAP. XXIII.

CANCAMVM est arboris Arabicæ lacryma, myrrham quadantenus referens, virosi gustus: qua quidem tanquam suffimento vtuntur. Ea quoque vestes, additis myrrha & styrace, suffumigantur. Porro corpora obesa emaciandi vim habere perhibetur, si ternum obolorum pondere ex aqua aut aceto mulso plusculos dies ebibatur. Datur & lienosis, comitialibus & tussipiosis. Menses ex aqua mulsa prolicit. Oculorum cicatrices confestim exerit, & eorundem hebetudinibus medetur, vino dilutum. Quin & aduersus gingiuas humore pręnantes, &

ad dentium dolores tam est efficax, quàm quod maximè.

De Cyphi.

CAP. XXIIII.

CYPHI suffimenti compositio est Diis grata & accepta, qua Ægyptij Sacerdotes abundè vtuntur. Sed miscetur & antidotis, ac suspiriosis datur in potu. Plures verò circumferuntur componendi rationes: quarum vna hæc est: Sumito cyperi dimidium sextarium, crassiorum iuniperi baccarum tantundem, vuarum passarum pinguium à vinaceis expurgatarum minas xij. resinæ repurgatæ minas v. calami aromatici, aspalathi & iunci odorati singulorum minam, myrrhæ drachmas xij. vini veteris sextarios ix. mellis minas ij. Vuam passam exemptis nucleis tundito, & cum myrrha ac vino subigito: cætera verò tusa & cribrata his admisceto, finitòque humorem combibere diem vnum. Deinde cocto melle dum sibi glutinis asciscat crassitudinem, eliquatam resinam ei accuratè permisceto, ac tùm demum etiam reliqua diligenter simul contrita: tandem vase fictili recondito.

De Croco.

CAP. XXV.

CROCVM in vsu medico præstantissimum est Corycium, recens, ac probè coloratum, paulum candidi gerens in capreolo, oblongum, suis partibus omnibus constans,

constans, minimè fragile aut pingue, plenum, cuius dilutum manus inficiat, non cariosum aut humidum, odore illiciens ac leuiter acre. Nam quod tale non est, aut vetustum est, aut maceratum. Secundum verò à Corycio locum obtinet, quod è tractu Lyciæ contermino, itémque quod ex Olympo Lyciæ monte: mox quod ex Ægis Æoliæ defertur. Cyrenaicum verò, & quod ex Centuripino Sicilia agro, viribus minùs polleat: quippe cùm sint omnia olerum instar satiuæ. Veruntamen propter succi copiam & coloris bonitatem, qui in Italia ligna thyina inficiunt, hoc postremo vtuntur: atque idè etiam magno venditur: sed ad medicamētum quod primo loco descriptum est, vtilissimum existit. Adulteratur autem admixto crocomagmate tuso, aut sapæ sublitu, intrita simul, quò pondus adficiatur, argenti spuma aut plumbagine. Sed maleficia indicant, tum quod occurrit puluerulentum, tum etiam defruti odor. Porro vim habet crocus concoquendi, emolliendi, leuiter astringendi, & vrinas ciendi. Elegantem colorem præstat, crapulamque arcet, ex passo bibitus: oculorum fluxiones illitus ex lacte muliebri cohibet. Miscetur & vtiliter potionibus quæ ad internos parantur affectus, itémque subdititiis nodulis & carapli-

C. j.

smatis vtero sedive adhibendis. Veneremur quoque stimulat, inflammationesque erysipelate comitatus inunctus demulcet: ac denique ad auriculares inflammationes confert. Aiunt etiam exitiosum esse, si trium drachmarum pondere ex aqua bibatur. Quod verò facilius ad summum lauorem conteratur, apud solem in fictili calido exiccari, tumque celeriter identidem versari oportet. Cæterum & ipsius radix ex passo pota, urinas mouet.

De Crocomagmate. CAP. XXVI.

CROCOMAGMA ex crocino fit vnguento, expressis aromatis & in pastillos digestis. Probatum quod odoratum est, modicè myrrheum, ponderosum, nigrum, lignamentorum expers: quodque sufficienter dilutum croci colorem reddat, læue, subamarum, ac dentes linguamque vehementer & ad horas multas permanente colore inficiens. Tale verò est, quod è Syria defertur. Vim habet ea detergendi quæ pupillis caliginem offundunt, urinam ciendi, molliendi, concoquendi & excalfaciendi. Denique ad croci vires quadantenus accedit: quippe cuius etiam plurima parte sit particeps.

De Helenio. CAP. XXVII.

HELENIVM folia habet verbasco angustioribus foliis prædito similia, sed asperiora

asperiora & oblonga: caulem verò quibusdam in locis non emittit. Radice est subru-
fa, odorata, grandi, subamara: ex qua ad con-
sitionem, velut in serendis cinarís, opimi &
insignes oculi decerpuntur. Prouenit in
montibus, locis vmbrosis & humidis. Æsta-
re radix eruitur, & concisa siccatur. Huius
decoctum potum, vrinas mensesque ciet. I-
psa verò radix in eclegmate sumpta cum
melle, prodest tussi, orthopnœæ, ruptis, con-
uulsis, inflationibus & venenatorum morfi-
bus: quippe quæ in vniuersum excalfacien-
di vi polleat. Folia ex vino decocta vtiliter
ischiadiciis illinuntur. Est & radix stomacho
utilis, dulci misto condita. Siquidem salga-
marij paululum exiccaram eam, mox deco-
ctam, aqua frigida demergunt: postea in de-
frutum coniiciunt & ad vsum reponunt.
Trita potaque ad sanguinis reiectiones est
efficax.

De Helenio Ægyptio.

CAP. XXVIII.

Helenij genus alterum in Ægypto gigni
Cratenas memorat. Herba verò est ramis
cubitalibus, serpylli modo humi sese spar-
gentibus: foliis lenticulæ proximis, sed
longioribus numerosisque circa ramu-
los: radice pallida, digiti minimi cras-
situdine, ac per ima quidem tenui,

C. ij.

supernè verò crassiore, nigro vestita cortice. Nascitur locis maritimis & tumultosis. Radix vnica ex vino bibita, contra serpentium ictus auxiliandi vim habet.

De oleo omphacino. CAP. XXIX.

OLEVM ad vsum per sanitatem optimū, quod, quia ex crudis & acerbis seu immaturis oliuis exprimitur, crudum nec non etiam omphacinum appellatur. Excellit in hoc genere recens, minimè mordens, atque odoratum. Est & tale ad vnguëtorum compositionem vtile: quinetiam propter astringendi vim stomacho accommodatum. Ore si contineatur, gingiuas contrahit, dentésq; firmat: sudores denique cohibet.

De oleo communi. CAP. XXX.

Quod vetustius ac pinguius est, ad medicamentorum vsum est accommodatum. In vniuersum autem oleum omne calfaciendi vim habet, carnem emollit, corpus contra algores munit, ipsūque ad actiones obcundas expeditius reddit. Bonam etiam aluum facit, estque molliendi vi præditum. Exulcerantium medicamentorum vires permixtum hebetat. Exhibetur quoque contra venena, sic vt subinde bibatur ac reuomatur. Purgat, hemina mensura cum pari ptisanæ succo aut aqua epotum. Torminosus vtiliter datur in potu cum ruta decoctum
sex

sex cyathorum mensura, lumbricosque pel-
lit. Infunditur & id ipsum ad ilcosos maxi-
mè affectus. At vetus tum magis excalfacit,
tum etiam vehementius discutit, & ad exa-
cuendam oculorum aciem sublinitur. Sin
desit vetus, hac præparatione opus est: De eo
cuius est copia quod præstantius erit in vas
defundito, & ad mellis crassitudinem deco-
quito, atque ita vtor. Eandem enim cum
prædicto vim asciscit.

De oleo sylvestris oliua. CAP. XXXI.

Quod è sylvestri oliua exprimitur oleum,
vehementius astringit, & ad vsum sanorum
secundum sibi locum vendicat. Caput do-
lentibus rosacei vice conuenit. Sudores si-
stet, & defluos capillos inhibet. Quinetiam
furfures & vlcera capitis manantia, scabiem
ac lepras extergit: moraturque canos, si
quotidie illinatur.

De olei Candidæ confectiōe. CAP. XXXII.

Candidatur oleum hunc in modum: Su-
mito album colore, nec anniculo vetustius,
& in fictile nouum lati oris infundito cen-
tum heminarum mensura. Mox in sole ex-
positum quotidie circa meridiem concha
refundito, ex alto deturbans, vt frequenti
volutatione ac verberatu agitatū altere-
tur & spumescat. Octaua deinde die fœnum-
græcum purgatum drachmarum quinquæ-

C. iij.

ginta pondere, aquaque calida maceratum, atque adeò remollitum, aqua interim neutiquam expressa, in supradictum oleum conicitur: tædam quoque pineam præpinguem & in tenues assulas concisam pari pondere insuper addito: atque ita dies octo alios elabi finito. His transactis, concha oleum denuo confundito. Postremò, si finem assecutum fuerit, in vas nouum prius vetere vino elutum, substratis antea fertulæ Campanæ corollis drachmas vndecim pendentibus cum iridis pari pondere, decapulato atque recondito. Sin autem candorem nondum contraxerit, oleum rursus insoladum, & opus ipsum repetendum, dum candidum illud euaserit.

De Sicyonio oleo.

CAP. XXXIII.

Sed & ex prædicto Sicyonium hoc modo parare licet. In leberem oris ampli stanno inductum recentis olei omphacini candidique cōgium vnum, aquæ verò dimidium infundito: tūm igne leui coquito leniter agitando. At cum primū bis efferbuerit, ignem subtrahito: & vbi refrixerit, oleum decapulato. Tandem alia adiecta aqua simul iterum feruefacito: ac reliquis, veluti præmonstratum est, peractis reponito. Maximè vero conficitur oleum huiusmodi in Sicyonia: atque inde Sicyonij nomen accepit.

Vim

Vim habet leuiter calfactoriam, in febribus ac neruorum affectibus accommodatum. Vtuntur & eo mulieres, ad inducendum cuti nitorem.

Strigmenta à balneis. CAP. XXXIIII.

STRIGMENTA quæ in balneis destringuntur, calfaciendi, molliendi, discutiendique vim habent: ad rimas fedis & condylomata perunctione profunt.

Strigmenta palaestrica. CAP. XXXV.

Quæ verò in palaestra puluerem sibi ascituere, similia sordibus, articulorum collectiones ac nodos imposita iuuant. Quin & calentia ischiadicis fetus aut malagmatis instar vtiliter admoventur.

Strigmenta gymnasiorum. CAP. XXXVI.

Sordes è gymnasiorum parietibus, simulachrisque derasæ, excalfactoriam vim habent, discutiuntque tubercula quæ ægrè ad coctionem maturitatemve perducuntur: abrais seu desquamatis & senum vlceribus aptè conueniunt.

De Eleomelite. CAP. XXXVII.

IN Palmyreno Syriae tractu quod Elæomeli vocant ex quodam caudice manat, oleum crassius melle, sapore dulci. Id cyathis duobus bibitum cum vna aquæ hemina, crudum biliosumque humorem aluo detrahit. Sed qui assumpsere torpescunt,
C. iiii.

viribusque deficiuntur: attamen eo minime
 terri oportet. Quin excitandi sunt, neque
 permittendum ut somno grauiore conso-
 piantur. Paratur & e germinu oleagino-
 pingui oleum: in cuius genere optimum ve-
 tus, crassum, pingue, neque turbidum. Id
 vero calefacit, priuatimque superillitum fa-
 cit ad ea quæ pupillis caliginem offundunt:
 quin & ad lepras neruorumque dolores il-
 litum confert.

De Cicino oleo.

CAP. XXXVIII.

CICINVM oleum fit hoc modo: Sumito
 maturorum ricinorum quantum vide-
 bitur, & instratos vuarum in morem, quæ
 super cratibus dispositæ insolantur, ad so-
 lem exiccato, dum ambiens cortex disru-
 ptus excidat: tumque collectam eorum car-
 nem in pilam coniecito, ac diligenter tu-
 sam in lebetem stano inductum qui aquam
 habeat transferto, succensoque igni ferue-
 facito. Cum vero insitum humorem pror-
 sus deposuerint, sublato ab igni lebete in-
 natans oleum conchula tollito, atque repo-
 nito. At Ægyptij quoniam copiosum ipsum
 expetunt, aliter conficiunt. Nam repurga-
 tos ricinos molæ mandant accuratè que mo-
 lunt: deinde quod molitum est in sportulas
 coniectum torculo exprimunt. Tum porro
 tem-

tempestiui sunt ricini, cūm vestiētibus folliculis exuuntur. Facit verò Cieinum oleum ad vlcera capitis manantia, p̄foras & sedis inflammationes, nec non ad vteri obstructions atque euersiones: itēque ad cicatrices fœdas, auriūque dolores. Quin & emplastris admistum, ea reddit efficaciora. Potum denique, aquas per aluum ducit, lumbricosque pellit.

De Amygdalino oleo. CAP. XXXIX.

Amygdalinum oleum, quod aliqui Metopium vocant, hoc modo paratur: Amygdalarum amararum repurgatarum & arefactarum chœnices quatuor in pila ligneo pistillo leuiter in offam contundito, affusisque aquæ feruentis heminis duabus finito semihoræ spatio humorem imbibere, tūque postea maiore vi terito, ac deinde tabellis comprimens exprimito, quodque digitis hæserit concha excipito. Tandem magmati iterum aspersa aquæ hemina quā combibere fueris, idem facito. Singulas porrò heminas reddūt quaterni chœnices. Est autem efficax contra vuluarum dolores & strangulatus, ac eorundem locorum tum conuersiones, tum etiam inflammationes: itēque ad capitis dolores, auriūque ægri tudines, sonos incertos atque tinnitus. Iuat & vitiis renum laborantes,

ægrè meientes atque calculosos. Suspiriosis
 itidem lienosisque prodest. Quin & macu-
 las tollit è facie, à sole vstis medetur, & cu-
 tem erugat, admixtum melli, lilij radici, ac
 cyprino rosaceove cerato. Hebetem etiam
 oculorum aciem emendat: denique vlcera
 quoque manantia & furfures cum vino ex-
 purgat.

De Balanino oleo. CAP. XL.

Simili modo fit & oleum balaninum.
 Vim autem habet repurgandi maculas, len-
 tiginēs, varos & cicatricum nigritias. Pur-
 gat idem aluum, sed stomacho aduersatur.
 Contra dolores aurium, sonos atque tinni-
 tus auxilio est, cum anserino adipe infusum.

De oleis Sesamino & Caryino.

CAP. XLI.

Eodem quoque, quo antedicta, modo Se-
 saminum oleum ex sesama præparatur: i-
 temque Caryinum, quod è iuglandibus nu-
 cibus conficitur. Easdem verò cum balani-
 no vires obtinent.

De Hyoscyamino oleo. CAP. XLII.

Hyoscyaminum autem sic præparatur:
 Semen ipsum album, siccum, recens accipi-
 to, & contusum aqua calida subigito, veluti
 in amygdalino dictum est. Dum verò inso-
 labis, arescentes eius quæ sub manu sunt
 hoc

Hoc est, superiores] partes totius massæ per-
nisceto. Id ipsum tandiu facito, dum nigre-
cat graueolensque reddatur: mox per lin-
teolum percolatum & expressum reponito.

Ad aurium dolores est efficax: pessis-
que immiscetur, emolliendo utile.

De Gnidico oleo. CAP. XLIII.

Similiter etiam paratur quod ex Gnidio
gano fit oleum, decorticato semine atque
contuso. Potum id aluum soluendi vim ha-
bet.

De Cnicino oleo. CAP. XLIII.

Eodem quoque modo Cnicinum oleum
conficitur. Vis autem eadem quæ Gnidico,
sed remissior.

De Raphanino oleo. CAP. XLV.

Raphaninum ex ipso fit raphani semine,
quemadmodum & reliqua. Iis qui ex mala
valetudine phthiriasis contraxere conue-
nit, scabritiasque cutis in facie emendat. Eo
vtuntur Ægyptij, vnâ cum obsoniis ipsum
coquentes.

De Melanthino oleo. CAP. XLVI.

Melanthinum eadem cum raphanino
vires, consimilemque præparationem, for-
titur.

De Sinapino oleo. CAP. XLVII.

Sinapinum fit ad læuorem trito Sinapis
semine & aqua calida macerato, adiecto

postea oleo ac simul expresso. Facit ad dolores diuturnos, dum ipsa vitia ex alto extrahit.

De Myrtino oleo.

CAP. XLVIII.

Myrtei olei præparandi ratio hæc est. Myrti nigræ seu sylvestris seu sativæ tenerissima quæque folia tundito atque exprimito, succo deinde omphacini olei paræ mensuram admisceto, & ad prunas calfacito, donec nec simul cocta fuerint, tollens id quod supernatat. Fuerit verò minus operosa confectio, si foliorum mollissima contusa in aqua & oleo decoquas, & quod innatat decantadas: peculiari quoque modo, si expositas. Soli folia in oleo maceres. Nec desunt quæ oleum prius inspissent malicorio, cupressi, cypero ac iūco odorato. Efficacius est quod gustu subamarum deprehenditur, oleosum viride & translucidum cernitur, ac myrtum redolet. Vis porro ei astringendi & inducendi: quare efficaciter cicatricem obducens, cum alijs medicamentis immiscetur. Facit quoque ad ambustiones, ulcera capitis manantia, furfures, papularum eruptiones, attrita rhagadas, condylomata & laxatos articulos. Sudores compescit, ac denique ad omnia valet, quæ astrictionem densationemve desiderant.

De

De Laurino oleo. CAP. XLIX.

Laurinum è drupis seu maturitate decis-
uis lauri baccis in aqua decoctis confici-
tur. Tùm enim ex ambiente cortice pin-
titudinem quandam exudant, quæ mani-
us priùs expresso è tritis baccis succo con-
his excipitur. Nonnulli verò vbi ompha-
inum oleum cypero, iunco odorato & ca-
mo priùs inspissauerunt, tenera deinde
lauri folia in id coniecta simul decoquunt.
unt qui lauri baccas addant, dum iustus o-
or accesserit: alij styracem & myrrham am-
iscent. Porro ad eiusmodi olei confectio-
nem optima est laurus montana & latifo-
a. Laurinum verò oleum excellit, quod re-
ens est, colore viride, amarissimum & acre.
is ei excalfaciendi, emolliendi, spiracula
enarum aperiendi, & lassitudines discutien-
di. Quin & malis neruorum omnibus, do-
oribus aurium ac destillationibus confert:
enum verò vitio ex frigore contracto la-
porantibus illitus est præstantissimus, & ma-
ximè si quid aliud utilis. At potum idem,
nauseosum est.

De Lentiscino & Terebinthino.

CAP. L.

Lentiscinum verò similiter atque lauri-
num ex maturo fructu confectum ac priùs
inspissatum, scabiem iumentorum canum-

que sanat. Pessis, acopis & ad lepras tollendas accommodatis medicamentis aptè & vtiliter immiscetur: ac sudores etiam cohibet. Eodem quoque modo paratur Terebinthinum, quod exiccat & astringit.

De Mastichino. CAP. LI.

Mastichinum è trita mastiche paratur. Contra omnia vuluæ mala efficax est, leniter calfaciens, astringēs simul & emolliens. Est & vtile ad prominentes circa stomachum scirrhus, vt & ad coeliacorum dysentericorumque cruciatus. Vitia quæ in facie sunt emendat, colorēmque meliorem præstat. Optimum verò in Chio insula componitur.

De Unguentorum compositione.

CAP. LII.

QVANDO QVTDEM vnguenta nonnullis affectibus accommodantur, partim medicamentis admixta, partim instillata seu perfusa, partim etiam naribus obiecta, consequens esse ducimus, vt horum quoque tractationem persequamur. Eorum porrò periculum facientes obseruare oportet, an illud olfactui repræsentent, ex quo temperamentum ipsorum constat. Optimum siquidem est huiuscemodi iudicium. Attamen id in nonnullis locum non habet, propter vehementiorum quæ miscentur præualens domi-

dominium: velut in amaracino, crocino & telino, nec non & aliis quibusdam: quę quidem ex crebra circa ipsa exercitatione probare conueniet.

De Rosacei preparatione. CAP. LIII.

Rosaceum oleum fit hoc modo: Iunci odorati contusi & aqua subacti libras quinque & bessem in olei libris xx. & quincunce subinde mouendo coquito: deinde vbi percolaueris, in olei libris illis xx. & quincunce rosarum numero mille non madefactarum foliola coniecito: vinctisque melle odorato manibus sensim aliquatulum premens identidem moueto: deinde vbi noctem vnā fueris, exprimito. Quum verò id quod faculentum est subsederit, mutato recipiente vase in craterem melle oblitum recondito. Porro expressis rosis in labellum coniectis olei inspissati libras viij. & quadrantem affundito, iterumque exprimito: eritque hoc tibi secundarium oleum. Quod si volueris ad tertiam vsque quartamve macerationem progredi, toties oleum rosis affundito & exprimito. Fit enim & primariū & secundarium & tertiarium & quartarium vnguentum. Sed quoties id feceris, crateras melle prius oblinito. Sin secundam iniectionē instituere libet, in primò expressum oleū recetium ac minimè madidarū rosarū parē.

numerum immittito, & manibus melle prius imbutis agitando exprimito: ac secundo, tertio aut quarto simili modo exprimens facito, totiesque recentes rosas detractis vnguibz adiecito. Sic enim oleum multo potentius euadet. Porro ad septimam infusionem oleum iniectionem rosarum admittit, præterea verò minimè. Ceterum melle prælum illinatur: oleum verò à succo diligenter secerni oportet. Nam si huius vel tantillum relinquatur, vnguentum vitiabit. Sunt qui rosas ipsas solas vnguibz detractis insolatas selibz pondere immergunt in olei sextarium vnum: ac per dies octo permittentes, & ad dies quadraginta insolantes sic vt tertio rosarum maceratio fiat, ita reconducunt. Nonnulli additis calamo & aspalatho oleum prius inspissant: alij anchusam, pulchri coloris conciliandi gratia, & salem quò minus corrumpatur, adiciunt. Vim astringendi & refrigerandi obtinet, irrigationibus & cataplasmatum mixtionibus accommodatam. Aluum quoque potum soluit, ardoremque stomachi restinguit. Caua item vlcera nutrit ac replet: maligna verò demulcet. Ad manantia capitis vlcera ac feruidas eruptiones illinitur. Caput dolens eo perfunditur. Ad dentium dolores interinitia colluitur. Illitum quoque ad palpebras

• Bras indurata se efficax est: denique ad intestinorum ac vulvæ rosionem pruritatio-
nēve vtiliter infunditur.

De Elasmī confectione. CAP. EIIIT.

Tusam discerptamque elaten [hoc est, florentium adhuc palmarum fructus corticem seu involucrum] in labrum coniicito, & omphacinum oleum affundito: in quo tridui spatio eam macerari finito. Mox fiscella excipito & exprimito. Sint verò utraque paria pondere. Tandem ubi valē mundo reposueris, vtitor. Vim habet rosaceo proportionē respondentem: sed aluum minimē mollit.

De Melini compositione. CAP. LV.

Oleum Melinum hunc in modum præparatur. Vbi olei sextarios sex & aquæ sextarios decem simul commiscueris, spathæ seu elatæ contusæ vnc. iij. iunci odorati vnc. j. adicito: ac posteaquam diem vnum macerari fueris, coquito. Mox excolatum oleum in vas oris lati coniicito, ac imposita matta arundinacea aut florea rariore, mala cotonea desuper insertito, eaque obuelata vestimentis ad dies satis multos finito, dum oleum malorum vires ad sese annexerit. Alij mala operimentis obuoluunt ad dies decem, vt coërceatur, minimēque exhalet odoris suauitas: ac postea duorum dierum

D. j.

totidēque noctium spatio in oleo mace-
rant, tandēque oleum expressum recon-
dunt. Vim porrò astringentem & refrigera-
toriam obtinet: facitque ad scabiosa vlcera,
furfures, perniones & herpetas. Ad vuluæ
exulcerationes commodè instillatur: quin
& concitatam vrinam infusum sistit, sudo-
resque cohibet. Bibitur & contra canthari-
das, buprestes & pinorum crucas. Probatur
verò in hoc genere maximè, quod cydonia
mala redolet.

De OEnanthini confectiōe. CAP. LVI.

OEnanthen ex vua [syluestri] odoratam
posteaquam marcescere siueris, in oleum
omphacinum coniicito, & vndiquaque ver-
sando agitato: porrò cū ad biduum siue-
ris, exprimito atque reponito. Vim habet a-
strictoriam, rosaceo proportionē respōden-
tem, præterquā quòd aluum neque soluit
neque mollit. Probatissimum verò etiam
est, quod œnanthen odore quā maximè
refert.

De Telini componendi ratione.

CAP. LVII.

Fœnigræci libras v. olei libras ix. calami
libram vnam, cyperi libras ij. macera in o-
leo ad dies septem, ita vt ter quotidie agites:
dein exprimito atque reponito. Sunt qui
pro calamo quidē cardamomum, pro cy-
pero

pero verò xylobalsamum simul macerant: alij oleum iis ipsis prius inspissant, ac deinde fœnumgræcum in ipso macerant, tandemque exprimunt. Porro vim habet apostemata molliendi atque maturandi: maxime autem omnibus circa vterum duritiis accommodatum est: agrè parientibus commode instillatur, vbi excretis antè humoribus loci muliebres siccitatem contraxerint. Quin & ad sedis inflammationes, necnon ad tenesmos vtiliter infunditur: furfurésq; & vlcera capitis manantia detergit. Facit & ad ambusta & perniones, addita cera. Maculas quoque à Solis ardore contractas exterit, atque medicamentis ad faciei nitorem inducendum admiscetur. Cæterum eligito recens, quòdque fœnigræci odorem non admodum referat, manusque abstergat, ac dulcedinis amarori permixtæ saporem redoleat. Tale siquidem præstantissimum iudicatur.

De Sampsuchi componendi ratione.

CAP. LVIII.

Serpylli, cassiæ, abrotoni, florum sisymbrij, myrti foliorum, sampsuchi, singulorum sumito quantum ad ipsorum vniuscuiusque vires animum attendens sat esse conieceris, vnâque omnia tundito: & olei

D. ij.

52 DIOSCORIDIS

omphacini quantum fuerit satis affundito, dummodò ne euincatur eorum vis quæ in ipso macerantur, ac post quattriduum exprimito. Rursum verò illorum eorundem recentium par pondus æquali tempore in eodem oleo macerato & excolato: sic enim efficacius reddetur. Verùm sampsuchum eligito colore ex nigro viridi, plurimùm odoratū ac mediocriter acre. Vim habet calfactoriam, extenuātem & acrem. Facit porro ad vuluæ præclusionem atque distorsionem: menstruāque, secundas & partus extrahit, ac vuluæ strangulatus recreat. Lumborum inguinūque dolores lenit. At cum melle satius est ipso vti: quandoquidem vehementi astrictione locos indurat. Lassitudines etiam illitum discutit, ac denique aptissimè opisthotonicorum aliterque conuulsorum cataplasmatibus inseritur.

De Ocimi preparatione. CAP. LIX.

Olei libras xx. ocimi pondo libras xii. & bessē sumito: huius decerpta folia in oleo ipso diei vnius noctisque spatio macerato, dein exprimito atque reponito. Exemptis porro è quasillo foliis, rursum olei parem mensuram affundito & excolato. Vocatur autem hoc secundarium: tertiam enim macerationem minimè admittit. Exinde recentis ocimi æquale pondus iterum macera,

• macera, vt in rosaceo dictum est, ita vt affuso prioris macerationis oleo temporis eodem spatio madere sinas: tūmq̃ue postea exprimito atque recondito. Quòd si ter quatérve macerare volueris, recens ocimum semper iniicito. Potest & ex omphacino confici: sed illo modo meliùs. Eadem quæ sampsuchinum præstat: at minùs est efficax.

De Abrotonini confectione.

CAP. LX.

Abrotoninum. In olei ad cyprinum conficiendum aromatibus imbuti libras ix. & quincuncem, abrotoni foliorum libras viij. immittito, ac posteaquam diem noctemq; vnam maceraueris, excolato. Quòd si perennius ac magis durabile conficere volueris, abiectis prioribus foliis, alia apponito, & macerata exprimito. Vim porro habet calfactoriam, ad vuluæ præclusiones & duritias efficacem: menstrua secundasque pellit.

De Anethini componendi ratione.

CAP. LXI.

Anethi florum libras xj. & bessem in olei libris octo & dodrante diem vnam immergito, ac deinde manibus exprimito, atque reponito. Sin macerationem iterare volueris, recentem anethi florem similiter madefacito. Locos muliebres emolliendi rela-

D. iij.

xandique vi pollet, & ad rigores certo circuitu redeunt conuenit, quippe quod excalfaciat: lassitudines discutit, & articulorum doloribus auxiliatur.

De Susini compositione. CAP. LXII.

Susinum, quod lirinum seu liliaceum nonnulli appellant, ita temperatur: Olei libras ix. & quincuncem, calami libras v. & quadrantem, myrrhæ quincuncem posteaquam vino odorato subegeris, coquito. Deinde colo traiectum oleum vna cum cardamomi tusi & aqua pluuiæ macerati libris iij. & semisse refundito: ac vbi macerari fueris, exprimito. Tum olei huius inspissati tres libras cum semisse sumito, liliæque numero mille. Horum decerpta folia in labello lato, non tamen profundo, ponito; affusque oleo perunctis melle manibus versato. Tandem vbi diem noctemque vnam conquiescere fueris, mane in fiscellâ transfatum excolato: quod verò supernatabit oleum illico ab aqua, quæ simul cum eo expressa fuerit, secernito. Neque enim vti rosaceum mistam sibi patitur aquam: concalfactum siquidem referuet atque computrescit. In alia porro vasa melle oblita sæpius transfundito, salem tenuem prius inspergens, & collectam immunditiem diligenter auferens. Expressum autem magma postquam

quam ex quasillo in labrum transtuleris, aromatibus imbuti olei par priori pondus rursus affundito, simulque cardamomi rursus drachmas x. conicito. Hac ubi probè manibus agitaueris, interiecta breui mora exprimito, & quod defluet repurgato. Tertio demum affuso oleo, idem rursus facito, & cardamomum ac etiamnum salern insuper adiiciens, & manibus melle imbutis premens. Erit porro primò expressum oleum optimum: ab hoc secundum, quod sequitur: tertium locum sibi vendicat, quod postremum est. Tum verò denuo lilia mille decerptis foliis sumito atque disposito: & affuso quod primò expressum est oleo, eandem quam in primo viam & rationem inito, idemque facito, cardamomum adhuc admiscens, ac deinde exprimens. Eadem quoque in secundo ac tertio, veluti dictum est, præstato, cardamomum pariter adiiciens: deinde excolato, ac reliqua denique similiter conficito. Quò porro frequentius lilia recentia maceraueris, eò potentius efficaciusve vnguentum habebis. Tandem cum satis esse tibi visum fuerit, vnicuique præparationi myrrhæ quàm optimæ drachmas lxxij. croci drachmas x. cinnamomi drachmas lxxv. misceto. Alij croci & cinnamomi æquale pondus immiscent.

D. iiij.

Hæc tusa cretâque in labrum cum aqua coniicito, primòque expressum vnguentum affundito : ac non ita multò pòst in vascula excipito sicca, priùs illita gummi aut myrrha, & croco ac melle aqua dilutis. Eadem in secunda, itémque tertia expressione facito. Nonnulli verò simplex ex balanino aliòve oleo ac liliis conficiunt. Excellere porrò videtur quod in Phœnice & Ægypto paratur, ac cum primis laudatur quod lilia redolet. Vim habet excalfaciendi, molliendi, aperiendique vuluæ præclusiones : eiusdem inflammationibus accommodatum est, ac in vniuersum ad muliebria mala est vtilissimum. Conuenit & ad vlcera in capite manantia, varos, furfures ac feruidas eruptiones. Vibices etiam quamprimùm emendat, & reliquæ cuti concolores efficit : denique egregiè rarefacit. Potum quoque bilem per aluum extrahit, vrinamque ciet : at stomacho noxium est, nauséamque parit.

De Narcissini mistura.

CAP. LXIII.

Narcissinum oleum spissatur hunc in modum : Olei eloti libras lxx & quincuncem, aspalathi libras vj. cum sextante sumito. Hunc tusum & aqua maceratum tertiæ olei parti misceto & coquito. Dein exempto aspalatho, calami libras v. & bessem adicito :
quin

quin & myrrhæ grumum vbi contuderis atque cribraueris, vino vetere odorato subigito, itidémque misceto atque decoquito. Simulac autem cum iis efferbuerit oleum, ab igne amoueto, & refrigeratum excolato. Tandem eius portionem in labelum refundito, & flores narcissi quamplurimos immittito, biduíque spatio, agitato: tumque, vt in Susino dictum est, excolato, ac frequenter decapulato: siquidem hoc quoque corruptioni est obnoxium. Facit autem ad vuluæ vitia: quippe quod ipsius duritias emolliat, præclusionésque aperiat: sed capitis dolores facit.

De Crocini confectione.

CAP. LXIII.

Ad præparandum Crocinum, oleum priore loco spissabis, velut in Susino dictum est, eadem seruata mensuræ ponderisque æqualitate. Sumptis igitur olei ad Susinum conficiendum spissati libris tribus & semisse, croci drachmas octo immittito, ac sæpius quotidie versato, opere ad dies quinque continuato. Sexta demum die oleum purè probéque à croco succernito: eidémque croco parem olei modum affundito, & triduo agitato. Deinde vbi refuderis, myrrhæ tusæ & cribratæ drachmas x l. admisceto, ac in pila exactè moueto, tandémque recondito.

Nonnulli verò oleo ad cyprinum conficien-
dum aromatibus imbrato, etiam ad croci-
num vtuntur. Est porro præstantissimum,
quod abundè crocum spirat, èstque id vsui
medicinæ aptum: proximum verò, quod
myrrham redolet. Vim habet excalfaciendi
somniaque conciliandi: quò fit vt sæpe-
numerò phreniticis subueniat seu perfu-
sum, seu olfactum, seu denique naribus illi-
tum. Pus quoque mouet & vlcera purgat.
Valet & ad vteri duritias, præclusiones ma-
lignaque vlcera, cum cera, croco, medulla &
oleo duplo. Concoquit enim, emollit, hu-
meclat ac etiamnum lenit. Facit & ad ocu-
lorum glaucomata ex aqua sublitum. Huic
autem proportionem respōdent butyrum,
onychium & styracium: quæ quidem vn-
guenta nominibus tantum differunt, præ-
parandi verò modo ac viribus sunt per-
quàm simillima.

De Cyprini olei spissamento ac preparatione.

CAP. LXV.

Sumito olei omphacini eloti ceramium
vnum, aquæ pluuiæ tantundem cum semis-
se: huius partem vnā oleo affundito, alte-
ram iniiciendis aromatis admisceto. Dein
assumptis aspalathi libris v. cum semisse,
calami libris vj. & semisse, myrrhæ libra v-
na, cardamomi libris iij. & dodrante, hele-
nij

•nij libris ix. & quincunce, helenium & aspalathum vbi contuderis & aqua maceraueris, oleo incoquito donec conferuescant. Calamum autem contusum simul cum myrrha vino vetere odorifero diluta subigito, exemptoque aspalatho calami misturam illam immittito. Vbi verò cum hac effebuerit oleum, amotum ab igne de ahenò excolato, & ad cardamomum contusum aquaq; reliqua subactum affundito, ac spatha perpetuò & sine intermissione donec refrixerit peragitato. Postea percolato oleo, in xlvij. libras olei, floris cypri libras xlvj. & besslem iniicito: atque vbi macerari fueris, per fscellam exprimito. Quòd si copiosius desideraueris, florum recentium par pòdus immittito, ac similiter exprimito. Potes etiam iterum tertiove macerare, si volueris: efficacius enim hoc modo redditur. Eligi autem oportet bonum, quòdque cum odoris gratia nares feriat. Sunt & qui cinnamomum immisceant. Porro vim habet calfaciendi, molliendi, osculàque vasorum aperiendi: atque adeò vuluæ neruorūque vitiis conuenit: sic & pleuriticis & fracturis, tum per se, tum etiam cerato immistum. Quin & in malagmata quæ opisthotonicis, angina laborantibus & inguinum inflammationi conueniunt, itémque in acopa additur.

De Irinis spissamento. CAP. LKVI.

Spathæ seu elatæ quàm minutissimè contusæ libras vj. cum besse in olei libris lxxiij. & quincunce, ammixtis aquæ heminis decem, æreo vase coquito, quoad oleum odorem spathæ contraxerit: hoc postea in craterem melle oblitum excolato. Ex hoc ipso aromatis imbuto oleo primum Irinum temperatur, iride in oleo spissato, velut inferius scriptum est, macerata, vel hoc modo: In olei libris lxx. & quincunce, xylobalsami contusi, veluti dictum est, libras v. & sextantem excoquito: postea detracto xylobalsamo, calami contusi libras ix. & dextantem ac myrrhæ grumum vino vetere odorato perfusum adicito. Postmodum assumptis olei spissati & aromatibus imbuti libris xiiij. iridis contusæ par pondus ad duos dies totidemque noctes in eo macerato: tandemque fortiter ac strenuè exprimito. Quod si vis efficacius fieri, æquale pondus secundo ac tertio similiter maceratum exprimito. Est verò longè optimum, quod nullius alius præterquam solius iridis qualitate odoratum afficit. Tale porro est, quod in Perga Pamphylia & Elide Achaia præparatur. Vim habet emollientem & calfactoriam: crustas ulcerum, putredines ac sordes repurgat: vulnæ affectibus confert, nimirum eius inflam-

inflammationibus atque præclusionibus: partus eiicit: hæmorrhoidas recludit: ad aurium sonitus ex acero, ruta & amaris amygdalis prodest. Diuturnis etiã distillationibus, si nares eo illinantur, itémque contra ozænas, auxiliatur. Alium quoque purgat, cyathi mensura potum. Facit & ad ilei cruciatus, urinamque ciet. Ægrè vomitentibus opitulatur, perunctis eo digitis, aliisve quæ ad vomitum ciendum ori induntur. Angina quoque laborantibus illinitur, aut ex aqua nulla gargarizatur, vt & contra arteriæ asperitatem. Datur & iis qui cicutam, fungos aut coriandrum hauserint.

De Gleucini compositione.

CAP. LXVII.

Gleucinum simplex præparatur ex oleo omphacino, schæno, calamo, nardo Gallico, spatha, aspalatho, meliloto, costo, musto, circumdatis interim vinaceis vasi quod aromata, vinum oleumque continet. Triginta porro diebus, bis singulis, permiscetur: post demum expressum oleum reconditur.

Vim habet calfaciendi, molliendi atque relaxandi: quò fit vt ad rigores & neruorum vuluæque affectus conferat. Omni autem acopo vtilius est: quippe quod emolliat.

De Amaracino. CAP. LXVIII.

Fit in Cyzico Amaracinum probatissimum.

Paratur autem ex oleis omphacino & balanino: quæ quidem xylobalsamo, iunco odorato & calamo spissata fuerint: suauiora verò reddita amaraco, costo, amomo, nardo, carpobalsamo & myrrha. Miscent & cinnamomum, qui sumptuosius ipsum faciunt. Assumuntur autem mel & vinum, tum ad vasorum illitionem, tum ad comminuta aromata subigenda. Porro calfacit, soporem inducit, vasorum spiracula recludit, emollit, feruorem excitat, urinam cit, putredinibus ac fistulis conducit, necnon & aquosis ramicibus, post curationem ope manus adhibitam. Crustas quoque ac efferata vlcera circumquaque rumpit. Urinæ difficultati illita sede succurrit. Quin & huius ipsius inflammationibus & ad recludendas hæmorrhoidas itidem oblitum auxiliatur. Vtero appositum, menses ciet, vuluæ duritias & œdemata discutit: sauciatis denique nervis ac musculis confert, rarioribus lanæ hapsis eo irrigatis & impositis.

De Megalio. CAP. LXIX.

Quondam factitabatur, quod Megalium appellatur: at nunc planè intercidit. Veruntamen ad historiæ complementum, eius quoque meminisse non abs re fuerit. Huius igitur mistura cum amaracino eadem est, nisi quòd resina amplius accedit, qua quidem

dem sola discrepat. Leniter emollit. Resina porro neque conseruationis, neque voluptatis gratia, sed coloris crassamentique causa vnguentis adiicitur. Miscetur autem rebinthina decocta, donec olere desinat. Eius verò coquendæ ratio in resinæ tractatione declarabitur.

De Hedychroo.

CAP. LXX.

Sed & quod Hedychroon cognominat, quodque in Co præparatur, eandem vires eundemque præparandi modum cum Amaracino obtinet: at odoratius existit.

De Metopio.

CAP. LXXI.

Præparatur & in Ægypto vnguentum, vernaculo nomine Metopium dictum: scilicet propter galbani permissionem. Lignum enim è quo galbanum emanat, Metopion Ægyptiis appellatur. Ex oleo omphacino & amygdalarum amararum, cardamomo, schæno, calamo, melle, vino, myrrha, balsami semine, galbano & resina componitur. Probatum quod grauiter olet ac pingue est, quodque cardamomum & myrrham potius quàm galbanum resipit. Vehementer autem calfacit, adurit, ora vasorum aperit, attrahit, vlceraque expurgat. Ad neruos & musculos præcisos efficax est, itémque ad aquosos ramices, septicis emplastris adhibitum. Malagmatis

etiam ac ceratis inferitur. Rigoribus quoque ac retrorsum curuato corpore conuulsis conducit. Ciet & sudores, atque vteri vasorum oscula referat, eiusdemque duritias laxat. Atque in vniversum molliendi vi præditum est.

De Mendefio. CAP. LXXII.

Quod Mendesium dicitur, ex balanino conflatur oleo, myrrha, cassia & resina. Nonnulli postquam alia singula certis ponderibus iniecerunt, cinnamomi exiguum insuper addunt, sed vtilitate nulla. Nec enim suas vires conferunt, quæ non simul contrita fuerint. Cæterum similem Metopio vim obtinet, attamen inferiorem.

De Stacte. CAP. LXXIII.

Stacte verò vocatur, pinguitudo recentis myrrhæ cum aqua pauca contusa & organo expressæ. Ea per quam odorata ac preciosa est: quippe quæ vnguentum per se faciat, quod stacte nominatur. Probatur quæ olei nihil admixtum habet, quæque vel minima quantitate vim maximam sortita est, nimirum calfactoriam, ac myrrhæ vnguentisque calfacientibus proportionem respondentem.

De Cinnamomino. CAP. LXXIIII.

Cinnamominum ex oleo constat balanino, & xylobalsami, calami ac schœni spissamentis:

mentis: cinnamomi verò, balsami seminum & quadruplæ ad cinnamomum myrrhæ odoramentis. Quin & ad ea ipsa subigenda mel adiicitur. Probatum minimè acre, molli odore, myrrhæ quiddam referens: quippe quod crassum sit & odoratum, ac gustu perquam amaro. Tale enim non à resina, sed myrrha, crassitudinem obtinet: quin neque resina amaritudinem, neque odoris gratiam addit. Vim habet admodum acrem, calfacientem & amaram. Proinde ora venarum calfaciendo aperit: humores quoque ac flatus discutit, diffundit & attrahit: sed caput aggrauat. Facit & ad vuluæ vitia cum oleo duplo, cera & medulla: sic enim de acrimonia sua multum amittit, emolliendiq; vim asciscit. Nam alioqui comburit, ac præ cæteris crassis vnguentis vehementissimè indurat. Ad fistulas etiam ac putredines euidenter est efficax: itémque ad aquosos ramices, carbunculos & gangrænas, cum cardamomo. Quin & ad rigores circuitu redeunt, tremores ac virulentarum bestiarum morsus, illinitur: scorpionum verò iectibus phalangiorumq; moribus cum tritis grossis imponitur.

De Nardino Vnguento.

CAP. LXXV.

Nardinum vnguentum variè addito ma-

E. j.

labathri folio, aut sine eo, præparatur.

Vt plurimum autem balanino oleo aut omphacino, spissandi quidem gratia iuncus odoratus admiscetur: ad odoris verò gratiam conciliandam, costus, amomum, nardum, myrrha, balsamum. Laudatur tenue, minimè acre, nardi aridæ aut amomi odorem retinens. Vis ei extenuans, acris ac detergens: nec non & humores rarefaciendi & excalfaciendi vi pollet. Liquidum verò est, nec habet strigmenti crassitudinem, nisi refinam recipiat. Conficitur quoque vilius ex omphacino oleo, iunco, calamo, costo atque nardo.

De Malabathrino. CAP. LXXVI.

Malabathrinum seu Foliatum eadem habet quæ nardinum spissamenta, myrrhæ autem plusculum additur: qua de causa calfacit, crocino aut amaracino viribus respondens.

De Myrrha. CAP. LXXVII.

MYRRHA lacryma est arboris nascentis in Arabia, Ægyptiacæ spinæ similis: qua quidem incisa lacryma in substratas tegeres destillat, pars verò circa caudicem ipsum concrevit. Ac myrrha quidem quædam pediasimos, quasi campestris, appellatur, pinguis: qua expressa, ita cæte excipitur. Alia verò Gabirea, læto ac pingui solo proveniens,

ueniens, quæ multam quoque stactem sudat. Primas verò tenet quæ Troglodytica cognominatur à loco in quo gignitur, subviridis ea quidem, mordax atque pellucida. Colligitur etiamnum tenuis quædam, quæ à Troglodytica secunda est, bdellij modo lentescens, odore quodammodo viroso, locis nascens apricis. Alia Caucalis dicitur, exoleta, nigra & retorrída. Omnium deterri-
ma quæ Ergasima nominatur: quippe quæ sit squalore obsita, acris ac minimè pinguis, & aspectu viribúsq; gummi referat. Improbatur etiam quæ Aminca nominatur. Ex iis porrò expressiones fiunt: è pinguibus quidem, odoratae ac pingues: è siccis verò, haudquaquam pingues, nec odoratae, invalidae: propterea quòd oleum dum conformarentur asciuerint. Adulteratur permisto gummi aqua macerato in qua myrrha maderit. Eligito recentem, friabilem, leuem, vndiquaque concolorem, quæque confracta intercurrentes lineas intrinsecus habeat candidas, vnguium speciem præseferentes ac læues: quæque insuper minutis firglebis, amara, odorata & acris. Ponderosa autem & quæ picei coloris est, inutilis censetur. Vim habet calfaciendi, fluxiones sistendi, soporem inducendi, glutinandi, siccandi & altringendi. Emollit etiam præclu-
E. ij.

lam vuluam & aperit. Menses & partus ce-
riter extrahit, cum absinthij vel lupino-
rum diluto aut rutæ succo admota. Deglu-
titur verò catapotij instar ad molem fabæ,
contra diuturnam tussim, orthopnoeam, la-
teris ac thoracis dolorem, alui profluuium
atque dysenteriam. Rigores quoque maxi-
mèque quartanarios, discutit, horis ante ac-
cessionem duabus cum pipere & aqua, fabæ
magnitudine, pota. Subdita linguæ liquatæ-
que, arteriæ asperitatem ac vocis raucitatem
emendat. Quin & lumbricos enecat, & ad
oris graueolentiam commanducatur. Ad-
uersus alarum tædia cum alumine liquido
illinitur: cum vino verò & oleo colluta, den-
tes ac gingiuas stabilis. Insperfa quoque, ca-
pitis vulnera glutinat. Fractis auribus nuda-
tisque ossibus cum cochleæ carne peruncta
medetur. Itémque purulentis auribus, nec
non & inflammatis, cum meconio, castorio
& glaucio. Ad varos autem, cum cassia &
melle illinitur. Impetigines ex aceto deter-
git: defluentes capillos cum ladano, vino &
myrtino oleo firmat. Diuturnas etiam de-
fluxiones compescit, si narium pinnae illi-
natur. Oculorum vlcera complet, exterit-
que albugines & ea quæ pupillis tenebras
offundunt: quin & scabritias seu aspritudi-
nes expolit. Fit & ex ea, quemadmodum è
thure,

thure, fuligo, veluti postea ostendemus, ad eadem efficax.

De Bœotica myrrha. CAP. LXXVIII.

Bœotica verò myrrha ex arbore quadam in Bœotia nascente stillat, incisa radice. Eligito quæ myrrham odoris suauitate representet. Calfaciendi, molliendi, diffundendique vi pollet. Vtiliter quoque suffimentis inseritur.

De Styrace. CAP. LXXIX.

STYRAX lacryma est arboris cuiusdam scoroneæ malo similis. Præfertur flauus ac pinguis, resinofus, albicantibus grumis, quam diutissimè in sua odoris gratia permanens, quique dum mollitur subigitur, melleam quandam humiditatem ex se remittit. Talis est Gabalites, itemque Pissidiacus atque Cilicius. Deterior niger, friabilis ac furfurosus. Inuenitur & lacryma gummi similis, translucida, myrrhæ æmula: verum hæc per pauca nascitur. Adulteratur porro arboris ipsius scobe, quæ vermiculorum erosionem facta fuerit, admisto melle ac iridis crassamento & quibusdam aliis. Nonnulli quoque ceram aut sebum aromatis imbutum ad Solem acerrimum vnà cum styrace subigunt, & per colum latis foraminibus peruium in aquam frigidam quasi vermiculos effingentes exprimunt & vānundant.

E. iij.

Styracem hunc ideò Scolecitem, quasi vermiculatum, cognominant: atque imperiti tanquam sincerum admittunt, non attendentes ad insignem odoris vehementiam. Est enim admodum acris, qui fraudis expers est. Vim habet calfactoriam, emollientem & concoctoriam. Medetur tussi, defillationibus, grauedinibus, raucitatibus & vocis interceptioni: vuluæ quoque præclusæ duritiæque laboranti conuenit. Cit menses potu appositique, & aluum leuiter molli, si exiguum cum resina terebinthina deglutiatur. Vtiliter etiam malagmatis discutientibus & acopis admiscetur. Vritur autem, assatur torreturque: atque ex eo, quem admodum & è thure, fuligo colligitur: quæ quidem ad eadem ad quæ thuris fuligo, accommodatur. Styracinum verò vnguentum quod ex eo in Syria concinnatur, calfacit ac potenter emollit: verum capitis dolorem grauitatēque ac soporem conciliat.

De Bdellio. CAP. LXXX.

BDELLIVM nonnulli madelcum, alij bolchum appellant. Lacryma est arboris Saracenicæ. Probatur gustu amarum, translucidum, taurino glutini simile, pingue intima parte, & facile mollescens, lignorum ac sordium expers, in suffitione vnguis odorati in modum odoratum. Est &

alterum sordidum ac nigrum, grandioribus glebis, in offas conuolutum, quod quidem ex India aduehitur. Defertur etiam à Petra oppido siccum, resinofum, subliuidum, sed facultate secundum. Adulteratur admixto gummi: verum ita vitiatum non perinde gustui amaritudinem repræsentat, neque usqueadeò suffitionibus odoratum est. Vim porrò obtinet calfaciendi, molliendi, discutiendi duritias, turgescencia guttura, & aquosas hernias, ieiuni saliuæ dilutum. Tum appositu, tum etiam suffitu vuluæ spiracula laxat, & partus humiditatēque omnem extrahit. Calculos potu comminuit, & urinas ducit. Tussientibus, & iis qui à virulentis bestiis demorsi fuerint, vtiliter exhibetur. Valet quoque ad rupta, conuulsa, lateris dolorem & vagos ac discurrentes flatus. Inferitur & malagmatis quæ ad duritias & nodos neruorum conueniunt. Contusum verò subigitur, affuso vino aut aqua calida.

De Thure. CAP. LXXXI.

THVS in ea quidem Arabia gignitur, quæ Thurifera cognominatur. At primas tenet masculum stagonias appellatum, naturæ sponte rotundum. Tale autem minimè sectum est, candidumque visitur, & cum frangitur, intrinsecus pingue, cumque adoletur, statim ardet. Indicum verò, sub-

E. iij.

fuluum est & liuido colore: sed rotundum etiam arte & industria factitatur. Nam in quadrangulares formas dissectum fictilibus tandiu versant atque volutant, donec formam rotundam contraxerit. Verum huiusmodi Thus tempore flauescit, atomumque ant syagrium appellatur. Secundum locum tenet orobium, quodque in Amelo nascitur. Id nonnulli copiscum nominant, & minus ac fuluius existit. Est & genus quoddam, cui amomitę cognomen, quodque cetera candidum quidem est, at dum mollitur subigiturve, mastiches more digitis cedit. Adulteratur porro Thus omne, pinea resina & gummi artificiosè tractatum. Sed maleficium facile deprehenditur. Siquidem incensum gummi flammam non concipit: resina in fumum vanescit: thus verò conflagrat. Eiusmodi præterea fraudem & odor ipse prodit. Calfaciendi astringendique vi pollet, nec non & ea exterendi quæ pupillis caliginem offundunt. Caua vlcera implet & ad cicatricem perducit. Cruenta vulnera glutinat: sanguinis eruptionem omnem cohibet, ac eam etiam ipsam quæ fit è meningibus. Cum lacte tritum & linamento exceptum, sedis ac reliquarum partium maligna vlcera mitigat. Myrmecia inter initia impesiginésque ex aceto & pice illitum tollit.

Quin

Quin & igni ambusta vlcera pernionésque cum adipe suillo aut anserino sanat. Vlcera verò capitis manantia cum nitro affrictum percurat. Paronychiis cum melle, & contusis auribus cum pice, medetur. Ad reliquos autem aurium dolores cum vino dulci vtiliter infunditur. Perunctum quoque cum Cimolia & rosaceo, mammis confert à partu inflammatis. Sic & arteriæ internorūq; viscerum medicamentis vtiliter ammiscetur, & sanguinem expuentes potu iuuat. Verū in secunda valetudine haustum, furorem inducit, & largius cum vino potum, etiam interficit. Cæterū Thus in fictili mundo positum crematur grano succésū de lucerna accenso, donec exuratur: post perfectam autem vstionem, operculo quodam integere oportet, vsquedum restingatur: sic enim in cineres minimè redigitur. Nonnulli porrò ollulæ vas æneum cauum & in medio perforatum superimponunt ad fuliginem excipiendam, veluti mox, cū de thuris fuligine fiet mentio, demonstrabimus. Alij in ollam crudam luto oblitam immittunt, vruntq; in fornace. Torretur quoque candentibus carbonibus in fictili nouo, dum non ampliùs bullet, aut pinguitudinem vaporémve vllum emittat. Friatur verò faciliè quod perustum est.

De Thuris cortice. CAP. LXXXII.

Cortex thuris præstat crassus, pinguis, odoratus, recens, lævis ac minimè scaber aut membranaceus. Adulteratur autem admixto strobilino aut pineo cortice. Sed & horum index est ignis. Siquidem reliqui cortices incensi, nequaquam conflagrant, sed citra oderis gratiam in fumum evanescent: thuris verò cortex ardet, & cum odoris fragrantia sufficit. Cæterum & hic ipse thuris modo vritur. Vis autem ei eadem quæ thuri, verum efficacior & magis astrictoria. Quare potus, sanguinem expuentibus accommodatior est: itémque alui vterive fluxione laborantibus, noduli vice subditus. Est & ad oculorum cicatrices, cauitatésque ac sordes, efficax. Torrefactus autem, scabris etiam lippitudinibus auxiliatur.

De Manna thuris. CAP. LXXXIII.

Manna thuris probatur candida, pura & granosa. Vim habet eandem quam thus, sed aliquantò remissiorem. Sunt qui admixtis resina pini cribrata & polline, aut etiam thuris contusi cortice, ipsam adulterent. Sed hæc quoque maleficia ignis arguit. Neque enim incensa æquè ac pari vigore aëris modo purum vaporem, sed fuliginosum & impurum emittet. Quin & odori grato permixta graecolentia comperietur.

De

De Thuris fuligine.

CAP. LXXXIIII.

Thuris verò fuliginem sic facito: Thuris grana forcipicula singulatim apprehensa de lucerna accendito, & in nouam fictilem ollam concauam imposito. Deinde æreo vase introrsum cauo ac in medio perforato diligentérque deterfo obtegito. Tùm ex altera eius parte, aut etiam vtrinque, lapillos quaternùm digitorum altitudine subiicito, quò faciliùs introspecti queat, vtrum illa vrantur: & locus vt sit, per quem grana alia supponas, priusquam granum primum penitus restinctum fuerit. Hoc verò facies, donec sat fuliginis collegisse videare. Assiduè tamen externas æramenti partes aqua frigida ex spongia vndique imbuito. Sic enim ipso non magnopetè calente, fuligo omnis firmiùs adhærescit: quæ alioqui sua leuitate delapsa thuris cineri permiscetur. Derasa itaque prima fuligine, idem opus repetito, quoties visum fuerit: ac cinerem quoque è cremato thure seorsim excipito. Cæterùm illa oculorum inflammationes leniendi vi pollet, fluxiones cohibet, vlcera expurgat, caua explet, & carcinomata compescit.

De Fuliginis confectiōe.

CAP. LXXXV.

AD eundem modum è myrrha, resina & styrace, fuligo conficitur, quam ad eadem accommodant. Ex reliquis quoque lacrymis fuliginem similiter excipito.

De Pinu.

CAP. LXXXVI.

PINUS vulgò nota arbor est. Eiusdem generis est, quæ picea dicitur: specie siquidem dūtaxat hæc ab illa differt. Vtriusque cortex astrictior est: ad intertrigines tritus & inspersus confert, itémque ad superficialia vlcera & ambusta, cum argenti spuma & manna. Cerato myrteo exceptus, vlcera tenella cute præditorum ad cicatricem perducit: eadem illa serpentina cum atramento sutorio tritus cohibet. Suffitu partus & secundas eiicit: potu verò, aluum sistit & vrinas mouet. Quin & ipsarum folia trita & imposita inflammationes leniunt, & vulnera ab inflammatione vindicant. Ad læuorem autem trita & in aceto decocta, dentium dolores demulcent, si calida coluantur. Prosumt & hepaticis folia, drachmæ vnius pondere ex aqua mulsæve pota. Eadem præstant strobili cortex foliaque epota. Quinetiam tæda ex ipsis in tenues assulas concisa & in aceto cocta, dentium dolores mitigat, si qua parte dens dolet, decoctum id

ore:

ore contineatur. Ex ipsis etiam spatha fit, ad
acoporum & pessorum præparationes ido-
nea. Quin & ex iis, dum cremantur, fuligo
excipitur, ad librarij atramenti confectio-
nem utilis: itémque ad medicamenta hone-
standis palpebris dicata. Erosis quoque ocu-
lorum angulis, glabris callosisque genis, &
lacrymantibus oculis, opitulatur.

De Pityidibus. CAP. LXXXVII.

Pityidum nomine picearum & pinorum
fructus appellantur, qui in conis reperiun-
tur. Vim habent astringentiam & aliquate-
nus exalfacientem. Tussi pectorisque vitiis
tum per se, tum etiam cum melle sumptæ,
auxiliantur.

De Strobilis. CAP. LXXXVIII.

Strobili si repurgati edantur, aut cum pas-
so & cucumeris semine bibantur, urinas
cient, & humorum acrimoniam hebetant,
qui vesicam & renes infestant: sedant & ro-
siones stomachi sumptæ cum portulacæ
succo: nec non corporis infirmitatem robo-
rant, corruptorumque humorum labem
obtundunt. Toti autem strobili ab arbori-
bus decerpti, ac recentes contusi & in passo
decocti, ad vetustam tussim & tabitudinem
conducunt, si ex eo liquore terni quotidie
cyathi assumantur.

De Lentisco.

CAP. LXXXIX.

LENTISCVS nota arbor est, partibus sui omnibus astringentia. Etenim ipsius fructus, folium, ramorum & radicis cortex, pares vires sortiuntur. Exprimatur & succus ex cortice, radice ac foliis, hunc in modum: Hæc simul in aqua sufficienter coquantur: quæ deinde, ubi à coctione refrigerata fuerit, abiectis foliis iterum coquitur, donec mellis habeat crassitudinem. Valet is, quæ pollet astringendi vi, ad sanguinis reiectiones, alui profluvia & dysenterias, in potu: itemque contra sanguinis ex utero eruptiones, atque tum ipsius uteri, tum etiam sedis procidentias. In summa denique acaciæ & hypocistidis vice ipso uti licet. Eadem quoque præstat succus è tritis foliis expressus. Quin & eorum decoctum fotu cava explet, ossaque quæ nondum confervuerunt, obducto callo solidat, ex utero fluxiones sistit, nomas arcet, urinas ciet, ac dentes mobiles collutione firmat atque stabilit. Virentes autem furculi arundineorum dentiscalpiorum vice dentibus affricati, eos repurgant. Fit denique & ex ipso lentisci fructu astringens oleum, ad ea quæ astringentem desiderant, accommodatum.

De

De Resina lentiscina.

CAP. XC.

E lentisco quoque resina nascitur, lentiscina cognominata, & à nonnullis mastiche dicta. Pota sanguinis reiectioni & veteri tussi vtiliter adhibetur. Stomacho quoque est vtilis, ructumque mouet. Additur etiam in dentifricia & faciei illitus: quippe quæ nitorem cuti conciliet. Quin & pilos oculorum fluentes glutinat & cohibet: commendata oris halitum commendat, gingiuasque contrahit. Præstantissima porro & copiosissima in insula Chio prouenit. Præfertur pellucida, ceræ Tyrrhenicæ candore similis, crassior, arida, friabilis & odorata: viridis autem minùs probatur. Adulteratur verò admistis thure ac resina strobilina.

De Terebintho.

CAP. XCI.

TEREBINTHVS cognita arbor est: cuius folia, fructus & cortex, qua pollent astringendi vi, ad eadem ad quæ etiam lentiscus, conueniunt, simili parata modo sumptaque. Eius fructus esculentus est, at stomacho noxius: urinam verò ciet & excalfacit. Est & ad excitandam venerem aptissimus: ex vino verò potus, contra phalangiorum morsus prodest. Resina eius ex Arabia Petràa conuehitur. Prouenit tamen etiam in Iudæa, Syria, Cyprio, Africa & Cycladibus.

insulis. Præfertur autem magis perlucida, candida, vitreo colore & in cæruleum vergente, odorata ac terebinthum olens. Resinas porro omnes antecedit terebinthina: proxima huic lentiscina: deinde pinea & abiegna. Post has numerantur, ea quam ferunt piceæ, & strobilina. Vis autem resinae cuius molliendi, calfaciendi, discutiendi dissipandive & expurgandi. Tussi ac tibi conveniunt in eclegmate per se aut ex melle: quæque ex pectore educi oportet, expurgat. Urinam quoque movet, cruda cōcoquant, & ventrem emolliunt: ad agglutinandos palpebrarum pilos conferunt: itémque ad lepras cum æruginē, sutorio atramento ac nitro. Ad aures denique sanie manantes cum melle & oleo, necnon ad genitalium pruritum sunt utiles. Emplastris quoque, malagmatis & acopis admiscuntur: quin & per se illitæ aut impositæ, laterum doloribus auxilio sunt.

De Resinis alijs.

CAP. XCII.

Manat & resina liquida tum è pinu, tum & è picea. Hæ ex Gallia & Hetruria conveniuntur. Quin & olim è Colophone asportabatur: quæ inde Colophonix cognomen sibi vendicavit. Itémque ex Gallia subalpina, quam incolæ nomine vernaculo laticem appellant. Ea in linctu & per se ad venterem

terem tussim præclare facit. Ipsæ quoque inter se colore differunt: siquidem candida quædam est, alia oleosa, alia denique mellis similitudinem habet, uti larigna. Prouenit & è cupresso resina liquida, quæ quidem ad eadem omnia est efficax. Ex ficcis autem resinis alia est strobilina, alia abiegna, alia quam fundit picea, alia denique pinea. Eligito omnium maximè odoratam, perlucidam, non valde aridam neque humentem, sed ceræ similem atque friabilem. In eo genere præstant pinea & abiegna: odoratæ enim sunt, atque thus odore imitantur. Præstantiores ex Pityusa insula, quæ secundum Hispaniam sita est, deferuntur. Quæ verò ex picea, strobilo & cupresso manarunt, inferiores sunt, neque tantis atque illæ viribus pollent. Veruntamen eorundem gratia, quorum & illæ, usurpari solent. Lentiscina verò, terebinthinæ proportionem respondet.

De Vrende resinae modo, eiusdemque fuligine.

CAP. XCIII.

Vritur resina omnis liquida in vase quadruplæ capacitatis ad liquoris infundendi quantitatem. Congium enim resinæ, duos autem aquæ pluuiæ congios in æhenum immitti oportet, & ad prunas lento igne coqui assiduè mouendo; dum odor penitus abo-

F. j.

leatur, friabilis & arida reddatur, ac digitis minimè cedat. Tandem ubi refluxit, in fictile vas aconitum, hoc est, minimè picatum, reconditur: fitque hoc modo candoris eximij. Attamen resinam omnem eliquatam prius excolari oportet, quò sordidi quicquid est secernatur. Vrantur quoque sine aqua super carbonibus, leuiter primum: deinde ubi spissari cœperint, vehementius: sicque multis subiectis carbonibus ad dies tres totidemque noctes citra intermissione discoqui oportet, usque dum prius memoratas notas sibi asciuerint. Mox, uti dictum est, reponito. Attamen siccas tota die decoxisse suffecerit, atque ita reponere. Vtque porro magnoperè conducunt ad odorata malagmata & acopa, necnon & ad vnguenta coloranda. E resina quoque, perinde atque de thure dictum est, fuligo excipitur: quæ ad honestandis palpebris dicata medicamenta, ad circumrosos oculorum angulos, humore superfluo madentes palpebras, & lacrymantes oculos prosunt. Ex hac eadem fit etiam atramentum, quo scribimus.

De Pice liquida.

CAP. XCIIII.

PIX liquida, quam nonnulli conum appellant, è pinguiissimis piceæ pinique lignis colligitur. Probatur splendida, læuis ac sincera.

sincera. Facit autem ad lethalia medicamen-
ta, phthificos, purulenta excreantes, tusses,
anhelationes & humores intra pectus con-
tentos agrè excreabiles, si cyathi mensura
cum melle delingatur. Peruncta valet ad
tonsillarum ac vuae inflammationes & an-
ginas, itémque ad aures purulentas cum ro-
laceo, necnon & ad serpentium morsus cum
trito sale adhibita. Pari verò ceræ admista,
scabros vngues detrahit: vuluæ tubercula
sedisque duritias discutit. Cum farina hor-
deacea vrinæque pueri decocta, strumas cir-
cumquaque rumpit. Cum sulphure, pineo
cortice aut furfuribus illita, quæ serpunt vl-
cera cohibet. Mannæ thuris ac cerato per-
mista, sinuosa vlcera agglutinat: pedum se-
disque rhagadibus commodè illinitur: vl-
cera replet, & cum melle repurgat. Quin &
cum vua passâ & melle carbunculos putre-
scentiæque vlcera emarginat. Septicis quo-
que seu erodentibus emplastris vtiliter im-
miscetur.

De Picino oleo. CAP. XCV.

E Pice fit Picinum oleum, separato quod
in ea aquosum est, quodque eidem veluti
serum lacti supernatat. Excipitur porrò in-
terea dum pix coquitur, expansis supra eam
mundis velleribus: quæ postquam halitu ex
ea sublato permaduerint, in vas aliquod ex-

F. ij.

primuntur. Iteratur illud, tantisper dum pix ea coquitur. Ad eadem ad quæ pix liquida est efficax. Cum horde acea etiamnum farina alopeciiis adhibuitum, capillos restituit. Idipsum quoque præstat pix liquida: quæ prætereà iumentorum vlcera scabiemque illita emendat.

De Pix liquida Fuligine.

CAP. XCVI.

Fit & è liquida pice Fuligo hunc in modum: In lucernam nouam ellychnio instructam picis nonnihil indito: illud accendito, ac fictili vase nouo in clibani speciem conformato, supernè quidem rotundo & angusto, infernè verò, vti clibani solent esse, perforato, lucernam operito & ardere finito: consumptoque priore liquore nouum infundito, donec sat fuliginis collegeris, atque tum vtitor. Vim habet acrem & astrictoriam. Ea verò vtendum ad pigmenta quibus palpebræ honestantur, & ad circumlitiones: item vbi superfluo humore madentibus atque adeo glabris genis pilos restitui oportet. Denique ad imbecilles, lacrymosos ampliusque exulceratos oculos est utilis.

De Pice spissa sine arida.

CAP. XCVII.

Pix sicca è liquida decocta fit. A nonnullis ea palimpissa, quasi pix iterum cocta, nominatur.

• natur. In hoc genere quædam est visci modo lentescens, boscas cognominata: altera sicca. Probatur pura, pinguis, odorata & subrutila ac resinosa. Talis Lycia & Brutia: quæ quidem vtranque picis simul & resinæ naturam sortiuntur. Calfactoriam vim habet, mollit, pus mouet, tubercula panósque discutit, vlcera replet, ac vtiliter vulnerariis medicamentis permiscetur.

De Zopissa. CAP. XCVIII.

Zopissam sunt qui nomenclant nauibus deraſam cum cera resinam, quam nonnulli apochyma appellant. Ea dissipandi vim habet, quoniam aqua marina macerata sit. Alij pineam resinam eo nomine vocauerunt.

De Bitumine. CAP. XCIX.

BITUMEN Iudaicum cæteris præstat. Probatur purpuræ modo splendens, odoris intensi ac ponderosum. Nigrum autem ac sordidum, damnatur: admixta siquidem pice adulteratur. Nascitur in Phœnice, Sidone, Babylone & Zacyntho. Gignitur & in Agrigentino Siciliae agro liquidum, fontibus supernatans, quo ad lucernarum lumina olei vice vtuntur, quodque Siculum oleum falsò appellant: nânque liquidi bituminis genus esse constat.

De Pissasphalto. CAP. C.

Gignitur in Apollonia, Epidamno vicinis,

P. iij.

quæ Pissasphaltos appellatur. Ea è montibus Cerauniis estuantis fluminis impetu deuoluitur, & in litus expuitur: illie in glebas coacta mistam bitumini picem redolet.

De Naphtha. CAP. CI.

Naphtha quoque vocatur bituminis Babylonij colamen colore candidum: inuenitur etiam nigrum. Vim obtinet ignis rapacem, adeò vt etiam è longinquo illum concipiat. Ad suffusiones oculorum & albugines est efficax. Porrò bitumen omne vim habet inflammationes arcendi, glutinandi, discutiendi atque etiam molliendi, ad vuluë strangulationes & procidentias efficacem, seu appositum, seu olfactum, seu etiam suffumigatum. Quin & comitiali morbo laborantes, veluti gagates lapis, suffitu prodit. Cum vino & castorio potum menses elicit. Tussi veteri, anhelationi spirandique difficultati auxilio est: serpentium quoque moribus, atque coxendicum laterisque doloribus medetur. Cœliacis etiam catapotij instar deglutiedum exhibetur: & grumos sanguinis soluit, cum aceto potum. Dysentericis itidem cum prissana liquatum infunditur, distillationibus suffusione medetur, denarium dolores circumlitum mitigat. Ceterum quod siccum est, specillo impositum olfactumque pilos agglutinat. Cum hordeacea

deacea autem farina, cera ac nitro adhibi-
tum, podagricos, arthriticos atque lethar-
gicos iuuat. At verò Pissasphaltos eadem
quæ pix & bitumen, si ambo hæc fuerint
permixta, potest.

De Cupresso. CAP. CII.

CUPRESSVS astringit & refrigerat. E-
ius folia ex passo & myrrha pauca epo-
ta, vesicæ fluxione tentatæ ac urinæ difficul-
tatibus auxiliantur. Pilulæ autem contusæ
& ex vino bibitæ, ad sanguinis reiectionem,
dysenteriam, alui fluxionem, orthopnæam
atque tussim, conueniunt. Quin & earum
decoctum, idem præstat. Cum fico tusæ, du-
ritias etiam emolliunt, nariumque polypis
medentur. Ex aceto etiamnum decoctæ &
cum lupinis tritæ, scabros vngues detra-
hunt: ramices quoque intestinorum adhi-
bitæ reprimunt. Folia iisdem pollent viri-
bus. Sed & pilulæ cum arboris coma suffitæ,
culices fugare existimantur. Folia verò trita
& imposita, vulnera glutinant, sanguinem-
que supprimunt: cum aceto etiam trita, ca-
pillos tingunt. Porro tum per se, tum etiam
cum polenta illinuntur ad erysipelata, her-
petas, carbunculos & oculorum inflamma-
tiones. Cerato verò mista & admota, ven-
triculum roborant.

F. iiij.

De Iunipero. CAP. CIII.

IVNIPERVS. quædam maior est, minor altera. Vtraque acris est, extenuat, urinas ciet, excalfacit, accensaque serpentes fugat. Vnius fructus nucis Ponticæ magnitudine reperitur: alterius verò, fabam æquat, at rotundus est, odoratus, dulcis in mandendo ac subamarus, arkeuthis, id est, iuniperi bacca, dictus. Moderatè calfacit & astringit, stomacho utilis. Potus, ad pectoris vitia, tussis, inflationes, tormina virulentarumque bestiarum venena, confert. Urinas quoque ciet: unde & conuulsis, & ruptis, vuluæque strangulatui subuenit.

De Sabina. CAP. CIIII.

SABINAM nonnulli barathrum appellant: cuius duo sunt genera. Vnum foliis quidem est cupresso simile, at spinosius, graueolens, acre ac feruentis naturæ. Curta est arbor, ac sese magis in latitudinem fundit: foliis quidam ad suffitus vtuntur. Alterum genus est folio tamarici simile. Vtriusque folia nomas compescunt, & phlegmonas adhibita mitigant: nigrities & sordes cum melle inducta repurgant, carbunculósque circumquaque rumpunt. Cum vino autem pota, sanguinem per urinas educunt & partus expellunt: id ipsum tum appositum, tum etiam suffitu præstant. Calfactoriis etiam vnguentis,

guentis, ac priuatim gleucino, immiscen-
tur.

De Cedro. CAP. CV.

CEDRVS arbor magna est, ex qua cedria dicta colligitur. Fructum profert vti cu pressus, at multo grandiore. Dicitur & altera cedrus, eaque parua, spinosa iuniperi modo, fructum ferens myrti baccarum magnitudine, rotundum. Cedria vero laudatissima est, crassa, perlucida, grauis odoris: quæ dum effunditur, in guttas coit, minimèque diffunditur. Vim ea obtinet viuentium quidem corporum corruptricem, defunctorum vero cõseruatricem: qua ex causa quidam mortui vitam appellauerunt. Vestes quoque & pelles corrumpit, eò quòd vehementius calfaciat & siccet. Oculariis porro medicamentis accommodatur: quippe quæ inuncta oculis claritatem conciliet, eorundemque albugines ac cicatrices detergeat. Cum aceto instillata, vermes aurium necat: & cum hyssopi decocto infusa, sonitus sibilosque sedat. Eroforum dentium cauis indita, eos quidem frangit, at dolores leuat: idem quoque facit, si ex aceto colluatur. Genitali ante coitum circumlita, conceptione impedit. Anginosi quoque ea perunguntur: quin & tonsillarum inflammationibus auxilio est. Pediculos ac lendes illitu enecat:

cerastæ morfibz cum sale adhibita subuenit. Contra hausta leporis marini venena in passo sumpta auxiliatur. Iuuat & elephanticos. Linctu aut perunctione pulmonis vlcera purgat: &, si cyathi mensura sorbeatur, persanat. Tum vermes alios, tum & ascariidas infusa necat, & partus extrahit. Fit & ex ea oleum quod à cedria separatur, velleribus interea dum coquitur supra eam expansis, vt de pice dictum est: ad eadem omnia, ad quæ cedria vtile. Priuatim tamen oleum viriliter perunctum, scabiem quadrupedum, canum boûmque persanat: iis inhærentes ricinos admotum enecat, & vlcera ex tonsura oborta ad cicatricem perducit. Fuligo ipsius quo modo è pice colligenda, iisdem quibus illa viribus prædita. Cedrides porro cedri fructus appellantur. Calfactoriam vim habent & stomacho aduersantur: tussi verò, conuulsis, ruptis & stranguriæ, auxiliantur. Ex trito pipere poti, menstrua ciunt, & contra haustum leporem marinum in vino sumuntur. Fugantur & serpentes, iis peruncto corpore ex cerui adipe aut medulla: denique in antidota quoque adduntur.

De Lauro. CAP. CVI.

LAVRVS quædam est tenui folio, altera latiore. Vtraque excalfactoriam emollientemque naturam habet. Itaque decoctum

Etum ex his, infestis vuluæ ac vesicæ vitiis
conuenit. Virentia folia aliquantulum a-
stringunt: trita & illita, vesparum apumque
ictibus opitulantur. Eadem adhibita cum
polenta & pane, ad inflammationem quam-
libet leniendam valent. Pota verò, stoma-
chum grauant & vomitiones mouent. Por-
rò lauri baccæ magis quàm folia calfaciunt.
Proinde in eclegmate tritæ cum melle aut
passo, prosunt tabi, orthopnoæ ac thoracis
rheumatismis. Contra scorpionum ictus ex
vino bibuntur, & vitiligines emaculant. Ex-
pressus ex iis succus aurium doloribus au-
ditusque grauitati auxiliatur, cum vino ve-
tere & rosaceo instillatus. Inseritur & aco-
pis & vnguentis, tum calfaciendi, tum etiam
discutiendi vi præditis. Cæterum cortex ra-
dicis calculos rumpit, partus necat, & hepa-
tici prodest, tribus obolis in vino odorato
potus.

De Platano.

CAP. CVII.

TENERRIMA Platani folia in vino
decocta, mox illita, oculorum fluxio-
nes sistunt, ac tum œdemata tum phlegmo-
nas leuant. Cortex in aceto coctus, ad den-
tium dolores colluitur. Pilulæ verò virides
in vino potæ, serpentium moribus auxi-
liantur: exceptæ autem adipe, igni ambusta
sanant. Cæterum foliorum pilularumque

ianugo [in aures & oculos] illapſa auditum viſumque labefactat.

De Fraxino. CAP. CVIII.

FRAXINVS arbor nota eſt: cuius foliorum ſuccus & ea ipſa tum in vino pota, tum etiam impoſita, viperarum morſibus opitulatur. Cortex uſtus & ex aqua illitus, lepras remouet. Ligni ramenta pota, lethalia perhibentur.

De Populo alba. CAP. CIX.

POPULI albæ cortex vnciæ vnius pondere potus, iſchiadicis & ſtranguriæ prodeſt. Traditur & conceptum adimere, ſi cum mulino rene bibatur. Sed & folia poſt purgationes cum vino pota, idem præſtare dicuntur. Tepidus quoque foliorum ſuceus aurium doloribus vtiliter inſtillatur. Pilulæ verò, quæ primo foliorum germinatu erumpunt, tritæ & cum melle illitæ, oculorum hebetudini medentur. Nec deſunt qui memoriæ prodiderint, tum albæ tum etiam nigre populi corticem in tenuia fruſta conciuſum, ac ſtercoratis areolis ſparſum & quaſi ſatum, quauis anni tempeſtate fungos edules proferre.

De Macere. CAP. CX.

MACER cortex eſt è Barbaria aduehiſolitus, ſubſtauus, craſſus & guſtu perquam aſtringens. Bibitur is ad cruentas excreationes,

creationes, dysenterias & alui fluxiones.

De Ulmo.

CAP. CXI.

ULMI & folia & rami & ipse cortex astringendi vim habent. Folia trita ex aceto, ad lepram efficaciter illinuntur, & vulnera glutinant: multò verò magis cortex, si fasciæ loco circumuoluatur: est enim lori in modum flexilis. Crassior autem cortex in vino aut aqua frigida vnciæ pondere potus, pituitam educit. Quin & decoctum foliorum aut corticis radicūve, ossibus fractis si fots gratia perfundatur, ea celerius obducto callo solidat. Humor autem qui in folliculis prima germinis eruptione reperitur, faciei illitus, cuti nitorem inducit. Ille idem dum exiccatur, in animalcula culicibus similia resoluitur. Cæterum recentia folia ad opsonia olerum more usurpantur.

De lignorum Carie.

CAP. CXII.

Quæ verò caries ex veteribus lignis & caudicibus veluti farina colligitur, imposita ulceribus, ea repurgat & ad cicatricem perducit. Eadem serpentina cohibet, cum pari aniso & vino subacta, itidemque trita, linteis indita & inspersa.

De Populo nigra.

CAP. CXIII.

POPULI nigrae folia ex aceto imposita, podagricis doloribus auxiliantur: quæ

verò ex ea manat resina, malagmatis am-
miscetur. Semen ex aceto potum, comitia-
libus vtile. Fertur populorum lacryma quæ
secundùm Padum amnem destillat concre-
scere, fieriq; succinum, quod electrum vul-
go Græcorum, nonnullis chrysophorum,
appellatur. Id attritu iucundum odorem
spirat, & colore aurum æmulatur. Tritum
potumque, stomachi aluique fluxiones
sistit.

De Arundine. CAP. CXIIII.

IN Arundinum genere quædam nastos, id
est, plena solidave, appellatur: ex qua sa-
gittæ factitari solent: altera fœmina, ex qua
tibiis ligulæ conficiuntur. Alia syringias,
hoc est, fistulosa, multa carne prædita, geni-
culis densior, ad librorum scriptionem ac-
commodata. Alia denique crassa & conca-
ua, circum amnes nascens, quæ etiam donax
& à quibusdam Cypria vocatur. Est & alia
phragmites, quasi sepimentis idonea, gra-
cilior, candicans, vulgo nota. Cuius radix
contrita, ac tum per se, tum cum bulbis im-
posita, spicula aculeosque corpore extrahit.
Ex aceto verò, luxata doloresque lumbo-
rum demulcet. Virentia porrò folia tusa &
imposita, tum erysipelatis, tum aliis inflam-
mationibus medentur. Cortex vstus & ex a-
ceto illitus, alopecias emendat. Caterum
paniculæ

paniculæ flos, si aures intrauerit, exurdat. Eadem quoque præstare valet quæ Cypria arundo dicitur.

De Papyro.

CAP. CXV.

PAPYRVS nulli non cognita, ex qua charta paratur. Præcipuæ verò est in Medicina utilitatis ad laxanda fistularum orificia, si præparata fuerit: hoc est, liquore quopiam macerata, lino fuerit obuoluta, usque dum inaruerit. Ita enim coarctata si immittatur, humore completur, ac intumescendo fistulas aperit. Habet autem radix alimenti nonnihil: quò fit, ut eam comman- ducantes Ægyptij succum exugant, com- mansum reliquum expuant. Ipsius quoque radicibus iidem pro ligno vtuntur. At vsta papyrus dum in cinerem redacta fuerit, de- pascentia vlcera cum omnium partium, tum oris maximè cohibet. Verùm id me- liùs combusta charta præstat.

De Myrica seu tamarice.

CAP. CXVI.

MYRICA nota arbor est, apud paludes ac resides stagnantèsve aquas nascès, fructumque veluti florem ferens compa- ge muscolum. Gignitur & in Ægypto Sy- riæque satiuæ quædam, cætera syluestri simi- lis: at fructum ferens gallæ proximum, gu- stu inæqualiter astringentem, quique vice

gallæ ad oris oculorûmque medicamentâ accommodatur. Datur & ad sanguinis excreationes in potu: cœliacis quoque & fœminis vulvæ profluuiio laborantibus, necnon & contra morbum regium, phalangiorûmque morsus. Impositus etiam œdemata inhibet. Cortex verò eadem quæ fructus præstat. At foliorum decoctum in vino potum lienem liquat, & ore collutum ad dentium dolores salutare est. Quin & infessumulieribus vulvæ fluxioni opportunis auxiliatur: iis quoque qui pediculos lendesq; gignunt, affusum prodest. Sed & ligni cinis appositus, fluxionem ex vtero sistit. Sunt & qui è caudice calices parent, quibus poculorum vice splenetici vtantur, ceu datus in eiusmodi vasis potus lieni conferat.

De Erica.

CAP. CXVII.

ERIC A fruticosa est arbor, myricæ similis, at longè minor: cuius flore dum vtuntur apes, minimè probatû mel efficiunt. Huius tam flos quàm coma serpentium moribus illitu medetur.

De Acacalide.

CAP. CXVIII.

ACACALIS, fructus est nascentis in Ægypto fruticis, myricæ fructui quadantenus similis: cuius dilutum ad collyria additur, quæ visus claritati conueniunt.

De

De Rhamno.

CAP. CXIX.

RHAMNVS frutex est circa sepes nascens, virgas gerens erectas, spinasque oxyacanthæ modo aculeatas: foliis parvis, oblongis, suppinguis ac mollibus. Præter hanc altera est candidior: itémque tertia, nigrioribus latioribusque foliis & quadantenus rubentibus, virgultis quinos ferè cubitos longis: spinosioribus quidem, at minus firmos rigidosve, minusque acutos aculeos habentibus. Fructus est latus, candidus, tenuis, folliculi propè figura, verticillo similis. Omnium folia erysipelatis & herpetibus efficaciter illinuntur. Feruntur & huius rami ianuis fenestrisve appositi, veneficorum maleficia depellere.

De Halimo.

CAP. CXX.

HALIMVS frutex est circa sepimenta nascens, similis rhamno, subalbidus, sine spinis, foliis oleæ proximis, sed latioribus ac mollioribus. Nascitur in maritimis [locis præruptis] ac sepibus. Eius folia ciborum gratia olerum modo decoquuntur. Radix verò drachmæ pondere in aqua mulsâ pota, conuulsa, rupta torminaque mitigat, & lactis vbertatem præstat.

De Paluro.

CAP. CXXI.

PALIVRVS frutex est vulgò notus, aculeatus, solidus, cuius semen pingue & lig.

G. j.

ni seminis æmulum reperitur: quod quidem potum, tussi opitulatur, vesicæ calculos comminuit & serpentium moribus aduersatur. Folia & radix astringentiam vim habent: eorumque decoctum potum aluum sistit, urinas trahit, & contra venena venenatorumque morsus auxiliatur. Radix verò trita & imposita, recentia quævis tubercula & œdemata discutit.

De Acuta spina. CAP. CXXII.

OXYACANTHA, quam pyrinam nonnulli, alij pytyanthen vocant, arbor est pyraastro similis, at minor & valde spinosa. Fructum profert myrti baccis assimilem, plenum, rubrum, fragilem, nucleo intus præditum: radicem multifidam & profundam. Huius fructus tum potus, tum in cibo sumptus, alui profluvium fluxumque muliebrem sistit. Radix trita & illita, infixæ corpori spicula & aculeos extrahit. Perhibetur & radix abortus facere posse, si ter ea venter leniter feriatur aut perungatur.

De Cynosbato. CAP. CXXIII.

RVBUM canis alij oxyacantham appellant. Frutex est rubo longè maior, ad arboris magnitudinem accedens. Folia fert multò latiora quàm myrtus, robustos verò circa virgulta aculeos, florem candidum, fructum oblongum, oliuæ nucleo similem: qui

qui quidē dū maturefcit, fuluus: intus verō lanuginofus confpicitur. Fructus arefactus exempta interiore lanugine (eft enim arteriæ noxia) tūm in vino feruefactus & potus, aluum fiftit.

De Cypro.

CAP. CXXIIII.

CYPRVS arbor eft foliis circum virgulta oleæ fimilibus, fed latioribus, mollioribus & viridioribus: floribus candidis, mucofis, odoratis: femine nigro, sambuci fructui fimili. Optima nafcitur in Afcalone & Canopo. Folia astrictoriam vim habent: quare oris vlceribus commanducata medentur, & illita tum feruidis aliis inflammationibus, tum etiam carbunculis profunt. Eorundem decoctum igni ambuftis affunditur. Rufant & capillos trita & illita folia, quæ in ftruthij fucco maduerint. Flos ex acetō tritus & frōti inductus, capitis dolores fedat. Cæterum quod ex eo præparatur cyprinum vnguentum, odoratum eft, ac vim afciscit excalfaciendi molliendique neruos: fiquidem feruenti natura præditorum medicamentorum mifturam recipit.

De Phillyrea.

CAP. CXXV.

PHYLLYREA arbor eft cypri magnitudinem æquans, foliis oleaceis, fed latioribus & nigrioribus, fructu lentifci, nigro, fubdulci & quafi racemato. Locis afperis

G. ij.

nascitur. Huius folia perinde ac oleastri astringunt, proptereaque ad ea faciunt quæ astrictionem desiderant, maximèque ad oris vlcera, tum commanducata, tum etiam si decocto ea colluantur. Quin & potum decoctum vrinas mensèsque ciet.

De Cisso. CAP. CXXVI.

CISTVS, quem nonnulli cistharon aut cissaron vocant, frutex est petrosi locis nascens, multos emittens ramulos, foliosus, improcerus, folijs rotundis, nigris, hirsutis. Flores masculo, veluti mali punice: feminae, albi. Vim habet astrictoriam: ideoque flores triti & ex vino austero bis die poti, dysenteris conferunt: ipsi verò per se illiti, nomas cohibent, & cum cerato igni ambustis ac vetustis vlceribus medentur.

De Hypocisthide. CAP. CXXVII.

Cisti radicibus adnascitur quiddam mali Punice cytino simile, quod hypocisthis dicitur: à nonnullis verò robethrum aut cytinus appellatur. Eius pars fulua, altera virès, quædam etiam candida cernitur. Ex ea succus acaciæ modo exprimitur. Aliqui tamen ipsam arefactam contusamque macerant & decoquunt, reliquaque vt in Lycio præstant. Vires habet acaciæ: verum aliquantò magis astringit & exiccat. Prodest cœliacis, dysentericis, & sanguinem excreantibus, imò & fluxui

fluxui muliebri, tum pota, tum etiam infusa.

De Ladano. CAP. CXXVIII.

Est & alterum cisti genus, Ledum à nonnullis appellatum, frutex eodem quo cistus modo nascens, sed longioribus foliis ac nigrioribus, quæ verno tempore quiddā pingue contrahunt. Huius foliorum vis astringens, eosdem quos cistus effectus præbet. Fit autem ex eo quod ladanum appellatur. Siquidem cum cisti folia depascuntur capræ hircique, pinguitudinem conspicuè barbis & femoribus, quoniam viscosa sit, adhærescentem excipiunt contrahuntve: quæ depexa colatur, & in offas efformata reponitur. Alij attractis per frutices funiculis, inhaerentem iis pinguitudinem deradunt & in offas cogunt. Maximè verò probatur odoratum, subviride, facile mollescens, pingue, arenæ squalorisve expers ac resinosum. Tale autem est, quod in Cypro gignitur. Arabicum verò Lybicumque, vilius est. Natura ei astringendi, calfaciendi, molliendi & vasorum oscula referandi. Vino, myrrhæ & oleo myrteo admixtum, fluentem capillum cohibet: cicatricibus decorem facit, cum vino illitum: aurium doloribus cum hydromelite aut rosaceo infusum medetur. Suffumigatur & ad secundas eiiciendas: pessis

G. iij.

immistum, vuluæ duritias sanat: denique in medicamenta sedandis doloribus ac tussi dicata, itémque malagmata, vtiliter inseritur. Aluum quoque sistit cum vino vetere potum, ac vrinæ prætereà ciendæ accommodatum est.

De Ebena.

CAP. CXXIX.

EBENVS optima censetur Æthiopica, nigra, venarum pectinúmve expers, cornu elaborato læuore similis, quæque fracta densa apparet, mordet autem gustu ac leniter astringit. Prunis imposita, cum odore iucundo & citra fumum vritur. Recens verò igni admota, ob pinguitudinem accenditur, & ad cotem trita, subfulua redditur. Est & altera Indica, intercurrentibus lineis prædita, candidis & fuluis, itémque maculis frequentibus: cæterùm prior bonitate antecedit. Nonnulli porrò mori aut acanthi ligna, quòd consimilia sint, pro ebena vendunt. Ex eo autem internoscuntur, quòd fungosa sint, & in assulas ad purpuram vergentes resoluantur, nihil mordacitatis in gustu, nec suauis odoris in suffitu præ se ferentia. Vim habet ebenus ea exterendi quæ pupillis caliginem offundunt: pollet & ad veteres fluxiones ac pustulas. Quòd si quis facta ex ea coticula vtatur ad terèda collyria, efficacius medebitur. Ad oculorum medicamenta efficac

ficax quoque redditur, si scobes ramentave in vino Chio per diem ac noctē macerata, diligentēque ad læuorem contrita, in collyria digerantur. Nonnulli ipsa prius trita cribro cernunt, ac deinde reliqua eo modo peragunt. Quidam pro vino aqua vtuntur. Vritur etiam in fictili nouo, donec in carbones redigatur: lauaturque plumbi vsti modo: itaque præparatum aridis scabrisque lippitudinibus conducit.

De Rosa. CAP. CXXX.

ROSA refrigerat & astringit: sed sicca magis astringit. Succum autem è rosis recentibus exprimi oportet, resectis nimirum prius forfice vnguibus (sic appellantur candidæ foliorum partes) ita vt reliquum in pila prematur teraturque: inde verò expressus succus in vmbra locari debet, dum spissescat, & ita ad oculorum circumlitiones recondi. Siccantur etiamnum folia in vmbra, continuò tamen versata, ne situm mucorémve contrahant. Siccarum verò rosarum in vino coctarum expressus liquor facit ad dolorem capitis, oculorum, aurium, gingiuarum, sedis, recti intestini ac vuluæ, siue illitus, siue etiam affusus. Eædem citra expressionem contusæ, moxque impositæ, hypochondriorum inflammationibus, stomachi ex humiditate nimia solutionibus,

G. iij.

& erysipelatis cōferunt: iisdem siccis ac tritis femina asperguntur: denique compositionibus quas antheras vocant, & vulnerariis antidotis immiscentur: vruntur & in calliblephara. Porro flos qui in mediis rosis reperitur, aridus gingiuarum fluxionibus efficaciter inspergitur. Capita verò pota, fluentem aluum & cruentas reiectiones sistunt.

De Roscis pastillis.

CAP. CXXXI.

Pastilli quos rhodidas vocant, hac arte præparantur: Rosarum viridium, quæ nullo antè humore madefactæ extabescere cœperint, drachmæ xl. Indicæ nardi drachmæ x. myrrhæ drachmæ vj. tritæ digeruntur in pastillos ponderis ternū obolorum: qui quidem in vmbra siccati vase fictili non picato ac probè vndique obturato, reponuntur. Sunt qui costi drachmas ij. adiciant, & Iridis Illyricæ tantundem, vinum etiam Chium cum melle ammiscentes. Mulieribus monilium vice collo circumdati, vsui sunt ad retundendam sudoris graueolentiā. Iisdem etiam tritis vtuntur ad diapasmata, quæ ad sudores coercendos corpori asperguntur, itémque ad illitiones à balneo: & postquam inaruerint corpori, frigida abluuntur.

De

De Lycio. CAP. CXXXII.

LYCIUM, quod aliqui pyxacantham vocant, arbor est spinosa, virgis trium cubitorum, aut etiam longioribus: circa quas folia sunt buxo similia, densa. Fructum habet piperis instar nigrum, amarum, densum, leuem: corticem verò, pallidum, Lycio diluto similem, & radices numerosas, obliquas, lignosas. Nascitur plurimum in Cappadocia, Lycia, pluribusque aliis locis. Aspera loca amat. Succus elicitor radicibus cum frutice ipso tuis, & per dies multos maceratis, deindeque coctis: ac tùm ligna quidem abiciuntur, liquor verò iterum coquitur, donec mellis crassitudo fiat. Adulteratur amurca inter coquendum admixta, aut absinthij succo, aut felle bubulo. Quod porro spumofum innatat inter coquendum eximito, & ad oculorum medicamenta reponito: reliquo ad alia vtitor. Simili modo & è fructu expresso & insolato succus elicitor. Optimum est Lycium, quod igni accenditur, quòdque dum restinguitur, rubentem spumam edit, extrinsecus nigrum, intus verò cùm dissecueris fuluum, minimè virosum, cum amaritudine astringens, colore croceo: quale est Indicum, reliquo præstantius atque efficacius. Vim habet astrictoriam: quæ pupillis catiginem offundunt ex-

terit, palpebrarum scabiem, pruritus veteresque fluxiones sanat. Facit & illitum ad aures purulentas, tonsillas, gingivas exulceratas, labiorum fissuras, sedis rimas & attritus. Coeliacis & dysentericis tum potum, tum etiam infusum conuenit. Datur & sanguinem excreantibus atque tussientibus ex aqua: itemque à rabioso cane demorsis, catapotij instar deuoratum aut ex aqua bibitum: flauos facit capillos: reduuiis, herpetibus putrescentibusque vlceribus medetur: fluxum muliebrem appositum sistit, & à rabiosis animalibus demorsis, seu in lacte bibitum, seu catapotij vice assumptum, auxiliatur. Fertur & Lycium Indicum fieri ex frutice, lonchitide appellato. Est is è spinarum genere, virgas habens rectas tricubitales, aut etiamnum maiores, à fundo numerosas & rubo crassiores. Ruptus cortex rubescit: folia verò, oleæ similia visuntur. Herba in aceto decocta propinataque, proditur lienis inflammationibus regioque morbo mederi, & foeminarum purgationes elicere. Cruda quoque trita, in potu eadem præstare traditur. Seminis mystra duo epota, aquosa expurgant, suntque aduersus lethalia medicamenta remedio.

De

De Acacia. CAP. CXXXIII.

ACACIA in Ægypto nascitur, spina ad arboris magnitudinem accedens; fruticosa, in rectum minimè assurgens, florem habens candidum, fructum verò lupini in modum, siliquis inclusum. Ex eo succus exprimitur, qui in vmbra siccatur, niger quidem ex maturo fructu, subfuluus autem ex immaturo. Eligito modicè fuluum & odoratum, vt in acacia esse potest. Sunt qui è foliis vnà cum ipso fructu succum exprimant. Manat & gummi ex ea spina. Vim habet astringentiam & refrigerantem. Conuenit porrò succus ad oculorum affectus, erysipellata, herpetas, perniones, pterygia & oris vlcera. Quin & procidentes oculos in integrum restituit, fluxum muliebrem sistit, ac ipsius etiam vuluę procidentias cohibet: alui quoque profluvia supprimit tum potus, tum etiam infusus: capillos itidē denigrat. Lauatur & ad oculorum medicamenta cum aqua tritus, effuso identidem quod in summo concreuerit, donec pura superstet aqua: atque ita in pastillos cogitur. Vritur & in olla cruda fornaci inditus, tandiúque relictus dum & ipsum fictile percoquatur. Torretur & super carbonibus, igne follibus ventilato. Spinæ verò decoctum, solutos artus fotu committit. Præfertur eius spinæ gum-

mi vermiculatum, vitrum referens, pellucidum, ligni expers: proximum est candidum: resinolum verò ac sordidum, inutile. Vim habet spiracula cutis obstruendi, medicamentorumque acrium quibus admiscetur vires hebetat: nec non ex ovo illitum, ambusta minimè patitur in pustulas erumpere. Altera quoque acacia in Cappadocia Pontóque provenit, Ægyptiam referens: sed longè minor, humilis, ac tenerior, aculeis vallo-
rum in modum obsita, foliis prædita rutæ
similibus. Autumno semen profert lenticula minus, in folliculis connexis ternum
quaternumve capacibus. E tota planta succus expressus etiam astringit, sed viribus inferior, & oculorum medicamentis haudquaquam est idoneus.

De Amurca.

CAP. CXXXVIII.

AMURCA est expressæ oliuæ veluti sæx & crassamentum. Ea in aheno cupreo ad crassitudinem mellis decocta, astringit, eisdemque quos Lycium præbet effectus: ex abundanti verò facit ad dentium dolores & vulnera, cum aceto, vino aut mulso illita. Additur & in oculorum medicamenta, eaque quæ spiracula cutis obstruendi vim habent. Inueterata, melior euadit. Sedis, genitalium & vuluæ exulcerationi vtiliter infunditur. Dentes quoque corruptos extrahit,

hit, cum omphacio ad mellis crassitudinem cocta & oblita. Scabiem iumentorum cum lupinorum & chamæleontis decocto peruncta sanat. Cruda verò & recens, podagricos & arthriticos calente fotu iuuat. Velleri inducta & hydropicis inposita, tumoris molem reprimat.

De Vitice. CAP. CXXXV.

VITEX siue lygos, frutex est in arborem assurgens, qui in fluminum ripis campisque palustribus nascitur, nec non & in locis asperis ac salebrosis. Virgulta gerit fractu contumacia & longa: folia verò oliuæ, sed teneriora atque maiora. Florem est quæ album cum aliquatenus purpureo mittat, altera purpureum profert: semen est piperis instar. Porro excalfactoriam astringentemque vim sortitur. Fructus eius epotus à serpente demorsis, lienosis & hydropicis auxiliatur. Lactis abundantiam facit, mensesque ciet, drachmæ pondere in vino potus: genituram quoque exoluit: caput verò tentat, soporemque infert. Herba ac seminis decoctum in sessione vuluæ affectibus & inflammationibus opitulatur. Semen cum pulegio potum, suffitu etiam & appositu, purgationes mouet: dolorem quoque capitis dissoluit, illitum. Cum aceto & oleo lethargicorum phreniticorumque capiti-

bus instillatur. Quin & folia tum suffitu-
tum etiam substratu venenata fugant: con-
tra venenatorum morsus adhibita auxilian-
tur. Testium duritias cum butyro vitiū-
que foliis emolliant. Rimas sedis semen
cum aqua illitum mitigat: cum foliis verò,
luxatis vulneribúsque medetur. Creditur &
viticis virga intertrigines arcere, si eam via-
tor, dum iter facit, manu teneat. Cæterum
frutex hic Græcis agnos, quasi castus, nomi-
natus est, quòd in Thesmophoriis matronæ
castitatem custodientes eo ad strata vteren-
tur: lygos verò, quasi vimen, dictus est, pro-
pter virgarum ipsius firmitatem.

De Salice. CAP. CXXXVI.

SALIX arbor est vulgò nota: cuius fru-
ctus, folia, cortex & succus, astringendi
vim habent. Trita folia cum exiguo pipere
& vino pota, ileosis subueniunt. Sumpta ve-
rò per se cum aqua, conceptum impediunt.
Fructus epotus, sanguinem expuentibus
prodest: quin & cortex eadem præstat. Vstus
verò & aceto subactus, callos clauósque illi-
tu tollit. Ex foliis & cortice succus cum ro-
faceo in calyce Punici calfactus, aurium do-
loribus auxiliatur. Sed & eorum decocto fo-
ueri podagras vtilissimum: id fursures quo-
que detergit. Excipitur & ex ipsa succus, in-
ciso dum floret cortice: intus enim concre-
tus

tas inuenitur. Vim porrò habet ea expurgandi quæ pupillis caliginem offundunt.

De Oleastro. CAP. CXXXVII.

SYLVESTRIS olea, quam nonnulli cotinum, alij Æthiopicam oleam appellant, folia habet astringendi vi prædita: quæ quidem trita & imposita, erysipelata, herpetas, epinyctidas, carbunculos, nomas reduuiasq; cohibent. Crustas eadem emarginant, cum melle illita. Quinetiam vlcera sordida repurgant, panos & inflammationes cum melle imposita discutiunt, & cutem à capite auulsam agglutinant. Oris etiam vlceribus & aphthis commanducata medentur. Sed & eorum succus ac ipsum etiam decoctum, eosdem habent effectus. Admotus quoque succus, sanguinis eruptionem, fluxum muliebrem, oculorum staphylomata pustulasque inhibet: insuperque vlcera veteresque defluxiones sistit. Quapropter etiam in collyria si addantur, genarum erosionibus conferunt. Ad exprimendum verò succum folia tundere oportet, & affuso vino aut aqua exprimere, illúinque sole siccatum in pastillos digerere. Est porrò qui cum vino exprimitur tum valentior, tum ad recondendum aptior eo qui cum aqua expressus fuerit. Facit & ad aures purulentas atque exulceratas: folia cum hordeacea fa-

rina illita coeliacis conueniunt. Vruntur autem cum floribus folia, vt spodij vicem præstent, in olla cruda, cuius os luto sit oblitum, vsque dum figlinum percoquatur: deinde vino restinguuntur, iterumque vino subacta eodem modo cremantur: postremo cerussæ modo lauantur, & coguntur in pastillos. Cæterum creduntur vstionis eiusmodi ratione in medicamentis oculorum spodio minimè cedere: quare & iisdem viribus pollere censendum est.

De Olea. CAP. CXXXVIII.

Iisdem prædita sunt viribus & oleæ sativæ folia, sed aliquantò minore efficacia: quare oculorum medicamentis ob suam vim mitiorem conuenientiora sunt. Qui verò humor ex accenso virente ligno emanat, furfures, scabiem & lichenas illitu sanat. Quin & fructus earum, furfuribus ac nomis seu depascentibus vlceribus medetur. Quod autem intra nucleum est, cum adipe & farina scabros vngues excutit.

De Colymbadibus oliuæ.

CAP. CXXXIX.

Oliuæ colymbades tritæ & ambustis illitæ, pustulas gigni prohibent, ac sordida etiam vlcera purgant. Succus autem ipsarum ex muria collutione gingiuas contrahit, emotosque dentes stabilis. Est porrò oliua subfulua

subfulua ac recens, aluo incommoda, sed stomacho utilis. Nigra verò & matura, corruptioni opportuna stomachoque aduersa est, ac tum oculis minimè conuenit, tum capitis etiam dolores inducit. Torrefacta autem ac illita, nomas sistit, & carbunculos emarginat.

De syluestris oliuæ oleo.

CAP. CXL.

Syluestris oliuæ oleum ad gingiuas vligine putri laborantes colluitur, dentesque labantes confirmat. Eiusdem calfacti & excolati fots, gingiuis fluxione tentatis est accommodatus. Lanam porrò specillo circumdatam in oleum demergere oportet, ac gingiuis tantisper adhibere, dum albæ conspiciantur.

De olea Æthiopica lacryma.

CAP. CXLI.

Æthiopica olea lacryma quodammodo scammonio similis est, fulua, stillis constans exilibus, atque mordax. Quæ verò gummi & ammoniaci similitudinem refert, colore nigricans, nec gustu mordens, inutilis censetur. Nostrates olea oleastrique talem lacrymam ferunt. Facit porrò illa ad visus hebetudines, & oculorum cicatrices albuginesque illita emendat, vrinas mensesque ciet: erosorum dentium canis indita, ad eo-

H. j.

rum dolores efficaci est auxilio. In medicamenta quoque exitiali vi prædita refertur, partusque etiam pellit: sed impetiginibus ac lepræ medetur. Appellatur autem Æthiopica olea, etiam olea sylvestris.

De Quercu.

CAP. CXLII.

QUERCUS omnibus sui partibus astringentioriam vim habet: maximè verò astringit membranacea tunica, quæ corticem & caudicem ipsum interiacer, similiterque tunica quæ circum glandem est calyci subiecta. Harum decoctum datur cœliacis, dysentericis & sanguinem excreantibus. Trita præterea illa tunica, foeminis fluxione vulvæ laborantibus in pello subditur.

De Glandibus.

CAP. CXLIII.

Quin & glandes eisdem effectus exhibent: urinam quoque cient, capitis dolorem & flatus in cibum sumptæ pariunt: esitata verò, virus eiaculantium ictibus resistunt. Earum quoque & corticis decoctum contra toxica prodest, ex lacte vaccino porum. Crudæ autem ac intritæ, inflammationes illitu leniunt: cum axungia verò suilla salsa, ad malignas duritias & malefica ulcera conveniunt. Sunt porro ilignæ glandes quernis efficaciores.

De

De Fago & Ilice.

CAP. CXLIII.

FAGVS & Ilex quercus genera cùm sint, similes quoque vires habent. Iligneæ verò radicis cortex cum aqua coctus dum mollitus intabescat, & per totam noctem impositus, capillos denigrat priùs Cimolia terra deterfos. Omnium folia tusa & trita, tumoribus profunt, & imbecillas membrorum partes corroborant.

De Castaneis. CAP. CXLV.

SARDIANAE glandes, quas aliqui lopi-
ma, castaneas, amota, aut Iouis glandes appellant, cùm & ipsæ astringant, similes quoque præbent effectus: maximè verò tunice quæ ipsarum carnem & putamen intercurlant. Cæterùm caro iis qui ephemerum biberint conueniens est.

De Gallis. CAP. CXLVI.

GALLA fructus est quercus. Quædam omphacitis appellatur, parua quidem, sed tuberosa, grauis & nullo foramine peruia: altera verò, plana, leuis & perforata. Eligi debet omphacitis, quippe quæ sit efficacior. Vtraque vehementer astringit. Tritæ, excrescentia in carne, gingiuarum & columellæ fluxiones, insuperque oris vlcuscula cohibent. Quod verò in earum medio est, dentium cauernis inditum, dolores sedat.

H. ij.

Crematæ carbonibus, donec igne candeant, & vino, aceto, aut etiam aceto falso extinctæ, fluentis sanguinis sistendi vim asciscunt. Decoctum earum ad infellus efficax est contra vulvas procidentes & rheumatismos. Capillos quoque denigrant, aceto aut aqua maceratæ. Cœliacis & dysentericis in aqua aut vino æritæ seu illitæ seu bibitæ conueniunt: necnon & obsoniis additæ, aut totæ in aqua prius coctæ, in qua nonnihil excoquendum sit eorum quæ iis affectibus conferant. In summa, vbi quid astringere, sistere aut siccare opus est, vsurpandæ sunt.

De Rhus. CAP. CXLVII.

RHUS qui obsoniis aspergitur, quæque nonnulli erythron, hoc est, rubrû, appellant, fructus est rhois coriariæ sic vocatæ, quod ea coriarij ad spissanda perficienda uel coria utantur. Est verò arbuscula in petris nascens, binûm ferè cubitorum altitudine, in qua folia sunt oblonga, subrubentia & in ambitu serrata: fructus autem racemulis similis, densus, terebinthini magnitudine, quadantenus latus: cuius corticosa tunica acinos ambiens perquam utilis est. Folia vim habent astringendi, & acaciæ effectus præbent. Decoctum eorum capillos denigrat: dysentericis infunditur, ab iisdem bibitur, & ad infellum vsurpatur: necnon & purulentis

purulentis auribus instillatur. Pterygia & gangrenas cohibent folia, ex aceto aut melle illita. Succus elicitor Lycij in modum, aridis foliis ad mellis crassitudinem in aqua decoctis: & is quidem ad eadem ad quæ Lycium conuenit. Quin & fructus eosdem exhibet effectus, ac cœliacorum dysentericorumque obsoniis commodè inspergitur.

Contusa, desquamata liuidaque ex aqua illitus ab inflammatione vindicat: linguæ asperitates cum melle abstergit: alba fœminarum profluvia sistit, & hæmorrhoidas sanat, cum querno carbone intrito impositus. Huius quoque dilutum si decoquatur, cogitur coitque, ipso etiam fructu efficacius. Gummi quoque profert hæc arbuscula, quod erosorum dentium cauis inditur ad dolores finiendos.

De Palma.

CAP. CXLVIII.

PALMA in Ægypto gignitur. Ex ea verò fructus in medio autumnii vigore colligitur, Arabicæ myrobalano similis, ac Poma dicitur, colore viridi, mali cotonei odorem referens. Quòd si ad integram maturitatem peruenire sinatur, phœnicobalanus fiet. Est porrò ille acerbus atque astringens, & contra alui profluvia fluxumque muliebrem in vino austero bibitur. Hæmorrhoidas quoque sistit, & vulnera illitu conglutinat.

H. iij.

Phœnicobalani verò recentes plus siccis adstringunt: sed capitis dolorem afferunt, & copiosiores in cibo sumptæ, inebriant. Siccæ autem, sanguinem excreantes, stomachicos ac dysentericos esitata iuuant: necnon & tritæ cum cydonio & cerato œnanthino, vesicæ vitiis vtiliter illinuntur. Maxime verò caryotæ si comedantur, faucium asperitati medentur.

De Palmis Thebaicis.

CAP. CXLIX.

Thebaicarum decoctum potui datum, febrilem ardorem sedat, & cum hydromelite vetusto sumptum vires recreat. Quin & ipsæ cibo idem præstant. Fit etiam ex iis vinum, eiusdem cum fructu facultatis. Decoctum earum per se potum & gargarizatum, vehementer astringit & cohibet. Palmarum verò nuclei cæterorum omnium more in fictili nouo cremantur, deinde restincti vino lauantur, & tanquam spodij vicem supplentes, ad ornandas decorandasve palpebras conducunt. Quòd si non sufficienter vsti fuerint, illud idem iteratur. Vim habent astringentem, & spiracula cutis obstruentem, ad oculorum pustulas, staphylomata, ciliarumque defluuia addito nardo efficacem. Supercrescentem carnem cum vino reprimunt, & vlcera ad cicatricem perducunt.

cunt. Omnium verò aptissimi sunt Ægyptij nuclei, qui ex humilibus palmis decerpuntur.

De Palma elate.

CAP. CL.

Palma, quam nonnulli elaten aut spatham appellant, fructus palmarum adhuc florentium inuolucrum est. Eo vnguentarij in vnguentorum spissamenta vtuntur. Optima habetur odorata, astringens, ponderosa, præclusa, interna parte pinguis. Vis ei astrictoria, qua vlcera depascentia sistit, laxatosque articulos committit, si trita malagmatis & cataplasomatis ammisceatur. Prodest & præcordiis ac stomacho imbecilli, necnon & iecinoris affectibus, conuenientibus mista cataplasomatis. Eius decoctum subinde affricum, capillos denigrat. Potui verò datum, renum, vesicæ, aliorumque viscerum vitiis confert: alui vterique fluxiones sistit. Ipsa verò scabiem sanat diebus viginti, si adhuc tenera cum resina & cera decocta imponatur. Porro qui sub ea continetur fructus, elate etiam appellatur, & à nonnullis borassus. Is ipse astrictorius cum sit, spathæ quoque præbet effectus: nisi quod ad vnguenta non æquè est utilis. Cæterum alba quoque caudicis medulla tum recens comesta, tum decocta, ad eadem facit, ad quæ etiam borassus.

H. iij.

De Malo Punico.

CAP. CLI.

MALVM Punicum omne iucundi est saporis, stomachoque vtile, sed vix vltius alimenti. Attamen ex his dulcia, stomacho utiliora habentur: sed circa eum, calorem aliquantulum gignunt, inflationesque pariunt: qua ex causa febricitantibus haudquaquam conueniunt. Acida verò, aestuanti stomacho auxiliantur, magisque contrahunt, ac foelicius urinam cient: sed ori ingrata sunt & astringendi vi prædita. Vinosa medias vires obtinent. Acidorum nucleus in sole siccatus, & obsoniis inspersus ac cum iis etiam decoctus, aluum stomachique fluxionem sistit. Aqua verò cœlesti maceratus, sanguinem excreantes potu iuuat, & ad infessus dysentericorum profluuiòque laborantium accommodatur. Porro succus ex acinis ipsis expressus si coquatur melli admixtus, perutilis fuerit ad oris, genitalium & sedis vlcera, necnon ad digitorum pterygia, nomas & quæ in vlceribus excreſcunt, itémque ad aurium dolores & narium vitia: maximè verò, si ex acidi Punici granis exprimatur.

De Cytini.

CAP. CLII.

Huius flores, qui etiam cytini vocantur, & ipsi quoque astringunt, siccant & cohibent: cruenta vulnera glutinant, & quas
Punicum

Punicum, præstant vtilitates. Eorum decoctum ad gingiuas humore flaccidas dentefque mobiles colluitur, & ramices ex intestini prolapsu cataplasmatibus inditum agglutinat. Cæterum sunt qui memoriæ tradant toto anno lippitudinem non passuros, qui tres quantumvis exiguos cytinus deuorauerint. Ex iis velut ex hypocisthide succus elicatur.

De Malicorio. CAP. CLIII.

Et ipsa quoque Punici putamina, quæ Sidia nonnullis appellantur, astringendi vim habent, & quos cytini præbent vsus. Radicum autem decoctum latas ventris tineas potu pellit & enecat.

De Balaustis. CAP. CLIIII.

Balaustium syluestris Punicae flos est, cuius complura sunt genera: reperitur enim candidum, rutilum & colore rosaceo. Domesticae mali Punicae cytino simile est, & ex eo quoque succus elicatur, hypocisthidis modo. Vis ei astrictoria, eadem efficiens quæ hypocisthis & cytinus.

De Myrto. CAP. CLV.

MYRTVS sativa nigra medicinae utilior, quàm candida: & in eo ipso genere accommodatior montana: fructum tamen inefficaciorem habet. Vis tum ipsi myrto, tum etiam fructui astrictoria. Ac fructus

quidem seu viridis, seu etiam aridus, in cibo datur sanguinem excreantibus, vesicæque erosionem laborantibus. Virentibus baccis expressus succus eisdem effectus exhibet, stomacho utilis est, urinamque ciet: prodest cum vino à phalangio demorsis & à scorpione ictis. Fructus quoque decoctum capillum tingit. Is ipse cum vino subferuefactus & impositus, vlcera in extremitatibus corporis nata sanat. Cum tenuissimo verò polentæ polline impositus, oculorum inflammationes lenit: quin & ad ægilopas illinitur. Vinum porrò myrtites, quod expresso & aliquantum feruefacto fructu fit, (aliter enim paratum acescit) præsumptum crapulam arcet, & ad eadem ad quæ fructus ipse valet. Utile quoque ipsum in defectionibus vulvarum & sedis procidentia, itémque fœminis fluxione vulvæ laborantibus: detergit etiam furfures, vlcera capitis manantia & papularum eruptiones: fluentes quoque capillos continet. Additur & in emplastris lenibus quæ liparas vocant, veluti etiã quod ex ipsius foliis cõficitur oleum. Quin & foliorum decoctum ad inessus conuenit: eoque laxati & ægrè coeuntes articuli, itémque fracta quæ non conferbuere, vtiliter foveuntur. Vitiligines quoque emaculat: ad aures purulentas denigrandósque capillos infun-

infunditur. Sed & eorum succus eadem efficit. Ipsa verò folia trita & ex aqua illita, humidis vlceribus & partibus omnibus fluxione laborantibus, coeliacisque profunt. Siquidem admisto oleo omphacino aut exiguo rosaceo cum vino, valent ad herpetas, erysipelata, testium inflammationes, epinyctidas & condylomata. Arentia verò folia trita, paronychiis & pterygiis, itémque alis feminibusque humentibus, adeoque tetrum virus spirantibus vtiliter insperguntur, & cardiacorum sudores cohibent. Cæterum cremata aut etiam cruda cum cerato, ambustis, pterygiis & paronychiis medentur. Exprimitur & foliis succus affuso vino vetere aut aqua cœlesti, cuius recentis vsus est. Nam exiccatus situm contrahit, viresque amittit.

De Myrtidano.

CAP. CLVI.

Quod myrtidanum dicitur, id est quod myrto adnascitur, inæquabile, verrucosum intumescensque & concolor: quod perinde quasi manus, myrti caudicem amplectitur. Magis quàm myrtus astringit. Tustum verò & vino austero addito coactum in pastillos, siccatumque in vmbra, reponitur. Efficacius porro est tum fructu tum folio, cerato, pellis, infessionibus & cataplasmatibus

admistum, vbi constringendum aliquid est.

De Cerasis.

CAP. CLVII.

CERASIA bonam quidem aluum faciunt, si recentia sumantur: at sicca eadem, aluum sistunt. Gummi verò cerasorum cum vino diluto sumptum, diuturnæ tussi medetur, colorem quoque commendat, visum exæcuit & appetentiam inuitat. Ex vino etiam potum, calculosis prodest.

De Siliquis.

CAP. CLVIII.

SILIQVAE recentes quidem sumptæ, stomacho inutiles sunt, aluumque solvunt. Eadem siccatae sistunt, stomachoque utiliores sunt, ac urinae ciendæ vi præditæ: sed præcipuè quæ vinaceis condiuntur.

De Malo.

CAP. CLIX.

CVAN omnis mali, tum verò maximè cottonæ, folia, flores & germina astringunt: fructui verò immaturo quidem astringendi vis inest, maturo non item. Quæ verò mala verno maturescunt tempore, bilem gignunt, toti nervoso generi infesta sunt, inflationesque pariunt.

De Cotoneis.

CAP. CLX.

Cotonea stomacho utilia, urinam cient: verum tosta mitiora euadunt, profuntque coeliacis, dysentericis, sanguinem excreantibus & cholera laborantibus, præsertimque cruda. Quin & aqua in qua hæc ipsa mace-
rata

data fuerint, potui data, stomachi ventrisve fluxione infestatis conuenit. Crudorum eorundem succus assumptus, orthopnoicis opitulatur: decocto sedes & vulua fouentur, si procidant. Coronea verò quæ in melle condita sunt, & ipsa vrinam mouent: mel autem illorum constipantem constringentemque vim sibi asciscit. Quæ porro cum melle decoquuntur, stomacho quidem utilia sunt atque ori grata, sed minùs constringunt. Cruda eadem cataplasmatibus adiiciuntur ad cohibendam aluum: itémque contra stomachi euerfionem & æstum, mammarum inflammationes, ac lienes in scirrhum induratos, atque condylomata. Fit etiamnum ex ipsis vinum tuis expressisque, addito, quo diutiùs perennet, ad succi sextarios sedecim mellis sextario vno: alioquin acorem contraheret. Prodest autem ad eadem omnia quæ modò dicta sunt. Fit & oleum ex his quod melinum vocatur: quo quidem vtimur, quoties oleo astringente opus habemus. Cæterùm cotonea eligi oportet vera ac germana, qualia parua, rotunda & odorata sunt. Quæ verò struthia & magna dicuntur, minùs utilia censentur. Eorum flores sicci æquè ac virides cataplasmatibus accommodantur, quæ astrictionem desiderant: ac etiamnum valent ad oculorum in-

flammationes. Contra sanguinis reiectiones, alui profluvia mensiumque impetus vtiliter in vino bibuntur.

De Melimelis seu musteis.

CAP. CLXI.

Melimela ventrem molliunt, & ab eo animalia expellunt, stomacho negotium exhibent, estuosaque sunt. A nonnullis porrò, quasi dulcia mala, glycymela nuncupantur.

De Epiroticis malis.

CAP. CLXII.

Epirotica mala, quæ Latinè orbiculata dicuntur, stomacho vtilia sunt: sed aluum sistunt, urinæque euocant: malis tamen coroneis inefficaciora sunt.

De Syluestribus malis.

CAP. CLXIII.

Syluestria mala vernis similia sunt, & astringunt. Ad ea porrò quæ astrictione opus habent, iis omnibus vtendum, quæ minùs matura fuerint.

De Persicis malis.

CAP. CLXIII.

Persica mala stomacho vtilia sunt, & aluū quoque bonam præstant, si matura fuerint. Immatura verò, eandem cohibent, sed siccata vehementiùs. Sumptum eorundem siccorum decoctum, in stomachum ventremque decumbentes fluxiones sistit.

De

De Armeniaco. CAP. CLXV.

Minora quæ Armeniaca, Latinè præcoqua dicuntur, stomacho quàm antedicta utiliora sunt.

De Medica. CAP. CLXVI.

Medica Persicave aut Cedromela, quæ Latinè Citria dicuntur, etiam vulgo cognita sunt. Est enim arbor omnibus anni temporibus fructifera, aliis atque aliis malis vicissitudine perpetua subnascentibus. Malum verò ipsum oblongum est, rugosum, aureo colore, cum grauitate odoratum: ac pyri semen habet. Id in vino bibitum venenis resistit, aluum subducit, decocto aut succo colluto suauitatem oris facit: estur verò maximè à mulieribus contra malaciam. Arcis quoque vestiariis impositum, vestes ab erosionis vitio vindicare creditur.

De Pyro. CAP. CLXVII.

PYRORVM multa sunt genera: quæ quidem omnia astringūt, proindeque conuenienter adduntur in repellentia cataplasmata. Siccatorum decoctum, & ipsa quoque cruda si sumantur, aluum sistunt: cæterum ieiunos esitata lædunt.

De Pyro sylvestri.

CAP. CLXVIII.

Achras Pyri sylvestris genus est, quod

tardè maturefcit. Vim habet magis quàm pyrum aſtrictoriam: quò fit vt ad eadem conueniat: aſtringunt & ipſius folia. Vtriufque pyrorum generis ligni cinis iis efficaciter proficit, quos fungi ſtrangulant. Sunt & qui dicant, innoxios reddi fungos, ſi cum iis ſylueſtria pyra coquantur.

De Meſpilis. CAP. CLXIX.

MESPILVS arbor, quæ à nonnullis Aronia vocatur, ſpinofa eſt, foliis oxyacanthæ: fructum fert exiguo malo ſimilem, ſuauem, qui quidem tria continet intus offacula: à quibus ipſum quoque nonnulli tricoccon, quaſi triplici grano præditum, appellant: tardè maturefcit: eſitatum aſtringit, ſtomachum adiuuat, aluumque cohibet.

De altera Meſpilo. CAP. CLXX.

Meſpili genus alterum in Italia naſcitur, quod epimelida nonnulli, ſetanium alij nominant. Arbor eſt malo ſimilis, niſi quòd foliis eſt minoribus. Fructum hoc quoque genus profert rotundum, eſculentum, vmbilico latiore, leuiter aſtringentem, quique tardè maturefcit.

De Loto. CAP. CLXXI.

LORVS arbor, ſtirps eſt bene magna: fructum verò fert pipere maiorem, dulcè, edulem, ſtomacho aptum, quique aluum fiſtit.

istit. Ramentorum ligni decoctum & potum & infusum, dysentericis foeminisque fluxione vulvae laborantibus auxilio est: rufat quoque capillos, eosdemque defluentes continet.

De Corno. CAP. CLXXII.

CORNVS fortis arbor est, fructum ferens oliuae modo oblongum, primum quidem viridem, deinde per maturitatem flauum aut cerinum, esculentum, astringentem, alui profluuii ac dysenteriae salutarem: siue sapa conditus, siue aliter in cibo exhibeatur. Oliuae quoque instar in muria seruatur. Sanies verò quam virentia folia dum vruntur exudant, lichenibus conuenienter illinitur.

De Sorbis. CAP. CLXXIII.

SORBA luteum colorem referentia, si nondum matura dissecta soléque siccata fuerint, aluum in cibo sistendi vim acquirunt. Ex iisdem molitis farina polentae loco sumpta, ac ipsorum etiam decoctum potum, idem praestant.

De Pruno. CAP. CLXXIIII.

PRVNVS nota arbor est, cuius fructus esculentus est: sed stomachum malè habet, aluumque molit. At Syriacarum, & earum maximè quae Damasci nascuntur, fructus exiccatus, stomacho utilis est, aluumq;

I. j.

astringit. Decoctum foliorum ex vino paratum, vuam, gingiuas, tonsillásque fluxione laborantes ore subinde colluto reprimat. Præstat idem syluestrium prunorū fructus, post maturitatem exiccatus. Cum sapa verò decoctus, stomacho utilior & ad cohibendam aluum aptior euadit. Caterum gummi prunorum agglutinandi vim habet, & in vino potum calculos comminuit. Ex aceto verò illitum, lichenas infantium sanat.

De Arbut. CAP. CLXXV.

ARBUTVS arbor est cotoneæ malo affinis, tenui cortice, fructum proferens pruni magnitudine, nuclei expertem, cui memacylo cognomen est, quique ubi maturuit, subfuluus aut rubicundus conspicitur, in esu acerosus: stomacho is aduersatur, capitisque dolorem excitat.

De Amygdalo. CAP. CLXXVI.

AMYGDALAE amara radix si trita decoquatur, maculas in facie à Solis ardore contractas tollit. Ipsa quoque amygdala illita, eadem præstant: apposita verò, menses cient, & capitis doloribus auxiliantur, fronti temporibusve inducta cum aceto & rosaceo. Valent & ad epinyctidas ex vino, itémque ad putrescentia vlcera, herpetas, cantumque morsus cum melle. Porro comesta dolores adimunt, aluum emolliunt, somnum

somnum faciunt, urinamque cient. Profunt
 etiamnum ad sanguinis reiectionem, si cum
 amylo & menta sumantur. Ex renibus verò
 & pulmonum inflammatione laborantibus
 conferunt, cum aqua pota, aut in eclegmate
 cum resina terebinthina. Urinæ difficultate
 affectis atque calculosis in passo opitulatur:
 itémque eclegmate cum melle & lacte, he-
 paticis, tussi & coli inflationibus, nucis a-
 uellanæ magnitudine. Quinæ senæve si præ-
 sumantur, ebrietatem arcent. Enecant &
 vulpes cū quapiam esca deuorata. At gum-
 mi ipsius arboris astringit, calfacit, & con-
 tra sanguinis reiectionem potum auxilio
 est: cum aceto verò illitum, impetigines in
 summa cute tollit. Tussi diuturnæ cum vi-
 no diluto potum medetur: calculosis verò
 cum passo bibitum prodest. Cæterum dulcis
 & cibo idonea amygdala, quantum ad effi-
 ciam spectat, multò quàm amara est infe-
 rior: attamen & ipsa extenuandi, urinæque
 ciendi vi pollet. Amygdalæ verò quæ virides
 cum suo putamine deglutiuntur, humida
 stomachi vitia emendant.

De Pistacia. CAP. CLXXVII.

PISTACIA, quæ certè quidem in Syria
 gignuntur, pineis nucibus similia, sto-
 macho amica sunt. Siue porro edantur, siue
 trita ex vino bibantur, contra serpentium

I. ij.

morsus auxiliantur.

De Nucibus inglandibus.

CAP. CLXXVIII.

NVCES regiae, quas nonnulli Persicas vocant, in cibo sumptę, concoctu sunt difficiles, stomacho nocent, bilem gignunt, capitis dolorem inferunt, suntque tussientibus inimicę: vtilis verò in cibo ieiunis, ad vomitiones concitandas. Venenis quoque resistunt cum ficibus & ruta pręsumptę, ac etiamnum post ipsa venena hausta comestę. Largius autem esitata, latos lumbricos pellunt. Imponuntur & mammarum inflammationibus, abscessibus luxatisque, cum mellis exiguo & ruta. Cum cepa autem, sale & melle, contra canis hominisque morsus proficiunt. Eadem cum calyce suo perustę & umbilico admotę, tormina sedant. Putamen verò combustum tritumque in vino & oleo, puerorum capite peruncto capillos condecorat, alopeciasque replet. At qui intra ipsum est nucleus vstus, tritus & cum vino appositus, menses sistit. Perueterum autem nucum nuclei commanducati & impositi, gangręnis, carbunculis, ægilopibus & alopeciis pręsenti sunt remedio. Fit & ex iisdem oleum tussis expressisque. Porro recentes, vtpote dulciores, stomacho sunt innocentiores: quapropter & aliis miscentur

ad

ad acrimoniam ipsorum eximendam. Eæ ipsæ quoque impositæ, liuentia seu sugillata emendant.

De Nucibus anellanis.

CAP. CLXXIX.

NUCES verò Ponticæ, quas nonnulli leptocarya, quasi tenues nuges, appellant, stomacho infestæ sunt: ipsæ tamen tritæ & in aqua mulsa potæ, veteri ruffi medentur. Tostæ verò si cum piperis exiguo comedantur, distillationem concoquunt. Sin autem totæ crematæ fuerint, & cum axungia aut adipe vrsi tritæ, illitu alopecii capillum reddunt. Aiunt nonnulli vsta putamina, & cum oleo ad læuorem contrita, cassias infantibus oculorum pupillas perfuso sincipite denigrare.

De Moro. CAP. CLXXX.

MORVS siue sycaminus nota arbor est, cuius fructus aluum soluit, facile corruptionem sentit, & stomacho inimicus est. Hæc eadem ipsius succus præstat. Decoctus autem æreo vase, aut insolatus, adstringentior redditur. Admisto verò mellis exiguo, facit ad fluxiones, nomas & tonsillarum inflammationes. Sed augetur eius vis, adiectis alumine scissili, galla, myrrha & croco: insuperque fructu tamaricis, iride atque thure. Immatura autem mora ficcata con-

I. iij.

tusaque, rhois vice obsoniis ammiscentur, coeliacosque iuuant. Radicis verò cortex decoctus in aqua & potus, aluum soluit, latas ventris tineas expellit, & iis auxiliatur qui aconitum hauserint. Folia trita cum oleo imposita, ambustis igni medentur. Cocta verò in aqua pluuia cum vitis ficique nigrae foliis, capillum tingunt. Succus foliorum cyathi mensura potus, à phalangio demorsis opitulatur. Corticis autem & foliorum decocto dentes aptissimè in dolore colluuntur. Cæterum radix circa messem circumfossa & incisa dat succum, qui quodammodo concretus postridie reperitur. Is ad dentium dolores efficax est: tubercula discutit, aluumque purgat.

De Sycomoro. CAP. CLXXXI.

SYCOMORVM aliqui etiam sycaminum vocant: cuius fructus Sycomoron quoque propter ignauum infirmumque saporem appellatur. Est autem arbor magna, fico similis, largo succo abundans, foliis mori. Fructum ea ter quaterve anno profert, non è summis ramis, vt ficus, sed è caudice ipso, caprifico similem, grossis dulciorem, sine granis interioribus: quique non maturescit, nisi vngue ferròve scalpatur. Nasctur plurima in Caria, Rhodo, aliisque locis non multi tritici feracibus; vbi propter fructus

ctus perennitatem in rei frumentarię penuria iuuamentum affert. Est porrò fructus aluo utilis, & perquàm exile præbet alimentum, stomachoque aduersatur. Liquorem verò fundit arbor primo vere, priusquàm fructum proferat, lapidis ictu summo cortice desquamato: si enim frangantur altiùs, nihil quicquam emittit. Spongia aut velle lacryma colligitur, quæ siccata & in pastillos coacta, fictili vase reponitur. Vim habet is liquor emolliendi, vulnera conglutinandi, & ea discutiendi quæ ægrè maturantur. Bibitur etiam, necnon & illinitur contra serpentium morsus, in scirrhum induratos lienes, stomachi dolores atque perfriktiones. Celeriter verò teredinem sentit.

De fico Cypria. CAP. CLXXXII.

Gignitur & in Cyprio arbor specie differens: quippe quæ vlmus cùm sit, folia fycamini refert: fructum verò gerit prunorum magnitudine, & quàm pruna ipsa dulciorem. Cætera omnia antedictis similia sunt.

De ficubus. CAP. CLXXXIII.

FICI maturæ recentes, stomachum lædunt, aluúmque soluunt: sed contracta ab iis alui fluxio facilè cohibetur: papulas euocant, sudorésque mouent: sitim sedant, calorémque restringunt. Siccæ verò, sunt alibiles & excalfactoriæ: sitim magis afferunt,

I. iiij.

aluóque sunt vtilis : at stomachi aluóque
rheumatismis contrariæ: gutturi autem, ar-
teriæ, vesicæ ac renibus magnificè vtilis: nec
non & iis qui ex longa valetudine decolo-
rati sunt, anhelatoribus, comitialibus atque
hydropicis. Feruefactæ cum hysso & po-
tæ, quæ pectore continentur expurgant: ve-
teri tussi ac diuturnis pulmonum vitis con-
ueniunt: aluum quoque molliunt cum ni-
tro & cnico tussæ, deinde manducatæ. Ipsa-
rum decoctum, arteriæ ac tonsillarum in-
flammationibus gargarizatu prodest. Quin
& cataplasmatibus ex hordeacea farina misce-
tur, itémque in muliebres fœtus cum fœno-
græco aut ptissana. Cæterum cum ruta co-
ctæ, ad tormina infunduntur. Coctæ, deia-
dæque tritæ ac impositæ, duritias discutiunt,
parotidas & furunculos emolliunt: panos
maturant, efficaciusque, addita iride, nitro,
aut calce viua. Crudæ quoque si cum ante-
dictis tundantur, eadem efficiunt. Cum ma-
licorio, pterygia repurgant. Cum atramen-
to sutorio, medentur ægrè sanabilibus ma-
lignis que tibiæ fluxionibus. Quin & in
vino deferuefactæ, additis absinthio & hor-
deacea farina, vtiliter hydropicis illinuntur.
Crematæ & cerato admistæ, pernionibus
medentur. Quòd si crudæ terantur, & liqui-
do sinapi exceptæ auribus indantur, sonitus
tinni-

eūſque ſanant. Porro tam ſylueſtris quàm
 ſatiuæ fici lacteus ſuccus, coaguli modo lac
 contrahit, coagulatumque aceti modo diſ-
 ſoluit. Idem corpora exulcerat, ora vaſorum
 reſerat, aluum ſoluit & vterum relaxat, cum
 trito amygdalo potus: menſes quoque ciet,
 appoſitus cum oui luteo aut eera Tyrrheni-
 ca: podagricorum cataplaſmatis cum farina
 ſcœnigræci & aceto vtilis: lepras verò, liche-
 nas, maculas à ſolis ardore contractas, viti-
 ligines, pſoras vlceraque capitis manantia
 cum polenta expurgat. Inſtillatus plagæ,
 percuffis à ſcorpione, venenatorum ictibus
 & canis morſibus auxiliatur: dentium dolo-
 ri prodeſt, lana exceptus & in eorum cau-
 is additus: denique formicoſam verrucam tol-
 lit, præmunita carne quæ in ambitu eſt, fa-
 rina ſubacta.

De Fici ſyl e ſtr

CAP. CLXXXIIII.

Hæc eadem præſtat ſuccus è teneris ſyl-
 ueſtris fici cauliculis, quandiu lacteo liquo-
 re prægnant, necdum oculus egerminauit.
 Tum enim hi tuſi exprimuntur, & ſuccus
 ſiccatus in vmbra reponitur. Porro & li-
 quor & ſuccus ad exulceratoria medica-
 menta uſurpantur. Decocti verò cum bu-
 bulis carnibus ficulnei ſurculi, efficiunt ut
 hæc faciliùs percoquantur. Lac quoque red-

ditur maiore soluendi vi præditum, siquidē inter coquendum ficulneo eiusmodi furculo spathæ loco moueatur.

De Grossis.

CAP. CLXXXV.

Grossi, quæ à nonnullis erinei nominantur, coctæ & illitæ, collectionem omnem strumâsque emolliunt. Crudæ verò cum nitro & farina impositæ, fornicationes thymosque tollunt. Quin & hæc eadem ipsa folia possunt. Cum aceto autem & sale illita, vlcera in capite manantia, furfures & epinyctidas sanant. Iis quoque ficosæ scabræque genæ perfricantur. At nigræ ficus foliis ramulisve vitiliginēs albæ perunguntur. Faciunt quoque aduersus canum morsus cum melle, & ad vlcera quæ faui, Græcis ceria, vocantur. Grossi cum papaueris syluestris foliis ossa extrahunt: furunculosque cum cera discutiunt. Cæterum cum eruo ac vino impositæ, contra muris aranei morsus & scolopendræ venena prosunt.

De Lixuro ficus.

CAP. CLXXXVI.

Fit & è crematorum tam syluestris quam satiuæ ficus cauliculorum cinere lixiuium. Sed cinerem plurimum diutissimèque macerari oportet. Vtile porrò est ad medicamenta caustica, & partibus prodest gangræna tentatis. Nam expurgat & consumit quæ excrescunt. Vfus verò hic est, vt eo imbuta subinde

subinde spongia superponatur. Interdum & infunditur, quemadmodum dysentericis, & in vetustis fluxionibus, nec non & sinibus cuniculatis depascentibus, iisque magnis. Etenim purgat, conglutinat, carne replet, & oras committit, equè ac emplastra quæ cruentis vulneribus imponuntur. Propinatur & ad sanguinem in grumos concretum: itémque contra præcipitationes, rupta atque conuulsa, cum aquæ cyatho recens excolatum, admisto olei exiguo. Cæliacis ac dysentericis per se cyathi mensura datum auxiliatur. Neruorum vitiis & conuulsis ex oleo conuenienter illinitur: quippe quod sudores moueat. Bibitur & aduersus gypsi potum, phalangiorumque morsus. Eosdem porrò effectus exhibent lixiuia reliqua, præsertimque quernum: omnia verò astringendi vi pollent.

De Persea. CAP. CLXXXVII.

PERSEA arbor est in Ægypto fructum ferens cibo idoneum, stomacho vtilem: in quo phalangia cranocolapta nomine reperiuntur, præsertim verò in Thebaide. Arida folia trita & inspersa, profluentem sanguinem sistendi vim habent. Hanc arborem prodidère nonnulli in Perside quidem exitiosam esse: translata verò in Ægyptum, natura mutata in cibos receptam.

De Iberide. CAP. CLXXXVIII.

IBERIS, siue cardamantica, folia habet
 nasturtij, vere virentiora. Caulis longitu-
 do cubitalis est, plus minusve: locis incultis
 nascitur. Æstate porrò lacteum florem pro-
 mit, ac tùm quoque efficacior est. Radices
 binas habet nasturtio similes, calfaciendi &
 adurendi vi præditas. Ipsæ enim ischiadicis
 vtilis, si cum axungia suilla salsa emplastris
 modo quaternis horis impositæ fuerint:
 deinde verò in balneum descenda-
 tur: ac postea oleo ac vino
 cum lana locus affe-
 ctus perunga-
 tur.

Primi libri finis.





PEDACII DIO-
SCORIDIS ANAZAR-

bæi De Medica materia

Liber II.

ANO ANTONIO SARA-
CENO, LVGDVNÆO,
INTERPRETE.

Præfatio.



N priore, amantissime Arce,
libro, qui quidem primus
est eorum quos de medici-
nali materia composuimus,
de aromatibus, oleis, vn-
guentis, arboribus & na-
scentibus ex eis liquoribus, lacrymis ac fru-
ctibus disseruimus. In hoc autem secundo
agemus de animantibus, melle, lacte, adipe,
frugibus, insuperque de oleribus: hisque
subnectemus quæ inter herbacea acri præ-
dita sunt facultate, propterea quod cum i-
psis cognationem habent: qualia sunt allia,
cepæ, sinapi: idque ne congenerum vires
dihungantur.

De Echino marino.

CAP. I.



ECHINVS marinus stomacho vtilis est, bonam facit aluum, urinamque ciet. Huius testa si cruda torreatur, vtiliter smegmatis, hoc est, detergentibus medicamentis admiscetur, quæ ad psoras idonea sunt. Cremata verò eadem, vlcera sordida expurgat, eaque reprimit quæ in vlceribus ipsis excrescunt.

De terrestri echino.

CAP. II.

Terrestris erinacei corium combustum, alopeciiis cum pice liquida commodè illinitur. Assiccata caro & cum melle aut aceto mulso epota, renum vitiiis auxilio est: itémque aquæ intercuti, conuulsionibus, elephantia laborantibus & malo corporis habitu præditis, quos cachectas vocant: viscerum quoque fluxiones exiccat. Quin & eiusdem iecur fictili solibus perusto arefactum atque reconditum, ad eosdem vsus pari modo vtiliter exhibetur.

De Hippocampo. CAP. III.

HIPPOCAMPVS marinum est animalculum: cuius cremati cinis liquida pice vel axungia aut amaracino vnguento exceptus & illitus, alopecias emendat.

De

De Purpura. CAP. IIII.

PURPURA vsta vim habet exiccandi, dentes abstergerendi, excrescentes luxuriantesve carnes cohibendi, vlcera repurgandi & ad cicatricem perducendi.

De Buccinis. CAP. V.

EADEM præstant buccina concremata, sed maiorem adurendi vim habent. Quòd si quis ipsa sale expleta in olla cruda cremauerit, dentifriciis conueniunt, ambustisque utiliter illinuntur. Sinendum verò medicamentum vt in testæ modum induretur: siquidem post obductam vulneri cicatricem, sponte sua decidet. Fit etiam ex ipsis viua calx: quemadmodum in tractatu de calce demonstrabimus.

De Cionis. CAP. VI.

Cionia vocantur buccinorum purpurarumque mediæ partes, circa quas testæ volumen clauiculatim intorquetur: Simili verò modo cremata, buccinis purpuræque magis causticam vim habent, quoniam apprimendi naturam obtinent. At buccinorum carnes & ori gratae sunt, & stomacho vtilis: sed aluum haudquaquam molliunt.

De Mytulis seu musculis.

CAP. VII.

IN Mytulorum genere laudatissimi Pontici. Cremati, eundem cum buccinis effe-

etum præbent. Priuatim verò, plumbi modo eloti, oculorum medicamentis cum melle vtilis habentur: quippe qui genarum crassitudines absumunt, oculorum albugines exterunt, & cætera quæ aliter pupillis caliginem offundunt. Eorundem caro ad canis morsus vtiliter imponitur.

De Tellinis. CAP. VIII.

TELLINAE recentes aluo vtilis, sed maximè ius earum. Sale verò conditæ ac vstæ & ad læuorem contritæ, tandèmq; cum cedria instillatæ, euulsos palpebrarum pilos renasci non patiuntur.

De Chamis. CAP. IX.

QVIN & chamarum aliarumque conchularum in exigua aqua decoctarum ius, aluum ciet: id verò cum vino assumitur.

De Vngue. CAP. X.

ONYX siue vnguis, conchylij tegumentum est, ei simile quo purpura integitur. Is in lacubus nardiferis Indiæ reperitur: quapropter & conchyliis nardū depascentibus odora menta resipit. Colligitur verò, posteaquàm æstiuis squaloribus lacus inaruerunt. Præstantissimus qui è mari rubro defertur, subalbidus ac pinguis. Babylonius nigrescit, atque minor conspicitur. Ambo verò si suffiantur, vehementem expirant odorem: sed quadantenus castoreum redolent.

lent. Hi porrò suffitu etiamnum comitiales, fœminasque vuluæ strangulatu oppressas excitant. Poti verò, aluum perturbant. Ceterum conchylium ipsum vstum, eadem quæ purpura & buccinum efficit.

De Cochleis. CAP. XI.

COCHLEA terrestris stomacho utilis est, & agrè corrumpitur. Laudatissima Sardonias, Africana, Astypalæica, & quæ in Sicilia & Chio gignitur, necnon & quæ in Liguria Alpibus, pomatias, quasi opercularis, cognominata. Marina quoque stomacho idonea est, facileque aluo excernitur. Fluvialis autem, virosa est. Sylvestris verò quæ vepribus frutetisque adhærescit, quamque nonnulli sesilon aut seselita nominant, aluum stomachumque turbat, & vomitiones excitat. Crematæ omnium testæ, calfaciendi vrendique, lepras, vitiliginis ac dentes etiam extergendi vi pollent: oculorum verò cicatrices & albugines, maculas à sole contractas, ac visus hebetudines emendant, si totæ cum sua carne vstæ & contritæ illinantur. At crudæ cum suis calicibus impositæ, hydropicorum tumores discutiunt, neque prius amouentur, quàm omnis exhauriatur humor. Sed & podagricas inflammationes leniunt, ac impactos etiam corpori aculeos similiter impositæ euocant: menses quoque

K. j.

tritæ & appositæ cient. Porro carnes earum tritæ, & cum myrrha ac thure illitæ, tum vulnera alia, tum maximè quæ nervis inflicta sunt conglutinant: tritæ in aceto, sanguinis è naribus eruptiones cohibent. Viuæ caro, & maximè Africanæ, deuorata, stomachi dolores mitigat. Tota verò cum testa sua trita & cum vino ac myrrha exigua quantitate bibita, colicos dolores vesicæq; cruciatus sanat. Terrestris fluentem pilum glutinat & cohibet, si quis traiectæ per carnem ipsius acus mucroni hærentem viscidum lentorem pilo admouerit.

De Cancris.

CAP. XII.

CANCROVM fluuiatilium exustorum cinis, duum cochlearium mensura cum gentianæ radicis cochleario vno ac vino triduo potus, à cane rabioso demorsis euidenter opitulatur. Ex melle verò cocto, rimas pedum sedisque, perniones & carcinomata lenit. Triti crudi, potique ex asinino lacte, contra serpentium phalangiorumque morsus & scorpionum ictus auxiliantur. Decocti autem & ex iure suo sumpti, phthificis profunt, iisque qui leporem marinum hauserint. Triti cum ocimo & admoti, scorpiones necant. Possunt eadem marini, sed minore quàm illi efficacia.

De

De Scorpione terrestri.

CAP. XIII.

TERRESTRIS scorpio crudus, tritus & impositus, suæ plagæ remedium est: estur quoque tostus in eundem vsum.

De Scorpione marino. CAP. XIIIII.

Marini scorpionis fel conuenit ad oculorum suffusiones, albugines & hebetudines.

De Dracone marino. CAP. XV.

DRACO marinus exectus & impositus, ictus spinæ suæ qua ferit medela est.

De Scolopendra. CAP. XVI.

SCOLOPENDRA marina in oleo decocta & peruncta, pilos detrahit: contactu verò, pruritus excitat.

De Torpedine. CAP. XVII.

TORPEDO marina in diutinis capitis doloribus imposita, doloris vehementiam mulcet. Eadem sedem euersam proci- duamve coerces.

De Vipera. CAP. XVIII.

VIPERAE caro cocta & in cibo sumpta, claritatem oculis affert, ad neruorum vitia proficit, incrementisque strumas re- primit. Detracta autem cute, caput & cau- dam, quoniam carne vacant, amputari oportet. Fabulosum enim est quod præcipitur, vt extremarum partium certa vtrunque men-

K. ij.

sura præcidatur. Reliquum verò [exemptis interaneis] corpus elotum & in frustra sectum, ex oleo & vino cum salis exiguo & anetho discoquitur. Aiunt porrò iis qui viperinas carnes esitauerint, pediculos procreari: quod falsum est. Insuper verò referunt nonnulli, qui iis vescantur longam senectutem adipisci. Sal ex iis ipsis ad eadem conficitur, sed non est perinde efficax. Viua autem vipera in ollam nouam demittitur, adiiciunturque salis triti caricarumque itidem tritarum ana sextarij singuli, mellis cyathi vj. mox ollæ operculum luto oblinitur. Sic ea in fornace torrentur, donec sal in carbones redigatur. Is postea ad læuorem tritus reconditur: ac interdum quò iucundius ori sapiat, spica nardi aut folij seu malabathri momentum immiscetur.

De Anguinum senecta. CAP. XIX.

Anguinæ vernationis membrana in vino si decocta fuerit, dolori quidem aurium infusa: dentium verò doloribus collutione, auxilio est. Miscetur & ipsa in oculorum medicamenta, sed præcipuè quæ viperæ maris est.

De Lepore marino. CAP. XX.

LEPVS marinus loligini parua similis est. Is tritus tum per se, tum cum vrtica [marina] adhibitus, deglabrâdi vim obtinet.

De

De Lepore terrestri. CAP. XXI.

Terrestris leporis inassatum cerebrum si mandatur, tremoribus prodest ex pauore obortis: infantium quoque dētitiones tum affricu tum cibo adiuuat. Exustum ipsius caput & cum adipe vrsino aut aceto perunctum, alopeciis medetur. Porro coagulum post triduum à mēstrua purgatione potum, sterilitatem facere, adeoque omnem partus spem intercipere, perhibetur. Vuluæ etiamnum aluiq; fluorem sistit. Comitiales quoque iuuat, & contra venena ex aceto bibitum prodest: præsertim verò aduersus lac ingrumos concretum, viperarumque morsus. Cæterum sanguis eius si calidus illinatur, maculas à sole contractas, vitilignes, lentiginésque sanat.

De Pastinaca marina.

CAP. XXII.

PASTINACAE marinæ radius, qui quidem ipsius cauda reflexis squamis enascitur, dentis dolorem mitigat: siquidem illum & comminuit & eiicit.

De Sepia. CAP. XXIII.

SEPIAE coctę atramentum in cibo sumptum, agrè concoquitur, aluum emollit. Ipsius verò testa in collyria efformata, scabris genis perfricandis accommodatur. Vstum verò intra propriam testam quod ipsa

K. iij.

testa concluditur, donec id quod crustosum est abscedat, posteaque tritum, exerit vitiliginēs, furfures, dentes & maculas à sole contractas. Porro elotum, in medicamenta oculorum additur. Facit & præclarè iumentis ad oculorum albugines, si insuffletur. Pterygia quoque oculorum absumit, cum sale tritum & adhibitum.

De Melle. CAP. XXIII.

MELLVS frequenter in cibo sumptus, visus hebetudinem facere creditur. Quòd si crudus dissectusque imponatur, marini draconis ac scorpionis, itemque aranei ictibus medetur.

De Hippopotami seu fluminalis equi Testiculo.

CAP. XXV.

HIPPOPOTAMI Testiculus exiccatus & ad laeuorem tritus, contra serpentium morsus ex vino bibitur.

De Castorio, seu fibri testibus.

CAP. XXVI.

Fiber animal est ancipitis vitæ, quod plerunque cum piscibus & cancris vitam in aquis degit. Auxiliantur quoque ipsius testes contra serpentium venena. Sternutamenta etiamnum mouent, ac in vniuersum multiplices vsus obtinent. Siquidè duabus drach-

mus

mis cum pulegio poti, menses cient, & par-
tus secundasque eiiciunt. Ex aceto verò,
contra inflationes, tormina, singultus, exi-
tialia venena, priuatimque ixiam, bibuntur.
Lethargicos & alio quocunque veterani ge-
nere correptos cum aceto & rosaceo irriga-
ti excitant. Sed & olfactu & odoris suffitu
eadem præstant. Prosunt & tum potu, tum
etiam illitu ad tremores, conuulsiones, o-
mniaque neruorum vitia: ac in summa cal-
factoriam vim habent. Porro testes semper
eligito, qui sint ex vno ortu connexi, (fieri
enim non potest vt gemini folliculi in vna
membrana coniuncti reperiantur) liquore
intus veluti ceroso, odoris grauis, ac viroso
gustu, acri & mordaci, friabili: quique natu-
ralibus tunicis perpetuò distinguantur. I-
psum fraude corrumpunt nonnulli, ammo-
niacum aut gummi cum sanguine & casto-
rio subactum in folliculum infundentes, &
ita exiccantes. Vanum est autem quod nar-
ratur, animal ipsum, dum à venatoribus vr-
getur, testes sibi auellere & abiicere: fieri e-
nim nequit ipsos vt attingat, quippe qui
sint, velut in sue, substricti. Cæterum diuisa
pelle liquorem melleum vnà cum ipsum
continente tunica excipere oportet, atque
ita siccatum reponere.

K. iiij.

De Mastela Vulgari seu domestica.

CAP. XXVII.

MVSTELA quæ in domibus nostris oberrat, flammis ambusta & exemptis interaneis sale inueterata, tandemque in umbra siccata, binis drachmis in vino pota, contra serpentium genus omne præsentaneo est remedio. Simili modo sumpta, toxico resistit. Eiusdem ventriculus coriandro fartus inueteratusque, iis qui à venenatis bestiis commorssi fuerint & comitialibus potu auxiliatur. Tota verò in olla concremata, podagricis confert, cinere ex aceto illito. Ceterum ipsius sanguis perunctus, strumis opitulatur, ac comitialibus itidem prodest.

De Ranis.

CAP. XXVIII.

CONTRA omnium serpentium venena pro antidoto sunt Ranæ, cum sale & oleo è iure decoctæ, si ius ipsum itidem sorbeatur. Valent & ad diuturnos tetendinum abscessus. Vstæ verò & inspersæ, profluentis sanguinis impetum sistunt: quin & sanant alopecias, cum pice liquida illitæ. At viridium ranarum sanguis instillatus, euulsos palpebris pilos renasci prohibet. Decoctæ etiamnum in aqua & aceto, dentium dolores collutione leniunt.

De

De Siluro. CAP. XXIX.

SILVRVS recens in cibo sumptus, probè nutrit, & bonam facit aluum: sale verò conditus, vix alimentum vllum subministrat. Arteriam tamen expurgat, vocique splendorem affert. Imposita verò saliti caro, aculeos & infixā corpori spicula extrahit. Ipsiū quoque muria, dysentericis circa principia conuenit ad infusus: quippe quæ fluxiones ad summa cutis eliciat. Quin & ischiadicis infusa medetur.

De Smaride. CAP. XXX.

SMARIDIS salitæ caput exustum tritumque, excrescentes in vlceribus carnes cohibet, nomasque compescit: clauos thymosque absomit. Caro, quemadmodum & falsamentum omne, prodest à scorpione ictis, & à cane demorsis.

De Mena. CAP. XXXI.

MÆNÆ quoque caput vstum tritumque si inspergatur, callosas sedis rhagadas emendat. Ipsiū verò garum, in ore putrescentia vlcera collutione sedat.

De Gobio. CAP. XXXII.

GOBIVM recentem si in suillum ventriculum immiseris, & consuta rima induodecim aquæ sextariis donec duo supersint decoxeris, excolatumque ius ac sub diuo refrigeratum potui dederis, aluum citra

perturbationem subduces. Porro impositus, iis qui à canibus serpentibúve demorsi fuerint, auxiliatur.

De salsamento quod Omotarichon appellatur.

CAP. XXXIII.

QUEM Omotarichum vocant, conditamenti thunni caro est. Hæc sumpta iis auxiliatur, quos vipera, præter dicta, momorderit. Sed oportet vinum quamplurimum subinde cogantur haurire, ita ut vomitione reddatur. Ad ea itidem maximè conuenit, ad quæ & cætera quæ in alimentorum genere sunt acria. Canum quoque moribus utiliter imponitur.

De Garo.

CAP. XXXIIII.

GARVM omne quod è piscibus carni-
búisque sale maceratis eliquescit, nomas cohibet, & morsus à cane medetur. Dysentericis quoque & ischiadicis infunditur: illis quidem, ut intestinorum vlcera compescat atque coerceat: his verò, ut intestina ipsa, quamuis minimè exulcerata, ad instantes coxam humores euacuandos stinulet ac proritet.

De recentium piscium Insculo.

CAP. XXXV.

RECENTIVM piscium Ius modò per se, modò ex vino potum, alium subducit. Peculiariter autem ad hunc usum præparatur

paratur è phycidibus, scorpionibus, iulidibus, percis & aliis saxatilibus teneris, nec viris resipientibus. Coqui verò debent simpliciter in aqua, additis oleo, anetho & sale.

De Cimicibus.

CAP. XXXVI.

CIMICES qui in cubilibus enascuntur, numero septeni cum fabis in cibos additi & ante accessiones deuorati, quartana laborantibus auxilio sunt. Quin & citra fabas deuorati, demorsis ab aspide profunt. Vuluæ strangulatione affectas olfactu reuocant. Cæterùm sanguisugas cum vino aut aecto poti pellunt. Triti verò & vrinariæ fistulæ impositi, vrinæ difficultati medentur.

De Millepedis.

CAP. XXXVII.

MILLEPEDAE quæ sub vasis aquariis reperiuntur, animalcula sunt multorum pedum, quæ quidem contacta manibus, in globulos sese contrahunt. Hæ ex vino potæ, vrinæ difficultati ac regio morbo auxiliantur. Illitæ verò cum melle, angina correptis profunt. Tritæ & in cortice mali Punici addito rosaceo calfactæ, ad dentium dolores efficaciter instillantur.

De Blatta.

CAP. XXXVIII.

BLATTAE eius quæ in pistrinis reperiuntur interanea trita cum oleo, dolores aurium instillatu mitigant.

De Pulmone marino. CAP. XXXIX.

PVLMO marinus recens tritus, pernionibus podagraque laborantibus opitulatur.

De Pulmone fullo. CAP. XL.

SVILLVS, agninus, vrsinúsque Pulmo, impositu attritus à calceamentis contractos ab inflammatione tuentur.

De Pulmone Vulpino. CAP. XLI.

Quin & vulpis Pulmo si arefactus bibatur, suspensiofos adiuuat. Eiusdem verò adeps liquefactus infususque, auris dolorē sedat.

De Hepate asinino. CAP. XLII.

ASINI iecur inassatum, esu comitialibus prodest: verum id ieiunos sumere oportet.

De masculi cerui Genitali.

CAP. XLIII.

GENITALE cerui maris tritum ex vino potū, à vipera demorsis auxiliatur.

De asinorum Ungulis. CAP. XLIIII.

VNGVLAE asinorum vstæ, ad dies multos cochlearibus binis potæ, comitialibus prodesse narrantur. Oleo verò subactæ, strumas discutiunt: inspersæ quoque, pernionibus medentur.

De equorum Lichenibus. CAP. XLV.

LICHENES equorum, calli sunt circa genua & ungulas in earum partium fle-

xu indurati. Ij triti & in aceto poti, comitia-
libus mederi traduntur.

De Caprinis Ungulis. CAP. XLVI.

CAPRINARVM vngularum cinere per-
unctæ ex aceto alopeciae sanantur.

De Caprino Iecore.

CAP. XLVII.

QVAE è Caprino iecore dum inassatur
destillat sanies, inuncta prodest luscio-
sis qui Græcis nyctalopes dicuntur. Quin &
siquis vaporem eius, dum coquitur, oculis
apertis excipiat, vtilitatem percipit. Sed &
tostum in cibo, ad eadem prodest. Caterùm
aiunt comitiales eius esu, hircini verò ma-
ximè, deprehendi.

De Aprino iecore.

CAP. XLVIII.

Aprinum iecur recens si arefactum tera-
tur, ex vino potum, contra serpentium iu-
mentorùmque morsus auxilio est.

De Canis rabidi Iecore.

CAP. XLIX.

Iecur Canis rabiosi tostum & ab iis quos
momorderit in cibo sumptum, aquæ pauo-
ris periculo liberare creditur. Utuntur au-
tem ad præcautionem etiam canis qui mo-
morderit canino dente: hunc scilicet folli-
culo ex aluta inditum pro amuleto brachio
adalligant.

De Iecore mergi.

CAP. LI.

Mergi iecur assiccatum & potum ex hydromelite binis cochlearibus, secundas pellit.

De Veteribus soleis.

CAP. LI.

EX veteribus calceamentis Coria combusta ac trita & inspersa, ambusta igni, intertrigines, necnon & calceamentorum attritus sanant.

De Gallinis.

CAP. LII.

GALLINAE dissectae & adhuc calentes appositae, serpentium moribus auxiliantur: sed in ipsarum locum alias subinde sufficere oportet.

De Gallinarum cerebro.

CAP. LIII.

Earum cerebellum in vino bibendum datur, contra venenatarum bestiarum morsus: sanguinis etiamnum eruptiones à cerebri meninge inhibet. Quae verò in gallinaeo interna ventriculi parte substernitur membrana cornu instar firma ac pellucida, quaeque inter coquendum excoriari solet, arefacta tritaque & in vino pota, stomachicis confert. Ius autem pulli simpliciter paratum, potissimè datur ad temperandos prauos vitiososque humores, & iis quibus aestuat os ventriculi. At ius è vetere gallinaeo, datur ad aluum deiciendam. Exemptis porro interaneis, in eorum locum sal immitten-

mittendus est, demumque confuto ventre gallinaceus in aquæ sextariis xx. discoquendus, dum tres heminæ supersint. Totum verò id sub dio refrigeratum exhibetur. Sunt qui marinam brassicam, mercurialem, cnicum aut filiculam simul incoquant. Cæterum crudos crassosque, lentos ac viscosos & atros humores educit. Prodest iis quos longæ diuturnæque tenent febres, suspiriosis, arthriticis, inflationeque stomachi laborantibus.

De Ovo. CAP. LIIII.

OVUM molliculum plus alit quàm forbile, itémque durum plus quàm molle. Est ipsius luteum contra dolores oculorum utile, tostum cum rosaceo & croco. Scdis autem inflammationibus & condylomatis prodest, addito meliloto. Cum rhoïs semine aut galla frixum in sartagine & in cibo sumptum, aut etiam per se exhibitum, aluum sistit.

De Ovi candido seu albumine.

CAP. LV.

Crudum oui candidum refrigerat, cutis spiramenta occludit, & oculis infusum, eorum inflammationes lenit: ambustis confestim illitum, quominus erumpant pustulæ prohibet: faciem à Solis adustione tuetur: cum thure, anacollematis vice fronti indu-

ctum, fluxiones arcet compescitque: oculorum inflammationes lana exceptum, additis rosaceo, melle ac vino, mitigat. Quod si crudum sorbeatur, contra hæmorrhoidis serpentis morsus auxiliatur: exiguo verò calore tepens, prodest contra vesicæ rosiones, renum exulcerationem, asperæ arteriæ scabritias, sanguinis reiectiones, destillationes ac thoracis rheumatismos.

De Cicadæ.

CAP. LVI.

CICADAE si assatæ edantur, doloribus vesicæ succurrunt.

De Locustis.

CAP. LVII.

LOCUSTAE suffitu difficultates urinæ adiuuant, præsertim quæ fœminas malè habent: est autem earum caro inutilis. At quæ locusta asiracos aut onos dicitur, sine pennis est, grandioribus membris dum recens est. Hæc assiccata si ex vino bibatur, contra scorpionis ictus magnoperè confert. Ceterum hac eadem abundè vescuntur Afri, qui Leptin incolunt.

De Ossifrago.

CAP. LVIII.

VENTRICVLVS eius avis, quem Latini Ossifragum appellant, paulatim potui datus, calculos fertur per urinam expellere.

De

De Galerita CAP. LIX.

GALERITA auicula est parua, apicem in vertice pauonis modo gestans. Hæc as-
sa & in cibo sumpta, colicos adiuuat.

De Hirundine. CAP. LX.

HIRVNDINIS pullos qui primo partu
exclusi fuerint si crescente Luna disse-
cueris, in eorum ventre lapillos inuenies:
è quibus duos, vnum quidē colore varium,
alterum verò purum & unicolorem acci-
pies. His priusquam terram attigerint iu-
uencæ corio aut ceruina pelle inclusis, &
brachio aut collo adalligatis comitiales re-
creabis: plerunque etiam penitus sanitati
restitues. Ipsæ verò hirundines in cibo sum-
ptæ, velut & ficedulæ, aciem oculorum exa-
cuunt. Tam pullorum quàm matrum in ol-
la fictili combustarum cinis cum melle ob-
litus, oculis claritatem affert: confert & per-
unctus angina laborantibus: itémque pro-
dest ad vuæ ac tonsillarum inflammationes.
Caterùm & ipsæ & pulli si exiccentur &
drachmæ vnus pondere ex aqua bibantur,
his succurrunt qui angina conflictantur.

De Ebore. CAP. LXI.

ELEPHANTINI dentis ramentum, vi-
guum reduuias curat impositum. Vim
porro astringendi obtinet.

L. j.

De Talo snillo.

CAP. LXII.

Svis talus combustus dum è nigro al-
bescat, tùmque tritus ac potus, inflatio-
nibus coli ac diuturnis torminibus me-
detur.

De Cornu cervino.

CAP. LXIII.

CORNU cerui vstum ac lotum sibi nũm
cochlearium mensura bibatur, confert
sanguinem excreantibus, dysentericis, cœ-
liacis, regio morbo & vesicę doloribus cum
tragacantha: fœminis item fluxione vulvę
laborantibus, cum liquore ei affectui ac-
commodato. Porrò tusum & crudo fictili
luto circumlito inditum, vritur in fornace
donec albescat: ac deinde cadmię modo e-
luitur. Tale verò oculorum vlceribus atque
fluxionibus salutare est: affricturn quoque,
dentes expurgat. Cæterum crudum si ac-
cendatur, odore serpētes fugat. In aceto ve-
rò feruefactum si ore colluatur, interiorum
dentium dolores mitigat.

De Erucis.

CAP. LXIIII.

ERUCÆ quę in oleribus gignuntur, à
venenatarum bestiarum morsibus eos
feruntur tutos præstare, qui ipsis ex oleo
si fuerint.

De Cantharidibus.

CAP. LXV.

CANTHARIDES quæ in frumentis leguntur, ad recondendum idoneæ sunt. Eas in vas non picatum immittito, ac ipsius osculum raro puroque linteo obligatum circumuertito ad vaporem feruentis aceti quàm acerrimi: tandiùque inuersum fictile contineto, donec illæ suffocentur. tandem lino transfixas reponito. Porro efficacissime sunt quæ variæ visuntur, luteasque habent in pennis transversas lineas, quæque oblongo sunt corpore, crassæ, & blattarum modo præpingues. Sed inefficaces & imbecillæ, quæ vnius sunt coloris.

De Buprestibus.

CAP. LXVI.

Simili modo reponuntur & buprestes, quæ sunt è cantharidum genere, itémque pinorum erucæ. Sed & hæ supra cribrum suspensum feruenti cinere paulisper intostæ, reconduntur. Vis ipsarum communis septica, exulceratoria, & excalfactoria: qua de causa medicamentis admiscuntur, quibus carcinomata, lepræ & impetigines feræ curantur. Menses quoque cient, pessis emollientibus additæ. Porro nonnulli cantharidas antidotis admistas etiam hydropicis auxiliari prodiderunt, quippe quæ vrinas moueant. Alij ipsarum alas ac pedes iis qui illas hauserint pro antidoto esse tradiderunt.

De Salamandra.

CAP. LXVII.

SALAMANDRA, lacertæ genus est, iners, varium, quodque frustra creditum est ignibus non vri. Vim habet septicam, exulcerantem, ac denique calfactoriam. Additur in medicamenta septica & lepras abolentia, quemadmodum & cantharis: ac simili quoque modo reponitur. Vsta verò, pilos cum oleo abolet. Cæterum exenterata, detractis pedibus & capite, in melle seruatur ad eundem usum.

De Araneis.

CAP. LXVIII.

ARANEVS, quem holcum aut lycon, id est, raptorem aut lupum alij nominant, cum emplastro subactus & linteolo inductus, ac fronti aut temporibus impositus, tertianos circuitus persanat. Tela eius apposita, sanguinem sistit, & vlcera quæ summam cutem occuparunt ab inflammationis iniuria vindicat. Est & alterum aranei genus, quod candidam, tenuem, densamque telam orditur. Hoc aluta inuolutum, & de lacerto suspensum, quartanis circuitibus mederi narratur. Decoctum autem ex rosaceo & infusum, aurium doloribus auxiliatur.

De Lacerta.

CAP. LXIX.

LACERTAE caput tritum & impositum, aculeos & omnia corpori infixâ extrahit.

hit. Sed & formicantes verrucas & pensiles, quas acrochordonas vocant, clauoſque tollit. Iecur ipsius dentium cauernis inditum, dolores eximit. Tota verò dissecta & imposita, ictos à scorpione leuat.

De Sepe. CAP. LXX.

SEPs, quam nonnulli lacertam Chalcidiscam vocant, ex vino pota, quos momorderit iis medetur.

De Scinco. CAP. LXXI.

SCINCVS quidam in Ægypto, alius in India, alius ad mare Rubrum gignitur. Est & alius, qui apud Libyam Mauritanix fluuium reperitur. Est verò crocodilus terrestris sui generis, qui addito nasturtio sale conditur. Aiunt porrò partem eam quæ renes amplectitur, drachmæ pondere in vino potam, Venerem accédendi vim habere: atramen lentis decocto cum melle, aut semine lactuæ cum aqua poto intensam illam Veneris cupiditatem inhiberi. In antidota quoque additur.

De Terrenis Vermibus. CAP. LXXII.

TERRENI vermes triti & impositi, præcisos neruos glutinant, ac tertianas quoque soluunt. Decocti verò cum anserino adipe & instillati, affectis auribus medentur. In oleo autem decocti si oppositæ auriculæ infundantur, dentium doloribus

L. iij.

præstant auxilium. Triti quoque & cum pas-
so epoti, vrinas ciunt.

De Mure araneo. CAP. LXXIII.

MVS araneus dissectus & impositus, con-
tra suos morsus remedio est.

De Muribus. CAP. LXXIII.

MVRES domesticos dissectos scorpio-
num ictibus vtiliter imponi est in cõ-
fesso: si verò inassati à pueris in cibo suman-
tur, ipsorum oris saliuam exiccare.

De Lacte. CAP. LXXV.

LAc generatim omne boni succi est, cor-
pus alit, ventrem mollit, stomachum &
intestina inflatione vexat: vernum tamen æ-
quatius æstiuo: & quod è viridi pascuo est,
aluum magis emollit. Probatur candidum
& æquali crassitudine, quòdque vngui in-
stillatum, conglobatur. Aluum minus ten-
tat caprinum, quoniam capræ astringenti
pabulo magna ex parte vescuntur, quercu,
lentisco, frondibus oleaginis, & terebintho:
quam ob causam stomacho etiam euadit
accommodatum. Ouillum autem crassum
est, dulce ac præpingue: sed non vsque adeò
stomacho vtile. At bubulum, asininum, & e-
quinum, aluum magis solunt, ipsamque
turbant. Quibus verò in locis scāmonium,
veratrum, mercurialis & clematis sunt pro
pabulo, lac omne ventrem stomachumque
subuer-

rebuertit: quale in Vestinis montibus à nobis obseruatum est. Siquidem capræ veratri albi folia cùm primùm erumpunt depascentes, & ipsæ euomunt, & lac quoque reddunt euertendi stomachi vim habens atque nau-seosum. Porro decoctum lac omne, & id quidem maximè à quo filicum ignitorum vi portio tenuior exhausta est, ventrem astringit, ac omnibus in vniuersum internis exulcerationibus auxiliatur: præsertim verò gutturis, pulmonis, intestinorum, renum, ac vesicæ. Quin & contra summæ cutis pruritus, papularum eruptiones & vitiatos corporis succos recens exhibetur cum melle crudo, addito sale & exigua aqua dilutum. Minus verò inflat, quodcunque semel feruefactum est. Cæterum decoctum cum calculis ad dimidias, alui fluxiones vlceratione comitatas adiuuat.

De Sero lactis.

CAP. LXXVI.

Lac quodcunque, implicitum habet sibi serum: quod quidem à lacte diuisum, redditur ad purgationem efficacius. Exhibetur porro quibus citra acrimoniam deiectionem moliri volumus, vti melancholicis, comitialibus, atque in lepra, elephantiasi & papularum toto corpore eruptionibus.

De Schisto lacte.

CAP. LXXVII.

Diuiditur autem lac omne, si fictili notio

L. iiij.

ferueat, & ficulneo ramo recens defecto moueatur: ac posteaquam bis terve efferbuerit, affundatur aceti mulsi totidem cyathi, quot sunt heminae lactis: ita enim discedit serum ab eo quod caseosum est. Sed oportebit ut ne lac feruendo circumfundatur, inter coquendum continenter spongia ex frigida fictilis labrum detergere, sextariumque argenteum frigidae aquae plenum demittere. Bibitur porro serum heminis per intervalla singulis usque ad quinas, ita ut intercedentibus spatiis potantes deambulent. Lac autem recens, etiam efficax est contra rosiones & inflammationes à medicamentis exitiis factas, uti à cantharide, pinorum eruca, salamandra, aut bupreste, auripigmento, dorycnio, acenito, aut ephemero. Ad hoc verò priuatim bubulum maximè confert. Gargarizatur & ad oris ac tonsillarum exulcerationes. Asininum verò peculiariter ore collutum, gingivas dentesque stabilis. Fluxiones autem alui ulceratione comitatas ac tenesmos, ouillum, bubulum, aut caprinum candentium silicum ope decoctum, sistit. Quinetiam per se & cum hordeacea ptissana aut chondri cremore infusum, rosiones intestinorum magnoperè mitigat: exulceratae quoque vulvae infunditur.

De

De Lacte muliebri. CAP. LXXVIII.

Lac muliebre dulcissimum est, & maximè alit. Mammis exuctum, prodest ad stomachi rofionem ac tabem: valet & contra haustum leporem marinum. Thuris verò pollini admixtum, oculis ab ietu cruore suffusis instillatur. Podagricis quoque vtile est, cum meconio & cerato illitum. Cæterum lac omne contrarium spleneticis, hepaticis, veriginosis, comitialibus, neruorum vitio laborantibus, febres habentibus & capite dolentibus: nisi si quis purgationis gratia, vti demonstratum est, schistum exhibeat. Sunt qui narrent lac primiparæ canis perunctum pilos abolere, ac potum contra venena antidoti vicem obtinere, necnon & mortuos foetus eiicere.

De Caseo recenti. CAP. LXXIX.

CASEVS recens ac minimè falsus in cibo sumptus, probè alit, stomacho vtilis est, ac facile in membra distribuitur: corpus auget, aluúmque moderatè mollit: alius tamen alio præstantior est, pro natura lactis è quo conficitur. Decoctus autem & expressus, dein inassatus, aluum sistendi vim acquirit: prodest verò impositus oculorum inflammationibus atque sugillatis. At qui recens salitus est, si comedatur, minus alimentum præbet, ad minuendum corpus idoneus

est, stomacho aduersatur, aluum denique & interanea offendit. Verustior, aluum sistit. Cæterum quod è caseo manauit serum, canes quàm optimè alit.

De Hippace. CAP. LXXX.

Quod Hippacen vocant, caseus est equinus: qui quidem virus redolet, at magno perè alit, bubulo proportionè respòdens. Sunt tamen qui equinum coagulum hippacen appellauerint.

De Butyro & eius fuligine.

CAP. LXXXI.

LAVDABILE paratur Butyrum è lacte pinguißimo, quale ouillum est: fit & ex caprino, agitato in vasis lacte, donec pingue separetur. Molliendi facultate præditum est, vimque habet olei: vnde & largiùs epotum, & aluum relaxat, & contra venena, si desit oleum, vsurpatur. Cum melle affrictum, dentitiones adiuuat, gingiuarum pruritus in infantibus & oris vlcera emendat. Foris verò illitum, corpus reddit habitius, & à psydraciis tuetur atque conseruat. Est & efficax contra inflammationes ac duritias vuluæ, quod certè quidem neque putidum neque vetustum fuerit: ad dysenterias quoque & coli vlcerationem infunditur. Denique in suppuratoria medicamenta vtiliter additur: maximè verò in neruorum, meningum, vesicæ,

ficæ ac ceruicis vulneribus. Illud ipsum replet, purgat, & carnem creat: necnon & ab aspide commorsis impositum prodest. Recens etiam opsoniis pro oleo ammiscetur, vti & placentis adipis vice. Colligitur verò è butyro fuligo hunc in modum: In lucernam nouam infusum butyrum accendito, & vbi operculaueris, fictili in modum siphunculi facto & supernè quidem angusto, ima verò parte foramina clibani instar habete cremari finito: ac vbi primum absumptum fuerit butyrum, aliud subinde affundito, dum fuliginis quantum desideras coaceruaueris: tandem penna deradito, ac vti-
tor. In medicamentis oculorum vim habet exiccandi & adstringendi: fluxiones verò cohibet, & vlcera celeriter ad cicatricem perducit.

De Lanis. CAP. LXXXII.

LANÆ succidæ molles è collo femi-
búsque, laudatissimæ. Subueniunt inter
initia vulneribus, contusis, desquamatis, li-
uidis, & ossium fracturis, aceto & oleo aut
vino imbutæ. Siquidẽ liquores facilè com-
bibunt quibus immerguntur, & propter ad-
hærentes sordes (æsyphum vocant) emollien-
di vim habent. Efficaces quoque sunt ad
capitis, stomachi & alius cuiusvis partis do-
lores, si cum aceto & rosacco imponantur.

De Lanis & sſis. CAP. LXXXIII.

Crematæ verò lanæ, cruſtas inducendi, carnis excreſcentias cohibendi, vlcerâque ad cicatricem perducendi vim habent. Por-
rò mundæ & carptæ in fictili crudo cætero-
rum more vruntur: quin & ad eundem mo-
dum lanæ marina purpura infectæ tomenta
cremari ſolent. Nonnulli verò cum ſordi-
bus lanas carminant, quas poſteaquàm
melle irrigarunt, ſimiliter vrunt. Alij in fi-
ctili oris patuli verucula inter ſe diſtantia
diſponunt, ac tenues tædarum aſſulas in-
ſternunt: ſupra has verò lanas ipſas compo-
nunt carptas & oleo ita imbutas, vt ne ta-
men deſtillent, rursùmque aſſulas & lanas
viciffim interſternunt: tandem leuiter tædas
ſuccendunt, vſtùmque cinerem tollunt.
Quòd ſi qua pinguitudo aut pix è tæda de-
fluxit, ſimul & ſemel collecta reconditur.
Cæterùm lauatur ille lanarum cinis ad ocu-
lorum medicamenta, in fictili labello addita
aqua & manibus vehementiùs conturbata:
cùmque ſubfederit cinis, aqua effunditur, ac
rurſum affunditur alia, paritèrque contur-
batur: tandiùque id fit, donec is admotus
linguę minimè mordeat, ſed quodammodo
aſtringat.

De OEſypa. CAP. LXXXIIII.

OEſypum dicitur, è ſuccidis lanis colle-
cta

Etta pinguitudo: quam sic præparabis. Lanas sumito molles, succidas, radícula non curatas, & aqua calida eluito, simulque sorditiæ omnem exprimito. Hanc in labellum oris ampli conicito: ac ubi aquam affuderis, lingua grandiorive cochleari magno impetu refundito ex alto demittēs, dum spumescat: aut rude lignea validiusculè conturbato, dū multa & sordida spuma colligatur: deinde marina respergito. Atq; ubi cōfederit quod supernatabat pingue, in alterum vas fictile recipito: & affusa in labellum aqua hāc denudò agita, tūmq; marina spumam perfundito, ac demum excipito. Hoc tantisper facito, dum consumpta pinguitudine non ampliùs spuma superfit. Collectum porrò cœsypum ubi manu subegeris, confestim, si qua insedit spurcitia, hanc tollito: guttatimque exclusa priore aqua, aliam affundito, & manu misceto, donec admotum linguæ cœsypum minimè mordeat, sed quodammodo astringat, ac pingue, purum, candidumque appareat: tandem in fictili vase ita condito. Verùm hæc omnia æstiuo sole fiant. Nonnulli excolatum pingue frigida aqua eluunt, & manibus, non secus atque ceratum mulieres, confricant: ita enim candidius redditur. Alij postquam lanas lauerunt, sordēsque expresserunt, has in lebere

lento igni ex aqua decoquunt, & collectum pingue quod supernatat aqua, vti dictum est, eluunt, excolatúmque in fictilem patellam, quæ calidam aquam contineat, lineo panno operculant & Soli exponunt, donec sat crassum candidúmque euadat. Nonnulli denique post biduum effusa prior aqua, aliam affundunt. Præstantius est, è lanis radícula non curatis, læue, lanarum succidarum virus olens, quódque, dum in concha cum aqua frigida manu fricatur, albescit, nihilque in se durum aut compactum habet: veluti quod cerato aut adipe adulteratur. Porro vim habet excalfaciendi, emolliendi, & vlcera explendi: maximè verò sedis ac vuluæ, cum meliloto & butyro: in vellere appositum, partus & menses euocat: valet & ad vlcera tum aurium, tum etiam genitalium, cum anserino adipe. Est & efficax ad arrosos scabiosósque oculorum angulos, itémque genas callosas ac ciliolorum defluuio laborantes. Caterùm in testa noua torretur cæsypum, dum in cineres redactum pinguitudinem amittat. Ex ipso quoque fuligo colligitur eo quo demonstrauimus modo, quæ ad oculorum medicamenta conuenienter additur.

De Coagulo.

CAP. LXXXV.

LEPORIS coagulum ternū obolorum pondere ex vino, confert ad venenatarum bestiarum morsus, itēque cœliacis, dysentericis, ac fœminis fluxione ab utero laborantibus: quin & in grumos concreto sanguini, ac eiūdem à pectore reiectionibus auxiliatur. Post menstruam purgationem [& paulò ante coitum] vuluæ cum butyro appositum, conceptionem adiuuat: potum verò idem, partus enecat, & à purgatione menstrua præstat mulieribus ut ne concipiant. At equi coagulum, nonnullis hippace dictum, priuatim cœliacis dysentericisque conuenit. Hœdi verò, agni & hinnuli, dorcadis, platycerotis, dorci ac cerui, itēque vituli ac bubali coagula similibus sunt prædita viribus: siquidem contra haustum aconitum ex vino, & ad concretum lac ex aceto conuenienter assumuntur. Priuatim autem hinnuli coagulum subditum à purgationibus ad triduum, conceptum impedit. Verū marini vituli coagulum, pares castoreo vires obtinet: maximè verò comitialibus & vuluæ strangulationibus in potu conferre creditur. Porro marini vituli coagulum hoc experimēto deprehenditur. Sumito alicuius alterius animantis, præcipue verò agni, coagulum, & assusa aqua pau-

lisper dimittito : tùm postea aquam, in qua illud maduerit, vituli marini coagulo superinfundito. Quod enim sincerum ac legitimum fuerit, illico in aquam liquefcet: quod tale non fuerit, simile sibi permanebit. Excipitur autem vituli marini coagulum, catulis qui nondum vnà cum matribus nare possunt. Cæterùm in vniuersum Coagulum omne dissipata cogit, & coagulata soluit.

De Adipe. CAP. LXXXVI.

ADEPS anserinus aut gallinaceus recēs & sine sale inueteratus, ad vuluæ vitia proficit. At sale conditus, quique acrimoniam vetustate contraxit, vuluæ inimicus est. Horum quempiam recentem membranulis exemptis in nouam fictilem ollam coniicito, quæ duplo tantundem capiat, quantum est eius adipis quem curari oporteat. Dein vbi acerrimo Soli vas diligenter operculatum exposueris, eliquescentem inde humorem in alterum fictile vas excolato, dum quidquid est adipis absumptum fuerit: mox eum liquorem loco vehementer frigido ad vsum recondito. Sunt qui insolationis vice, supra calidam aquam, aut super tenui & elanguida pruna, ollam collocant. Est & alia curandi ratio huiusmodi: Exemptis membranis teritur adeps, & in ollam

iam coniectus eliquatur, insuper asperfo
minuti salis momēto: dein lineo colo trans-
fusus reponitur. Talis porrò in ea medica-
menta vtiliter additur, quæ lassitudines &
fatigationes leuant.

De Suillo & Vrsino adipe.

CAP. LXXXVII.

Suillus autem & vrsinus adeps hoc cu-
rantur modo: Sumito recentem ac præpin-
guem, qualis is est qui renibus detrahitur:
& in largiorem aquam cœlestem quàm fri-
gidissimam exemptis pelliculis immittito,
manibûsque terito, ipsum accuratè fricans
ac veluti distringens: deinde vbi noua aqua
subinde ablueris, in ollam fictilem duplẽ ca-
pacitatis indito: atque affusa aqua quæ adi-
pem superet, supra leues prunas ponito, &
spatha miscero. Postquam verò eliquatus
fuerit, ipsum colo in aquam transfundito,
sinitoque refrigerescere: tùm diligenter ex-
clusa guttatim omni aqua, in ollam aliam
priùs elotam rursus demittito, & infusa a-
qua sensim eliquato. Inde detractum, vbi
fæcem paulisper subsidere permiseris, in pi-
lam spongia madefactam defundito. Ac vbi
concreuerit, detractis quæ in imo resident
sordibus, tertio tandem citra aquam eliqua-
to, & translatum postea in pilam repurga-
túmque in fictile vas iniicito, quod opercu-
M. j.

latum loco per quàm frigido reponatur.

De seuo hircino, ouillo & ceruino.

CAP. LXXXVIII.

Hircinum, ouillum, insuperque ceruinum seuum ita curare oportet: Ex his quodlibet sumito, quale antè dictum est, & lotum, tunicis, vt in suilli mētione dictum est, exemptis, indito pilæ vti subigatur & mollescat, atque affusa paulatim aqua fricato: dum neque sanguinolētum quicquam excernatur, neque pinguitudo supernatet, sed illa nitida limpidaque spectetur. Postmodùm vbi in fictilem ollam conieceris, ac insuper aquam addideris vt superemineat, leui prunæ indito & agitato. Vbi verò totum liquidum fuerit, ac translatum in aquam refrixerit, iterum in loto fictili eliquato, & quæ antè diximus similiter facito. Tùm vbi tertio citra aquam liquefeceris, in pilam liquore perfusam excolato, refrigeratūque, vti de suillo dictum est, recondito.

De seuo bubulo. CAP. LXXXIX.

Bubulo quoque seuo renibus maximè detractò eximendæ pelliculæ, ipsūque aqua marina ex alto petita eluendum: mox in pilam coniectum diligenter tundendum, aspersa maris aqua. Cùm verò totum dissolutum fuerit, in fictilem ollam immittendum, & affusa aqua marina quæ non infra
dodran-

didrantem superemineat, coquendum, donec proprium odorem amiserit. Deinde ad singulas seui Atticas minas, ceræ Tyrrhenicæ quaternæ drachmæ iniiciendæ. Excolatum, detracta quæ in fundo residet immunditie, in ollam nouam reponendum: tandem opertum Soli quotidie exponendum, vt putido odore abolito ad candorem reducatur.

De Adipe taurino, pantherino ac leonino.

CAP. XC.

Taurinum verò seuum sic curari debet: Hoc quoque recēs ac renibus euulsum profluente amnis aqua abluito, detractisque tunicis in ollam fictilem nouam indito, & insperso exiguo sale liquefacito: deinde in aquam pellucidam excolato. Ac vbi concrefcere cœperit, iterum manibus valdè confricando eluito, aqua subinde effusa refusaque, dum probè lotum fuerit. Rursum in ollam coniectum cum pari modo vini odorati decoquito. Et cum secundo efferbuerit, sublata ab igni olla ibidem seuum pernoctare finito. Postridie siqua graueolentia superfit, in alteram ollam nouam translatum odorato vino perfundito, ac eadem quæ priùs facito, donec omne odoris virus euanuerit. Liquatur & sine sale, ad nonnullos præsertim affectus, quibus sal aduersari solet: sed

M. ij.

ita præparatum non magnoperè albescit. Eodem quoque modo pantherina & leonina, aprugna, camelina & equina, hisque similia pingua præparari oportet.

Quomodo pingue odoramentis imbuendum sit.

CAP. XCI.

Vitulinum autem ac taurinum pingue, nec non ceruinum, atque etiam huius animalis medulla odoramentis imbuuntur hunc in modum: Pingue quod odoratum reddi debet, demptis membranis quo diximus modo elotum, ac vino odorato nulla maris aqua diluto feruefactum, tandem ab igne tollito, ac inibi pernoctare finito. Tum altero eiusdem generis vino ac eadem qua prius mensura affuso, ipsum colliquato, & accuratè defæcato: mox nouem eius heminis iunci Arabici drachmas septem adii- cito. Quod si ipsum flagrantioris odoris fieri voles, quadraginta floris eiusdem drachmas superaddito, cum palmæ, cassiæ & calami totidem singulorum drachmis: aspalathi & xylobalsami, ana drachma vna: adde & cinnamomi, cardamomi, nardi, ana vnciam vnam. Omnia verò minutiùs contundantur: deinde affuso vino odorato, vas operculatum supra carbones firmiter collo cato, ac ter omnia conferuefacito: tumque vas ab igni semotum pernoctare finito. Postridie
vino

vino effuso, nouoque generis eiusdem addito, ter simili modo conferuefacito atque dimittito. Manè verò, exempto pingui vinum effundito, & abluto vase, purgatoque quod imo subsidens hæserat, ipsum eliquato: postremò excolatum ad vsus recondito. Hoc eodem modo imbuitur odoramentis, quod antea curatum est. Verùm antedicta pinguia in sequentem modum prius inspissari par est, quò facilius odoramentorum vires in se recipiant. Itaque assumens quodcunque horum volueris, cum vino feruefacito, simul immisso myrti ramulo, serpyllō ac cypero, insuperque aspalatho exactius tuso. Aliqui tamen ad hunc vsu vno duntaxat horum contenti sunt. Cum autem tertio efferbuerit, leniter exemptum & linteo transfusum, odoramentis, vti demonstratum est, imbuito. Sed & adipēs ita quoque prius inspissantur. Adipem quencunque volueris recentem, sanguinis expertem, aliasque habentem notas quas sæpe retulimus vbi contuderis, in ollam nouam iniicito: & infuso vino albo odorato vetere quod digitorum octo altitudinem superet, igni lento conferuefacito, donec odorem natium deposuerit, ac vinum potius redolet. At vbi deposito vase refrixerit, duas adipis minas eximito, & in ollam mittito,
M. iij.

adiicitóque vini eiusdem heminas quatuor, feminis loti (eius inquam, cuius ligno tibi-
biarum artifices vtuntur) tusi minas qua-
tuor, ac lento igni identidem agitando co-
quito. Cùm autem adiposam graueolétiam
omnem penitus deposuerit, excolatum re-
frigerari finito. Tùm sumito aspalathi tusi
minam vnā, amaracini floris minas qua-
tuor, ac vino vetere subigito, finitoque no-
ctem vnā combibere. Postridie in ollam
fictilem nouam tricongialē ea simulque
adipem demittito, & addito vini dimidio
congio simul omnia feruefacito. Pòst ubi
spissamentorum omnium vim & odorem a-
deps asciuerit, igni detractum excolatū-
que refrigerato ac reponito. Quòd si odo-
rationem reddere volueris, myrrhæ pingui-
simæ drachmas octo vino multorum anno-
rum dilutas ammisceto. Gallinaceum au-
tem & anserinum adipem ita possis odori-
bus imbuere: Cuiusvis eorum curati hemi-
nas quatuor sumito, & olla testacea excipi-
to: ac erysiceptri, xylobalsami, insupérque
palme elatę & calami exactè tusi, ana drach-
mas xii admisceto: adiectóque vini Lesbij
veteris cyathis vno, prunis admoueto, ac ter
conferuefacito: mox vase sublato ab igne,
quæ in eo sunt diem vnā noctemque re-
frigerari finito. Postridie liquata per pan-
num li-

num lineum mundum in vas nitidum excolato. Vbi verò coierit adeps, concha exemptum in fictile vas nouum conicito, quod arctè operculatum loco perquàm frigido reponatur. Cæterùm hæc hyberno tempore peragenda sunt: neque enim æstate adeps concrescit. Sunt qui quò faciliùs omnia cocant atque concrecant, cæræ Tyrrenicæ momentum admiscent. Eadem verò arte suillus adeps & vrsinus, cæterique id genus, odoramentis imbuuntur.

Quomodo adeps sampsuchi odore imbuatur.

CAP. XXII.

Porro sampsuchi odore adeps imbuitur hoc modo: Bene curati adipis, præsertimque taurini, minam vnā sumito, & sampsuchi maturi accuratè contusi sesquiminam misceto: atque insperfo largiore vino offas conformato, easque in vase operto repositas pernoctare finito. Matutinò in fictilem ollam iniectas affusa aqua leuiter coquito: cùmque suum odorem adeps exuerit, ipsum excolatum ac probè operculatum noctem totam quiescere finito. Postero die pastillum eximito, ac deterfa sorde quæ fundum petierat, iterum sampsuchi contusi, vti dictum est, sesquiminam aliam adicito, similiterque in offas cogito. Aliis quoque quæ antè diximus peractis, decoquito &

M. iiij.

colo traicito: ac detracta si qua fundo hæsit
spureitia, loco perfrigido reponito.

De Adipe Anserino & Gallinaceo.

CAP. XCIII.

At si quis incuratum adipem anserinum,
gallinaceum, aut vitulinum, à putredine
tueri velit, ita faciendum est: Ex his assum-
ptum recentem quemuis adipem diligen-
ter eluito, & supra cribrum in umbra per-
flandum aëri exponito: ac ubi siccatus fue-
rit, in linteum mundum iniicito, & mani-
bus vehementer exprimito: dein lino traie-
ctum umbroso in loco suspendito, & post
multos dies noua charta inuolutum loco
perfrigido recondito. In melle quoque as-
seruata pingua, imputria permanent.

Adipem Vis. CAP. XCIIII.

Vim habent adipēs omnes excalfaciendi,
molliendi atque rarefaciendi. Taurinus ta-
men adeps, itēque bubulus ac vitulinus,
quodammodo astringunt: ad hos proximè
accedit leoninus, quem aiunt etiam insi-
diantibus resistere. Elephantinus verò ac
ceruinus peruncti, serpentes fugant. At ca-
prinus, astringentior: qua ex causa cum po-
lenta, rhoë & caseo decoctus, dysentericis,
exhibetur, & cum ptissanæ succo infundi-
tur. Ipsorum quoque ius phthificis in sor-
bitione prodest, ac iis etiamnum qui can-
tharidas

tharidas hauserunt vtiliter datur. Hircinus porro, vt qui validissimè discutiat, podagricis auxiliatur, cum caprinis baccis & croco subactus & impositus. Sed & huic quoque ouillus proportionē respondet. Suillus autem, ad vuluæ sedisque vitia accommodatur: & igni quoque ambustis conuenit. Idem sale conditus & quàm vetustissimus, ex-calfacit & emollit: vino verò lotus, pleuritici prodest. At cinere aut calce exceptus, tum œdematis, tum inflammationibus ac fistulis conuenit. Asininum autem tradunt cicatrices corpori concolores reddere. Porro anserinus & gallinaceus, muliebribus malis conueniunt, nec non etiam ad labiorum rimas, ad curandam faciei cutem, & contra aurium dolores. Vrsinus verò, alopeciiis capillos restituere creditur, ac pernionibus quoque subuenit. At vulpinus, medetur aurium doloribus. Fluiatiliū autem piscium adeps, inunctis oculis claritatem affert, si quidem in sole liquatus mellique admistus fuerit. Viperinus verò, contra oculorum hebetudines ac suffusiones etiam efficax est, additis cedriæ, mellis Attici & olei veteris æquis partibus. At pilos abolet alis euulsos, si recens ac per se ad radicem vestigia illinatur.

De Medullis. CAP. XCV.

EX medullis laudatissima est ceruina: mox vitulina: post hanc taurina, deinde caprina & ouilla. Colliguntur verò æstatis ea parte quæ autumnno proxima est: aliis enim anni temporibus, sanguinis concretum & veluti caro friabilis in ossibus reperitur: sed neque facile dignoscitur, nisi ab eo qui ipsam ossibus extraxerit atque reposuerit. Omnes porro medullæ molliunt, rarefaciunt, ad apothepiam valent, & ulcera explent. Ceruina verò peruncta, venenatas quoque bestias fugat. Curatur autem recens, selectis ossibus adipis in modum: nam & affusa aqua primùm subigitur, deinde per linteum excolatur, ac similiter eluitur, donec aqua pura conspiciatur. Postmodum in duplici vase liquatur, excepta sordē penna, si qua innatet, & in pilam transfunditur: posteaquàm verò coierit, fæce quæ subsidet accuratè derafa, in fistili vase nouo reponitur. Quòd si libet incuratam recondere, eadem omnia facito, quæ de gallinaceo & anserino adipe demonstrauiamus.

De omni fells genere. CAP. XCVI.

FEL omne reconditur hoc modo: Acceptum recens, vbi os folliculi lino præligaueris, in aquam feruētē deponito, tandiūque dimittito, dum quis trium stadiorum spar

rum spatium conficeret: dein exemptum
ficcato loco vmbroso ac minimè humecto.
Sed quod ad oculorum medicamenta pla-
cebit adiacere, lineo filo deligatum in lage-
nulam vitream, quæ mel habeat, immittito:
& circa lagenulæ osculum obligato fili prin-
cipio, operculum addito atque recondito.
Omnia porrò fellis genera acria sunt & ex-
calfaciunt: maioris tamen minorisve effica-
ciæ ratione inter sese differunt. Siquidem
præstantioris effectus esse videntur fella ma-
rini scorpij, piscis qui callionymus dicitur,
marinæ testudinis & hyænæ: itémque per-
dicis, aquilæ, gallinæ candidæ, & capræ syl-
vestris: quod quidem priuatim confert ad
incipientes suffusiones, caligines, argema &
genarum scabritias. Ouillo, hircino, suillo,
atque etiam vrsino taurinum efficacius. O-
mnia verò aluum ad deiectionem inuitant,
præsertim infantibus, si quis eo intinctum
lanæ tomentum sedi admoueat. Priuatim
taurino anginosi cum melle perunguntur,
ac sedis vlcera etiam persanantur, & ad ci-
atricem vsque perducuntur. Medetur &
purulentis auribus, earumque fracturis cum
lacte caprino aut muliebri: earundem verò
sibilo, cum porri succo instillatum. Ammi-
scetur quoque vulnerariis emplastris, & cir-
cumlitionibus quæ contra venenata paran-

tur. Phagedænicis etiam vlceribus, ac pu-
dendi scrotique doloribus ex melle prodest.
Lepras etiamnum ac furfures cum nitro aut
terra Cimolia exterit potentissimè. Ouil-
lum & vrsinum, contra eadem pollent, sed
inefficaciora sunt: ac vrsinum quidem ecle-
gmate seu linctu comitiales adiuuat. At ve-
rò fel testudinis valet ad anginas & in ore
infantium nomas: idem naribus inditum,
comitialibus prodest. Sylvestris capræ felle
peruncto peculiariter lusciosi sanantur. Hir-
cinum idem præstat, thymiaque abolet, &
luxuriantes elephanticorum extuberatio-
nes illitu reprimat. Suillum autem, contra
aurium vlcera cæteraque omnia vtiliter v-
surpatur.

De Sanguinis Variis generibus.

CAP. XCVII.

SANGVIS anseris, anatis & hœdi vtiliter
in antidota miscetur. Palumbi autem,
turturis, columbæ ac perdicis, recentibus o-
culorum vulneribus: iisdem sigillatis seu
sanguine suffusis, ac lusciosis illinitur. Pec-
uliariter verò columbæ sanguis, erumpentem
è meningibus sanguinem inhibet. Hirci
autem, capræ, cerui & leporis sanguis in assa-
tus sartagine & assumptus, dysenterias &
cœliacorum profluvia sistit. In vino verò
potus, contra toxica efficax est. Leporinus
calens

calens adhuc illitus, faciei maculas à Solis ardore contractas & lentigines emendat. Caninus commodè propinatur à cane rabioso demorsis, iisque qui toxicum hauserint. Testudinis, terrestris epotum sanguinem tradunt prodesse comitialibus. Marinae autem testudinis, cum vino, leporis coagulo & cumino potus, contra venenatarum bestiarum morsus & hausta rubetæ venena conuenit. Taurinus cum polenta impofitus, duritias discutit emollitque. At equorum admissariorum sanguis, in septica seu erodentia pharmaca additur. Chamæleonis autem, similiterque viridium ranarum sanguine palpebrarum pilos aboleri creditum est. Menstruus verò fœminæ sanguis, existimatur circumlitu præstare ne concipiant mulieres, itémque si eum ipsæ supergrediantur. Cæterùm illitus, leuat podagræ dolores & erysipelata.

De Fimo. CAP. XCVIII.

ARMENTALIS bouis fimus, si recens admoueatur, inflammationes ex vulneribus lenit: foliis autem inuoluitur, & cinere feruenti calefit, atque ita imponitur. Simili quoque modo applicitus vice fatus, coxendicis cruciatus compescit. Ex aceto verò illitus, duritias, strumas & panos discutit. Priuatim verò bouis masculi fimus, pro-

lapsum vterum suffitu restituit: accensi quoque nidore culices abiguntur. Caprarum, præsertimque in montibus degentium, bacca ex vino bibita, regium morbum emendant: cum aromatibus verò pota, menses ciunt, & partus euocant. Sicca tritaque & cum thure in vellere apposita, fluxum muliebrem tohibent, aliaque sanguinis eruptiones ex aceto compescunt. Vsta & cum aceto aut oxymelite illita, alopecii medentur. Cum axungia verò adhibita, podagricis sunt auxilio. In aceto aut vino decocta, serpentium moribus, herpetibus, erysipelatis & parotidibus imponuntur. Quin & ischiadicis vstio earum ope administratur vtiliter hunc in modum: In eo cauo quod est inter pollicem & indicem, qua parte pollex carpo committitur, lana oleo imbuta prius substernitur, ac deinde singulatim imponuntur fimi caprini feruentes pilulae, donec sensus per brachium ad coxendicem perueniat, dolorémque mitiget: atque adustio eiusmodi, Arabica appellatur. At verò sterco ouillum ex aceto impositum, sanat epinyctidas, clauos, thymos & penfiles verrucas: itemque ambusta igni, cerato rosaceo exceptum. Aprugnum autem aridum in aqua aut vino potum, sanguinis reiectionem sistit, ac diuturnum sedat lateris dolorem: sed ad
rupta

rupta & conuulsa ex aceto bibitur: luxatis
verò exceptū cerato rosaceo medetur. Por-
rò tam asinorum quàm equorum finum,
siue crudum, siue crematum, addito aceto
sanguinis eruptiones cohibet. Armentino-
rum verò qui herba pascuntur siccum fi-
num, insuccatum vino, mox bibitum, à
scorpione ictis magnoperè auxiliatur. Co-
lumbinum, quoniam vehementiùs & excal-
facit & vrit, hordeaceæ farinæ vtiliter ad-
miscetur, & ex aceto quidem, strumas discu-
tit: carbunculos verò emarginat, cum mel-
le, lini semine & oleo tritum: necnon etiam
ambustis igni medetur. Gallinaceum hæc
eadem, sed inefficaciùs præstat. Priuatim ta-
men contra lethales fungos & coli crucia-
tus confert, si ex aceto aut vino bibatur. Ci-
conie verò finum ex aqua potum, comitia-
libus prodesse creditur. At vulturinum suf-
fumigatum, partum excutere traditur. Mu-
rinum autem tritum cum aceto & illitum,
alopeciis medetur: cum thure verò & mulso
potum, calculos expellit. Sed & subditæ in-
fantibus muscerdæ, aluum ad deiectionem
stimulant. Caninum sterminus, quod per Cani-
culæ ardores exceptum fuerit, aridum cum
vino aut aqua potum, aluum cohibet. Ac
humanum recens impositum, vulnera ab
inflammatione vindicat, simul & aggluti-

nat. Siccum verò cum melle perunctum, anginosi auxiliari traditur. Terrestris autem crocodili fimum, mulieribus confert ad colorandam illustrandamque faciem. Optimum verò, quod candidissimum & friabile, amyli modo leue, in humore statim eliquescent: quòdque cum teritur subacidum est, fermentumque redolet. Sunt qui id vendant adulteratum fimo non dissimuli sturnorum, quos oryza pascunt. Alij amyllum aut Cimoliam subigunt, & inducto paululum anchusæ colore per rarius cribrum in tabulas exprimunt; mox illud quaecunque est vermiculorum specie ficcatur pro terrestris crocodili stercore vendunt. [Ceterum humanum stercus siccum, cum melle subactum & gutturi impositum, quemadmodum & caninum, anginosi opitulari inter arcana reperimus.]

De Urinis.

CAP. XCIX.

HUMANAM urinam suam cuique bibere prodest contra viperæ morsus & lethalia pharmaca, incipientemque hydropem. Marinorum verò echinorum, ac scorpionis itidem marini, draconisque ictus, conuenienter ea fouentur. Canina, rabidi canis moribus perfundendis idonea est: lepras quoque & pruritus nitro addito exurit. Sed vetus, achoras, furfures, psoras & ferui-

& feruidas eruptiones potentiùs extergit: quin & nomas, etiam genitalium, cohibet. Purulentis quoque auribus infusa, pus earum supprimit: sed & in malicorio decocta, vermiculos earum abigit. At impubis pueri absorpta vrina, orthopnoicis confert: decocta verò in areo vase cum melle, cicatrices, argema & caligines emendat. Quinetiam ex ea & ære Cyprio paratur gluten, auro ferruminando idoneum. Quod autem in vrina subsidit, erysipelata illitu mitigat. Feruefactum cum cyprino & appositum, vteri dolorem demulcet, vuluæ strangulatione vexatas leuat, genas deterget, & oculorum cicatrices expurgat. Taurinum lotium cum myrrha tritum & instillatum, dolores aurium lenit. Aprinum nisdem viribus predictum est: sed peculiariter vesicæ calculos potu comminuit & expellit. Caprinum traditur ad aquam quæ cutem subiit, cum spica nardi & aquæ binis cyathis quotidie bibitum, vrinas & aluum ducere: instillatum verò, aurium mederi doloribus. Cæterum nephriticos ferunt asinino sanari.

De Lyncurio.

CAP. C.

Lyncis vrinam, quam Lyncurium appellant, simulatque meitur lapidescere frustra creditum est: quare vana quoque est & inutilis quæ de eo fertur historia. Est enim

N. j.

quod à nonnullis vocatur succinum pterygophoron, idè dictum quòd pennas ad se alliciat. Id potum ex aqua, stomacho aluòque fluxione laboranti conuenit.

De Melle. CAP. CI.

PRINCIPEM locum obtinet mel Atticum, quod ab Atticæ regionis monte Hymetto, in quo prouenit, Hymettium appellatur: mox quod è Cycladibus insulis petitur: itèmq; quod è Sicilia, cognomine Hyblæum. Magis probatur dulcius & acre, odoratus, subflauum, minimè liquidum, sed glutinosum ac tenax, quòdque dum trahitur [ob sequacem lentitiam] in digitos veluti refilit. Porro abstergerendi vim habet, ora vasorum aperit, humores euocat: quæ ratione in sordida vlcera sinúsque commodè infunditur. Decoctum atque impositum, disunctas diuulsasve partes agglutinat: lichenibus quoque medetur, coctum cum liquido alumine & illitum. Itèmq; aurium sonitui & dolori cum sale fossili trito tepidum instillatur: pediculos ac lendes illitum enecat: verpis seu curtis glandem quæ citra circuncisionem nudata sit in integrum restituit, si melle præputium à balneo potissimum ad dies triginta emolliatur: depurgat quæ pupillis tenebras offundunt: gutturis etiam ac tonsillarum inflammationibus & anginis

& anginis medetur, seu illitum, seu etiam gargarizatum. Vrinæ quoque ciet, tussique auxiliatur, & iis quos serpentes momorderint, itemque contra haustum meconium, si cum rosaceo calidum assumatur. Quin & contra fungorum maleficia & rabiosi canis morsus delinctum potumve proficit. Attamen crudum, aluum inflat & tumorem irritat: qua de causa despumato utendum est. Ceterum primas tenet vernum, deinde æstivum. Hybernū verò, quippe quod sit crassius, deterius censetur, papulisque cutem exasperat.

De Melle Sardo. CAP. CII.

Quod in Sardinia gignitur mel, amarum est: quoniam apes inibi absinthio vescantur. Tum à Solis ardore contractis, tum & aliis faciei maculis convenienter illinitur.

De Melle Pontico. CAP. CIII.

Heracleę in Ponto quibusdam anni temporibus ex propria quorundam florum vimel conflatur, quod quidem eos qui edere de mentis statu dimouet, cum sudoris copiosi profusione. Sed iuuantur, si rutam & salsamenta esitarint, mulsumque ebiberint, eademque toties resumpserint, quoties vomitione reiicientur. Acre autem est, & olfactu sternutamenta mouet. Cum costo illitum, maculas à sole contractas emendat: at

N. ij.

cum sale, sugillata tollit.

De Saccharo.

CAP. CIIII.

EST & quoddam mellis concreti genus, quod saccharum nominatur, quodque in India & foelici Arabia in arundinibus reperitur, consistentia sali simile, ac dentibus etiam salis modo fragile. Est illud aluo idoneum & stomacho utile, si aqua dilutum bibatur: vexatae verò vesicae renibusque auxiliatur: quin & illitum, ea discutit quae pupillis tenebras offundunt.

De Cera.

CAP. CV.

CERA optima est subfulua, subpinguis, odorata & halitum quadantenus mellem referens, insuperque pura, & natione Pontica aut Cretica. Secundum locum obtinet, exalbida & suapte natura pinguis. Candida verò redditur hoc modo: In eo genere quae candidior puriorque fuerit, concisam in ollam nouam transfundito, & affusa quanta satis sit aqua marina ex alto petita coquito, insperso etiamnum nitri momento. Cumque iterum tertiove efferbuerit, remota olla refrigerari finito. Tum verò cerae pastillum eximito, deraſaque sorde si qua fortè adhæsit, alia addita aqua marina, secundo coquito: cumque cera denuò, uti demonstratum est, inferbuerit, vas ab igne summoq̃eto, ac nouae ollulae fundum prius frigida

frigida madefactum leniter in ceram demittito, paululum duntaxat suspensa manu intingens, ut ipsius quam minimum detrahatur, quò facilius per se concreascet. Sublato fundo orbiculum primum auferto, iterumque vasis imum aqua refrigeratum in ceram immittito, idemque tantisper facito, dum ceram totam exceperis. Tandem filo lineo traiectos orbiculos ita suspendito, ut ne inter se contingant, ac interdum quidem ipsos assidue ad solem irrorato, noctu verò Lunæ exponito, dum perfecte albescant. Quod si ceram candidissimam fieri volueris, identidem eam recoquito: cætera verò omnia eodem modo peragito. Nec desunt qui, pro marina ex alto petita, in muria acerrima semel aut iterum antedicto modo decoquunt: deinde laguncula tenui ac rotunda ansam habente eximunt, postea orbiculos super densa herba dispositos insolant, donec candidissima euaserit. Præcipiunt verò munus id vere obeundum, quando sol remissa vehementia humidum rorem subministrat, ut ne videlicet cera lique scat. Porro vim habet cera omnis excalfaciendi, emolliendi, ac vlcera mediocriter explendi. Additur etiam in sorbitiones dysentericis: ac eius deglutita milij magnitudine grana decem lac in nutricibus in can-

N. iij.

seum cogi densariue prohibent.

De Propoli. CAP. CVI.

Propolis vsurpanda flaua, odorata, styracem referens, in summa ariditate mollis, & mastiches modo ductilis. Vim autem obtinet vehementer excalfaciendi, attrahendi, & aculeos quoque corpori infixos extrahendi. Sed & in vetere tussi suffita auxiliatur, & lichenas imposita tollit. Ceterum circa aluearium oscula reperitur, ceræ natura similis.

De Tritico. CAP. CVII.

OPTIMA è Tritici generibus ad secundæ valetudinis vsu habentur, quæ recentia & perfectè adulta colorem luteum referunt: hæc sequuntur trimestria, quæ nonnullis sitania nominantur. Itaque cruda illa in cibo sumpta, teretes lumbricos gignunt: commanducata verò & imposita, commorsis à rabioso cane auxiliatur. Confectus eorum similagine panis, plenius alit quàm cibarius: qui verò fit è trimestrium farina, leuius alimentum præstat, facileque in membra digeritur. Farina eorum cum hyoscyami succo cataplasmatibus instar imponitur aduersus neruorum fluxiones & intestinorum inflationes: lentigines autem ex aceto mulso tollit. Furfures in acri aceto decocti & calentes adhibiti, lepras remouet, suntque

luntque contra omnem incipientem inflammationem utile & accommodatum cataplasma. Cocti verò cum rutæ decocto, luxuriantes turgentēve mammas compescunt, & morsis à vipera torminosisque cōueniunt. Farinaceum fermentum, calfaciendi extrahendique vi præditum, priuatim callos in plantis pedum extenuat, & tum alia tubercula, tum etiam furunculos ex sale maturat atque aperit. Porro è sitanio tritico farina, contra venenatorum ictus ex aceto aut vino commodè imponitur. In glutini verò modum decocta si delingatur, sanguinem reiicientibus opitulatur. Contra tussim & exasperatam arteriam cum menta & butyro decocta efficax est. Ipsius autem tritici pollen si ex aqua mulsa aut hydrelæo decoquatur, omnem discutit inflammationem. Sed & panis tum crudus, tum etiam coctus ex aqua mulsa impositus, inflammationem omnem demulcet: quippe qui plurimum emolliat & quadantenus refrigeret, maximè verò si herbis succisve quibusdam ad id accommodatis ammisceatur. Vetus autem panis & aridus tum per se, tum quibusdam admixtus, alui profluvia sistit. Recens verò muria maceratus & impositus, lichenas inueteratos sanat. At gluten quod è similagine aut polline conficitur ad glutinandos

N. iiij.

libros, sanguinem reiicientibus prodest, si liquidius ac tepidum cochlearis mensura sorbendum exhibeatur.

De Hordeo. CAP. CVIII.

HORDEVM optimum est candidum & purum, sed minùs quàm triticum alit: ptissana tamen ob cremorem quē intercoquendum reddit, plus alimēti præbet, quàm polenta ex eodem hordeo facta. Est autem illa efficax contra acrimonias atque arteriæ asperitates & exulcerationes: ad quas itidem conuenit triticea ptissana, quæ quidem & plus alit & potentiùs vrinas mouet. Lactis verò vbertatem præstat, si cum fœniculi semine decocta sorbeatur. Vrinam porrò ciet hordeum, absterget, flatulentum est, stomacho aduersatur, & œdemata concoquit ac maturat. At verò ipsius farina cum ficibus & aqua mulsa decocta, œdemata & inflammationes discutit: quin & duritias concoquit cum pice, resina & fimo columbino. Cum meliloto verò & papaueris calycibus, iis dolorem eripit qui ex latere dolent: aduersus intestinorum inflationes, cum lini semine, fœnogræco & ruta imponitur. Strumas cum pice liquida, cera, impubis pueri vrina & oleo ad concoctionem perducit: & cum myrto aut vino, aut pyris syluestribus, aut rubo, aut malicorio, alui profluvia sistit: podagricis

podagricis inflammationibus cum cydonio malo aut aceto prodest. Decocta in acri aceto malagmatis in modum quod ex eadem hydrelæo subacta conficitur, & calens apposita, lepris medetur. Farina verò cremor ex aqua cum pice & oleo decoctus, puri mouendo accommodatus est. Ille idem ex aceto elicited si cum pice coquatur, contra fluxiones articulorum prodest. Cæterùm hordeacea polenta cohibet aluum, inflammationesque mitigat.

De Zytho. CAP. CIX.

Ex hordeo Zythum paratur, quod quidem vrinas cit, renes ac nervos tentat, sed meningas potissimum offēdit: inflationem parit, vitiosumque succum creat, & elephātiāsin inducit. Ipso verò maceratum ebur, obsequiosum & operi tractabile redditur.

De Curmi. CAP. CX.

Fit & ex hordeo potus, quem Curmi nominant, eoque sæpenumero pro vino vtuntur. Verùm dolorem capitis infert, prauumque succum gignit, ac nervos lædit. Parantur & similia potus genera ex tritico, quem admodum in Iberia Occidentali & Britannia.

De Zea. CAP. CXI.

ZEA duorum est generum: vna quidem simplex est, altera à binis granis dicoc-

cos appellatur, quæ quidem in geminis vtriusculis semen coniunctum habet. Plus quam hordeum alit, ori grata: in panificia verò digesta, minùs quam triticum alit.

De Crimno. CAP. CXII.

CRIMNON, crassior est quæ inter molendum fit è zea triticoque farina, ex qua quidem puls conficitur. Abundè alit & facile conficitur: sed alium vehementius astringit, si zea ex qua fit, priùs tosta fuerit.

De Olyra. CAP. CXIII.

EIUSDEM cum zea generis est & Olyra, verùm quam illa minùs aliquanto nutrit. Attamen in panes quoque cogitur, ex eaque similiter crimnon factitatur.

De Athera. CAP. CXIII.

ATHERA ex zea tenuissimè molita paratur. Est autem sorbitio liquidæ pultriculæ instar, infantibus conueniens. Est etiamnum & dolorem sedantibus, & pus mouentibus catasplamatis efficax.

De Trago. CAP. CXV.

TRAGOS formam quidem habet chondro similem: sed multò minùs quam zea nutrit, quòd aceris multum habeat: quare ægrè quoque conficitur, aluimque lit.

De

De Avena. CAP. CXVI.

AVENA tum culmo, tum etiam foliis triticum imitatur: sed geniculis distinguitur. In cacumine verò dependentes veluti paruulas locustas bipedes gerit, in quibus semen continetur, æquè ut hordeum ad cataplasmata utile. Quin & ex ipso puls conficitur, alui sistendæ vi prædita. Eius verò cremor, tussientibus sorbitione prodest.

De Oryza. CAP. CXVII.

ORYZA frumentacei generis est, quæ palustribus & vliginosis locis nascitur. Mediocriter alit, aluumque suppressit.

De Chondro. CAP. CXVIII.

CHONDROVS fit è zea quæ dicoccos appellatur: potentiùs verò quàm oryza & alit & aluum cohibet, sed stomacho longè utilior. Decoctus in aceto illitusque, lepras tollit, & vngues scabros pellit, ac incipientibus ægilopiis medetur. Eius decoctum dysentericis dolore vexatis infusum idoneum est.

De Milio. CAP. CXIX.

MILIVM frugibus cæteris minùs alit: in panes verò coactum aut pultis instar præparatum, aluum sistit & urinam cit. Tostum verò & in sacculos inditum, fotu torminibus aliisque doloribus est auxilio.

De Panico. CAP. CXX.

PANICVM, quod alij melinen appellant, è cerealibus est seminibus, milio simile: eodémque modo in ciborum vsum venit, & ad eadem quoque valet: attamen milio & minùs nutrit, & minùs astringit.

De Sesamo. CAP. CXXI.

SESAMA stomacho nocet, & animæ grauitatem facit, si quando commanducata dentium commissuris inhaerit. Admota verò, neruorum crassitiem discutit, aurium fracturis & inflammationibus, ambustis item & coli doloribus ac cerastræ morsui medetur. Capitis autem dolores ex ardore contractos cum rosaceo lenit. Sed & herba in vino decocta eadem præstat, sed maximè oculorum inflammationibus doloribúsq; prodest. Ex ipso quoque semine fit oleum, quo Ægyptij vtuntur.

De Lolio. CAP. CXXII.

LOLIUM, quod è Græcis plerique æram, nonnulli thyaron appellant, quòdque inter triticeas segetes nascitur, molitum, nomas, putrescentia vlcera & gangrænam emarginandi vim habet, si cum raphanis & sale imponatur. Feros verò lichenas & lepras cum sulphure viuo & aceto sanat. At cum fimo columbino & lini semine decoctum in vino, strumas discutit: & quæ agrè maturantur

rantur rumpit. Ischiadicis cum aqua mulsa decoctum & adhibitum prodest. Quod si cum polenta, myrrha, croco aut thure suffiatur, conceptiones adiuuat.

De Amylo. CAP. CXXIII.

AMYLUM appellatū ab eo est, quod si ne mola fiat. Optimum quod ē trimestri paratur tritico, natione Creticum aut Ægyptiacum. Conficitur verò ex tritico eiusmodi puro, quinquies die, ac si fieri potest, etiam nocte aqua perfuso: atque ubi emollitum fuerit, sensim aquam citra agitationem effundi oportet, ut ne simul utilior succus excludatur. At ubi mollissimum euasisse constiterit, diffusa aqua pedibus calcari oportet: deindeque infusa alia teri. Tandem innatantes furfures incerniculo tollendi: reliquum verò colo traiciendum, moxque ut excolatum fuerit, super tegulis nouis ardentissimo sub sole ficcari densarique oportet. Nanque si paulisper vdim manserit, accescit. Porro contra oculorum fluxiones, caua vlcera, & pustulas efficax est. Sanguinis etiamnum reiectiones potu cohibet, & exasperatas fauces lenit: lacti quoque & obsoniis admiscetur. Paratur & amyllum ex zea macerata elotaque ad vnum aut alterum diem, & massæ triticæ in modum manibus subacta, tandemque feruentissimo in

sole, uti dictum est, exiccata. Sed huiusmodi amyllum ad usum medicum ineptum est: ad reliqua verò, idoneum.

De Fœnigræci farina.

CAP. CXXIII.

FOENVM GRÆCVM ipsiusque farina molliendi ac dissipandi, discutiendive vim habent. Hæc tenuiter contrita cum decocta aqua mulsâ imposita, aduersus tam internas quàm externas inflammationes efficax est. Cum nitro verò ex aceto trita & imposita, lienem extenuat. Decoctum autem fœnigræci, fœminarum malis ex inflammatione præclusionève vuluæ ortis infessu subuenit. Eiusdem in aqua decocti cremor expressus, capillos, furfures & achoras purgat. Cum adipe verò anserino pelli vice subditur, ad emolliendos dilatandosque locos muliebres. Porro viride cum aceto, imbecillibus exulceratisque locis accommodatum est. At ipsius decoctum prodest aduersus tenesmos, foetidamque dysentericorum proluuiem. Cæterum quod ex eo exprimitur oleum, cum myrto capillos expurgat, & genitalium cicatrices exterit.

De Lino.

CAP. CXXV.

LINVM vulgo notum est: cuius semen easdem quas fœnigræcum vires habet: quippe quod discutiat & emolliat omnem

mnem intus forisq[ue] inflammationem, cum melle, oleo & aqua exigua decoctum, aut melle cocto exceptum. Emendat & crudum vitia cutis in facie ab insolatione ac varos, cum nitro & ficibus impositum. Cum lixivio verò, parotidas duritiâsque discutit: herpetas & fauos cum vino decoctum expurgat. Ungues scabros remouet, cum pari modo nasturtij & mellis. Educit quoque quæ intra pectus hærent, cum melle eclegmatis vice sumptum, ac tussim etiam lenit. Stimulat & Venerem, si melli & piperi placenta modo admixtum largius sumatur. Quin & eius decoctum aduersus intestinorum ac vuluæ erosiones, itémque ad euocanda alui excrementa infunditur. Vuluæ denique inflammationibus, æquè ac fœnigræci semen, in fessu perquàm est utile.

De Cicere.

CAP. CXXXVI.

CICER satium bonam facit aluum, vrinam ciet, flatus gignit, coloris bonitatem cuti conciliat, menses partûsque expellit & lac auget. Imponitur verò, & maximè cum eruo decoctum, ad testium inflammationes & myrmecias: itémque ad scabiem, vlcera capitis manantia & lichenas, necnon & ad cancrofa malignaque vlcera cum hordeo & melle. Alterum porrò ciceris genus, arietinum appellatur. Vtrunque verò cit

vrinas, dato cum roremarino aduersus morbum regium & hydropem eorum decocto. Lēdunt quoque exulceratam vesicam & renes. Sunt qui myrmeciarum & pensilium verrucarum extuberationes eminentiāsve singulas prima luna grano ciceris alio atque alio tangant, eaque grana in linteolo deligata abiici post se præcipiant, quasi verrucæ hac arte decendant. Est & sylvestre cicer, foliis satiuo simile, odore acri, sed semine discrepans: quod quidem eadem quæ satium præstat.

De Faba Græca.

CAP. CXXVII.

FABA Græca inflationem parit, flatulenta est, agrè concoquitur, ac tumultuosa insomnia facit: sed tussi confert, carnemque gignit, media calidi frigidique natura. Decocta in posca & cum suo cortice esitata, dysenterias & coeliacorum profluvia sistit, & contra vomitiones in cibo idonea est. Minus verò flatulenta euadit, si prior aqua inter coquendum abiiciatur. At viridis & plus negotij stomacho faceffit, & plus flatuum gignit. Porro lomentum & per se & cum polenta impositum, inflammationes ab ictu mitigat, & cicatrices concolores facit: mammas etiamnum grumoso lacte turgentes inflammationēque laborantes adiuvat, & lac quoque extinguunt. Cum melle
autem

autē ac fœnigræci farina, furunculos, parotidas & sub oculis liuores discutit. Cū rosa verò, thure ouiq; candido, procidentes oculos, eorūque staphylomata tumoresque reprimat. Subactum vino, suffusiones & ictus oculorum recreat. Commanducata sine cortice faba, fronti, sistendæ fluxionis gratia, anacollematis instar imponitur. Aestium inflammationes in vino decocta sanat. Pueris verò circa pubis regionem adhibita, ipsos diu impuberes conseruat. Alphos quoque purgat. Corticibus autem illiti qui post euulsionem renascuntur pili, ieiuni gracilesque efficiuntur. Iidem cum polenta, alumine scisso & vetere oleo impositi, strumas discutunt: quin & eorum decocto lanæ inficiuntur. Cæterum faba dempto cortice bipartitò secta, qua quidem parte ex natura coaluit, ad sanguinis eruptiones ab hirudine excitatas imponitur: illas nanque dimidiata suppressit, si qua parte alteri cohærebat, apprimatur.

De Faba Ægyptia.

CAP. CXXVIII.

Ægyptia faba, quam nonnulli Ponticam vocant, in Ægypto quidem magna copia prouenit, sed & in Asia quoque & Cilicia palustribus locis inuenitur. Folium verò habet amplum instar petasii seu galeri, caulem

O. j.

cubitalem, digiti crassitudine: florem roseum, dupla papauerini floris amplitudine. At ubi defloruit, utriculos gerit folliculis similes, in quibus faba paululum supra operculum instar bullæ prominet. Ciborium aut cibotium ideò nominatur, quasi loculamētū, quòd seratur eiusmodi faba ipsa humenti glebæ indita atque ita in aquam demissa. Radix autem subiacet harundinis radice crassior: quæ cocta crudaque estur, & colocasia nominatur. Faba quoque ipsa virens comeditur: sed exiccata nigrescit, & Græcam magnitudine superat. Vim porrò habet astringendi, stomachumque iuuat. Quamobrem dysentericis cœliacisque conuenit, inspersa earum farina polentæ vice: sed & in pultem quoq; redacta exhibetur. Efficaciores autem sunt cortices, si decocti in vino mulso ternū cyathorum mensura propinentur. Cæterum ad aurium dolorem facit quod in earum medio viride spectatur, gustu amarum, si cum rosaceo coctum instilletur.

De Lente. CAP. CXXIX.

LENS frequenti cibo aciem oculorum lobtrundit, agrè concoquitur, stomachum lædit, eumque & intestina inflat: sed alium cum cortice comesta sistit. In eo genere præstat quæ facillimè coquitur, quæq;
nihil

nihil atri in maceratione reddit. Vim porrò
habet astringendi: qua ex causa aluum co-
hibet, si detracto antè cortice accuratè di-
scoquatur, prima aqua inter coquendum
effusa: quippe primum ipsius decoctum al-
uum soluit. Insomnia verò tumultuosa ex-
citât, nervosis partibus, pulmone capitique
contraria. Meliùs autem contra fluxiones
alui suo fungetur munere, addito cum ace-
to intubo aut portulaca, aut beta nigra, aut
myrti baccis, aut Punici tegmine, aut rosis
ficcis, aut mespilis sorbisve, aut pyris palmu-
lisve Thebaïcis, aut malis cotoneis, aut ci-
chorio, aut plantagine, aut gallis integris,
quæ quidem post cocturam abiciuntur, aut
denique rhoë qui obsoniis inspergitur. Ve-
rùm cum ea diligenter acetum percoqui
debet: alioqui aluum conturbat. Contra
subuersionem stomachi decorticata lentis
grana xxx. deuorataque profunt. Decocta
quoque lens cum polenta impositaque, po-
dagras lenit. Sinus verò cum melle glutinar.
Vlcerum crustulas circumquaque rumpit, &
vlcera quoque ipsa repurgat. At ex aceto dis-
cocta, duritias & strumas discutit. Cum me-
liloto autem vel cotoneo malo medetur in-
flammationibus oculorum ac sedis, am-
mixto rosaceo. Sed in maioribus sedis in-
flammationibus amplisque sinibus, cum

O. ij.

putamine Punici aut rosis siccis adiecto melle decoquitur. Valet quoque ad nomas quæ in gangranam euaserunt, similiter v-
surpata, aut etiã adiuncta maris aqua. Ad pu-
stulas autem, herpetas, erysipelata & pernio-
nes, quo antè dictum est modo. Caterùm
contra mammas grumoso lacte turgentes
nimiumque distentas, decocta in aqua ma-
rina & imposita auxiliatur.

De Phasiolo. CAP. CXXX.

PHASIO LVs flatulentus est, flatúsque
ciet, & ægrè concoquitur. Quòd si viri-
dis coquatur, in cibo aluum emollit, & ad
vomitiones ciendas idoneus est.

De Eruo. CAP. CXXXI.

ERVVM, exiguus est frutex omnibus co-
gnitus, angusto folio, tenuis, in siliquis
parua gerens semina, è quibus farina fit er-
uina dicta: quæ quidem ad medendi vsum
est accommodata. Eruum porrò capiti one-
rosus est, aluumque turbat, si comestum
fuerit, & sanguinem quoque cum urina du-
cit. Boves autem saginat, si elixum appona-
tur. Parandæ verò eruinae farinae ratio hæc
est: huberiora candidaque grana deligito, &
aqua permiscendo respergito: ac ubi suffi-
cienter combibere siueris, tùm demum tor-
reto, dum cortex disrumpatur: postea moli-
ta & tenui cribro pollinario creta reponito.

Huiusmodi

Huiusmodi farina bonam prestat aluum, vrinam ciet, ac meliorem colorem cuti conciliat. Quod si in cibo potuue largius assumpta fuerit, sanguinem cum torminibus per aluum & vesicam educit. Vlcera cum melle purgat: lentigines, solares maculas, ac naevos etiã toto corpore emendat: nomas, carcinomata & gangrænas serpere non patitur. Quin & mammarum duritias emollit, ac ferina vlcera, carbunculos & fauos emarginat. Cum vino autem subacta & impofita, canum, hominum viperarumque morfibz medetur. Vrinæ quoque difficultates, tormina & tenesmos ex aceto mitigat. Conuenit & iis qui alimentum ex cibo non sentiunt, tosta & ad nucis magnitudinem cum melle sumpta. Caterum erui decocti aqua, perniones & in vniuerso corpore pruritus fouendo sanat.

De Lupino.

CAP. CXXXII.

LVPINVS satius notus est: cuius farina cum melle delincta, aut ex aceto pota, lumbricos enecat. Ipsi quoque lupini macerati, ita tamen vt minimè suam deposuerint amaritudinem, eadem in cibo efficiunt. Sed & eorum decoctum, eadem præstat. Cum ruta verò ac pipere potum, lienosis prodest. Eodem ipso gangrænas, fera vlcera, incipientem scabiem, alphos, maculas, pa-

O. iij.

pularum ac pituitæ eruptiones & vlcera capitis manantia fouere vtile. Quin & illud ipsum menses ac partus detrahit, cum myrrha & melle subditum. Purgat verò farina cutem, liuorésque emendat, & inflammationes sedat cum polenta & aqua. Ex aceto autem, coxendicum cruciatus lenit. Panos verò ac strumas in aceto decocta & imposita loco mouet, atque carbunculos circumquaque rumpit. Ipsi quoque lupini aqua cœlesti decocti, dum in cremorem lentescant, faciem abstergunt: & cum chamæleonis nigri radice cocti, pecorum scabiem sanant, si modò illa repente decocto abluantur. Porro radix in aqua decocta & epota, vrinas pellit. Lupini verò ipsi edulcati, si triti ex aceto bibantur, stomachi fastidium leuant, & eibi auiditatem faciunt.

De Lupino syluestri. CAP. CXXXIII.

Est & syluestris lupinus satiuo similis, sed omni modo minor: qui quidem quæ satiuus eadem præstat.

De Rapa. CAP. CXXXIIII.

ELIX A Rapi radix alit, inflationes parit, laxam ac præhumidam carnem gignit, Venerémque stimulat. Ipsi verò decocto podagræ pernionésque fouentur. Sed & ipsa trita & imposita, prodest. Quòd si excarnata radice, rosaceum ceratum intra ipsam feruenti

feruenti cinere liquefiat, remedium fiet ad ulceratos perniones efficax. At verò cymæ manduntur elixæ, & vrinam cient. Semen theriacis & antidotis quæ dolorem leuant idoneum est. Potum idem contra lethalia medicamenta salutare est, ac Venerem quoque concitat. Cæterum muria conditum rapum in cibo sumptum, minus quidem alimentum sufficit, attamen appetentiam restituit.

De Rapo syluestri. CAP. CXXXV.

Syluestre rapum in aruis nascitur, frutex cubitali altitudine, ramosus, in cacumine læuis, foliis quoque læuibus, radice digitali crassitudine, aut etiam maiore. Fructum verò gerit in siliquis calyculatis. Apertis autem fructus inuolucris, intus alia spectatur siliqua capitis specie: qua quidem paruula semina nigra continentur, quæ tamen fracta intrinsecus alba conspiciuntur. Cæterum admiscetur in smegmata, quibus ad detergendam cutem in facie reliquoque corpore vtuntur: quæ quidem ex lupinorum, tritici, lolij aut erui farina fiunt.

De Buniade. CAP. CXXXVI.

BVNIADIS quoque radix elixa flatus gignit, minùs verò nutrit. Semen ipsius præbbitum, venena reddit inefficacia: ob id etiam in antidotos additur. Sed & huius
O. iiij.

radix, muria conditur.

De Raphano, seu radiscula.

CAP. CXXXVII.

RADICULA quoque ipsa flatus gignit & excalfacit: ori quidem grata, at stomacho minimè commoda: ructus prætereà mouet, atque vrinas ciēt: aluum quoque bonam facit, si quis ipsam summo cibo sumpsit, quippe quæ tūm distributionem magis adiuuet: præsumpta verò, cibum suspendit, quare & ante cibum vomituris conuenit: quin & sensuum aciem excitat. Elixæ verò si sumatur, valet ad eos qui tussi diuturna infestantur, quique crassiores succos in pectore cumulant. At cortex ipsius ex aceto mulso sumptus, vomitiones potentiùs mouet, hydropicis accommodatus: impositus etiamnum, lienosis est utilis. Cum melle verò, nomas sistit, & sub oculis sugillata tollit. Auxiliatur & à vipera commorsis, nec non & alopecias densat, atque lentigines cum loliacea farina exterit. Est & auxilio tam cibo quàm potu iis qui à fungis strangulantur, menstruaque pellit. Semen vomitiones excitat, vrinas eiicit, & lienem ex aceto potum extenuat. Decoctum anginosi cum aceto mulso calente gargarizatu prædest, & contra cerastæ morsum ex vino potum auxiliatur. Cæterum ex aceto illitum, gangrænas

gangrænas etiam valenter emarginat.

De Radicula sylvestris.

CAP. CXXXVIII.

Radicula sylvestris, quam Romani armoraciam vocant, folia habet satiuæ similia, sed quæ ad lampsanam propius accedant. Radix est gracilis, longa, subactis. Porro tam folia quàm radix, olerum vice decoquantur. Excalfacit autem, vrinam ciet, æstuosaque est.

De Sisere.

CAP. CXXXIX.

SISER vulgo cognitum: cuius radix elixa, Sori grata est & stomacho utilis: vrinam cit & appetentiam inuitat.

De Lapathosive rumsee.

CAP. CXL.

EST è Lapathi generibus quoddam, quod Oxylapathum vocant, in palustribus nascens, durum ac summis foliorum partibus aliquantulum acuminatum. Alterum verò hortense, priori dissimile. Tertium genus est sylvestre, paruum, plantagini proximum, molle & humile. Est & quartum, quod nonnulli oxalidem, alij anaxyrida aut lapathum appellant: cuius folia sylvestri & exiguo lapatho similia, caulis minimè grandis, semen acutum, rubens, acre, in caule & agnatis appendicibus emicans. Omnium porro decocto olere alius emollitur. Crudum verò illitum, meliceridas addito rosaceo aut croco

discutit. At sylvestris lapathi, oxylapathi & oxalidis semen, ex aqua aut vino vtiliter bibitur contra dysenterias, celiacorum affectus, stomachi fastidium, & scorpionis ictum. Quòd si quis in potu præsumpserit, nihil incommodi ex illius ictu percipiet. Radices autem ex aceto coctæ, aut etiamnum crudæ impositæ, lepras, impetigines & scabrosos vngues curant: sed antè locus nitro aut aceto in sole perfricandus est. Quin & earum decoctum, pruritus corporis sedat, vice fots affusum, aut in solia balnearum additum. Aurium quoque dolorem leniunt, itémque dentium, si in vino coctæ colluantur. Strumas etiam parotidasque similiter coctæ in vino & impositæ discutunt: aceto verò decoctæ, lienem extenuant. Quin & ad strumas nonnulli radicibus vinculo ex ceruice suspensis amuleti instar vtuntur. Sistunt & fluxum muliebrem tritæ atque subditæ. Cum vino autem decoctæ ac bibitæ, regio morbo laborantes persanant, calculos vesicæ comminuunt, menstrua cient, & à scorpione ictis auxiliantur.

De Hippolapatho.

CAP. CXLI.

Hippolapathum olus est magnum, in paludibus nascens. Easdem autem vires habet, quas antè dicta lapathi genera.

De.

De Lampfana. CAP. CXLII.

LAMPFANA sylvestre olus est: quod quidem plus quàm lapathum alit, stomachoque est vtilius. Huius folia caulésque in cibo coquuntur.

De Blito. CAP. CXLIII.

BLITVM quoque estur oleris modo. Est autem aluo vtile, nullius medicamento-
sæ facultatis particeps.

De Malua. CAP. CXLIIII.

MALVA sativa cibo magis est idonea, quàm quæ locis incultis nascitur. Stomacho autem aduersatur, bonamque facit aluum: sed multò magis caules, qui quidem intestinis ac vesicæ sunt vtilis. Vim porrò habent folia cruda, cum salis exiguo commanducata & ex melle illita, persanandarum ægilopum. Verùm cum est inducenda cicatrix, iis demùm citra salem vtendum. Illita quoque malua, contra apum vesparumque ictus est efficax. Quòd si quis ipsa cruda trita cum oleo antè perungatur, ab iis minimè ferietur. Cum vrina autem adhibita, vlcera in capite manantia furfurésque sanat. Cocta verò folia trita & ex oleo imposita, ambustis & erysipelatis prosunt. Eius ipsius decoctum in sessione vulvas emollit: quin & ad intestinorum, vulvæ sedisque tusiones commodè infunditur. Ius autem cum radi-

ce sua decoctæ contra venena omnia valet, si à sorbentibus continuè reuomatur. Est & remedio contra phalangiorum morsus, atque lac euocat. Cæterùm semen addito syluestriſ loti semine potum è vino, vesicæ cruciatus lenit.

De Atriplice.

CAP. CXLV.

ATRIPLEX, quam nonnulli chrysolachanon, quasi aureum olus, vocant, cognitum olus est: & duorum quidem generum: vnum enim est syluestre, satium alterum. Coctum id oleris instar estur, aluumque mollit: panos verò discutit, siue crudum, siue coctum illinatur. Semen autem ex aqua mulsa potum, regio morbo medetur.

De Brassica.

CAP. CXLVI.

BRASSICA sativa bonam facit aluum, si modò leuiter feruefacta edatur. Nam percocta, aluum sistit: multò verò magis bis cocta, quæque in lixiuio cocta fuerit. Æstiva autem, stomacho aduersatur, & acrior est. At quæ in Ægypto nascitur, propter amaritudinem non estur. Quibus obtusior est oculorum acies, ac tremulis, in cibo auxiliatur: itémque summo sumpta cibo, noxas ex crapula largioréque vini potu pellit atque restinguit. Eius verò cyma, stomacho quidem utilior: sed acrior, & ad ciendam urinam validior. Eadem sale condita, stomacho

cho inimica est, aluúmque conturbat. Por-
rò brassicæ crudæ succus cum iride ac nitro
deuoratus, aluum emollit: potus autem è
vino, à vipera commorhis opitulatur. At
cum fœnigræci farina & aceto, prodest po-
dagricis & articulario morbo laborantibus.
Confert quoque illitus sordidis ac vetustis
vulneribus. Per se verò naribus infusus, caput
expurgat. Quin & menses extrahit, cum lo-
liacea farina subditus. Illita per sese folia,
aut cum polenta trita, valent ad quasuis in-
flammationes & œdemata: quin & erysipe-
lata, epinyctidas lepræque sanant. Cum sale
verò, carbunculos erumpunt: retinent &
fluentes capillos. Eadem cocta melle addi-
to, valent aduersus depascentes gangrænas:
cruda verò si ex aceto comedantur, lienosis
profunt. At commanducata ita vt deglutia-
tur succus, vocem interceptam restituunt.
Cæterùm ipsius brassicæ decoctum, potu al-
uum mensesque ciet. Flos autem post puer-
perium in pello subditus, conceptionem
impedit. Semen, eius præsertim quæ in Æ-
gypto nascitur, potum, lumbricos expellit,
ac in antidota quoque theriaca additur: sed
& faciei cutem lentiginésque expurgat. At
verò virentes cauliculi cum radicibus cre-
mati, ac suillo adipe per vetusto excepti, diu-
rnos laterum dolores impositi mitigant.

De Brassica sylvestri. CAP. CXLVII.

Sylvestris brassica ut plurimum locis maritimis præruptisque nascitur, sativæ similis: sed candidior, hirsutior & amara. Huius cyma in lixiuio cocta, ori non est insuavis. Illita verò folia, vulnera conglutinandi, ac tumores inflammationisque discutiendi vim habent.

De Brassica marina. CAP. CXLVIII.

Quæ brassica marina dicitur, à sativâ prorsum diffidet: quippe quæ folia ferat multa ac tenuia, aristolochiæ rotundæ similia. Horum verò singula à ramulis rubentibus exeunt, singulari, velut hedera, pediculo. Iorroro albo prædita est succo, sed minimè copioso. Gustu autem est utcunque salso & quadantenus amaro: pingui verò substantia. Tota porrò herba stomacho inimica & acris est, aluumque vehementissimè solvit, si cocta edatur. Sed propter acrimoniam nonnulli pingues carnes vna cum ipsa concoquunt.

De Beta. CAP. CXLIX.

BETA duum est generum, è quibus nigra, ac ipsius maximè radix, cum lente decocta valentiùs aluum inhibet: candida verò, aluo est idonea. Vtraque porrò, propter nitrosum quem in se habet humorem, pravi est succi. Inde tamen fit, ut earum succus

cus cum melle naribus inditus purget caput, & aurium doloribus opitaletur. Decoctum verò radicum ac foliorum, furfures splendensque deterget, & perniones fotu mitigat. At crudis foliis vitiligines illini oportet nitro antea perfrictas, itémque alopecias prius derasas, ac depascentia quoque vlcera. Cæterum cocta, papularum eruptionibus, ambustis & erysipelatis medetur.

De Portulaca. CAP. CL.

PORTULACA vim habet astrictoriam. Imposita cum polenta, capitis doloribus, ac tum oculorum, tum cæteris quoque inflammationibus: itémque stomachi ardoribus, & erysipelatis, ac vesicæ denique cruciatibus auxilio est. Pro cibo verò sumpta, dentium stuporem, & stomachi ac intestinorum æstuationem fluxionemque demulcet. Erosione tentatos renes & vesicam adiuvat, ac Veneris imperus exolvit. Simili effectu prodest eius succus epotus, etiam in febribus efficax. Valet & diu multumque cocta contra teretes lumbricos, cruentam excreationem ac dysenteriam: itémque ad hæmorrhoidas & sanguinis eruptiones, nec non & aduersus sepius morsus. Sed & oculorum medicamentis vtiliter admiscetur, ac intestinis fluxione laborantibus, erosive vulnus infunditur. Quin & ad capitis dolo-

res ab æstu obortos cum rosaceo aut simplici oleo irrigatur. Erumpentes quoque in capite papulas cum vino exerit. Vulneribus denique, quæ ad syderationem spectant, cum polenta imponitur.

De Portulaca sylvestri. CAP. LI.

Portulaca sylvestris cognominata, foliolis est quàm antè memorata crassioribus atque densis. Locis petrosis nascitur: interdum & in hortis. Folia verò habet oleæ, sed minora multò, verùm plura eaque tenera: cauliculos rubicundos, ab vna radice frequentes, in terram inclinatos: qui quidem commanducati, succulenti percipiuntur, visci & subalfo gustu. Vim obtinet calfactoriam, acrem & exulcerantem: ac strumas quoque cum axungia imposita discutit.

De Asparago. CAP. CLII.

ASPARAGVS in petrosis natus, quem myacanthum vocant, vulgaris est notitiæ. Huius cauliculus leuiter decoctus & pro cibo sumptus, ventrem mollit, urinamque ciet. Radicum autem decoctum, eptum, agrè meientibus, regio morbo laborantibus, nephriticis & ischiadicis auxiliatur: itidemque morsis à phalangio, siquidem ex vino decoquatur. Sic & dolore dentium infestatis proficit, si modò decoctum super affecto dente contineatur. Semen quoque

quoque potum, ad eadem valet. Aiunt & canes si asparagorum decoctum hauserint, emori. Asparagum quoque altilem nasci prodidère nonnulli, si quis arietis cornua contusa defoderit: quod tamen mihi probabile non est. Altilis autem hic asparagus, frutex est ramosus, foliis numerosis, longis, fœniculo proximis: radice rotunda, grandi, tuberculum habente. Huius cauliculus ex vino albo tritus, renum dolores sedat. Coctus autem assusve asparagus in cibo sumptus, vrinae stillicidium difficultatēque ac dysenteriam mitigat. Eiusdem radix in aceto aut vino decocta, luxatos artus mulcet. Cum ficubus autem ciceribúsvē decocta sumptaque, regium morbum sanat, & coxendicum cruciatus, vrinaeque stillicidium leuat. Cæterum amuleti ratione alligata radix, itēque haustum ipsius decoctum, partum impediunt, sterilitatēque inducunt.

De Plantagine. CAP. CLIII.

PLANTAGO duūm est generum: minor enim vna est, maior altera. Ac minor quidem, foliis prædita est angustioribus, minoribus, mollioribus, læuioribus ac tenuioribus: cauliculis verò angulosis ad terram inclinatis: floribus autem pallidis, ac semine summis caulibus emicante. At maior, & amplior lætiórque est, & latifolia, in
P. j.

oleris vsum apta. Caulis huic angulosus, subruber, cubiti altitudine, à medio ad verticem tenui semine circumdatus. Radices subiacent teneræ, hirsutæ, candidæ, digitali crassitudine. Nascitur in paludibus, sepibus ac locis vliginosis. Maior porrò, efficacior est. Vim habent folia exiccatoriam & astringentem. Quare omnibus malignis, elephantiasin comitantibus, fluxioni opportunis sordidisque vlcerebus illita cõueniunt. Cohibent & sanguinis eruptiones, nomas, carbunculos, herpetas & epinyctidas. Vetera quoque & inæqualia vlcera cicatrice obducunt, Chironia sanant, & sinus agglutinant. Morsibus canis, ambustis igni, inflammationibus, parotidibus, panis, ac strumis quoque & ægilopiis cum sale imposita profunt. Coctum verò olus cum sale & aceto sumptū, dysentericis coeliacisque subuenit. Datur & in locum betæ, cum lentacula coctum. Exhibetur & herba decocta ad aquam intercutem, cui leucophlegmatix nomē est, post sicciorem alimentorum esum: ita tamen vt media cibus interueniat. Comitibus quoque & suspiriosis data proficit. Foliorum succus oris vlcera repurgat, si subinde colluatur. Cum Cimolia aut cerussa, erysipelatis medetur: fistulis infusus auxilio est: prodest & ad auriū dolores atque ophthalmias,

mias, seu instillatus, seu in collyria additus. Sanguinantibus quoque gingivis, & sanguinem supernè reicientibus, potu confert: clystere verò dysentericis infunditur. Contra tabem datur in potu: aduersus strangulationes vuluæ subditur in vellere, quemadmodum & si vulua rheumatismo laboret. Semen ex vino potum, alui profluvia & sanguinis excreationes sistit. Decocta radix seu colluta, seu commanducata, dentium dolores sedat. Eadem cum foliis, ad vesicæ renūque vlcera in passo datur. Cæterum ferunt ternas radices cum vini ternis cyathis & aquæ pari modo, tertianis febribus, itémque quaternas, quartanis auxiliari. Sunt & qui radice vinculo è collo suspensa amuleti instar vtantur, ad strumas discutiendas.

De Sio. CAP. CLIII.

SI VM aquaticum, frutex est pusillus, qui sin aquis inuenitur, rectus, pinguis, foliis hipposelino similibus, sed minoribus & aromatici odoris: quæ quidem seu cocta, seu cruda, esu calculos rumpunt & eiiciunt: vrinæ quoque cient, ac menses & partus extrahunt, dysentericisque in cibo prosunt. De eodem Sio agens Crateuas, herbam esse tradit fruticis specie, exiguam, foliis præditam rotundis, quàm mentæ maioribus, nigris, pinguibus, & ad erucam accedentibus.

P. ij.

De Sisymbrio. CAP. CLV.

SISYMBRIVM (alij serpyllum syluestre vocant) in solo inculto nascitur, mentæ hortensis similitudine, sed latioribus foliis, atque odoratius: quod quidem coronis inferitur. Calfaciendi vim habet: ac semen quidem ex vino potum, ad vrinæ stillicidia & calculos conuenit, itémque tormina & singultus sedat. Folia verò contra capitis dolorem fronti ac temporibus imponuntur. Valent & aduersus vesparum apúmque ictus. Cæterùm vomitiones quoque potu cohibent.

De Sisymbrio altero. CAP. CLVI.

Sisymbrium alterum sunt qui cardaminnen, alij sion etiam appellant. Est verò herba aquatica, quæ in iisdem quibus sion locis prouenit: Cardamine ideò nonnullis dicta, quòd gustu cardamum, id est, nasturtium, repræsentet. Folia primum rotunda prodeunt: augeſcentia verò, crucæ modo fiunt. Porro excalfacit, vrinas mouet, ac crudum etiamnum estur. Purgat etiam lentigines, ac vitia cutis in facie à Solis ardore contracta nocte tota impositum, & matutinò detractum.

De Crithmo. CAP. CLVII.

CRITHMON, seu, vt alij, Critamon, fruticosa est herbula, folijs vndique densa, cubiti

cubiti fermè altitudine, in petrosis & maritimis nascens, foliis referta pinguibus & albicantibus, portulacæ folia referentibus: crassioribus tamen atque longioribus, salsoque gustu. Flores verò gerit candidos, ac fructum ceu libanotidis mollem, odoratum, rotundum: qui quidem siccatus, dehisceat, intusque ceu tritici granum habet: radices autem digiti crassitudine tres aut quatuor, odoratas, & iucundi saporis. Porro radix, semen & folia, incocta vino, potu ægrè meientibus & regio morbo laborantibus auxiliantur, mensisque cient. Cæterum crithmon crudum costumve estur oleris in modum, ac in muria quoque seruatur.

De Coronopode. CAP. CLVIII.

CORONOPVS oblonga herbula est, humi strata, cui folia sunt incisuris diuisa: atque hæc quidem oleris quoque modo cocta estur. Radicem porrò habet tenuem, astringentem, quæ cœliacis in cibo præclare facit. Cæterum prouenit locis incultis, in aggeribus & secus vias.

De Soncho. CAP. CLIX.

SONCHI duo genera: vnum quidem agrestius atque spinosius: alterum tenerius molliùsve & esculentum. Caulis angulosus est, intus cauus, interdum & subrubens: folia in ambitu per intervalla incisa.

P. iij.

Vis utriusque refrigeratoria, & modicè subastringens: unde æstuantì stomacho & inflammationibus impositi profunt. Succus stomachi rosionem sorbitione mitigat, & lac euocat. In vellere autem appositus, sedis ac vuluæ inflammationibus opitulatur. Tā herba quàm radix imposita, ictis à scorpione auxiliatur. Est verò etiā tertius sonchus, itidem tener ac mollis, arborescens, latisque constans foliis, quæ quidem caulem in ramos exeuntem distinguunt: sed & hic ad eadem pollet.

De Seride. CAP. CLX.

SERIS duūm est generum, sylvestris & sativa. Ex his sylvestris ea est, quæ & picris & cichorium appellatur: altera, quæ hortensis est, & latioris est folij, & origrator. Et hæc quidem rursum genere duplex: si quidem vna est lactucæ similior, & latifolia: altera est angustiore folio & amarulenta. Omnes porro refrigerant, astringunt & stomacho sunt utiles. Coctæ aluum sistunt, si cum aceto sumantur. Imprimis verò sylvestres, stomacho meliores. Quandoquidem in cibo sumptæ, dissolutum æstuantemque stomachum solantur. Impositæ verò cum polenta, ac per se quoque, cardiacis sunt utiles: podagris itidem & oculorum inflammationibus auxilio sunt. At herba cum
radice

radice illita, percussis à scorpione subuenit,
& erysipelatis cum polenta medetur. Cate-
rùm earum succus cum cerussa & aceto lo-
cis iis commodè illinitur, quæ refrigeratio-
nem desiderant.

De Condrilla.

CAP. CLXI.

CONDRILLA, quam etiam cichorion
aut serin appellant, folia, caulem & flo-
res gerit cichorij similitudine: qua ex causa
nonnulli seridis syluestris speciem esse pro-
nuntiarunt. Verùm tenuior tota est. Circa
iplos autem ramulos gummi reperitur ma-
stiches simile, fabæ magnitudine: quod qui-
dem cum myrrha tritum & in linteo oliuæ
instar appositum, menses trahit. Herba verò
cum radice tusa, melle adiecto diuiditur in
pastillos: qui quidem diluti, admixto nitro
vitilignes emaculant. Sed & gummi pilos
glutinat, ac ipsa quoque radix recens eadem
præstat, si intincta eius succo acus pilis ad-
moueat. Contra viperas etiam ex vino
pota proficit. Quin & ipsius succus cum vi-
no, aut per sese decoctus atque potus, aluum
sistit. Est porro & aliud condrillæ genus, fo-
lio circumroso, oblongo & humi strato,
caule verò succi pleno: radice tenui, vegeta,
leui, rotunda, flauescente, succosa. Caulis &
folia concoquendi vim habent. Succus ve-
rò, incommodos palpebrarū pilos replicat.

P. iiij.

Cæterum in lætis cultisque agris provenit.

De Cucurbita. CAP. CLXII.

CUCURBITA esculenta cruda trita & imposita, œdemata & abscessus mitigat. Ramentum ipsius, infantium capitis ardore, quam siriasin vocant, laborantium sincipiti vtiliter adhibetur. Similiter quoque podagricis & oculorum inflammationibus imponitur. Succus verò è strigmentis rufis, aurium doloribus tum per se, tum etiam cum rosaceo infusus, auxiliatur. Valet etiam illitus ad perustam ardoribus corporis superficiem. Vniuersæ autem decoctæ & expressæ succus cum melle exiguo & nitro potus, leuiter aluum soluit. Quin & si quis vinum in ipsam crudam & excavatam infusum ac dio expositum, posteaque dilutum ieiunus biberit, leuiter aluum emolliet.

De Cucumere satino. CAP. CLXIII.

CUCUMIS sativus aluo stomachoque vtilis, refrigerandi vim obtinet, si modò non corrumpatur, ac vesicæ prodest: olfactu verò, defectos animo recreat. Sed & ipsius semen modicè urinas cit, & cum lacte aut passo, vesicæ exulcerationibus subuenit. Cæterum eiusdem folia cum vino imposita, eanum morsus sanant: ex melle verò, epinyctidas.]

De

De Pepone.

CAP. CLXIII.

IPSA quoque peponis caro in cibis vrinæ mouet: oculi verò inflammationes imposita lenit. Eius verò ramentum infantium siriasi laborantium sineipiti imponitur: ac frōti quoque anacollematis vice adalligatur, ad inhibendas oculorum fluxiones. Porro succus cum semine adiecta farina siccatus in sole, faciem smegmatis vice purgat, illique nitorem conciliat. Cæterum sicca radix ex mulla drachmæ pondere pota, vomitiones mouet. Quod si quis placidè ac citra molestiam vomere à cœna voluerit, oboli bini satisfecerint. Sanat quoque cum melle imposita capitis vlcera concreta in modum faui, quæ ceria vocant.

De Lactuca satina.

CAP. CLXV.

LACTUCA satina stomacho utilis, modicè refrigeratoria, somnum concilians, aluum emolliens & lac euocans. Verum decocta, magis alit. Stomachicis autem illotam esse proderit. Epotum verò ipsius semen Venerem assidue somniantibus opitulatur, & concubitum arcet. At ipsæ in cibo frequentiores, claritati oculorum officiunt. Muria etiam condiuntur. Cæterum cum in caulem exierunt, vim quandam adipiscuntur succo lactique sylvestris lactucæ similem.

De Sylvestris lactuca.

CAP. CLXVI.

Sylvestris autem Lactuca sativæ similis est, sed ampliore caule prædita, foliisque candidioribus, gracilioribus & asperioribus, gustu verò amara, ac viribus aliquatenus papaveri similis: quam ob causam nonnulli etiam lacteum eius succum meconio permiscunt. Succus obolorum dum pondere cum posca epotus, aquosa per aluum expurgat. Quin & oculorum argema & caliginem extirpat: efficaciter quoque cum lacte muliebri contra eorundem adustiones intingitur. In summa somnum facit, & doloris leuamentum præstat. Menses quoque trahit, & contra scorpionum ictus phalangiorumque morsus bibitur. Semen æquè ac sativæ potum, libidinum imaginationes in somno compescit, Veneremque inhibet. Succus ad eadem valet, sed minùs efficax. Cæterum ipsius lac, cæterorum qui expressione eliciuntur succorum instar, antea insolatum in novis fætilibus reponitur.

De Gingidio.

CAP. CLXVII.

GINGIDIUM, quibusdam Lepidium, copiosissimum in Cilicia & Syria nascitur, herbula sylvestri quidem pastinacæ similis, tenuior tamen & amarior: radicula candicante & subamara. Oleris instar crudum, coctum conditumve estur, stomacho
vtile

vtile & vrinæ ciendæ vi præditum. Quin & ipsius decoctum ex vino potum, vesicæ prodest.

De Scandice. CAP. CLXVIII.

SCANDIX, sylvestre quoque olus est, subacre, amarum, atque esculentum. Si quidem crudum coctumve estur, aluo stomachoque vtile. Eius verò decoctum potu, vesicæ, renibus & iocinori prodest.

De Cauliside. CAP. CLXIX.

CAUCALIS, quam nonnulli sylvestrem daucum appellant, cauliculus est dorantalis, aut etiam maior, subhirsutus, foliis fœniculo similibus, quæ sunt multis diuisa incisuris & hirsuta: candida in cacumine umbella, eaque odorata. Et hæc quoque planta cruda coctave, oleris modo estur, vrinamque ciet.

De Eruca. CAP. CLXX.

CRUDA Eruca coitum largiore cibo concitat: ac ipsius quoque semen eiusdem est effectus. Vrinæ mouet, concoctionem iuuat, aluoque est accommodata. Semine in condiendis obsoniis vtuntur: quod vti diutius perennet, aceto lacteve subactum in pastillos digerunt, atque ita reponunt. Nasctur & sylvestris eruca, maximè in Iberia quæ Occidentem spectat, ac ipsius semine loci illius incolæ pro sinapi vtuntur. Est porro

quàm satiua ad mouendam vrinam efficacior, & multò acrior.

De Ocimo. CAP. CLXXI.

OCIMVM vulgò notum: copiosiore cibo aciem oculorum hebetat. Aluum autem emollit, flatus mouet, vrinam ciet, & lac euocat: agrè tamen conficitur. Impositum cum polentæ polline, rosaceo & aceto, inflammationibus auxilio est, vt & draconis marini & scorpionis ictibus. Per se verò cum vino Chio, prodest oculorum doloribus. Succus oculorum caligines discutit, fluxionesque reficcat. Semen verò potum, conuenit atram bilem gigneribus, agrè meientibus, inflatisque: olfactu in nares attractum, subinde sternutamenta mouet: id quod & herba ipsa efficit: verum oculos comprimi oportet urgente sternutamento. Eam fugiunt nonnulli, ac etlere quoque verentur: quòd commanducata & in sole posita vermiculos gignat. In cibum verò receperunt Afri, quia si feriantur à scorpione qui ocimum ederint, incolumes conseruentur.

De Orobanche. CAP. CLXXII.

OROBANCHE cauliculus est subruber, duos ferè dodrantes altus, ac interdum etiam maior, foliis subpinguibus, hirsutus ac tener, floribus præditus subalbidis, aut in luteum vergentibus. Radix subest digiti crassitudi-

crassitudine, perforata, cum caulis ariditate flaccescit. Inter legumina quædam si nascatur, ea suffocare creditur: unde & cognomen accepit. Estur autem oleris instar cruda, & in patinis asparagi modo decocta. Cæterum leguminibus incocta, horum coctionem accelerare perhibetur.

De Barbula hirci.

CAP. CLXXIII.

TRAGOPOGON seu tetrapogon, quem alij comen vocant, breui caule est, foliis croci, radice longa, dulci, nigro super caulem calyce: è cuius summo proluxa erumpit lanugo, à qua sibi nomen asciuit. Est verò herba ipsa esui apta.

De Ornithogalo.

CAP. CLXXIIII.

ORNITHOGALON cauliculus est tener, tenuis, subalbidus, circiter duos dodrantes altus, tribus aut quatuor in cacumine mollibus agnatis: è quibus flores prodeunt, qui foris quidem herbacei, at ubi expansi sunt, lactei visuntur: ac inter eos capitulum canchryos modo incisum emicat: quod cum pane assatur, veluti melanthium. Radix est bulbosa, quæ cruda cocta que in cibos venit.

De Tubere.

CAP. CLXXV.

TUBER radix est orbiculata, sine foliis, sine caule, flauescens. Vere effoditur, ac seu cruda seu cocta, esui apta est.

De Smilace hortensi.

CAP. CLXXVI.

SMILAX hortensis, cuius fructus lobia, (quasi siliquulas dicas) & à nonnullis asparagus nominatur, folia habet hederæ, sed molliora: caules tenues, clauicularum instar sese propinquis fruticibus implicantes: qui quidem in tantum adolescunt, vt topiarij operis attegias seu cameras opacent. Fructum autem profert scenigræci, sed longiorrem & insigniorem, intra quem semina concluduntur renum similia, non æquali quidem colore, sed ex parte rufescentia. Is porrò fructus, seu potius siliqua cum semine; asparagi modo elixa oleris instar estur. Vrinam verò ciet, & graua tumultuosaque somnia facit.

De Medica.

CAP. CLXXVII.

MEDICA dum recens erumpit, trifolio in pratis nascenti similis est: tandem verò folia contrahit, caules edens trifolij, quibus semen adnascitur lentis magnitudine, siliquis intortis inclusum. Id ficcatum, sali condimentario ad saporis iucunditatem admiscetur. Idem viride impositum, iis prodest, quibus refrigeratione opus est. Cæterum herba tota pro gramine vtuntur qui iumenta pecoræque pascunt.

De

De Aphaca. CAP. CLXXVIII.

APHACA frutex est exiguus in aruis nascens, altior lenticula, foliis tenuibus. Folliculos fert quàm lenticula maiores, quibus exigua semina nigra terna quaternave, minora lenticula, continentur. Hæc astringendi vim habent: quare frixa, fresa elixave, lentis more fluxiones alui stomachique sistunt.

De Porro. CAP. CLXXXIX.

PORRVM capitatum inflationes facit, pravi est succi, somnia tumultuosa parit, urinam ciet, bonam facit aluum, extenuat, oculorum aciem hebetat, menses trahit: sed exulceratam vesicam renésque lædit. Cum ptissana verò coctum aliterve in cibo sumptum, eorum quæ intra thoracem hærent excreationem adiuuat. At coma in aqua maris & aceto cocta, ad insidendum in vulvæ præclusionē ac duritia utilis habetur. Porrum autem bis aqua mutata coctum, frigidâque maceratum dulcescit, multoque minus inflat. At sectivum & acrius est, & astrictionis nonnihil obtinet: quare expressus ab eo succus cum aceto, addito thure aut manna, sanguinis profluuium sistit, maximè si naribus erumpat. Venerem item stimulat, & ad omnia thoracis vitia cum melle pro eclegmate usurpatur: esitatum quoque con-

tra tabem efficax est, ac spiritalem etiam canaliculam purgat. Sed si frequentius comedatur, visus obscuritatem inducit, ac stomacho etiam nocet. Succus ex melicrato potus, contra venenatarum bestiarum morsus auxilio est. Sed & ipsum quoque porrum impositum prodest. Quin & succus aurium doloribus & sonitui succurrit, cum aceto, thure, lacte aut rosaceo instillatus. Folia verò varos tollunt, cum rhoë opsoniorum imposita, epinyctidásque sanant: ac vlcera quoque crustas ex sale illita emarginant. Cæterum seminis binæ drachmæ cum pari myrti baccarum pondere potæ, veteres sanguinis supernè reiectiones cohibent.

De Ampelopraso. CAP. CLXXX.

Ampeloprasum stomacho quàm porrum magis aduersatur: sed plus quoque excalfacit, urinásque vehementius ciet: menses quoque pellit. Quin & contra bestiarum morsus in cibo conuenit.

De Cepa. CAP. CLXXXI.

CÆPA longa acrior est quàm rotunda, citémque ruffa quàm candida, & sicca quàm viridis seu recens, & cruda quàm asfata, aut sale condita. Sunt tamen omnes mordacitatis participes, inflationésque faciunt, appetentiam inuitant, attenuant, sitim gignunt, nausæam pariunt, expurgant
denique,

denique, aluóque sunt vtilēs. Tum excrementis aliis viam aperiunt, tum & hæmorrhoidas referant. Subduntur verò pro balanis, corticibus nudatæ & oleo immissæ. At succus ex melle inunctus, oculorum hebetudinibus, argemīs, nubeculis & incipientibus suffusionibus auxiliatur. Anginosi itidem eo perunguntur. Sed & menses ciet atque pellit, ac infusus caput per nares expurgat. Canis moribus cum sale, ruta & melle imponitur. Cum aceto autē in sole perunctus, vitilignes sanat: & cum pari spodio, scabras lippitudines sedat. Varos quoque cum sale reprimat. Contra calceamentorum attritus cum adipe gallinaceo vtilis est. Valet etiamnum ad alui profluuium, & auditus grauitatem auriumque sonitus emendat. Ad purulentas aures, iisdemque interceptam aquam eliciendam prodest. Quin & alopecis affrictus, celerius quàm alcyonium pilos euocat. Porro cæpa copiosius sumpta, capitis dolores ciet, coctaque potentiùs urinas pellit. Largiùs verò per aduersam valitudinem esitata, quantumuis cocta, lethargum accersit. Caterùm cocta & cum vua passa aut fico imposita, panos seu tubercula maturat & rumpit.

Q. j.

De Allio. CAP. CLXXXII.

ALLIVM quoddam est satium & hortense: quod quidem in Ægypto, porrimo, singulari capite reperitur, dulce, paruum ac purpurascens: alibi verò multiplici capite seu nucleo coagmentatum visitur, atque candidum: ac eiusmodi quidem nucleos seu spicas, aglithas Græci nominant. Est & aliud sylvestre, quod ophioscorodon, quasi anguinum allium, appellatur. Vim porro acrem obtinet alliū, excalfacit, mordet, flatus pellit, aluum turbat, stomachum exiccat, sitim gignit, inflationemque facit, summam corporis cutem exulcerat, & oculorum aciem esu hebetat. Eadem præstat esitatum ophioscorodon, quod & elaphoscorodon, quasi ceruinum allium, nuncupatur. Sed & latas quoque ténias in cibo pellit allium, vrinasque detrahit: morsis à vipera & hæmorrhoo maximè si quid aliud confert, dum modò continuò post vinum superbibatur, aut ipsum è vino teratur ac in potione sumatur. Quin & in eisdem vsus, & contra canis rabiosi morsus, vtiliter imponitur. In cibo verò sumptum, contra mutationes aquarum proficit, [fauces expediendo, easdemque asperas leniendo] voci splendorem affert, veterem tussim crudum coctūve in cibo lenit. Potum autem cum
origani

origani decocto, pediculos ac lendes enecat. Combustum ac melle subactum illitumque, oculorum sugillationibus & alopeciis medetur: sed in alopeciis curandis vnguentum præterea nardinum additur. Cum tale verò & oleo, sanat papularum eruptiones. Vitiliginem quoque, lichenas, lentiginēs, vlcera capitis manantia, furfures ac lepras cum melle eximit. At cum thure & tæda decoctum ac in ore detentum, dentium dolorem imminuit. Cum ficulneis foliis & cumino, contra muris aranei morsus imponitur. Comæ decoctum fœminarum defensionibus additum, menses secundasque paritus extrahit. In eundem quoque vsum suffumigatur. Cæterum factum ex eo & oliua nigra intritum, quod myttoton vocant, esu urinam cit, ora venarum patefacit, ac hydropicis quoque est vtile.

De Scordoprase.

CAP. CLXXXIII.

NASCITVR Scordoprason porri magnitudine, allij & porri qualitatum particeps: quapropter mixtas quoque vires obtinet, eadem præstans quæ allium pariter ac porrum, sed efficacia minore. Coctum id porri modo dulcescit, & in olerum vicem transit.

Q. ij.

De Sinapi.

CAP. CLXXXIII.

SINAPI seu napy eligito non magnopere aridum, & valde rufum atque plenum, quodque fractum internè viride ac veluti succosum & glaucum conspiciatur. Tale siquidem recens ac tempestivum habetur. Ad calfaciendum, attenuandum, attrahendumque efficax est. Commanducatum autem, valet ad pituitam capitis eliciendam. At succus ex aqua mulsa, contra tonsillarum præduros tumores, veteresque & callosas arteriæ scabritias gargarizatu prodest. Ipsum verò sinapi tritum & naribus admotum, sternutamenta ciet. Comitibus quoque auxiliatur, & vulvæ strangulatu oppressas excitat. Quin & lethargicorum capiti derafo illinitur. Ficis autem admixtum & impositum donec rubescat locus, valet ad coxendicum cruciatus, lienes, ac in vniuersum ad quemuis diutinum dolorem, cum ex alto in summam cutem quidpiam extrahere est in animo, translato scilicet in alteram partem affectu. Alopeciiis etiam illitum medetur, faciem purgat, & oculorum fugillata tollit, cum melle, adipe, aut cerato. Cum aceto verò, lepræ & feræ impetigines eo perunguntur. Sed & contra febriles circuitus aridum bibitur, polentæ modo potui inspersum. Emplastris quoque extrahendi
vi præ-

vi pæditis, iisq̃ue quæ ad p̃foram faciunt, vtiliter ammiscetur. Succurrit & auditus grauitati incertisq̃ue sonitibus cum fico tritum, auribusq̃ue inditum. Ipsius verò succus cum melle ad oculorum hebetudines genarumq̃ue scabritias conuenienter inungitur. Cæterum exprimitur recenti adhuc semine succus, atque ita in sole siccat̃ur.

De Nasturtio.

CAP. CLXXXV.

NASTURTIVM optimum constat esse Babylonicum. Cuiusuis autem nasturtij semen excalfacit, acre est, ac stomacho inimicum: aluum turbat, lumbricos pellit, lienem imminuit, foetus in vtero necat, menses cit ac Venerem stimulat. Est ei denique natura sinapis & crucæ semini similis. Lepras & impetigines exterit: ex melle verò illitum, lienem extenuat, fauos expurgat, & quæ intra thoracem hærent sursum educit sorbitionibus incoctum. Serpentiū venenis potum resistit, atque eas suffitu fugat. Capillos fluentes cohibet, & carbunculos ad suppurationem perducit ac rumpit. At cum aceto & polenta illitum, ischiadicis: confert: oedemata itidem inflammationesq̃ue discutit, ac furunculos quoque suppurat cum muria illitum. Cæterum eadem herba præstat, sed effectū minore.

Q. iij.

De Thlaspi. CAP. CLXXXVI.

THLASPI herbula est angustis foliis, digitali longitudine, in terram versis, in cacumine diuisis ac subpinguibus. Cauliculum autem emittit tenuem, binum dorantium altitudine, cui pauci adnascuntur ramuli: circa verò ipsum totum fructus est, summa sui parte modicè latus: quo semen includitur exiguum, nasturtio simile, disci effigie, veluti infractum compressumve, unde & nomen accepit. Flos albicat. Nascitur in semitis, parietibus ac sepibus. Semen aere, excalfaciens: bilem vtrinque tam supernè quàm infernè extrahit, acerabuli mensura potum. Prodest & ischiadicis infusum: potu sanguinem educit, internósque abscessus rumpit. Menses quoque cit, & partus necat. Porro alterum etiam thlaspi recenset Crateuas, quod aliqui Persicum sinapi vocant, latis foliis & radicibus magnis: quod & ipsum ischiadicorum infusionibus admiscetur.

De Draba. CAP. CLXXXVII.

DRABA herba ad cubiti altitudinem assurgit, tenuibus virgultis, & foliis ex utroque latere ceu lepidij, sed mollioribus & candidioribus. In cacumine verò sambuci umbellam gerit, candidis floribus præditam. Huius herba cum ptissana coquitur: in
Cappado-

Cappadocia maximè. At verò semen ipsius aridum, piperis vice opsoniis admiscetur.

De Erysmo, seu Irione.

CAP. CLXXXVIII.

ERYSIMON circa vires, domorum aereas hortosque nascitur, foliis erucæ sylvestris: cauliculis in lori modum sequacibus & flexilibus, floribus luteis, siliquis in cacumine corniculorū figura, iisque gracilibus, uti fœnigræci: quibus exigua concluduntur semina nasturtij similia, feruidoque gustu. Ea si cum melle delingantur, contra thoracis fluxiones, purulentas excreationes ac tusses, morbum regium & ischiadem efficacia sunt. Bibitur & semen contra venena. Ex aqua verò aut melle illitum, prodest carcinomatis occultis, duritiis, parotidibus, ac testium mammarūque inflammationibus. In summa attenuat & calfacit. Ceterum ad eclegmata redditur mitius & accommodatius, si aqua maceratum torreatur, aut linteo illigatum subactaque farina oblitum inassetur.

De Pipere.

CAP. CXXXIX.

PIPER brevis arbor esse traditur in India nascens, quæ quidem fructum promit inter initia oblongum siliquarum instar, quod longum piper est. Is habet intus aliquid tenue ac milio simile, quod tandem

Q. iiij.

in perfectum piper euadit. Et ille quidem suis temporibus dehiscens pandensque sese, racemos emittit grana ferentes, qualia nouimus: è quibus nonnulla acerba & immatura piper faciunt candidum, aptissimum remediis oculorum, antidotis & iis medicaminibus quæ contra venenatas bestias parantur, Theriaca vocant. Est porrò longum intensa mordacitate præditum & subamarum, quoniam immaturum: antidotis itidem & theriacis medicaminibus accommodatum. At nigrum albo suauius est, acrius, orique gratius ac magis aromaticum, propterea quod tempestiua maturitate collectum est: quin & ad condimenta utilius est. Candidum verò, quippe quod in acerbum vergat, antedictis infirmius & inefficacius est. Eligito grauissimum, plenum, nigrum, non valdè rugosum, sed recens ac minimè furfurulosum. Reperitur etiamnum quoddam in genere nigri, nutrimento defectum, cassum seu inane ac leue, quod brassia nominatur. Vim habet communiter omne piper excalfaciendi, vrinam ciendi, concoquendi, attrahendi, discutiendi, detergendique ea quæ pupillis tenebras offundunt. Conuenit etiam, seu potum seu illitum, febrium rigoribus per circuitum repetentibus: ac venenatarum quoque bestiarum

rum moribus auxiliatur, & partus extrahit. Creditur & statim à concubitu subditum, spem partus adimere. Quin & tussi omnibusque pectoris vitiis linctum potuue succurrit. Anginis item conuenit cum melle perunctum, ac tormina discutit potum cum lauri foliis tenellis. Manducatum verò cum vua passa, pituitam è capite prolicat. Dolores quoque sedat, valetudinem tuetur, & appetentiam mouet. Sed & concoctionem adiuuat, ad intinctus additum. Exceptum verò pice, strumas discutit, ac vitiliginis etiam ex nitro emaculat. Torretur autem fictili nouo super prunis, eodem quo in cremanda lente fit modo agitatum. Cæterum non est huius arboris radix, vt aliqui existimauere, zingiber: quemadmodum paulò post ostendemus. Attamen piperis radix costo similis est, gustantium ora calfacit, saluamque ciet. Eadem cum aceto imposita, itemque pota, lienem imminuit. Capitis etiam pituitam elicit commanducata cum semine pedicularis herbe, quam staphidem agriam vocant.

De Zingibere. CAP. CXC.

ZINGIBERIS sui generis planta est, quæ plurima in Troglodytica & Arabia nascitur. Huius herba virente cocta, ad multa, perinde atque nos ruta, vtuntur, pro-

potissimatis ac pulmentis eam admiscentes. Radiculas habet paruas, cyperi modo, candicantes, sapore piper imitantes ac odoratas. Eligito quæ teredinem minimè sentierint. A quibusdam tamen ob id condiuntur, quòd celeriter cariem sentiant, ac fiótilibus in Italiam asportantur, cibis idoneæ, si modò cum suo condimento assumantur. Vim porrò habet zingiber calfacientem, concoquentem, aluum leniter emollientem, ac stomacho etiam vtilem. Est & efficax aduersus ea quæ pupillis caliginem offundunt. In antidota quoque additur, ac in vniuersum piperis vires quadantenus æmulatur.

De Hydropipere. CAP. CXCI.

HYDROPIPER apud aquas maximè stagnantes lenitèrve fluentes gignitur. Caulem edit geniculatum ac solidum, circa quem alarum sunt concavitates, ac folia menthæ similia: sed maiora, delicatiora candidioraque, gustu acria piperis modo, citra tamen vllam odoris gratiam. Fructum verò gerit in furculis paruis prope folia erumpentem, & racematim cohærentem: qui & ipse acris est. Vim habent folia cum semine imposita cædemata veteresque duritias discutendi, & sub oculis sugillata emendandi. Siccata verò & tusa, sali & opsoniis pro pipere admiscentur. Cæterum radicem habet par-

bet paruum, nullius in medicina vsus.

De Ptarmica. CAP. CXCII.

PTARMICA exiguus frutex est, surculos habens paruos, multos & teretes, abrotono similes: circa quos folia sunt oblonga, oleaginis proxima multaque: ac in cacumine capitulum, vti anthemidis, paruum, rotundum, acri odore, sternutamenta ciens, vnde etiam nomen accepit. Valent folia cum floribus illita, ad delenda sub oculis sugillata: flores autem sternutamenta efficacissimè mouent. Nascitur in montosis saxosisque locis.

De Struthio seu radícula.

CAP. CXCIII.

STRUTHIVM vulgo notum, quæ fullo- nes purgandis lanis vtuntur. Huius radix acris est, urinamque ciet: auxiliatur hepaticis, tussi & orthopnoæ, sumpta cum melle cochlearis mensura, & aluum quoque subducit. Eadem cum panace & capparis radice, calculos frangit & cum vrina expellit, lienemque in scirrhum induratum liquat. Subdita verò, menses trahit, & partus efficaciter enecat. Cum polenta autem & aceto illita, lepram emendat. Discutit & pannos, cum farina hordeacea & vino decocta. Miscetur præterea collyriis exacuendæ oculorum aciei dicatis, itemque malagmatis.

Sternutamenta etiam facit, atque per os purgat, trita cum melle ac naribus infusa.

De Cyclamino. CAP. CXCIIII.

CYCLAMINVS folia habet hederæ similia, purpurea, varia, infrà supràque maculis albicantibus distincta: caulem verò quaternum digitorum, inanem ac nudum: in cuius summo flores emicant rosarum effigie, purpurascens. Radix nigra, rapo proxima & aliquantum lata. Quæ quidem cum hydromelite pota, pituitam aquosâque detrahit: ac menses pota subditave ciet. Tradunt, si prægnans mulier radicem eam transgrediatur, abortum fieri. Sed & adalligata partum accelerat. Contra venena, præsertimque leporis marini, ex vino bibitur. Imposita quoque, contra serpentium ictus remedio est: & addita in vinum, ebrietatem repræsentat. Regium verò morbum discutit, tribus drachmis pota cum passo aut mulsa dilutiore: sed bibentem oportet cubiculo calido minimèque ventis exposito recumbere, pluribus contextum stragulis, quò faciliùs exudet. Qui verò elicietur sudor, colore felleus inuenietur. Eius etiam succus cum melle naribus infunditur ad purgandum caput, & sedi in vellere subditur ad deiicienda alui excrementa. Idem illitus umbilico & imo ventri ad coxas vsque, alium

aluum emollit, abortumque facit. Quin & suffusis hebetioribusque oculis oblitus cum melle succus prodest. Miscetur & medicamentis abortum inferentibus. Idem cum aceto illitus, prociduum sedem restituit. Expressitur verò tusa radice succus, & ad mellis crassitudinem decoquitur. Radix autem ipsa cutem purgat, eruptiones papularum reprimat, ac vulneribus ex aceto tum per se, tum etiam cum melle, medetur. Lienem quoque imposita liquat & absument. Contractas etiam à sole maculas & alopecias emendat. Sed & ipsius decoctum foru, luxatis, podagræ, capitis ulcusculis atque pernionibus idoneum & accommodatum est. Quod si in oleo vetere feruefacta fuerit, illito oleo cicatrix inducitur. Ipsa quoque radix excavata oleo impletur, & cineri feruenti imponitur, addito interdum cere Tyrhenicæ momento, ut strigmenti modo viscosus fiat illitus, perquam utilis pernionem laborantibus. Cæterum radix scillæ modo concisa reponitur: traditurque etiam ad amatoria assumi tusa, ac in pastillos diuisa. Nasçitur verò locis vmbrosis, maximèque sub arboribus.

De Cyclamino altera. CAP. CXCv.

Cyclaminus altera, quam nonnulli cissanthemon aut cissophyllon vocant, folia

fert hederæ, sed minora: caules crassos, geniculatos, quique circa vicinas arbores capreolorum modo sese voluunt. Flores videntur candidi, odorati. Fructus verò vuæ acinorum instar, corymbis hederæ similis, mollis, ac sapore aliquantulum acris, atque lentus: radix superuacua. Nascitur locis asperis. Huius fructus drachmæ unius pondere potus cum vini albi cyathis duobus ad quadraginta dies, lienem liquat, ac per urinas & aluum absumit. Bibitur & ad orthopnoeam: ac potus quoque, reliquias à partu purgat.

De Dracontio seu dracunculo.

CAP. CXCVI.

DRACUNCULVS folia fert hederacea, magna, candidis notata maculis: caulem verò rectum, duum cubitorum, versicolore, anguis effigie, maculis respersum purpureis, baculi crassitudine. Fructus est in summo racemosus, colore primum quidem herbaceo, sed cum ematuruit, ad croceum vergente, sapore mordax. Radix quadantenus rotunda, bulbosa, aro similis, tenui vestita cortice. Nascitur in umbrosis, circa sepes ac macerias. Expressus è semine succus cum oleo in aurem infusus, dolorem auris mitigandi vim habet. Naribus etiam exvellere inditus, polypum absumit. Sed & carcino-

carcinomata illitu sistit. Eius autem grana xxx. si in posca bibantur, abortum inferunt. Quin & odorem aiunt, posteaquam flaccidi flores emarcuerunt, recens conceptos foetus enecare. At radix calfaciendi vi praedita, succurrit orthopnoeae, ruptis, conuulsis, tussi atque destillationi. Pectori etiam haerentes humores facit excreabiles, siue elixa, tostave cum melle aut per se edatur, siue ipsa trita ex melle delingatur. Vrinam quoque ciet ac Venerem excitat, è vino pota. Quin & ulcera maligna & phagedanica cum bryonia alba & melle trita expurgat & ad cicatricem perducit. Ex ea quoque efformantur collyria ad fistulas, extrahendosque partus. Aiunt & qui manus radice perfriuerit, à viperæ morfu tutum & illa sum existere. Ex acetato denique illita, vitilignes emaculat. Folia verò trita, recentibus vulneribus linamentorum vice conuenienter imponuntur: itidemque pernionibus, si prius in vino decocta fuerint. Sed & caseus foliis inuolutus, à putredine seruetur immunis. Succus autem radiceis, ad nubeculas, albugines, oculorumque caligines conuenit. Ipsa verò radix, etiam ad sanorum usus, nimirum in cibos, cocta crudaque oleris vice recipitur. Quin & Gymnesiarum insularum, quas Balears vocant, incolæ coctam radicem cum

melle multo placentarum loco in conuiujs apponunt. Cæterum radicem messibus effodi, lotamque & frustatim concisam, ac lino traiectam ficcari in vmbra, atque ita recondi oportet.

De Aro. CAP. CXCVII.

ARON apud Syros lupha vocitatum, folia emittit dracunculi, sed & minora & minùs maculosa: caulem dædrantalem, subpurpureum ac pistilli forma, in cuius summo fructus est in croceum colorem inclinans. Radix alba, dracunculi radici proxima: quæ itidem decocta estur, quippe quæ minùs acris sit. Folia verò ad esum condiuntur, & arida per se decocta manduntur. Radix, semen & folia, easdem cum dracunculo vires obtinent. Priuatim tamen radix cum fimo bubulo podagricis imposita prodest. Cæterum eodem quo dracunculi radix modo reconditur, ac in summa ob mitiorem quæ prædita est acrimoniam esui aptior est.

De Ari seu arifaro. CAP. CXCVIII.

ARISARVM exigua herbula est, cuius radix oliuæ magnitudinem implet. Est ea maioris quàm aron acrimoniæ: vnde illitu nomas sistit. Ex eadem collyria concinantur, ad fistulas efficacia. Cæterum imposita inditave, cuiuslibet animalis genitale agit in perniciem.

De

De Asphodelo, seu hastula regia.

CAP. CXCIX.

ASPHODELVS, planta est plerisque omnibus cognita, foliis magni porri, caule verò lævi, (anthericon appellant) cuius in cacumine flos emicat. Radices subiacent oblongæ, teretes, glandibus similes, gustu acres, & calfaciendi vi præditæ. Hæ bibitæ, vrinas menstruâque concitant. Medentur & lateris doloribus, tussibus, conuulsis atque ruptis, drachmæ pondere in vino potæ. Vomitiones verò adiuuat asphodelus, luforij tali magnitudine in cibo sumptus. Vtiliter etiam tribus drachmis datur à serpente demorsis: sed vulneribus ex morfu folia, radicem ac flores ex vino illini oportet. Item sordidis ac depascentibus vlceribus, mammarum ac testium inflammationibus, tuberculis furunculisque, radix vna cum vini fæce decocta: recentibus autem inflammationibus, ex polenta auxiliatur. At ex radicis succo, additis vetere vino dulci, myrrha & croco, ita vt simul omnia decoquantur, illinendis sit oculis vtile cum primis medicamentum. Idem ad purulentas aures per se, & cum thure, melle, vino ac myrrha tepesfactus, prodest: dentium verò dolores mitigat, oppositæ auriculæ per sese instillatus. Cinis autem è cremata radice,

R. j.

alopecias illitu densat, capillóve replet. Oleum verò in excauatis radicibus igni decoctum, exulceratis pernionibus & igni ambustis inunctione conducit, & aurium dolori infusum auri auxiliatur. Porro vitiliginem albam, ad solem linteolo antè perfrictam, illita radix emaculat. Cæterum semen & flores, si in vino bibantur, præ cæteris omnibus egregiè scolopendræ & scorpio-num ictibus aduersantur: sed & violenter aluum deiiciunt.

De Bulbo esculento. CAP. CC.

BVLBVS esculentus quo vescimur, vulgo cognitus est. Stomacho & aluo utilis rufus, quique ex Africa defertur. Amarus verò & scillæ similis, stomacho aptior est, & concoctionem adiuvat. Bulbi autem omnes, acres sunt & excalfactorij: Venerem stimulant, linguam & tonsillas exasperant, plurimum nutriunt, & carnem augent: verum inflationes pariunt. Illiti verò, efficaces sunt ad luxata, contusa, infixæ spicula & articulorum dolores: itémque ad gangrænas & podagras, cum melle ac per se. Valent & ad hydropicorum œdemata & canum morsus, cum melle ac pipere trito similiter impositi. Sudores iidem compescunt, stomachique dolores mitigant. Quin & furfures vlceræque capitis manantia cum tosto nigro abstergunt.

stergunt. Sub oculis sugillata varosque per se, aut ex oui luteo, itemque lentigines cum melle vel aceto, emendant. Fractis etiam auribus unguibusque contusis ex polenta medentur. Ficos iidem tollunt, in calidis cineribus torrefacti, & cum vstis manarum capitibus impositi. Cremati vero & cum alcyonio permixti, contractas à sole maculas & cicatrices nigras in sole illiti emaculant. Faciunt & ad rupta, si cum aceto elixi edantur. Ceterum ab ipsorum largiore cibo cavendum, quoniam genus nervosum tentant.

De Bulbo Vomitorio.

CAP. CCI.

Bulbus, quem vomitorium vocant, folia habet lori modo flexiliora, multoque longiora quam esculentus: radicem tamen bulbo similem, sed cortice nigro vestitam. Ea radix per se comesta, itemque ipsius decoctum potum, vesicæ vitiis medentur, ac vomitiones mouent.

De Scilla.

CAP. CCII.

SCILLA vim habet acrem & vrentem. Attamen assata, ad plurimos usus accommodatur. Farina vero subacta lutove oblinetur, & in clibanum conicitur, aut prunis obruitur, donec ambiens crusta sufficienter intosta fuerit. Hac detracta, nisi scilla prorsus mollis ac tenera euaserit, iterum noua

R. ij.

farina subacta lutove obducetur, & eadem quæ prius fient. Enimvero quæ non sic asfata fuerit, interaneis noxam infert, maxime si intro sumatur. Torretur & in olla operculata, atque in furnum demissa. Ex ea vero sumitur quod intimum est meditullium, direptis exterioribus tunicis. Sed & concisa elixatur, mutata sæpius aqua, tantisper dum in ipsa aqua neque amaritudo neque acrimonia percipiatur vlla. Denique & in umbra siccatur frustatim confecta, linóque traiecta modicis interuallis, vt ne segmina seu taleolę sese inuicem contingant. Et his quidem scillæ segmentis ad oleum, vinum & acetum scilliticum vtimur. At vero ad pedum rimas interna pars crudæ scillæ in oleo feruefacta, aut cum resina dissoluta, imponitur. A vipera autem demorsis in aceto decocta vice cataplasmatidis adhibetur. Ad singulas porrò tostæ scillæ partes adiectis octonis triti tostique salis, cochlear vinum aut alterum ieiunis exhibemus, emolliendæ alui gratia. In potiones quoque & aromaticas compositiones addita, iis prodest quibus vrinam ciere volumus, itémque hydropicis & stomachicis quibus innatatibus, regio morbo laborantibus, torminosis, tussi vetere infestatis, suspiriosis & ore vitiosos humores reiicientibus. Ponderus vero ternum

ò ternum obolorum ex melle delingi sat
est. Coquitur & in melle, esturque in eos-
dem usus, concoctionem plurimum adiu-
uans. Strigmenti verò in modum viscida
recrementa aluo detrahit. Sed & elixa simili
sumpta modo, eosdem præbet effectus. Ve-
runtamen cauendus ipsius usus iis, quibus
est interna quæpiam exulceratio. Quin &
tosta, ad pensiles verrucas & perniones effi-
caciter illinitur. Ipsius verò semen tritum,
carica aut melle exceptum atque deuora-
tum, aluum emollit. Est & tota pro foribus
suspensa contra malorum medicamento-
rum noxiam remedio.

De Pancratio.

CAP. CCIII.

PANCRATIVM, quod etiam aliqui scil-
lam (pusillam) appellant, radice est ma-
gno bulbo simili, subrufa aut subpurpurea,
amaro feruidoque gustu, foliis lilij, sed lon-
gioribus. Scillæ vires & præparationem
eandem habet, ac eodem quoque pondere
ad eosdem affectus efficaciter exhibetur. At-
tamen huic mitior quàm scillæ facultas in-
est: quò fit vt & huius radice succus expres-
sus ad erui farinam admixtus, in pastillos
digeratur: qui quidem utiliter ex hydrome-
lite spleneticis hydropicisque dantur.

R. iij.

De Cappari. CAP. CCHII.

CAPPARIS frutex est aculeatus, per terram in orbem stratus. Spinas, ut rubus, habet in hami modum aduncas: folia mali cotoneæ, rotunda: fructum verò oliuæ instar: qui cum dehiscens panditur, florem promit candidum. Hoc verò dilapso nonnihil glandis oblongæ figura inuenitur, quod apertum grana tanquam Punici mali exigua rubentiaque intra se ostendit. Radices lignosæ sunt, grandes ac numerosæ. Asperis plerunque locis, tenuique solo, in insulis domorumque areis nascitur. Porro caulis ipsius ac fructus, cibi gratia sale condiuntur. Aluum porro turbat capparitis, stomacho aduersatur, sitimque gignit. At cocta tamen si edatur, stomacho quàm cruda utilior. Semen drachmarum duarum pondere ex vino potum ad dies quadraginta, lienem absument: quippe quod urinam trahat, cruentumque alui excrementum educat. Epotum itidem, ischiadi & paralyti succurrit, itemque ruptis & conuulsis: menses quoque ciet, ac pituitam capite detrahit. Quin & dentium dolorem sedat ex aceto decoctum, colluto inde ore. Radicis autem cortex aridus, tum ad antedicta valet, tum etiam quoduis vetus, sordidum & callosum vlcus expurgat. Spleneticis quoque cum hordeacea

cea farina imponitur. Sed & dente demorsa radix, eius dolori auxiliatur: & cum aceto trita, vitilignes albas exerit. Denique radix foliaque trita, duritias strumâsque discutunt: aurium verò vermiculos infusus succus enecat. Porro capparis Africa, præsertimque quæ apud Marmaridas appellatos nascitur, vehementer inflat. Apula vomitum facit: quæ autem è Rubro mari & Arabia defertur, acerrima: siquidem in ore pustulas excitat, & gingivas osse tenus exest: quapropter est cibus inepta.

De Lepidio. CAP. CCV.

LEPIDIUM, quod aliqui gingidium vocant, herbula vulgo nota, quæ muria cum lacte conditur. Vis foliorum acris & exulcerans: quapropter ischiadi per quàm eximium est ac singulare remedium, si trita cum helenij radice ad quartam horæ partem imponatur. Lienosis simili modo prodest: ac lepras quoque tollit. Radix autem ad alligata collo, dentium dolores compescere ac inhibere creditur.

De Ranunculo. CAP. CCVI.

RANUNCULI, quod aliqui apium agreste nominant, plura quidem sunt genera: at vis tamen omnibus vna, acris scilicet ac vehementer exulcerans. Ac vnum quidem coriandri foliis constat, sed latiori-

R. iiij.

bus, subalbidis & pinguibus: flore luteo, interdum purpureo. Caulis minimè crassus est, sed cubitum altus. Radice nititur exigua, candida & amara, adnatis ceu capillamentis, hellebori modo, fibrata: iuxta fluenta nascitur. Alterum est lanuginosius, longiorèque caule, pluribus foliorum incisuris, plurimum in Sardinia proueniens, acerrimum, quod etiam sylvestre apium appellant. Est & tertium valdè paruum & odore graui, flore aureo. Quartum simile huic, flore lacteo. Folia & caules tenelli vim habent illitu exulcerandi, & vsque adeò vrendi, vt etiam crustas cum dolore inducant. Quare scabros vngues auferunt, psoras remouent, stigmata delent: itémque fornicationes ac pensiles verrucas & alopecias ad breue tempus imposita tollunt. Quin & repente eorum decocto perniones fouentur. Radix verò sicca tritaque, sternutamenta ciet, naribus admota: dentium quoque dolores appensa leuat, ipsos tamen rumpit.

De Anemone. CAP. CCVII.

ANEMONE duum est generum: sylvestris quidem vna, satiuæ altera. Et in satiuæ quidem genere est quæ phœniceos flores habeat: altera quæ candicantes, aut lacteos, aut purpureos. Harum folia coriandro similia, sed proximè terram scissa tenuiùs.

nuius. Cauliculi lanuginosi, tenues, in quibus flores veluti papaueris, & in medio capitula nigra aut cærulea: radix oliuæ magnitudine, aut etiam maior, veluti geniculis distincta. At sylvestri amplitudo prorsus maior quàm satiuæ, foliisque est latioribus ac durioribus: capite oblongiore, flore phœniceo, tenuibus ac pluribus radiculis. Est & quædam foliis nigris, quæ quidem acrior est. Vis vtriusque aeris: qua de causa ipsius radicis succus naribus infusus, valet ad purgandum caput. Commanducata verò radix, pituitam trahit. Decocta autem in passo & imposita, medetur oculorum inflammationibus: sed & cicatrices eorundem ac hebetudines emendat, sordidæque vlcera expurgat. Cæterùm folia & caules si cum ptissana decoquantur, & in cibo sumantur, lactis fecunditatem præstant: subdita autem in pello, menstrua eiunt. Illita quoque, lepras eximunt. Sunt qui nescientes ab anemone sylvestri distinguere argemonem dictam & papauer rhœas, (de quo inter genera papaueris agemus) propter florum in puniceo colore convenientiam, eupatorium errore ducti argemoniam appellent. Veruntamen tum argemone, tum & rhœas minùs saturato puniceo colore visuntur, & vtraque seriùs floret. Quinetiam

argemone croceum gustūque admodum acrem liquorem reddit: rhœas verò, candidiorem & acrem. Insuper utriusque intermedia sunt capitula sylvestris papaveris similia, nisi quòd argemones quidem capitulum supernè latiusculū est: rhœadis autem, aliquantò angustius. At anemones genera neque liquorem reddunt, neque capitula calycēsve habent, sed velut asparagi cacumen. Denique & in arvis cultisve illa plerumque nascuntur.

De Argemone. CAP. CCVIII.

ARGEMONE tota quidem sylvestri papaveri similis est: sed folium habet quale anemone, diuisum: florem in cauliculo puniceum: caput quale papauer rhœas, sed oblongius & summis partibus latum: radicem rotundam: liquorem verò reddit croci colore & acrem. Illita folia, argema & nubeculas expurgant, inflammationēque compescunt.

De Anagallide. CAP. CCIX.

ANAGALLIDIS duo sunt genera, quæ flore distant. Nam quæ cæruleo est flore, fœmina dicitur: mas, quæ phœniceo. Frutices sunt exigui, in terra iacentes, quibus folia in quadrangulis cauliculis pusilla, subrotunda, ad folia helxines accedentia: fructus rotundus. Vtraque porrò vim habet
miti-

mitigandi, inflammationes arcendi, adactos corpori aculeos extrahendi, & nomas cohibendi. At succus earum capitis pituitam gargarizatu euocat, & naribus infusus, dentium dolorem lenit, si in nares dolenti denti oppositam immissus fuerit. Emendat & argema cum melle Attico, & oculorum hebetudini opitulatur. Sed & morsus à vipera prodest, ex vino potus, itemque nephriticis, hepaticis, atque hydropicis. Cæterum aiunt nonnulli impositam eam quæ cæruleum edit florem, sedis procidentiam retrò agere: quæ verò phœniceum, eandem pro-ritare.

De Hedera. CAP. CCX.

HEDERA multas in specie differentias sortitur: summas autem genere tres. Est enim candida quædam, nigra altera, tertiâque quæ vocatur helix. Et candida quidem, fructum fert candidum: nigra, quam etiam vulgus Dionysiam vocat, nigrum aut croci æmulum. At helix fructum non gignit, tenues autem habet viticulas: folia verò parua, angulosa & rubra. Porro hedera omnis acris est & astringens, nervosumque genus tentat. Flores ternis digitis capti, & in vino poti, ad dysentericos faciunt: sed bis die potari oportet. Idem cum cerato triti, ambustis profunt. Recentia autem molliâ-

ve folia ex aceto decocta, aut cruda cum pane detrita, lienem sanant. At succus foliorum & corymborum, cum irino vnguento, melle aut nitro, contra veteres capitis dolores vtiliter per nares infunditur. Perfunditur & eo caput cum aceto & rosaceo. Dolentibus verò purulentisque auribus cum oleo medetur. Nigræ autem hederæ succus & corymbi epoti, sterilitatem faciunt, mentemque turbant largius sumpti. Globosi verò corymborum acini quinque triti calfactique cum rosaceo in Punici cortice, & in dolore dentium contrariæ auri instillati, dolorem mitigant. Denigrant & capillum corymbi. At folia in vino cocta, omni vlcere generi illinuntur. Ambusta quoque, etiam maligna, & maculas à sole contractas sanant, velut antè dictum est, decocta. Mouent & menses corymbi triti ac subditi. Iidem post purgationes fœminarum drachmæ pondere poti, spem conceptionis adimunt. Sed & pediculus foliorum melle irrigatus, & vuluæ inditus, menses & partus extrahit. Succus autem instillatus, narium graueolentiam emendat, & earundem putrida vlcera expurgat. Hederæ verò lacryma, psilothrum est: ac illitu pediculos enecat. Radicum denique succus in aceto potus, morfis à phalangio succurrit.

De

De Chelidonia. CAP. CCXI.

CHELIDONIA maior caulē profert cubitalem, aut etiam altiore, gracilem, qui quidem adnatos habet ramulos foliis refertos. Sunt autem ea ranunculi foliis similia, at molliora tamen, & aliquantum colore glauco: flos verò secundum singula folia prodit, vti violæ albæ. Succus croceus est, acris, mordax, aliquantulum subamarus & graecolens. Radix supernè quidem singularis est, at infernè in multa crocea capillamenta fibratur. Fructus ceu corniculati papaueris, tenuis, longus, coni seu metæ figura, in quo exigua semina papaueris seminibus maiora concluduntur. Succus melli admixtus & in æreo vase prunis decoctus, oculorum aciem adiuuat. Foliis verò, radice & fructu ineunte æstate succus exprimitur: qui quidem siccatus in vmbra, digeritur in pastillos. Radix cum aniso ex vino albo pota, regio morbo medetur, itémque herpetibus, imposita cum vino: sed & commanducata, dentium dolorem sedat. Porro creditur chelidoniæ nomen sibi vendicasse, quòd primo statim hirundinum aduentu erumpat, earundemque discessu marcescat. Sunt & qui tradiderint, si quis ex hirundinum pullis excæcatus fuerit, matres admota herba illius cæcitati mederi, adeoque visum restituere.

De *Chelidonia minore*. CAP. CCXII.

Chelidonia minor, quàm syluestre triticum aliqui nuncuparunt, herbula est pediculis ab radice pendens, sine caule, foliis hederæ figura, sed multò rotundioribus ac minoribus, mollibus & subpinguibus circumdata. Radices habet ex eodem callo complures, pusillas, in granorum tritici modum acervatim congeſtas, quarum tamen tres quatuorve in longitudinem protenduntur. Cæterùm iuxta aquas palustriæque loca nascitur. Vim acrem obtinet, & anemones modo summam cutem exulcerat: psoras item & scabros vngues eximit. Succus verò radicibus expressus, addito melle, ad purgandum caput naribus vtiliter iufunditur.

De *Othonna*. CAP. CCXIII.

OTHONNAM aiunt nonnulli maioris chelidoniæ succum esse, quidam glaucij: alij floribus corniculati papaveris expressum succum: alij anagallidis cæruleæ, hyoscyami & papaveris succorum misturam esse contendunt. Alij denique Trogodyticæ cuiusdam herbæ succum, quæ Othonna vocetur: nascique eam in eo Arabiæ tractu, qui ad Ægyptum spectat. Habet hæc folia crucæ proxima, crebrò perforata & tanquam à tineis pertusa, squalore obsita, pauca: quare quidam anemones speciem esse

esse existimauerunt. Ex ea succus expressus, oculorum medicamentis conuenit, vbi expurgare opus est. Mordet enim, & quaecunque oculis caliginem offundunt absterget. Tradunt & humorem quendam ex herba emanare; qui elotus, semotis lapillis, in pastillos ad eadem digeratur. Aliqui tamen affirmant, lapidem Ægyptium esse, in Thebaïde nascentem, æreo colore, exigua magnitudine, gustu cum feruore quodam & astrictione mordaci.

De Myosotide, seu muris auricula.

CAP. CCXIII.

MVRIS auricula, quam myosotida vocant, caules promit ab vna radice plures, aliquatenus infernè rubentes & concavos: folia oblonga, angusta, dorsi spinam elatam & eminulam habentia, nigricantia, per interualla assidue geminata, & in mucronem desinentia. Prodeunt verò ex alis tenues cauliculi, in quibus flosculi cærulei, parui, vt anagallidis. Radix digitali est crassitudine, multis fibrata capillamentis. Est denique, vt semel finiam, herba scolopendrio similis, sed læuior ac minor. Huius radix imposita, agilopas sanat. Sunt & qui alfinem, myosotida vocitent.

De Isatide sativa, seu glasto.

CAP. CCXV.

ISATIS sativa, qua lanarum infectores v-
tuntur, folium habet plantagini simile,
verum pinguius nigriusque: caulem verò,
altitudine duos excedentem cubitos. Im-
posita folia, oedema quodvis atque tubercu-
la discutiunt, cruentaque vulnera glutinant.
Erumpentem quoque sanguinem sistunt, &
phagedænas, herpetas, erysipelata ac putre-
scentia ulcera sanant.

De Isatide sylvestri. CAP. CCXVI.

Isatis sylvestris, antedictæ similis est: sed
folia fert maiora, quæ ad lactuæ folia acce-
dunt: caules verò tenuiores, multifidos, qua-
dantenus rubentes: è quorum cacumine
folliculi multi linguarum figura depen-
dent, in quibus semen: florem denique lu-
teum ac tenuem. Eadem quæ & supra dicta
præstat, sed præterea lienosis tam pota quam
imposita auxiliatur.

De Telephio. CAP. CCXVII.

TELEPHIUM portulacæ simile est & fo-
liis & caule: alas verò binas habet, sin-
gulis foliorum geniculis inhærentes: ramu-
li seni septenive à radice fruticant, foliis re-
fertur cæruleis, crassis, lentis atque carnosis:
flores denique lutei sunt aut candidi. Vere
nascitur in vitibus locisque culis. Folia ad
icnas

senas horas imposita, leucem sanant: verum
postea hordeaceam farinam hydulaeo suba-
ctam adhibere oportet. Tollunt & vitiligi-
nes alphos dictas, ex aceto in sole illita: sed
vbi inaruerint, abstergi ea oportet.

Libri secundi finis.



PEDACII DIO-
SCORIDIS ANAZAR-

bæi De Medica materia,

Liber III.

TANO ANTONIO SARA-
CENO, LVGDVNAEO,
INTERPRETE.

Præfatio.



RIORIBVS quidem libris,
amantissime Aree, de aro-
matis, vnguentis, oleis, arbo-
ribus, earumque fructibus &
lacrymis: deindeque de a-
nimalibus, cerealibus, oleri-
bus & acrimonia præditis herbis egimus. In
S. j.

hoc verò tertio, de radicibus, succis, herbis & seminibus tum naturæ nostræ familiaribus, tum etiam medicamentosis, disseremus.

De Agarico.

CAP. I.



AGARICVM radix fertur silphij similis, non tamen densa summa facie, veluti silphium, sed tota rarior. Duo eius genera: mas inquam, & foemina. Præfertur verò foemina, quæ quidem rectas intus habet pectinum modo venas & quasi diuisuras. Mas autem rotundus est, & vndique congener ac sui similis. Sed est similis vtrique gustus: scilicet initio dulcis, mox ubi diffundi per os coeperit, in amaritudinem transit. Gignitur in Sarmatiæ regione, quæ Agaria dicitur. Sunt verò qui plantæ radicem esse affirmant: alij vti fungos ex putredine nasci in arborum caudicibus. Nascitur & in Galatia Asiæ & Cilicia in cedris, sed friabile & infirmius. Porro Agaricum astringendi calfaciendique vim habet: estque efficax contra tormina, cruditates, rupta & casus ab alto. Datur verò binis obolis ex vino mulso febrim non sentientibus: febricitantibus autem, in aqua mulsa: itémque hepaticis, suppuriosis, arquatis, dysentericis, nephriticis, ægrè meientibus, ab utero strangulatis, atque

quæ fædo pallore decoloratis drachmæ pondere exhibetur: phthificis autem ex paffo: ac lienosis in aceto mulso. A stomachicis verò per se ita vt est, manditur ac deuoratur, nullo liquore insuper absorpto: ac simili quoque modo datur acidum eructantibus. Sistit & sanguinis reiectiones, ternis obolis ex aqua sumptum. Facit & ad cõxendicum articulorũque dolores & comitiales morbos, si cum aceto mulso pari pondere assumatur. Menses quoque ciet, ac inflatione vteri vexatis mulieribus pari modo vtiliter exhibetur. Soluit & rigorem horroremve, datum ante febrilium accessionum initia. Sed & aluum purgat drachma vna aut altera, si cum aqua mulsa bibatur. Est & venenis pro antidoto, drachmæ vnius pondere cum diluta vini portione sumptum. Quin & serpentium ictibus ac morfibz tribus obolis ex vino potum auxiliatur. In summa internis omnibus vitiis subuenit, pro virium & ætatis ratione propinatum, his ex aqua, illis è vino, aliis in oxymelite, aliis denique ex aqua mulsa.

De Rha. CAP. II.

RHA, quod aliqui rheon vocant, prouenit in iis quæ supra Bosphorum sunt regionibus, ex quibus etiam affertur. Radix foris nigra, centauro magno similis, sed
S. ij.

minor ac intus rubicundior, sine odore, laxa seu fungosa & aliquantum levis. Optimum habetur quod teredines non sensit, si gustatu cum astrictione remissa lentescat, & commanducatum, colorem reddat pallidum & quodammodo ad crocum inclinantem. Id epotum facit ad inflationes, stomachi imbecillitatem, & omne genus dolores, ad conuulsiones, spleneticos, hepaticos, nephriticos, torminosos, itemque aduersus vesicæ & pectoris vitia, distensiones hypochondriorum, vterinos affectus, ischiadas, sanguinis excreationes, suspiria, singultus, dysenterias & coeliacorum affectus, contra febrium circuitus & venenatorum morsus. Dabis verò ad singulos affectus, eodem quo agaricum pondere, & cum eisdem liquoribus: scilicet feбри carētibus, in vino mulso: febricitantibus autem, ex aqua mulsa: phthificis, ex passo: spleneticis ex aceto mulso. At à stomachicis ita vt est mandetur, ac citra forbitionem vllam deuorabitur. Tollit quoque liuentia lichenasque, cum aceto illitum: atque inflammationes omnes veteres ex aqua impositum dissipat. Cæterum summa ipsius vis, astringens est cum aliquanto calore.

De

De Gentiana. CAP. III.

GENTIANA primū inuenta creditur à Gentio Illyriorum Rege, à quo etiam cognomentum habuit. Huius folia, quæ quidem proximè radicem sunt, iuglandi plantaginive similia, subrubentia: quæ verò in medio sunt caule, maximèque quæ circa cacumen, paulū dissecta. Caulis inanis, lævis, digiti crassitudine ac binū cubitorum altitudine, geniculis distinctus, & maioribus ex interuallis foliis circundatus. Semen verò habet in calycibus latum, leue, acerosum, quod ad sphondylii semen accedit. Radix longa qualis aristolochiæ longæ, crassa & amara. Nascitur in celsissimis montium iugis, locis vmbrosis aquosisque. Vis radici excafactoria & detergens. Contra venenatarum bestiarū morsus duabus drachmis cum pipere & ruta ex vino pota auxiliatur. Extracti succi drachma, ad laterum dolores, casus è sublimi, rupta & conuulsa prodest. Hepaticis quoque & stomachicis pota cum aqua subuenit. Radix collyrii modo subdita, partus eiicit: impositaque vt lycium, vulneraria est, & cuniculatim depascentibus vlceribus medetur: præcipuè verò succo, qui quidem oculis etiam inflammatione laborantibus illinitur. Miscetur & succus acriorib. collyriis pro meconio. Sed

S. iij.

& radix vitilignes alphas dictas absterget. Porro extrahendi succi ratio hæc est: Contusa radix ad dies quinque aqua maceratur, postea in eadem tantisper decoquitur, dum extent emineantque radices: ac ubi refrixit aqua, linteo excolatur, moxque discoquitur ad mellis crassitudinem, fictilique vase reconditur.

De Aristolochia rotunda. CAP. IIII.

ARISTOLOCHIA ex eo nomen accipit, quod optimè puerperis opitulari credatur. In eius generibus quædam est rotunda, quæ foemina vocatur. Foliis hæc est hederaceis, cum acrimonia odoratis, subrotundis, mollibus, cum multis ab vna radice germinibus. Sunt verò prælonga quasi sarmenta: flores candidi pileolorum similitudine, in quibus quod rubicundum est, grauit er olet.

De Aristolochia longa. CAP. V.

Longa autem Aristolochia mascula appellatur & dactylitis: foliis quàm rotunda oblongioribus, ramulis tenuibus, fermè dodrantalibus: flore purpureo, graueolente, qui, ubi defloruit, pyro similis euadit. Rotundæ radix in orbem rapi modo conglobatur. Longæ verò, digiti crassitudinem implet, dodrantalis aut etiam maior. Ambæ colore intus buxco, gustu amaræ ac virosæ.

De

De Aristolochia Clematide.

CAP. VI.

Est etiamnum tertia longa, quæ etiam clematidis, quasi sarmentola seu sarmentitia, vocatur, ramulos habens tenues, foliis refertos subrotundis, minori semperuiuo similibus: flores rutæ: radices longiores, tenues, crasso aromaque redolente cortice vestitas: quæ priuatim vnguentariis ad vnguentorum spissamenta conducunt. Porro cæteris quidem venenis resistit rotunda. At longa contra serpentes & venenata drachmæ pondere ex vino bibitur, atque etiam imponitur. Pota, pipere & myrrha additis, purgamenta omnia post partum in vtero relictæ, menses & partus eiicit. Eadem quoque efficit, subdita in pello. Sed & rotunda ad eadem, ad quæ & antedicta, est efficax. Ex abundanti verò suspiriis, singultibus, horribus, lieni, ruptis, conuulsis & lateris doloribus pota cum aqua auxiliatur. Extrahit & imposita aculeos ac spicula, ossiumque squamas remouet. Vlcera quoque putrida emarginat, sordidæque expurgat, & caua explet cum iride ac melle. Gingiuas denique ac dentes extergit. Creditur & clematidis ad eadem pollere: sed efficacia tamen cedit antedictis.

S. iiij.

De Glycyrrhiza. CAP. VII.

GLYCYRRHIZA, seu dulcis radix, plurima gignitur in Cappadocia & Ponto. Est verò frutex exiguus, ramis binûm cubitorum altitudine: circa quos folia sunt densa, lentisci, pingua tactûque glutinosa. Flos est hyacinthi: fructus platani pilularum magnitudine, asperior, qui siliquas habet lentium modo rufas, & paruas: radices longæ, buxei coloris, uti gentianæ, subacerbæ ac dulces: è quibus succus lycij modo elicitur. Est verò spissatus hic succus ad arteriæ scabritias efficax: verum oportet ut linguæ subditus eliquescat. Sed & æstuantî stomacho ac thoracis & iocineris vitiis conuenit: nec non ad vesicæ scabiem ac renum vitia vtiliter ex passo bibitur. Idem eliquatus, sitim sedat, illitûsque vulneribus accommodatur: atque commanducatus prodest oris affectibus. Quin & recentium radicum decoctum, ad eadem conuenit. Arida verò radix ad læuorem detrita, pterygiis commodè inspergitur.

De Centaurio maiore. CAP. VIII.

CENTAVRIUM magnum, quod aliqui narcen appellant, folia habet nucis iuglandis, oblonga, viridi brassicæ colore, serrata in ambitu: caulem verò, ceu rumicis, binûm aut etiam ternûm cubitorum, multis
ab

ab radice adnatis, in quibus capita ceu papaueris, in rotunditate longiuscula: flos cæruleus: ac semen cnico simile, veluti lanceis floccis quibusdam inuolutum. Radix est crassa, solida, grauis, ad bina cubita, succi plena, cum quadam astrictione ac dulcedine acris, rubescens. Amat solum pingue & apricum, ac syluas & colles. Cæterum copiose nascitur in Lycia, Peloponneso, Helide, Arcadia & Messenia, atque circa Pholoën, Lyciam & Smyrnam. Conuenit porrò radix ruptis, conuulsis, pleuriticis, dyspnœæ, veteri tussi, & sanguinem excreantibus: ac si quidem absit febris, in vino: sin minùs, ex aqua drachmis duabus trita exhibetur. Similiter quoque ad tormina & vuluæ dolores. Sed & derafa & in collyrij formam vuluæ subdita, menses atque partus extrahit. Eadem succus etiamnum præstat. Est & illa vulneraria: si quidem recens tusa, aut, si arida fuerit, antè macerata, deindèque tusa, vulnera colligat & conglutinat. Quin & tusam si quis simul cum carnibus coquat, carnes ipsæ cohærescent. Cæterum Lyciæ incolæ succum ipsius exprimunt, quo pro Lycio vtuntur. Vocata autem fuit Panacea, quoniam inflammationes omnes sedat, iectumque impetus lenit: atque calculosos, quibùsque substillum est lotium, iniectiōe sanat. Legitur verò paulò

ante Solis exortum, serena tempestate, per quam pleniora perfectioraque sunt omnia.

De Centaurio minore. CAP. IX.

Centaurium paruum seu tenue, quod aliqui limnæum, quasi palustre, vocant, quoniam humecta riguave amet loca, herba est hyperico aut origano similis: cuius caulis dodrante altior est & angulosus: flores ad lychnidis florum similitudinē è puniceo colore in purpuram vergunt: folia minuta, quadantenus longiora, veluti rutæ: semen tritico simile: radix pusilla, lævis & superuacua. Herba ipsa virens contusa & imposita, vulnera glutinat, vetera vlcera purgat & ad cicatricem perducit. Bilem autem humorēque crassos per aluum exigit, si decocta deuoretur. Ius verò decocti ischiadicis conuenienter infunditur: trahit enim sanguinem, dolorēque leuat. At succus oculorum medicamentis perquam utilis: quippe qui quæ pupillis caliginem offundunt vnà cum melle discutiat. Vuluæ subditus, menses & partus extrahit: peculiariter verò neruorum vitiis epotus prodest. Succī autem extrahendi ratio hæc est: Legitur herba semine prægnans & diebus quinque [aqua] perfunditur, deindēque coquitur, dum aquæ supereminet: mox vbi refrixit, exprimitur & per linteolum excolatur. Expressum [reiecto
spissa-

spiffamento] iterum coquitur, vsque dum mellis crassitudinem asciscat. Nonnulli eandem illam virentem prægnantemque semine contundunt, ex eaque succum exprimunt: quem fictili non picato inditum in sole lignea rude assidue mouētes inspissant. Quòd si quid concretum vasi adhærescat, identidem deradunt, reliquòque liquofi permiscunt. Noctu verò diligenter operiunt: quoniam ros liquidos succos coire densarique prohibet. Quicunque igitur succi è siccis radicibus aut herbis eliciuntur, coctura præparantur, veluti gentianæ succus. Qui verò ex recentibus corticibus, radicibus herbisve expressis; ad solem, vti antè dictum est, inspissantur. Hoc modò è thapsia, mandragora, vuis acerbis, cæterisque id genus, succus elicitur. At lycium, absinthium, hypocisthis, & consimilia, coctura, eo quo dictum est modo, coguntur & inspissantur.

De Chamæleone albo. CAP. X.

CHAMÆLEONEM album ideò ixian appellant, quòd quibusdam in locis viscum ad ipsius radices inueniatur, quo etiam pro mastiche vtuntur mulieres. Folia habet silybo aut carduo similia, sed chamæleonis nigri foliis asperiora, acutiora atque validiora. Caulem non promit: verum ex medio spinam echino marino aut cinaræ

similem erigit: flores verò emittit purpurascences, capillorum figura, qui in pappos euanescent: semen cnici simile: radicem in latis quidem collibus crassam, in montosis verò graciliorem, in profundo albam, aliquatenus aromaticam, odore graui, dulcem. Hæc pota acetabuli mensura, latum ventris lumbricum pellit. Sumitur verò in vino austero cum origani decocto. Hydropicis quoque commodè drachma in vino datur: etenim eos extenuat. Ipsius quoque decoctum, contra difficultatem vrinæ bibitur. Aduersatur & in vino pota virulentarum bestiarum venenis. Canes autem, suesque ac mures occidit, subacta cum polenta, aquaque & oleo diluta.

De Chamæleone nigro. CAP. XVI.

Chamæleon niger & ipse foliis scolymo similis est: ipsa tamen habet minora, tenuioraque ac rubro distincta. Caulem verò producit digitali crassitudine, dodrantalem ac subrubrum: qui quidem umbellam gerit, floresque spinosos, tenues, hyacinthi æmulos & versicolores. Radix est crassa, nigra, densa, interdum & exesa: quæ quidem dissecta flauescit, & commanducata mordendi vim habet. Prouenit in campis aridis cliuosisque, & maritimis locis. Radix trita, additis atramenti sutorij exiguo, cedrino oleo & axun-

axungia, pforas tollendi vi pollet. Eadem vnà cum sulphure ac bitumine in aceto decocta inunctaque, lichenas absterget. Eius autem decoctum, collutione dentium dolores mitigat. Sed & cum pari pipere & cera oblita radix, dentium doloribus auxiliatur. Fouentur & ea dentes, in aceto decocta & affusa. Dolentem quoque dentem comminuit, si per stylum calida illi adhibeatur. Maculas verò depurgat à sole contractas, & vitilignes cum sulphure emendat: septicis medicamentis admiscetur, ac denique imposita, phagedænica efferataque vlcera sanat & extirpat. Cæterum vt vocetur chamaeleo, foliorum varietate euenit. Nam pro locorum differentiis, hîc intensè viridia, illic albicantia, aliubi cyanea, alibi denique rubra reperiuntur.

De Crocodilio.

CAP. XII.

CROCODILIVM, chamaeleonis nigri figuram habet. Nascitur autem in syluosis, radice longa, leui, aliquantum lata, odore, vt nasturtij, acri. Feruefacta in aqua & pota radix, valet ad copiosum sanguinem per nares pellendum. Datur & lienosis, eos euidenter adiuuans. Sed & semen ei rotundum est ac duplex, veluti scutum: quod quidem urinam ciendi vim habet.

De Dipfaco. CAP. XIII.

DIPSACVS quoque aculeatarum stirpium generi ascribitur. Caulem habet altum, spinis horridum, & folia caulem amplectentia, lactucae foliorum æmula, bina in singulis geniculis, prælonga: quæ & ipsa aculeata sunt, ac ceu quasdam bullas in dorsi medio intus forisque spinosas habent: concavos autem sinus, qua parte bina illa folia ad geniculum copulantur, quibus aquas ex rore & imbris in sese colligunt: unde & dipfaci, quasi sitientis, nomen traxit. At in cacumine caulis singulis furculis singula insunt capitula, echino similia, oblonga & aculeata: quæ quidem arefacta, candida spectantur: diuisa verò per longitudinem, in media medulla vermiculos ostendunt. Huius radix è vino decocta tusaque, vsquedum sit cerati crassitudo, sedis rimas & fistulas immissa sanat. Verùm hoc medicamentum ænea pyxide recondendum. Aiunt & ipsum myrmecis verrucisque pensilibus remedio esse. Cæterùm capitulorum vermiculi folliculo illigati, & collo brachiove appensi, quartanas febres excutere perhibentur.

De Spina alba. CAP. XIII.

SPINA alba nascitur in montibus & locis syluosis. Folia fert chamaeleonis albi, sed angustiora & candidiora, aliquantum hirsuta &

ra & aculeata: caulem supra bina cubita altum, pollicari aut etiam ampliore crassitudine, candicantem ac intus cauum: cuius in cacumine capitulum est spinosum, echini marini amulum, at minus & oblongum. Flores purpurei, in quibus semen ceu cnici, sed rotundius. Huius radix pota, sanguinem excreantibus, stomachicis celiacisque confert: urinam ciet, ac œdematis imponitur. Eiusdem decoctum ad dolorem dentium collutione efficax est. At epotum semen, conuulsis puerulis, & à serpente demorsis auxiliatur. Sed & venenata animalia pro amuleto gestatum abigere traditur.

De Spina Arabica. CAP. XV.

Spina Arabica, natura spinæ albæ similis esse creditur. Siquidem astringit: & ad fluxum muliebrem, sanguinis reiectionem, cæterasque fluxiones radix simili modo valet.

De Scolymo, seu carduo.

CAP. XVI.

SCOLYMVS folia habet chamæleonis, & spinæ quæ alba dicitur: at nigriora & crassiora. Caulem edit longum, foliis obtutum: in quo capitulum est spinosum. Radix subiacet nigra, crassa: quæ suapte vi alarum reliquique corporis graucolentiam emendat, seu inspersa, seu decocta in vino ac bibita. Copiosam enim urinam foetidamque ex-

pellit. Herba verò recens nata, si asparagi modo elixetur, oleris vicem subit.

De Poterio. CAP. XVII.

POTERIVM Iones neurada vocāt. Grādis est frutex, ramulis longis, mollibus, lori modo lentis ac flexilibus, tenuibus, tragacanthæ proximis: foliis verò parvis & rotundis. Totus autem frutex tenui obducitur lanosa lanugine, estque spinis horridus. Flores sunt parvi, candidi: semen verò gustu odoratum & acre, sed nullius vsus. Nasceitur in sabulosis locis, atque collibus. Radices subsunt binum ternumve cubitorum altitudine, firmæ ac nervosæ: quæ proximè terram recisæ, lacrymam fundunt gummi similem. Tusæ autem ac illitæ, præcisos nervos vulneraque glutinant. Decoctum quoque eius epotum, vitiiis nervorum prodest.

De Acanthio. CAP. XVIII.

ACANTHIVM folia gerit spinæ albæ similia, in summo verò eminentias aculeatas, araneosa lanugine obductas: è qua collecta textaque vestes bombycinis similes fieri aiunt. Ipsa radix foliaque potu, opisthotono laborantibus auxiliantur.

De Acantha seu acantho. CAP. XIX.

ACANTHA, seu herpacantha (quasi serpens spina) nascitur in hortis, petrosis ac humentibus locis. Folia habet lactuceis

ceis latiora multò & longiora, erucæ diuifura, nigricantia, pingua ac læuia: caulẽm læuem, binũm cubitorum, digitali crassitudine, prope verticem ex interuallis foliolis quibusdam, ceu alueolis, circundatum oblongis, hyacinthinis, è quibus flos prodit albus, semen oblongum ac luteum: caput verò thyrsi specie. Radices subiacent viscosæ, mucosæ, rusæ ac longæ: quæ quidem ambustis igni luxatisque impositæ profunt: potè verò, vrinam cient, aluũmque cohibent. Phthificis quoque, ruptis & conuulsis subueniunt.

De Acantha Syluestri. CAP. XX.

Est & syluestris Acantha, carduo similis, aculeata, breuior satiuæ, eaque quæ in hortis prouenit. Eius verò radix ad eadem, ad quæ superior, est efficax.

De Anonide. CAP. XXI.

ANONIS, quam aliqui ononida appellant, ramos habet dodrantaes ac etiamnum maiores, fruticosos, frequentibus geniculis cinctos, multis alarum cauis præditos, itẽmque capitulis rotundis: foliolis verò pusillis, tenuibus ceu lenticulæ, ad rutæ aut pratensis loti folia accedentibus, subhirsutis, odoratis, nec iniucundè olentibus. Muria conditur antequam spinas producat, estque cibus gratissima. Ramuli porrò spinis acutioribus ac spiculorum instar solidis,

T. j.]

horrent. Radix verò candida est, quæ ex-
 facit & extenuat. Huius cortex ex vino po-
 tus, urinam ciet, & calculos comminuit: i-
 dem vlcerum crustas emarginat. Caterùm
 radix decocta in posca, dentium dolorem
 collutione mitigat. [Huius quoque deco-
 ctum potum, hæmorrhoidas sanate credi-
 tur.]

De Leucacantha. CAP. XXII.

LEVACANTHA radice est cyperi, ama-
 ra, & valida: quæ quidem commanduca-
 ta, dentium dolorem sedat. Ipsius verò de-
 coctum cyathis tribus ex vino potum, veteri
 laterum dolore vexatis, ischiadicis, ruptis &
 conuulsis auxiliatur. Sed & epotus radice
 succus, eisdem præbet effectus.

De Tragacantha. CAP. XXIII.

TRAGACANTHÆ radix lata est & li-
 gnosa, ac supra terram etiam eminet: à
 qua surculi humiles, robusti, latissimè fusi: &
 in ipsis foliola numerosa, tenuia: inter quæ
 aculei sese proferunt, quos ipsa occulunt,
 candidi, firmi rectique. Est & tragacantha,
 lacryma quæ super resecta radice concre-
 scit: quo in genere præstat pellucens, lævis,
 gracilis, sincera ac subdulcis. Vim porrò ha-
 bet, æquè ac gummi, cutis spiracula ob-
 struendi. Huius autem increbuit vsus ad o-
 culorum medicamenta, itémque ad tussim,
 exaspe-

exasperatas fauces & vocem interceptam, atque destillationes, cum melle in delinctu. Sed & linguæ subdita, liquefcere finitur. Bibitur quoque drachmæ pondere in passo macerata contra renum dolorem & vesicæ rosionem, mixto cornu cerui vsto & eloto, aut scissi aluminis momento.

De Eryngio. CAP. XXVIII.

ERYNGIVM est in aculeatarum stirpium genere: cuius folia primo germinatu muria condita in cibos oleris vice recipiuntur. Lata autem sunt & extremo ambitu aspera, gustu aromatica. Sed ubi augefcunt, circa complures caulium eminentias in spinas aculeantur: in quorum summitatibus globosa sunt capitula spinarum acutissimarum durarumque ambitu stellatim circumuallata. Horum color aliâs viridis, nunc pallidus, aliâs albus, interdum etiam cæruleus inuenitur. Radix oblonga, lata, in superficie quidem nigra, intus verò albicans, pollicis crassitudine: quæ & ipsa odorata est, & aromaticum quiddam resipit. Nascitur in campestribus & asperis locis. Vim porrò habet calfactoriam: pota, menses urinâsque pellit, ac tormina inflationesque discutit. Hepaticis quoque, venenatorum morsibus, & iis qui venenum hauserunt, cum vino succurrit. Bibitur verò utpluri-

T. ij.

mum drachmæ pondere cum pastinacæ semine. Cæterum tum amuleti instar ad alligata, tum & illita, discutere tubercula perhibetur. Pota verò cum hydromelite radix, opisthotonicis & comitialibus medetur.

De Aloë. CAP. XXV.

ALOË folium habet scillæ similitudine, crassum, pingue, in rotundo modicè latum, retrorsum pandum. Sed utrinque habent folia ex obliquo spinulas raris intervallis prominentes, easque breves & quasi decurtatas. Caulem verò profert antherico non dissimilem, florem album, & semen ceu hastulæ regiae. Est autem tota odore graui, & gustu amarissima. Unica verò radice ceu palo in terram demisso nititur. Plurima in India præpinguisque nascitur: ex qua etiam coactus succus importatur. Nascitur & in Arabia, Asia, ac in locis quibusdam maritimis & insulis, velut in Andro, non valdè eliciendo succo idonea: sed ad conglutinanda vulnera sanè quàm utilis, si trita illinatur. Duo sunt porrò succi genera: alterum arenosum, quod purissimæ veluti sæx & crassamentum esse videtur: alterum, quod ad iecinoris imaginem vergit. Eligito pinguem, quæ nihil doli senserit, calculorum expertem, nitidam, subflavam, friabilem, iecinoris modo coactam, quæque facile lique scat, eximæ-

eximiæque sit amaritudinis. Nigram contra fractûque contumacem improbato. Sunt qui eam gummi adulterent: id quod gustu, amaritudine & odoris vehementia apprehenditur, eoque indicio, quod attrita digitis non ad minima usque ramenta resoluitur. Neque desunt qui acaciam immisceant. Vim habet astringendi, somnum conciliandi, exiccandi, corpora densandi, aluum soluendi, stomachumque repurgandi, si binum cochlearium mensura ex aqua frigida aut lactis instar tepida seu egelida bibatur. Sanguinis etiamnum excreationes sistit, & morbum regium emendat, ex aqua tribus obolis, aut drachmæ pondere, in potu. Deuorata verò cum resina, aut aqua vel melle cocto excepta, aluum soluit: ternum autem drachmarum pondere, perfectè purgat. Sed & aliis purgantibus medicamentis admista, præstat ut minus stomachum infestent. Sicca verò inspersa, vulnera glutinat, vlcerâque ad cicatricem perducit cohibetque: eadem peculiariter exulceratis genitalibus medetur, & disrupta puerorum præputia agglutinat, Quin & condylomata rimasque sedis dulci vino ammixto sanat. Sanguinis ex hæmorrhoidibus eruptiones sistit, pterygia ad cicatricem ducit: liuida & sugillata, hypopia dicta, ex melle tollit. Scabras quoque lip-

T. iij.

pitudines, angulorumque in oculis prurigin-
 nes mitigat. Dolorem capitis sedat, ex aceto
 & rosaceo fronti ac temporibus illita. Sed
 & cum vino fluentem capillum continet:
 itidemque tonsillarum, gingivarum cæte-
 rarumque oris partium vitis cum melle ac
 vino proficit. Cæterum ad oculorum medi-
 camenta torretur in munda & candente re-
 sta, ligulaque subinde versatur, donec æqua-
 liter tosta fuerit. Lauatur & aloë: atque id
 quod arenosum subsidet, tanquam inutile
 secernitur: pinguißimum autem quodque
 læue est, recipitur.

De Absinthio. CAP. XXVI.

ABSINTHIUM, bathypicron dictum,
 herba est vulgo cognita. Præstantius in
 eo genere, quod in Ponto & Cappadocia in
 monte Tauro appellato nascitur. Vim por-
 rò habet calfaciendi, astringendi, conco-
 ctiones adiuuandi, biliosaque detrahendi,
 quæ stomacho & aluo inhæserunt. Vrinam
 etiam cit, & crapulam in potu præsumptum
 arcet. Valet & aduersus inflationes, itémque
 ad discutiendos ventris & stomachi dolo-
 res, cum seseli aut nardo Celtico potum. Fa-
 stidia quoque absterget, arquatósque sanat
 ipsius madefacti dilutum, vti & decoctum,
 quotidie tribus cyathis haustum. Sed &
 menses trahit seu potum, seu etiam cum
 melle

melle appositum. Contra fungorum strangulationes conuenienter ex aceto bibitur. E vino autem, ixiæ necnon & cicutæ venenis aduersatur, ac muris etiam aranei morfibus, itémque draconi marino. Anginæ eocum melle & nitro perunguntur, vt epinyctides ex aqua. Ad sugillata hebetiorémque oculorum aciem ex melle illinitur, similiterque auribus sanie manantibus. Quin & aurium dentiúmque dolores decoctum vaporis suffitu compescit. Decoctum vnà cum passo, vehementer dolentibus oculis adhibetur. Imponitur & hypochondriis hepaticæque diuturno dolore infestatis, tritum cum cerato cyprino: stomacho verò longa valetudine laboranti, cum rosaceo. Admistis ficubus, nitro & loliacea farina, hydropicis lienosisque subuenit. Vinum denique ex eo paratur quod absinthite vocant, præsertimque in Propontide & Thracia: quo ad antedicta vtuntur, si febris abest. Adde quod de ipso æstate propinant, corporibus bonam valetudinem præstare existimantes. Creditur & vestiariis arcis inspersum absinthium, vestes à tinearum iniuria vindicare: itémque ex oleo perunctum, culices abigere, & à corpore arcere. Cæterum atramentum librarium ex diluto eius temperatum, libros à musculorum erosione tuetur. Existimatur

T. iiii.

& expressi succus eisdem præstare effectus. Attamen potionibus improbatur, quòd stomacho sit inimicus, dolorémque capitis cieat. Sunt verò qui succum amurcæ decoctæ permistione adulterant.

De Absinthio marino. CAP. XXVII.

Absinthium marinum quidam Seriphium vocant: quod quidem copiosissimum in Tauro monte iuxta Cappadociam gignitur, & in Taphosiri Ægypti. Id Isidis sacris initiati pro oleagino ramo præferre solenne habent. Est autem herba prætenuibus surculis, abrotoni parui similitudine, minutulis referta seminibus, subamara, stomacho inimica, graueolens, & cum quadam calfactione astringens. Hæc per sese aut cum oryza cocta, assumptaque cum melle, ascariidas teretisque lumbricos enecat, leuiter simul & semel aluum subducens. Sed & cum sapa aut lenticula decocta, eadem præstare potest. Cæterum pecora hoc maximè pabulo pinguescunt.

De Absinthio Santonico.

CAP. XXVIII.

Est & tertium Absinthij genus, quod copiosissimum in Gallia Alpibus finitima nascitur. Id patrio nomine Santonicum appellant, tracto à Santonum regione, in qua gignitur, cognomento. Absinthio est simile,
attamen

attamen non adeò feminis fœcundum, verum subamarum & eiusdem cum Seriphio facultatis.

De Abrotono.

CAP. XXIX.

ABROTONVM duorum traditur generum: ac fœmina quidem, frutex est arboris specie, candicans, foliis circa ramulos Seriphij modo minutim incisis, floribus refertos habens in summo quasi corymbos, auri fulgore, æstate prouenientes, iucundi odoris cum grauitate quadam, at gustu amaro. Hoc genus Siculum esse creditur. Alterum mas vocatur, sarmentosum, gracilibus ramulis, velut absinthium. Plurimum in Cappadocia gignitur & Galatia Asiatica, atque in Syriæ Hierapoli. Vtriusque semen seu feruefactum, seu crudum tritum & ex aqua potum, orthopnœæ, ruptis, conuulsis, ischiadicis doloribus, vrinæ angustis & mensibus commorantibus auxiliatur. Est & in vino potum exitialium venenorum antidotum. Rigore prehensis ex oleo vtiliter illinitur. Serpentes quoque tum substratu, tum etiam nidore fugat. Sed & contra morsus eorum cum vino bibitum prodest: priuatim verò pollet contra phalangiorum & scorpionum ictus. Subuenit & oculorum inflammationibus, cum cotoneo cocto aut pane impositum. Discutit quoque panos,

cum farina hordeacea cruda tritum decoctumque. Miscetur denique & olei irini compositioni.

De Hyssopo.

CAP. XXX.

HYSSOPVM herba nulli non cognita, duum est generum: montanum enim quoddam est, hortense alterum. Laudatissimum est, quod in Cilicia nascitur. Vim habet attenuandi & excalfaciendi. Decoctum cum ficis, aqua, melle & ruta, potu peripneumoniacis, asthmaticis, diuturnæ tussi, distillationi & orthopnoeæ auxiliatur: itemque ventris animalia enecat. Idem præstat, si cum melle delingatur. Humores crassos per aluum extrahit eiusdem decoctum, cum oxymelite potum. Estur & cum viridibus ficis detritis ad subducendam aluum, sed valentius deicit, admisto nasturtio vel iride aut irione: meliorem quoque colorem cuti conciliat. Lienî verò ac hydropi cum ficu nitroque illinitur: ex vino autem, inflammationibus. Discutit & sugillata, cum feruente aqua impositum. In anginis cum decocto ficuum efficacissime gargarizatur. Cæterum cum aceto decoctum, dentium dolorem collutione mitigat, & aurium inflationes vaporis suffitu discutit.

De

De Stœchade. CAP. XXXI.

STŒCHAS in insulis Gallix gignitur, quæ è regione Massiliæ sitæ Stœchades appellantur: & ab iis quoque nomen accepit. Herba est tenuibus furculis, coma thymi, sed folio longiore, gustu acris & aliquantum subamara. Decoctum huius, vt & hyssopi, ad pectoris vitia efficax est. Antidotis quoque vtiliter immiscetur.

De Origano. CAP. XXXII.

ORIGANVM Heracleoticū, quod nonnulli cunilam appellant, folium habet hyssopo non dissimile: vmbellam autem non in rotæ speciem orbiculatam, sed veluti diuisam, & semen in summis virgis haudquaquam densum. Vim habet excalfaciendi: ac proinde ipsius decoctum ex vino potui datum, venenatorum morsibus conuenit. Ex passio verò, iis prodest qui cicutam aut meconium: ex aceto mulso, iis qui gypsum aut ephemerum hauserunt. Conuulsis autem, ruptis & hydropi medetur, cum fico esui datum. At aridum, acetabuli mensura cum aqua mulsa epotum, atros humores per aluum extrahit, menses ciet: ac tussi cum melle delinctum medetur. Prurigini autem, pforæ ac morbo regio decoctum ipsius in balneo prodest. Succus virentis, tonsillis, vuulis & aphthis medetur: & in nares ex

oleo irino infusus, caput purgat: aurium quoque dolores ex lacte mitigat. Conficitur denique ex eo, capis ac rhois frutice quo ad obsonia vtuntur, vomitorium medicamentum, his omnibus in cupreo vase per Caniculæ ardores ad dies quadraginta insolatis. Substrata autem herba, serpentes fugat.

De Onitide. CAP. XXXIII.

Quod Onitis appellatur, foliis est candidioribus, hyssopoque similis: ac semen habet, veluti corymbos cohærentes ac sibi inuicem incumbentes. Vis tamen eadem, quæ Heracleotico: at minùs efficax.

De Origano sylvestre. CAP. XXXIII.

Sylvestre origanum aliqui panaces Heraclium vocant, alij cunilam: quo in numero est Nicander Colophonius. Foliis est origani, virgultis dodrantalibus, tenuibus, in quibus umbellæ anethi insunt, flores candidi: radix tenuis ac inutilis. Priuatim venenatorum moribus folia & flores ex vino in potu auxiliantur.

De Tragorigano. CAP. XXXV.

TRAGORIGANVM, exiguus est frutex, folio & ramulis origano aut sylvestri serpyllo similis. Quoddam pro locorum ratione lætius ac speciosius, foliisque latioribus inuenitur, satis glutinosum. Alterum gracilibus est surculis, exilioribusque foliis: quod

quod etiam prasium aliqui vocauerunt. Optimum est Cilicium, quodque in Co, Chio, Smyrna Cretaque prouenit. Omnia exalfaciunt, urinas cient, bonamque faciunt aluum, si decocti ius ebibatur: siquidem biliosa deiciunt. Profunt & lienosis ex aceto pota: itemque ex vino, iis qui ixiam hauserunt. Quin & menses trahunt, & in tussi ac peripneumonia ex melle in eclegmate datur. Est & eorum potio non ingrata: quod fit ut cibum fastidientibus, stomacho male affectis, acidaque ruetantibus exhibeatur, iisque itidem quos qualis ex maris agitatione anxietas, nausea & praecordiorum aestus comitantur. Discutiunt insuper oedemata, si cum polenta illinantur.

De Pulegio.

CAP. XXXVI.

PVLEGIUM, herba vulgaris notitia. Extenuat, calfacit, concoctiones adiuuat. Bibitum, menstrua, secundas & partus eiicit. Pulmonum vero vitia excreabilia facit, cum sale & melle potum: ac conuulsis etiam auxiliatur. Nauseas & stomachi rosiones ex posca bibitum permulcet: atros etiamnum humores per aluum exigit. Venenatorum quoque moribus in vino potum succurrit. Defectos animo recreat, cum aceto naribus admotum. Gingiuas etiam arefacti cinere corroborat. Illitum vero cum polenta,

inflammationem omnem lenit: & podagricis per se prodest, impositum dum rubescat locus. Cum cerato autem, varos extinguit: ac lienosis etiam confert, cum sale adhibitum. Cæterum decoctum ipsius pruriginis lotionem mitigat, & vulvæ inflationibus ac duritiæ, eiusdemque conuersionibus infestatione subuenit. Aliqui porrò blechona vocant: quoniam, dum floret, à pecoribus gustatum, balatum concitat.

De Dictamnno. CAP. XXXVII.

DICTAMNVM, quod sylvestre pulegium aliquibus appellatur, herba est Cretenfis, acris, lævis, pulegio similis: at maioribus lanuginosisque foliis, ac lanosa quadam veluti pube obductis. At neque florem neque semen profert. Præstat verò omnia quæ sativum pulegium, sed efficacius multò. Nam non potum modò, sed & appositum ac suffitum, partus emortuos eiicit. Aiunt & in Creta capras tela quibus iectæ sunt huius herbæ pastu excutere. Porrò purgandi vim habet succus ipsius illitus, aut cum polenta affricus. Imposita verò herba, plantæ pedum reliquove corpori impactos aculeos refigit extrahitque. Est & efficax ad lienis dolorem: siquidem ipsum imminuit. Legitur autem æstate & autumno. Radix gustu excalfacit, necnon & partum accelerat. Sed
& suc-

& succus cum vino potus, contra venenatorum morsus auxilio est. Herbae verò tanta vis est, vt ictu venenato sauiantes bestias & olfactu abigat, & contactu perimat. Ceterum expressus ex ea succus, vulneribus ferro illatis aut venenatis moribus instillatus, praesentaneo est remedio, si praeterea in potu assumatur.

De Pseudodictamno.

CAP. XXXVIII.

Quod Pseudodictamnium vocant, multis in terris nascitur, antedicto simile, at minùs quàm illud acre. Eisdem verò praebet effectus, at inefficaciùs.

De altero Dictamno Cretico.

CAP. XXXIX.

Defertur & è Creta alterum Dictamni genus, folio sisymbrij: at ramis maioribus, in quibus flos emicat sylvestris origani, niger ac mollis. Odor foliorum inter sisymbrium & saluiam medius, iucundissimus. Ad eadem ad quæ & antedictum efficax, sed minùs nares ferit. Miscetur & emplastris ac theriacis compositionibus.

De Salvia. CAP. XL.

SALVIA, quam Græci elelisphacon, alij Selaphoboscon, alij denique sphagnon nominant, frutex est oblongus, ramis numerosis, virgas habens quadrangulas & al-

bicantes: folia mali cotoneæ effigie, sed longiora, asperiora crassioraque, & attritarum vestium modo ita parum villosa, vix ut quisquam villos animaduertat, subalbida, vehementer odorata, sed virosa: semen summis in caulibus syluestri hormino simile gerit: in asperis nascitur. Foliorum ramorumque decoctum, vim habet epotum urinas mensesque ciendi, partus extrahendi, & pastinacæ marinæ ictibus auxiliandi. Capillos quoque denigrat salua, vulnerariaque est, & sanguinis cohibendi vi prædita: ac denique fera repurgat vlcera. Sed & folia ac ipsi etiam rami, si in vino decoquantur, genitalium pruritus fotu sedant.

De Menta satua. CAP. XLI.

MENTA, ab odoris suauitate hedyosmos Græcis dicta, quam alij mintham vocant, cognita herbula est. Calfaciendi, astringendi atque exiccandi vi prædita: quamobrem sistit sanguinem ipsius succus ex aceto potus, teretesque lumbricos enecat, & Venerem stimulat. Singultus, vomitiones choleramque sedant bini ternive ramuli, cum acidi granati succo epoti. Discutit & abscessus, si cum polenta adhibeatur: & imposita fronti, dolores capitis leuat: mammas distentas & nimio lacte turgentes compescit. Cum sale verò, canum moribus
impo-

imponitur. Succus autem aurium doloribus cum aqua mulsa subuenit. Porro mulieribus ante coitum subdita, conceptioni resistit, & asperam linguam affricata læuigat. Coire lac densarique in caseum non patitur, si illi folia immergantur. In summa stomacho utilis est, & condimentorum misturæ familiaris.

De Menta sylvestri.

CAP. XLII.

Sylvestris Menta, seu mentastrum, hirsutioribus est foliis, & prorsus maior sisymbrio: at odore magis viroso. Quare minùs ad fanorum vsus idonea est.

De Calamintha.

CAP. XLIII.

EX Calaminthæ generibus quædam moribus familiaris, folia habet ocimi, incana, surculos & caules angulosos, ac florem purpureum. Altera pulegio similis est: sed maior, quam sylvestre pulegium ideò vocarunt, quòd & odore ipsum æmuletur: hanc Latini nepetam vocitant. Tertia mentastrum cognata est, foliis oblongioribus, caule & ramis quàm superiora genera maioribus: sed viribus inefficacior. Omnium folia gustu impensè feruentia & acria: radix superuacua. Nascitur in campestribus locis, asperis ac præhumidis. Siue pota, siue imposita, demorsis à serpente opitulatur. Sed & decoctum potu vrinas pellit: ruptis quoque,

V. i.

conuulsis, orthopnoæ, torminibus, cholerae ac rigori auxiliatur. Præsumpta in vino, venenis resistit, & regium morbum expurgat. Teretes lumbricos & ascaridas cum sale & melle pota enecat: seu cocta, seu etiam cruda contrita fuerit. Elephanticos etiam esitata iuuat, si serum lactis superbiberint. Detrita folia in pello subdita, partus enecant & menses extrahunt. Eadem accensa & substrata, serpentes fugant. Porro cicatricibus nigris etiam candorem reddit in vino cocta & imposita, ac fugillata quoque emendat. Ischiadicis itidem imponitur, vt humores ex alto euocet, summam cutem adurens. Succus denique vermes aurium necat instillatus.

De Thymo.

CAP. XLIIII.

THYMVM ab omnibus cognoscitur, exiguus frutex, surculosus, exilibus foliis, multis & angustis circumdatus: habens in cacumine floris capitula purpurascencia. Maximè verò petroso tenuique solo nascitur. Potum cum sale & aceto, vim habet pituitam per aluum detrahendi. At eius decoctum cum melle, orthopnoicis & anhelatoribus auxiliatur. Sed & lumbricos, menses, partus & secundas pellit. Vrinæ quoque ciet. Cum melle verò in eclegmate sumptum, excreabilia pectoris vitia facit. Ex
aceto

aceto autem impositum, œdemata recentia discutit, sanguinis grumos dissolvit, ac thymos pensilésque verrucas tollit. Quin & ischiadicis cum vino & polenta impositum subuenit: hebetiore oculorum acie præditis in cibo confert. Est denique pro condimento ad sanorum vsus perquàm utile.

De Thymbra. CAP. XLV.

THYMBRA quoque nota est: quippe quæ gignitur in tenui solo, asperisque locis, thymo similis: at minor tamen ac tenerior, spicam ferens florum plenam, virentem. Eadem potest quæ thymum, si modo simili assumatur, atque itidem sanorum vsui apta est. Est & satiuæ quædam Thymbra, syluestri ad omnia inefficacior: quæ tamen propter mitiorem acrimoniam commodiùs in cibos recipitur.

De Serpyllo. CAP. XLVI.

SERPILLUM est quoddam hortense, quod quidem odore sampsuchum imitatur, & in coronas addi solet: ita dictum à serpendo, quòd radicetur quacunque sui parte terram attingat. Habet autem folia & ramulos origani, verùm coloris candidioris, & è maceris demissum longiùs latiùsque propagatur. Alterum sylvestre, quod etiam zygis appellatur, minimè serpit: at in altum assurgens, ramulos edit tenues ac furculosos,

. ij.

foliis rutæ similibus refertos, verùm vtcun-
que angustis, longioribus atque durioribus.
Flores gustanti acres, iucundi odoris: radix
nullius vsus. Nascitur in petris efficacius,
magisque excalfaciens, & ad medendi vsum
aptius, quàm sit hortense. Potum siquidem,
menses trahit, urinamque ciet. Tormini-
bus, ruptis, conuulsis & iocineris inflamma-
tionibus auxiliatur. Est & efficax aduersus
serpentes, tum potum, tum & impositum.
Decoctum in aceto, capitis dolorem adiecto
rosaceo lenit, si modò in caput irrigetur:
maximè verò in lethargo ac phrenitide
conuenit. Cæterùm cruentam vomitionem
sedat succus, drachmis quatuor ex aceto
potus.

De Sampsucho.

CAP. XLVII.

SAMPSUCHVM in Cyzico ac Cyprio lau-
datissimum: secundum ab hoc locum si-
bi vendicat Ægyptium. Vocatur autem à
Cyziceis & Siculis Amaracum. Herba est
ramosa, per terram repens, foliis hirsutis ac
rotundis, tenuioris folij calaminthæ æmu-
lis, vehementer odorata & excalfaciens: ne-
xilibusque coronis inseritur. Decoctum i-
psum, potu incipientibus hydropicis vtile, vt
& iis quos urinæ difficultas aut tormina ex-
cruciant. Illita ex melle arida folia, sugillata
tollunt: mensesque subdita in pello trahunt.

Contra

Contra scorpionis ictum ex aceto & sale illinuntur. Luxatis autem cerato excepta imponuntur, itémque œdematis cerato similiter excepta. Sed & ad oculorum inflammationes cum polline polentæ illinuntur. Cæterùm acopis & malagmatis excalfaciendi gratia commiscentur.

De Meliloto, seu fertula Campana.

CAP. XLVIII.

SERTULA Campana laudatissima, quæ in Attica, Cyzico & Chalcedone nascitur: quæ quidem croco similis odoratâque est. Nascitur & in Campania circa Nolam, in luteum colorem vergens, & odore infirmo. Vim habet astringendi, inflammationemque omnem emolliendi, præsertim oculorum, vulvæ, sedis ac testium, si ex passio decocta imponatur: addito interdum oui luteo assato, aut fœnigræci farina, lini semine aut tritici polline, aut denique capitulis papaue-
ris, intybôve. Sanat & recentes meliceridas per se cum aqua, & vlcera manantia in capite, cum terra Chia & vino aut galla inuncta. Stomachi dolorem in vino decocta, itémque cruda cum aliquo ex antedictis leuat. Dolores etiam aurium cum passio mitigat succus ex ipsa cruda expressus & instillatus. Denique capitis dolorem ex aceto & rosaceo irrigatus lenit.

V. iij.

De Mayo. CAP. XLIX.

MARVUM seu hysobrium, herba vulgo cognita, surculosa, flore origani, attamen foliis multò candidioribus ac flore odoratiore. Vim habet sisymbrio consimilem: siquidem substringit & modicè calfacit. Qua de causa nomas sistit impositum, & in calidās perunctiones additur. Iuxta Magnesium & Tralleis copiosissimum gignitur.

De Acino. CAP. L.

ACINVS seu aconus, herba est gracili surculo, coronaria, ocimo similis: sed hirsutior atque odorata. Apud nonnullos etiam in hortis seritur. Alium mensesque pota sistit: ac panos & erysipelata imposita sanat.

De Bacchare. CAP. LI.

BACCHARIS herba est fruticosa, odorata, ex qua itidem coronæ factitantur. Huius folia aspera, magnitudine inter violam & verbascum media: caulis angulosus, cubiti petens altitudinem, aliquantulum asper, nec sine adnatis appendicibus: flores purpurei, subalbicantes & odorati: radices veratro nigro similes, quibus odor est cinnamomo proximus. Solum amat asperum minimèque humidum. Radix in aqua decocta, convulsis, ruptis, euersis seu ex alto præci-

præcipitatis, spirandi difficultati, tussi veteri ac vrinæ difficili auxiliatur. Menses quoque pellit, & contra serpentium morsus vtiliter ex vino propinatur. Subdita vnica è tenellis radicibus, partus extrahit. Decoctum verò, puerperis insidentibus vtile. Vtiliter quoque in diaspasmata inferitur: quippe quæ magnam habeat odoris gratiam. Folia, vt pote quæ astringant, capitis doloribus adhibita profunt, itémque aurium inflammationi, ægilopiis incipientibus, & mammis à partu inflammatis, atque etiam erysipelatis. Cæterùm & ipse odor somnum gignit.

De Ruta. CAP. LII.

RUTA montana & syluestris, satiuæ & hortensii acrior est, & in cibis damnata. Est autem in hortensis genere aptior eius, quæ iuxta ficos prouenit. Vtrunque porro genus vrendi vim habet, calfacit, exulcerat, vrinam ciet, menses ducit, ac tum ciborum etiam potum aluum sistit. Semen acetabuli mensura è vino bibitum, contra lethalia medicamenta est pro antidoto. Quin & folia per se præsumpta aut cum nucibus iuglādibus aridisque ficis, venena irrita & inefficacia reddunt. Sed & simili sumpta modo, contra serpentium ictus valent: genituram seu esitata seu bibita ruta extinguit: decocta verò cum anetho sicco, tormina potum

V. iij.

sedat. Facit & ad pectoris laterumque dolores, spirandi difficultatem, tusses, pulmonis inflammationem, coxendicum articulumque cruciatus, & rigores febrium circuitu repetentes, pota velut antè dictum est. Item ad inflationes coli, vulvæ rectique intestini, cum oleo decocta & infusa. Vulvæ etiamnum strangulatu medetur, si trita cum melle genitali sedetenus imponatur. Feruefacta ex oleo & pota, lumbricos expellit. Sed & articulariis doloribus, ex melle: & aquæ subter cutem fusæ morbo cum ficubus adhibetur. His iisdem in potu auxiliatur, itémque decocta in vino ad dimidias partes & affrieta. Cruda quoque conditaque, in cibo aciem oculorum excitat: quin & oculorum dolores imposita cum polenta lenit. Caput dolentibus cum rosaceo & aceto succurrit: ac profluentem naribus sanguinem sistit, trita & indita. Testium inflammationibus cum laureis foliis imposita, & papularum eruptionibus cum myrteo cerato prodest. Cum vino autem, pipere ac nitro affrieta, vitiligini albæ medetur, & cum iisdem illita, thymos ac myrmecias tollit. Contra impetigines cum melle & alumine vtiliter imponitur. Succus verò in mali Punici calyce calfactus, aurium doloribus efficaciter infunditur. Opitulatur & aciei

ocu-

oculorum hebetiori, si additis fœniculi succo ac melle oculi ipsi eo inungantur. Erysipelata, herpetas & vlcera in capite manantia, cum aceto, cerussa & rosaceo, inunctio-
ne sanat. Ipsa verò ruta alliorum cæparum-
que grauem halitum emendat, si postea
commanducetur. At montana si copiosius
estur, interficit. Atque si sub id tempus quo
florere incipit ad muria condituram colli-
gatur, cutem rubefacit ac inflat, cum pruri-
tu ac vehementi inflammatione. Eam ita-
que vinctis antea manibus & facie colligere
oportet. Tradunt & succum gallinaceis pul-
lis inspersum, feles arcere. Adiciunt verò,
eam quæ iuxta flumen Haliacmonem in
Macedonia gignitur, comedentes interime-
re. Montosus autem is locus est, ac viperis a-
bundat. At illius semen epotum, contra in-
teraneorum vitia est efficax: ideòque anti-
dotis vtiliter immiscetur. Contra inconti-
nentiam vrinae, tostum septenis diebus po-
tui dato, & cessabit. Cæterum radix huius,
montanum moly vocitatur. Sylvestris ita-
que ruta, satiua quodammodo similis est.
Ac pota prodest comitialibus & ischiadicis:
menstrua quoque mouet, ac partus enecat.
Acrior verò est, quàm satiua & maioris effi-
cacia. Attamen sylvestrem cibis abdicare o-
portet, quippe quæ veneni noxiâ obtineat.

De Ruta sylvestri. CAP. LIII.

Vocant etiamnum sylvestrem Rutam, quod in Cappadocia & Galatia Asiatica moly dicitur. Frutex est, ab vna radice complures virgas proferens: foliis multò quàm alterius rutæ longioribus ac tenerioribus, iisque graueolentibus, flore candido, capitulis in cacumine paulò quàm satiuæ rutæ maioribus: quæ quidem tribus maximè partibus constant: in quibus triquetrum semen, subfuluum gustûque perquàm amarum, recluditur, cuius etiam est vsus. Id autumno maturescit, tùmque conuenit ad retusam oculorum aciem, si cum melle, vino, gallinaceo felle, croco ac fœniculi succo teratur. Sunt qui rutam hanc Harmala vocent, Syri Besafa, Cappadoces Moly, quoniam quandam cum Moly seruet similitudinem: siquidem radice nigra est, flore verò candido. In collibus ac læto fœcundoque solo prouenit.

De Moly. CAP. LIIII.

MOLY folia habet graminis, at latiora & humi sparsa: florem albæ violæ similem, lactei coloris, at minorem: quippe qui ad purpureæ violæ florum magnitudinem accedat: caulem verò tenuem, quaternum cubitorum, in cuius cacumine quidam est, quod alij speciem referat. Radix parua,

parua, bulbo similis, quæ ad apertas vuluas mirum in modum valet, si trita cum loliacea farina in pello subiiciatur.

De Panace. CAP. LV.

PANACES Heracleum, ex quo opopanax colligitur, plurimum in Bœotia & Pso-phide Arcadiæ nascitur. Sed & quæstus gratia, qui quidem ex eo liquore factitatur, in hortis studiosè colitur. Foliis est asperis, in terra iacentibus, virentibus, & multum ad ficulnea accedentibus, in ambitu quinque-partitò diuisis: caule verò vti ferulæ altissimo, alba lanugine obducto, foliisque stipato minutioribus, umbella in cacumine ceu anethi, oblonga: flore autem luteo, ac semine odorato, vrendique vi prædito: radicibus denique ab vna origine compluribus, iisque candidis, graueolentibus, crasso & subamari gustus cortice præditis. Nascitur in Cyrene Libyæ & Macedonia. Excipitur porrò liquor incisa radice, dum cauliculi recens adhuc pullulant, isque candidus: qui quidem exiccatus superficietenus croceum colorem contrahit. Effluentem verò liquorem illum substratis in excauato solo foliis excipiunt, ac vbi exiccatus fuerit, eximunt. Simili quoque modo caule messibus inciso profluentem liquorem excipiunt. Meliores è radicibus, quæ distentæ sunt ac minimè rugosæ,

albæ, aridæ, neuti quàm cariosæ: gustu verò
feruentes & aromaticæ. Semen è media fe-
rula idoneum: quòd verò ex agnatis colicu-
lis decerpitur, miuùs succulentum est. Præ-
stat autem in liquoris genere, qui gustu est
amarissimus, intus candidus aut subfuluus,
foris verò ad croci colorem inclinans, læ-
uis, pinguis, friabilis, quique statim diluitur,
estque graueolens. At niger ac mollis im-
probatur: ammoniaco enim aut cera adul-
teratur. Sed sincerus ac fraudis expers eo in-
dicio deprehenditur, quòd digitis in aqua
confricatus resoluator atque lactescat. Vis
ei excalfaciens, emolliens & attenuans:
quamobrem febrium circuitibus rigoribús-
que, conuulsis, ruptis, lateris doloribus, tussi,
torminibus, vrinæ stillicidio ac vesicæ sca-
biei conuenit, ex aqua mulsa aut vino bibi-
tus. Menses trahit, foetus enecat, vuluæ in-
flationes duritiásque ex melle dilutus discer-
tit. Ischiadi quoque illinitur, & cephalicis
medicaminibus admiscetur. Carbunculos e-
tiam circumquaque rumpit: podagricis cum
vua passa illitus subuenit: dolores dentium
demulcet, ipsorum cauis inditus: & oculo-
rum aciem inunctus excitat. Denique si pici
admisceatur, emplastrum parabitur contra
canis rabidi morsus præstantissimum. Ra-
dix autem derafa & vuluæ subdita, partus
extra-

extrahit, ad vlcera vetusta efficax est, ac etiamnum ossa nudata carne operit, si trita inspergatur, aut cum melle illinatur. Semen verò cum absinthio sumptum, menses ciet. Cum aristolochia prodest aduersus bestias quæ venenum eiaculantur, & contra vuluæ strangulatus, in vino bibitum.

De Panace Asclepio. CAP. LVI.

Panaces Æsculapij caulem à terra emittit tenuem, cubitalem, geniculatum: circa quem folia visuntur fœniculi, maiora tamen hirsutioraque, odorata: & in cacumine umbella, in qua flores emicant aurei, acres, & odorati. Radix est parua. Auxiliarem vim habent flores ac semina contra vlcera, panos & phagedænam, si trita cum melle imponantur: aduersus serpentes ex vino bibuntur, & cum oleo illinuntur. Aliqui panaces quoque, sylvestre origanum vocant, alij cunilam: de qua capite de origano dictum est.

De Panace Chironio. CAP. LVII.

Panaces Chironium in Pelio monte maximè prouenit: foliis est amaraco similibus, floribus aureis, radice tenui, minimè alta, gustu acri. Pota radix serpentium veneno resistit: ac imposita quoque coma, contra illud ipsum efficax.

De Ligustico.

CAP. LVIII.

LIGUSTICVM plurimum in Liguria nascitur, unde & nomen traxit, in monte scilicet Apennino dicto, Alpibus contermino. Ipsum incolæ Panaces haud abs re appellant, quoniam & radice & caule Heracleotico panaci simile sit, paribûsque viribus præditum. Gignitur in altissimis asperisque montibus ac umbrosis, maximè verò iuxta foueas & scrobes. Cauliculum profert tenuem, ceu anethi, geniculatum: circa quem folia sunt meliloti, at teneriora & odorata, prope verticem graciliora, pluribûsque diuisa incisuris. In cacumine umbella, è qua semen dependet nigrum, solidum, oblongum, fœniculo proximum, gustanti acre & aroma redolens. Radix est candida, Heracleotici Panacis similis & odorata. Seminis radicisque vis excalfactoria & concoquens: siquidem profunt ad interaneorum dolores ac tumores, itémque ad iuuandam concoctionem. Valent & ad inflationes, præsertimque ventriculi, necnon & ad venenatarum bestiarum ictus: vrinas quoque ac menses pota trahunt. Sed & apposita radix idem præstat. Ipsa porrò æquè ac semen vtiliter oxyporis & concoquentibus medicamentis admiscetur. Hoc verò stomacho perquàm vtile est: quare piperis loco id indigenæ obsoniis

soniis immiscent. Adulteratur autem semine quodam consimili, quod tamen gustu facile discernas: amarum enim est. Alij quoque seminibus fœniculi aut seselis simul admixtis fraudem faciunt.

De Pastinaca. CAP. LIX.

PASTINACA sylvestris folia habet gingidij, at latiora & subamara, caulē rectum, scabrum, umbellam similem anethi, in qua flores insunt candidi, ac in medio exiguum quiddam, colore purpureo & ferè ad croceum inclinante. Radix est digiti crassitudine, dodrantalis, odorata, & si decoquatur, esculenta. Huius semen potum subditumve, menses ciet. Cōuenit & agrè meientibus, hydropicis atque pleuriticis, in potione: nec non & venenatarum bestiarum moribus ictibusque prodest. Sed & aiunt, qui illud præsumpserint, ab illis minimè lædi. Conceptum quoque adiuuat. Radix autem, quæ & ipsa urinas pellit, Venerem prætereà stimulat, & partus apposita eiicit. Folia verò trita & cum melle imposita, phagedænica vlcera repurgant. Hortensis porrò pastinaca cibo aptior, ad eadem pollet, attamen viribus inefficacior.

De Sefeli Massiliensi. CAP. LX.

SESELI Massiliense folia habet fœniculi, sat crassiora, caulēque vegetiorem: vm-

bellam anethi, in qua semen oblongum, angulosum, degustanti statim acre: radix longa est, & iucundi odoris. Semen & radix ex-calfaciendi vim habent: potu stranguriæ & orthopnœæ medentur: vteri suffocationibus, comitialibusque profunt, menses & partus trahunt, ad omnia interna vitia pol-lent, ac tussim denique veterem sanant. Semen cum vino potum, concoctioni con-fert, torminaque discutit: epialis febribus est utile, & ad propulsandam in itineribus al-goris iniuriam cum pipere ac vino bibitur. Cæterum ad partum adiuvandum capris cæ-terisque pecudibus datur in potu.

De Seseli Æthiopico. CAP. LXI.

Quod verò Æthiopicum siler appellatur, folia habet hederæ, sed minora & oblonga, ceu periclymeni. Frutex grandis est, palmiti-bus ferè bicubitalibus, ramis dodrantalibus, & capitulis velut anethi: semine nigro ac ceu tritici denso, verum acriore & odora-tiore, quàm sit Massiliense, ac valde suavi. Eadem verò præstat.

De Seseli Peloponnesi. CAP. LXII.

Quod autem in Peloponneso nascitur, folia habet cicutæ, sed latiora & crassiora: caulem supra Massiliensis magnitudinem, ferulaceum, & latam in cacumine umbel-lam, in qua semen latius, odoratum & car-nosius

nosius pendet. Iisdem præditum est viribus. Nascitur in asperis & vliginosis, atque col- libus. Gignitur & in Ida.

De Tordyllo.

CAP. LXIII.

TORDYLIVM, quod aliqui Creticum Sefeli vocant, in Amano Ciliciæ monte nascitur. Herbula surculacea, exiguo semine eoque rotundo ac duplici, scutulorum effigie, subacri & aroma olente. Bibitur id contra urinæ difficultatem, & ad ciendos menses. Succus caulis seminisque adhuc virētis, ternis obolis ex passo diebus decem bibitus, nephriticos persanat. Efficax quoque radix est: siquidem pectoris excreationes purgat, si cum melle delingatur.

De Sifone.

CAP. LXIII.

SISON exiguum semen est, quod in Syria nascitur, apio simile, oblongum, nigrum & feruentis gustus. Bibitur contra lienis vitia & urinæ difficultatem: itémque ad com- morantes menses euocandos. Eo ipso indi- genæ cum cucurbita in aceto cocta condi- menti vice vtuntur. In cacuminibus autem ceu granula multa gerit.

De Aniso.

CAP. LXV.

ANISVM in vniuersum vim habet ex- calfaciendi, exiccandi, oris halitum iu- cundiores faciendo, dolores leuando, dige- rendi, urinas ciendi, ac denique discutiendi

X. j.

diffipandique. Potum, hydropicis sitim cohibet: virulentorum animalium venenis aduersatur, itémque prodest ad inflationes: aluum & alba fœminarum profluvia sistit, lactis vbertatem præstat & Venerem stimulat. Dolorem capitis leuat, suffitum naribus: & cum rosaceo tritum instillatúmque, fractis auribus medetur. Efficaciùs porrò quod recens, plenum, minimè furfurosum, vehementique est odore. Laudatissimum est Creticum, proximum Ægyptium.

De Caro. CAP. LXVI.

CARVM semen est exiguum, vulgaris notitiæ. Vrinæ ciet, excalfacit, stomacho utile, orique gratum; concoctionem adiuvat, ac vtiliter antidotis & oxyporis admiscetur: denique non parua illi est cum aniso conuenientia. Est & cocta radix edulis, æquè ac pastinacæ.

De Anetho. CAP. LXVII.

ANETHI aridi comæ feminisque decoctum potu, lac euocat, tormina inflationesque sedat, aluum & eorum quæ in summo fluitant ventriculo vomitiones cohibet, urinas ciet, ac singultus lenit: frequentius potum oculos hebetat, & genituram restringit. Est & eius decoctum fœminis hysteriacis ad defectiones utile. Denique vstum inspersúmque semen, condylomata tollit.

De

De Cumino satiuo.

CAP. LXVIII.

CVMINVM satium, stomacho est vtile: sed multò magis Æthiopicum, quod Hippocrates regium appellauit. Secundum locum tenet Ægyptium: mox reliqua sequuntur. Prouenit in Galatia Asiæ, Cilicia & Tarentina regione, aliisque locis compluribus. Excalfaciendi, astringendi & exiccandi vi præditum est: ad tormina inflationesque conuenit, seu coctum & cum oleo infusum, seu etiam cum hordeacea farina hydrelæo subacta impositum. Datur & orthopnoïcis, in posca: demorsis à venenatis beluis, in vino. Testium inflammationibus auxiliatur, cum vua passa & fabarum lomento aut cerato impositum. Cohibet & fluxum muliebrem sanguinisque è naribus profluua, in aceto contritum & admotum. Cæterum cutis colorem bibitum illitumve mutat in pallorem.

De Cumino syluestri.

CAP. LXIX.

Syluestre Cuminum plurimum efficaciusque in Lycia & Galatia Asiæ atque Carthagine Hispaniæ gignitur. Est verò frutex exiguus, caule dodrantali ac tenui, in quo quaterna quinæve sunt minuta folia, tenuia, veluti ferrata & gingidij diuisura. Gerit autem in cacumine quina aut sena capitula rotunda & mollia, in quibus semen acerosum &

X. ij.

gustu acrius, quàm satium. Nascitur in collibus. Bibitur semen ex aqua aduersus tormina & inflationes: singultus ex aceto sedat: & contra virulentas bestias ac stomachi ex nimia humiditate imbecillitatem in vino bibitur. Sugillata tollit, si commanducatum cum melle & vua passa imponatur. Quin & testium inflammationibus, adiectis iisdem impositum, medetur. Est & alterum sylvestris cumini genus, satiuo simile: quod quidem è singulis floribus erecta sursumque spectantia cornicula promit: in quibus semen est melanthio simile. Potum id, contra serpentium morsus singulari est præsidio. Quibus substillum est lotium, calculosis & sanguinis grumos meientibus auxiliatur: verum seminis apij decoctum superbibendum est.

De Ammi.

CAP. LXX.

AMMI nonnulli Æthiopicum, aliqui regium cuminum appellant. Alij alterius naturæ Æthiopicum cuminum, & alterius Ammi esse prodiderunt. Vulgo notum est semen, exile, multò minus cumino, & origani sapore. Eligito purum minimèque furfurosum. Vim habet hoc quoque excalcetoriam, vrentem, & exiccantem: valet ad tormina, vrinæ difficultatem, ac venenatorum morsus, ex vino potum. Menstrua quoque

que ciet. Miscetur & cutim erodentibus medicamentis è cantharide paratis, quò resistat vrinæ difficultatibus, quæ alioqui id genus medicamentis superuenire solent. Sugillata cum melle impositum tollit. Sed & potu ac illitu colorem pallidiorem efficit. Suffitum autem cum vua passa aut resina, vuluam purgat.

De Coriandro.

CAP. LXXI.

CORIANDRVM, Græcis Corion seu Coriannum, vulgaris est notitiæ, vim habens refrigeratorem. Quare cum pane aut polenta impositum, erysipelata & quæ serpunt vlcera sanat: cum melle verò & vua passa, epinyctidibus, testium inflammationibus carbunculisque medetur: & cum faba fresa, strumas panôsque discutit. Semen exigua quantitate cum passo bibitum, lumbricos pellit, & genituræ abundantiam facit. At si largius sumptum fuerit, mentem non sine periculo è sua sede & statu dimouet: quamobrem ab ipsius copiosiore frequentioreque usu cauendum. Succus autem cum cerussa aut lithargyro, necnon & aceto atque rosaceo perunctus, ardentes in summa cute inflammationes emendat.

De Hieracio magno.

CAP. LXXII.

HIERACIUM magnum, caulem profert asperum, subrubrum, spinosum,
X. iij.

utrunque concavum : folia verò fundit ex
interuallis, laciniis rarioribus diuisa, similia
soncho per ambitum : flores luteos in ob-
longis capitulis. Vim habet refrigerato-
riam, modicèque ac leuiter astringentem.
Quamobrem æstuantì stomacho inflam-
mationibùsque vtiliter imponitur. Succus
autem, stomachi rosionem sorbitione miti-
gat. Cæterùm herba cum radice imposita,
ictis à scorpione auxiliatur.

De Hieracio paruo. CAP. LXXIII.

Hieracium paruum, folia quoque habet
ex interuallis diuisa per ambitum : caulicu-
los verò promit teneros ac virentes, in qui-
bus flores lutei, in orbem circinati. Vires
porrò & hoc cum antedicto easdem obti-
net.

De Apio. CAP. LXXIIII.

APII horrensis herba ad eadem, ad quæ
& coriandrum, conuenit : præterèaque
ad oculorum inflammationes, cum pane aut
polentæ polline imposita. Æstuantem quo-
que stomachum demulcet, & mammas gru-
moso lacte turgentes reprimat : ciet & vri-
nas, siue cocta siue cruda edatur. Decoctum
eius radicùmque potum, venenorum noxæ
resistit, dum vomitiones excitat : aluum
quoque cohibet. At semen porentiùs urinas
pellit, & à venenata bestia demorsis, iisque
qui

qui argenti spumam hauserunt, opitulatur, ac denique flatus discutit. Sed & vtiliter admiscetur medicamentis quæ dolorum leuamenta præstant, itémque theriacis ac tussicularibus.

De Heleoselinno, seu apio palustri.

CAP. LXXV.

Heleoselinon, quod in aquosis locis nascitur, satiuo apio grandius est: sed ad eadem, ad quæ & illud, efficax.

De Oreoselinno. CAP. LXXVI.

Oreoselinon, caule est dodrantem alto, qui quidem singularis ex gracili radice assurgit: ambiunt verò ipsum ramuli & capitula cicutæ similia, at multò tamen tenuiora: in quibus semen oblongum, acre, tenue, odoratum, cumino simile. In petrosis montosisque locis nascitur. Et semen & radix, vrinam ciendi vim habent, si in vino bibantur, ac menses etiam trahunt. Antidotis quoque & vrinam cientibus atque excalfactoriis medicaminibus inseruntur. Neque verò nos oportet in eo errore versari, ut id oreoselinon existimemus, quod in saxis prouenit: aliud enim est petroselinum.

De Petroselino. CAP. LXXVII.

Apium, quod petroselinum dicitur, prouenit in Macedonia, præruptis in locis, semine ammeos: at odoratiores, acris & aroma

X. iiij.

olente. Vrinæ id menstruæque pellit: contra stomachi & coli inflationes ac tormina prodest. Succurrit & lateris, renum ac vesicæ doloribus, in potione sumptum. Admiscetur & antidotis vrinæ cientibus.

De Hippofelino. CAP. LXXVIII.

Hippofelinon aliqui grielam, alij agriofelinum, quasi apium sylvestre, alij smyrnium appellant: quanquam aliud est Smyrnum propriè dictum, de quo mox agemus. Est autem maius candidiusque apio hortensio, caule cauo, procero, tenello ac veluti lineis distincto: foliis latioribus, in puniceum vergentibus: in quibus est eeu libanotidis coma, florum plena, quæ quidem in corymbos cogitur, anteaquam deflorescat. Semen autem est nigrum, oblongum, solidum, acre & aromaticum: radix itidem odorata, candida, ori grata, neque adeò crassa. Nascitur in vmbrosis & iuxta paludes. Oleris verò modo editur, veluti apium. Nam & radix cruda coctave estur, & folia cum ipsis caulibus decocta manduntur, ac tum per se tum etiam cum piscibus præparantur. Sed & cruda, muria condiuntur. Semen ex vino mulso potum, menses ciendi vim habet, ac rigore prehenso potum illitumve calefacit, & vrinæ stillicidio auxillatur. Radix autem eodem præstat effectus.

De

De Smyrnio. CAP. LXXIX.

SMYRNIVM, quod in Cilicia petroselinum vocant, plurimum in Amano monte gignitur. Caulem habet apij, copiosa cinctum agnata sobole: folia verò latiora ad terram, infracta, subpinguia, robusta, odore medicato, & cum quadam acrimonia iucundo, colore denique in luteum languescente: habet & umbellam supra caulem, qualis anetho inest: semen rotundum, brassicæ simile, nigrum, acre, myrrhæ sapore, ita ut alterum alterius qualitatem repræsentet: radix verò acris est, odorata, mollis, succosa, faucibusque mordens, cortice prædita foris nigro, intus verò pallido aut subalbido. Nasceitur in saxosis collibus, locis aridis & incultis angulis. Vim habent radix, herba, ac ipsum quoque semen, ex calfactoriam. Folia quoque muria condita, olerum instar in cibos veniunt, aluumque sistunt: radix verò pota, prodest contra serpentium morsus: tussis & orthopnoeas mitigat, ac urinæ difficultatibus medetur: imposita verò, rocentia oedemata, inflammationes duritiasque discutit, & vulnera ad cicatricem perducit: feruefacta autem subditaque, abortum infert. Semen renum, lienis ac vesicæ vitiis succurrit, menses & secundas pellit: ischiadicis utiliter in vino propinatur, & inflatio-

nes stomachi lenit: sudores item ciet atque ructus. Peculiariter verò potui datur contra hydropem ac febrium circuitus.

De Elaphobosco.

CAP. LXXX.

ELAPHOBOSCO caulis est libanotidi aut fœniculo similis, geniculatus: folia duùm digitorum latitudine, prælonga ceu terebinthi, circumfracta, & quodammodo aspera. Habet verò caulis ipse agnatos ramulos multos, qui quidem umbellas gerunt anethi similes, flores subluteos, & semen item anethi: radix ferè ad ternùm digitorum longitudinem & vnius crassitudinem accedit, candida, dulcis & esculenta. Sed & caulis recens adhuc ac tenellus, olerum modo in cibos recipitur. Cæterùm huius herbæ pabulo cæruas aiunt serpentium moribus resistere: atque idè semen quoque contra serpentium morsus in vino datur.

De Fœniculo.

CAP. LXXXI.

FOENICULI herba si edatur, mammas lacte replet: idem verò potest semen epotum, aut cum ptissana decoctum. Comæ autem decoctum bibitum, renum ac vesicæ vitiis est vtile: quippe quod urinam excieat. Conuenit & à serpente demorsis in vino bibitum, ac menses quoque ciet. In febribus nauseam & stomachi ardorem sedat, ex aqua frigida potum. Contritæ verò radices & cum

cum melle impositæ, canum moribus medentur. Succus caulibus & foliis expressus, & in sole siccatus, oculorum medicamentis utiliter additur, quæ ad aciem visus excitandam reficiendamve præparantur. Extrahitur & ad eadem valens è recenti semine succus una cum foliis atque ramulis. Radicibus prætereà prima germinatione succus eodem modo exprimitur. Porro in Iberia, quæ ad Occidentem spectat, liquorem etiam reddit fœniculum, gummi similem. Caulem verò medium, dum floret herba, demetunt indigenæ, ignique admouent, quò facilius vi caloris velut exudans gummi remittat. Id autem est succo ipso efficacius ad oculorum medicamenta.

De Hippomarathro. CAP. LXXXII.

Hippomarathrum, fœniculum est sylvestre, procerum: quod semen profert carchryi simile. Radix autem subest odorata, quæ quidem bibita stranguriæ medetur, subditæque menses ciet. Semen porro & ipsa radix potu, ventrem sistunt, contra venenatorum morsus auxiliantur, calculos comminuunt, & regium morbum expurgant. At haustum foliorum decoctum, & lactis abundantiam facit, & fœminas à partu purgat. Traditur & alterum Hippomarathri genus, foliis angustis, exilibus & oblon-

gis: semine rotundo ceu coriandri, acri, odorato, & excalfaciendi vi prædito. Viribus id antedicto respondet, nisi quòd agit imbecillius.

De Dauco.

CAP. LXXXIII.

DAVCVM aliqui diræum vocant. Ac Creticum quidem, foliis est fœniculi similitudine, at minoribus atque tenuioribus, caule dodrantali, umbella coriandri, floribus candidis: atque inter hos semine acri, albo, hirsuto, ac suavis in mandendo odoris. Radix est digitali crassitudine, & dodrantis longitudine. In saxosis apricisque locis prouenit. Alterum verò genus est apio syluestri simile, aroma olens, acre, odoratum, feruentisque gustus. Probatius Creticum. Tertium præterea genus est, foliis coriandri, floribus albis, capite & semine anethi: umbella verò in capite, ceu pastinacæ: semine referta oblongo, ceu cumini, acri. Omnium semen excalfaciendi vim habet. Potum, menses, partus & vrinas pellit, torminibus liberat, veteremque tussim mitigat. Subuenit & à phalangio demorsis in vino potum, & impositum œdemata discutit. Seminis duntaxat ex aliis vsus est: at ex Cretico & radice, quippe quæ maximè contra venenatorum iniuriam in vino bibatur.

De

De Delphinio. CAP. LXXXIIII.

DELPHINIUM surculos emittit ab vna radice duum dodrantum altitudine, aut etiam maiores: circa quos exiliunt minuta folia, incisuris diuisa, tenuia, & oblonga, quæ delphinorum effigiem repræsentant: vnde & nomen tractum est. Flos violæ albae similis, purpureo colore: semen in siliquis milio proximum, quo non aliud vtilius in vino bibi potest à scorpione percussis. Aiunt & admota herba scorpiones resolui atque ignauos torpescere: remota verò eadem, sese recolligere. Nascitur in asperis & apricis.

De Delphinio altero. CAP. LXXXV.

Delphinium alterum, quod alij hyacinthum, Romani buccinum vocant, superiori quidem est simile: at foliis & ramulis longè gracilioribus. Viribus etiamnum eisdem cum antedicto pollet: at non est perinde efficax.

De Pyrethro, seu salinari herba.

CAP. LXXXVI.

PYRETHRUM herba est, quæ caulem foliaque profert, vti daucum sylvestre & fœniculum: umbellam verò ceu anethi, circinatae rotunditatis. Radix longa est, pollicari crassitudine, gustuque feruidissimo. Puitam elicit: atque ideò in dentium dolo-

ribus decocta in aceto, collutione auxiliatur. Pituitam etiam eadem commanducata extrahit: & ex oleo inuncta, sudores ciet, contra diuturnos rigores efficax: quin & perfrigeratis resolutisve corporis partibus eximie conducit.

De Libanotide. CAP. LXXXVII.

LIBANOTIS duum est generum: ac vnum quidem frugiferum est, à nonnullis zea aut campfanema dictum: cuius semen cachrys vocatur: folia fœniculi habet, sed crassiora, latioraque: in rotæ speciem humi strata, odorataque: caulem cubiti altitudine ac etiamnum maiorem, multis concavum alis, ac in cacumine umbellam: in qua semen copiosum, candidum, sphondylion simile, rotundum, angulosum, acre, resinofum, ac in mandendo linguam exurens: radix alba & prægrandis, thuris odorem habet. Est & genus alterum antedicto omnino consimile, quod semen gerit latum, nigrum uti sphondylium, odoratum, minime feruens: ac radice nititur, foris quidem nigra, at intus si contundatur alba. Quæ verò sterilis libanotis dicitur, penitus antedictarum similitudinem refert: at neque caulem, neque florem, neque semen profert. In saxosis autem & asperis provenit. Omnium in genere herba trita & imposita, hæmorrhoidum
pro-

profluvia sistit, ac sedis inflammationes & condylomata lenit. Concoquit & strumas, atque abscessus qui ad maturationem ægrè perducuntur. Siccæ verò radices, cum melle vlcera repurgant. Torminibus quoque medentur, ac venenatorum moribus conueniunt, in vino bibitæ: menses itidem ac urinas pellunt: & impositæ, œdemata vetusta discutunt. Tam radicis quàm herbæ succus adiecto melle inunctus, oculorum aciem exacuit. Potum verò semen, ad eadem pollet. Sed & comitialibus malis, ac veteribus pectoris vitiis auxilio est: itémque regio morbo laborantibus, cum pipere ac vino exhibitum. Sudores quoque mouet, cum oleo perunctum. Prodest & ruptis atque conuulsis, itémque podagris, si cum loliacea farina & aceto tritum illinatur. Vitiligines etiamnum purgat, addito aceto quàm acerrimo. Ac semine quidem in potionibus vtendum eius libanotidis quæ cachryn non ferat: quippè illud acre est, & arteriam exasperat. Caterùm Libanotida tradit Theophrastus cum erica nasci, foliis lactucae syluestris amaræ, at candidioribus & asperioribus: radice verò breui, quæ potu supernè infernèque purget.

De Cachry. CAP. LXXXVIII.

Cachry vim habet excalfaciendi & vehem-

menter exiccandi: quare commodè smegmatis inferitur: & contra oculorum fluxiones capiti inspergitur, ita vt tertio die tollatur.

De Libanotide coronaria.

CAP. LXXXIX.

Libanotis, quam Romani rosmarinum vocant, quæque coronarij vtuntur, virgultis est tenuibus: circa quæ folia exeunt minuta, densa, oblōga & gracilia, subter incana, supernè virentia, graui odore. Vi porro ex-calfactoria pollet, regiūmque morbum sanat, si quis ipsam in aqua decoctam ante exercitationes potui dederit, ac deinde laborantem exercitatum lauet, illique vinum propinet. Acopis denique gleucinóque vnguento admiscetur.

De Sphondylis. CAP. XC.

SPHONDYLIVM folia quidem habet Splatano quadantenus similia, ad panacis foliorum figuram accedentia: caules verò cubitali altitudine, aut etiam ampliùs assurgētes, fœniculaceos: semen in cacumine seseli simile, duplex, verūm latius, candidius & magis acerosum, grauis odoris: flores albos, radicem itidem albam, raphani similitudine. Nascitur in palustribus & aquosis. Potum ipsius semen, pituitosa per aluum excernit, ac medetur etiam hepaticis, ictericis,

cithop-

orthopnoïcis, comitialibus & vuluæ strangulatu. Profundiore verò somno captos iussu reuocat. Ex oleo commodè irrigatur in capita phreneticorum, lethargicorum, itémque caput dolentium. Cohibet & herpetas, cum ruta adhibitum. Radix autem regio morbo laborantibus & hepaticis exhibetur. Circumrasi eadem & indita; fistularum callos exedit. Recentis verò floris succus, exulceratis purulentisque auribus accommodatur. Cæterùm reliquorùm etiam succorum modo insolatus, ad vsum reconditur.

De Ferula. CAP. XCI.

E Viridi ferula medulla epota, utilis est hæmoptoicis atque cœliacis: itémque à vipera morsis in vino datur, erumpentémque naribus sanguinem linamenti instar indita sistit. Semen verò potum, torminosi auxiliatur: & perunetum ex oleo, sudores ciet. Caules in cibo sumpti, capitis dolores faciunt: iidem muria quoque condiuntur. Ferula itaque caulem profert ternum plerumque cubitorum: folia verò habet fœniculi, at longè crassiora maioráque. [Sagapenum quoque ex ea proximè radicem vulnerata manat.]

Y. j.

De Peucedano. CAP. XCII.

PEUCEDANVM caulem profert tenuem, gracilem, fœniculo similem: comam verò habet circa radicem, copiosam ac densam: florem luteum: radicem nigram, graui odore, crassam, liquoris plenam. Gignitur in montibus opacis. Excipiendi liquoris ratio hæc est: Tenera radix cultello conciditur, statimque qui profluit è plaga liquor in umbra reponitur. Sub sole siquidem confestim euanescit. Verùm inter colligendum capitis dolorem vertiginemque inducit, nisi quis priùs nares rosaceo perunxerit, eodemque caput irrigauerit. Quæ verò radix liquorem fuderit, deinceps inutilis euadit. Sed & è caulibus, vti & è radice, & liquor & succus elicitur, haud secus ac è mandragora. At succus liquore inefficacior est, ocyùsque expirat. Interdum etiam priùs concreta reperitur lacryma, thuris similitudine, caulibus radicibusque adhærens. Porrò præfertur liquor qui è Sardinia & Samothrace petitur, odore graui, fuluus, feruensque gustu. Ex aceto & rosaceo illitus, prodest lethargicis, phreniticis, vertiginosis, comitialibus, diuturno capitis dolore vexatis, paralyticis, ischiadicis & conuulsis. Ac in vniuersum omnibus neruorum vitiis ex oleo & aceto conuenienter illinitur. Datur & olfactandus in

in strangulatu vuluæ: pariterque profundiore somno sopitos excitat. Suffitu quoque serpentes fugat. Quin & aurium dolori cum rosaceo vtiliter instillatur, & ad mitigandum dentium dolorem earum cauernis inditur. Sed & contra tussim efficaciter ex ovo assumitur: itémque spirandi difficultatibus, torminibus, inflationibúsque subuenit, ventrem leniter emollit, lienem absumit, ac difficiles partus egregiè adiuuat. Facit & potus ad vesicæ renúmque cruciatus ac distensiones, vuluámque aperit. Radix ad eadem utilis est, at inefficacior: eius verò decoctum bibitur. Arida quoque trita, sordida purgat vlcera, ossium squamas extrahit, veteraque vlcera cicatrice obducit. In cerata denique & malagmata calfacientia additur. Radicem eligito recentem, minimè cariosam, solidam & odoris plenam. Cæterùm succus ad potiones amaris amygdalis, aut ruta, aut pane calido, aut anetho resoluitur.

De Gith, seu Melanthio. CAP. XCIII.

MELANTHIUM, frutex est exiguus, surculis tenuibus, in binũm dodrantum altitudinem, aut etiam ampliùs, assurgens, foliis veluti senecionis, at multò tenuioribus: capitulo in cacumine paruo ceu papaueris, oblongo, intrinsecus dissepimentis quibusdam prædito: intra quæ semen

Y. ij.

latet nigrum, acre & odoratum, quod panibus inspergitur. Caput dolentibus illitum fronti subuenit: itémque incipientibus oculorum suffusionibus, tritum cum irino & infusum naribus. Tollit & lentigines, lepras veteresque tumores ac duritias, ex aceto illitum: circumscarificatos clauos excutit, cum vrina vetere impositum. Dentium quoque dolori cum aceto & ræda coctum colutione prodest. Teretes itidem lumbricos expellit, illito ex aqua vmbilico. Tritum verò, linteolo illigatum & olfactum, destillatione laborantes adiuuat. Pluribus autem diebus continuis sumptum, menses vrinasque ciet, & lac auget. Leuat & spirandi difficultatem, addito nitro potum: auxiliaturque phalangiorum moribus ex aqua, drachmæ pondere bibitum. Incensum quoque, serpentes fugat. Sed & ipsum tradunt largius epotum enecare.

De Silphio. CAP. XCIIII.

SILPHIVM, seu laserpitium, circa Syriam, Armeniam, Mediam & Libyam nascitur. Huius caulis ferulaceus, maspetum appellatur: folia sunt apio similia, semen verò latum. Radix excalfacit, agrè concoquitur, inflationes facit, ac vesicæ quoque noxia est. Strumis atque tuberculis cerato excepta, & sugillatis cum oleo illita, medetur. Ischiadicis

dicis cum irino aut cyprino cerato conuenit: excreſcentia circa ſedem tollit, tegmini mali Punici incocta cum aceto & impoſita: venenis eadem pota reſiſtit: necnon & inſinſtibus ſalibúſque admixta, ori grata eſt. Colligitur & liquor è radice atque caulibus inciſis. Præfertur iſ modicè ruber atque tranſlucens, myrrhæ æmulus, odorèque valens, minimè porraceus, neque ſaporis immitis & aſperi: qui denique, dum liqueſcit ac diluitur, facilè albeſcit. At Cyrenaicus, etiamſi tantillum quis ipſum deguſtauerit, madorem toto corpore ciet, eſtque odore blandiſſimo: adeò vt ne os quidem guſtanti niſi paululum ſpiret. Medicus verò & Syriacus viribus minùs valent, & magis viroſum reddūt odorem. Porro liquor omnis anteaquàm ſicceſcat, addito ſagapeno aut fabæ lomento adulteratur: quod maleficiū guſtu, odore, viſu, ac diluendo quoque deprehendes. Sunt verò qui caulem, ſilphium: radicem, magudariam: & folia, maſpeta vocauerint. Efficaciſſimus eſt liquor, mox folia, poſtremò caulis. Eſt autem ille acris, inflationeſque facit: alopecias cum vino, pipere & aceto perunctas ſanat: cum melle illitus, oculorum aciem exacuit, incipientemque ſuffuſionem diſſipat. In dentium doloribus, cauernis ipſorum inditur, aut cum thure

Y. iij.

lindeolo illigatus circumponitur, aut denique cum hyssopo & ficis in posca decoctis colluitur. A rabioso cane demorsis prodest, vulneribus impositus: itidemque valet ad omnium quæ virus eiaculantur animantium venenatorumque telorum ietus, seu potus, seu etiam illitus. Scorpionum plagis oleo dilutus circumlinitur: gangræna obsessis partibus prius scarificatis infunditur: necnon & carbunculis, cum ruta, nitro & melle, aut etiam per se: clauos callosque prius circuncisos extrahit, siquidem cerato siccorumve ficuum carne subactus antea fuerit. Sanat & lichenas recentes ex aceto: itidemque sarcomata & polypos, si cum attrimento sutorio aut ærugine per dies aliquot illinatur: verum extuberantia forfice extrahi oportet. Arteriis quoque longo tempore exasperatis opitulatur: ac vocem quæ repente irraucuerit aqua dilutus sorbitione confestim expedit. Quin & vuam illitus cum melle reprimat, ac in anginis ex aqua mulsa vtiliter gargarizatur. Vescantibus lætorem colorem conciliat, ad tussim commodè in sorbili ouo datur, itemque pleuriticis in sorbitionibus. Ictericis verò & hydropicis cum aridis ficis vtiliter exhibetur. Rigores etiam cum pipere ac thure in vino potus discutit. Tetano opisthoronoque distentis

stentis oboli pondere deuorandus datur: hærentes gulæ hirudines gargarizatus cum aceto decutit. Quibus haustum lac intus concreuerit, & comitialibus, sumptus ex aceto mulso, succurrit. Potus verò cum pipere & myrrha, menses ciet: cœliacos in acinovuæ sumptus adiuuat, denique cum lixiuio potui datus, repenti conuulsis ruptisque prodest. Ad potiones autem, amygdalis amaribus, ruta aut pane calido dissoluitur. Ceterum foliorum succus eadem præstat, at liquore multò inefficaciùs. Estur porrò utiliter cum aceto mulso ad purgandas fauces, maximè verò cum suppressa intercepta vox est: vescuntur & ipso cum lactucis, erucæ loco. Sed & altera fertur magudaris in Libya nasci, radix laserpitio similis, at minùs crassa, acris verò ac fungosa, nullòque prægnans succo: eiusdem tamen cum laserpitio facultatis.

De Sagapeno. CAP. XCV.

SAGAPENVUM, ferulacæ herbæ liquor est, quæ quidem in Media nascitur. Præfertur id quod translucet, foris quidem fuluo, intus verò albo colore, medio inter laser & galbanum odore, acrisque gustu. Prodest pectoris laterisque dolori, ruptis, conuulsis, tussibus vetustis: humoresque crassos pulmmoni molestos expurgat. Datur & comitia-

Y. iiij.

libus, opisthotonicis, lienosis, paralyticis, perfrigeratis, & contra febres per circuitum repetentes in potu, & ad vnguenta quoque utiliter adhibetur. Sed & menses trahit ac foetus enecat, cum aqua mulsa potum. Medetur & venenatorum moribus, ex vino sumptum: olfactum etiamnum ex aceto, eas quæ ab utero strangulantur excitat. Oculorum cicatrices, hebetudines & offusam pupillis caliginem, suffusionésque detergit. Cæterum, ceu laser, ruta, aqua & amaris amygdalis, aut melle panée calente resoluitur.

De Euphorbio.

CAP. XCVI.

EUPHORBIVM, Libyca arbor est, ferulæ speciem habens: quæ quidem in Atlante Mauritaniæ monte nascitur, acerrimo referta liquore: quem propter eximium feruorem non citra metum incolæ ita colligunt. Quillos ventres lotos arbori circumligant, & è longinquo ipsius caudicem contis hastilibusve vulnerant: confestimque è plaga ceu ex vase quodam copiosus liquor in subditos ventriculos effluit: pars etiam humi præ eruptionis impetu spargitur. Sunt porrò liquoris duo genera: vnum sarcocollæ modo pellucidum, erui magnitudine: alterum in ventriculis quibus excipitur coit, vitri effigie. Adulteratur verò sarcocollæ & glutini

glutini mixtione: sed eligendum translu-
cens & acre. Difficile autem est quod è gustu
petitur saporis experimentum: quippe cùm
leui, linguæ contactu os accensum diu de-
tineat, adeò vt quicquid deinde exhibetur,
euphorbium esse videatur. Cæterùm id Iuba
in Libya regnante primò inuentum fuisse
in confesso est. Vim porrò habet liquor in-
unctus suffusiones discutiendi, sed potus die
tota exurit: quare melli collyriisq; pro a-
crimonix ratione admiscetur Prodest & co-
xendicum doloribus, in aromatica potione
haustus: ossium verò squamas eadem die re-
mouet. Verùm qui eo vtuntur, oportet ossi-
bus circumiacentem carnem inditis lina-
mentis aut ceratis, probè communiant.
Cæterùm tradunt nonnulli, nihil incom-
modi sensuros qui à serpente demorsi fue-
rint, siquidem incisa ossetenus capitis cute
intritus liquor infundatur, vulnùsque po-
steà consuatur.

De Galbano. CAP. XCVII.

GALBANVM, liquor est nascentis in Sy-
ria ferulæ: id nonnulli Metopium vo-
cant. Est in hoc genere probatissimum,
quod thuris (aut ammoniaci) præbet effi-
giem, grumosum, purum, pingue, minimè
lignosum, at nonnihil retinens admixti se-
minis ac ipsius quoque ferulæ, odore graui,

neque valdè humidum, neque etiam penitus aridum. Admixtis resina, faba fresa & hammoniaco adulteratur. Excalfacit porrò galbanum, vrit, attrahit atque discutit: mentes ac partus trahit, appositum vel suffitum: lentigines cum aceto & nitro illitum tollit. Deuoratur autè ad tussim veterè, spirandi difficultatè, suspiria, rupta atque conuulsa. Cum vino quoque & myrrha epotum, toxico aduersatur. Sed & simili modo sumptum, partus mortuos extrahit. Imponitur & lateris dolori atque furunculis. Comitiales, vuluæ strangulatus, & vertiginosos olfactu suscitatur. Si vratur, fugat nidore venenatas bestias, ac perunctos itidem ab illarum morsu vindicat: serpentes cum sphondylia & oleo admotum necat. Dentium dolorem oblitum, aut cauernis inditum, sedat. Prodesse quoque difficulter meientibus existimatur. Sed & ad potiones, amaris amygdalis & aqua, aut ruta mulsæve aut calido pane resoluitur: aliàs verò meconio, arève vsto aut felle liquido. Porrò si purgare galbanum voles, in feruentem aquam demittito: nam ubi liquatum fuerit, sordes ex parte fluitabunt, quas ita faciliè separabis: dein galbanum ipsum mundo raróque linteo illigatum in area pyxide aut fictili vase ita suspendito, vt ne fasciculus nodulúsve vasis
inum

inum contingat, opertumque vas in feruidam aquam demittito. Sic enim quod utile præstantiusque fuerit, veluti per colum eliquescet: lignosum verò quicquid fuerit, intra linteum remanebit.

De Hammoniaco. CAP. XCVIII.

EST & Hammoniacum ferulæ liquor, quæ in ea gignitur Africæ parte, quæ est iuxta Cyrenen. Totus cum radice frutex, Agasyllis appellatur. Maxime probatur quod bene coloratum est, ligni & calculorum expers, thuris glebarum granorumve similitudine, syncerum ac densum, nulla sorde spureatum, castoreum odore imitans, & gustu amarum. Hoc genus thrausma, quasi fragmentum seu friaturam dicas, appellatur: alterum quod terræ calculorumve est particeps, phyrama, id est, mixtura seu miscella. Gignitur verò succus is in Africa iuxta Hammonis templum è ferulacea stillans arbore. Vim habet molliendi, attrahendi, calfaciendi, atque duritias & panos discutendi. Potum, aluum subducit, partusque extrahit: lienem verò consumit, cum aceto drachmæ pondere haustum, & articulorum coxendicumque doloribus liberat. Auxilio quoque est anhelatoribus, orthopnoicis & comitialibus: item quibus humor intra pectus hæret, si ex melle delingatur, aut cum

ptissanae succo sorbeatur. Cruentitas etiam verrinas pellit: necnon & oculorum albugines abstergit, & genarum scabritias absumit. Tritum autem ex aceto & impositum, lienis iocinerisque duritias emollit. Sed & tophos seu nodos dissolvit qui circum articulos occalluerunt, cum melle adhibitum, aut etiam pici admixtum. Facit & ad lassitudines & ischiadas: si additis aceto, nitro & cyprino oleo, acopi vice perungantur.

De Sarcocolla.

CAP. XCIX.

SARCOCOLLA lacryma est arboris in Perside nascentis, thuri tenui similis, subfulva, gustu amariuscule. Vim habet vulnera glutinandi, & oculorum fluxiones inhibendi. Inferitur & emplastris. Cæterum admixto gummi adulteratur.

De Glaucio.

CAP. C.

GLAUCIVM succus est herbae quæ ad Hierapolin Syriae nascitur, foliis ferè cornuti papaveris, pinguioribus tamen & in terram sparsis, graueolentibus & gustanti amarioribus: quæque sunt crocei coloris, succo copioso prædita. Folia in ollam coniecta semifrigidis clibanis calfaciunt indigenæ, usquedum flaccescant: deinde contusis succum exprimunt. Est porro eius usus ad oculorum affectus circa principia: quippe cum refrigerandi vim habeat.

De

De Glutino. CAP. CI.

GLUTINVM quod xylōcollam vel taurocollam vocāt, præstantissimum Rhodiaceum, quod è coriis bubulis conficitur. Candidum verò id est atque translucens: at nigrum, minùs probatur. Resolutum in aceto, impetigines leprásque summæ cutis delet. Ex aqua verò calida dilutum & illitum, non patitur ambusta in pustulas attolli. Vulnerarium quoque est, si melle & aceto diluatur.

De Ichthyocolle. CAP. CII.

ICHTHYOCOLLA, hoc est, piscium glutin, venter est piscis cetacei. Præstat natione Pontica, candicans, subaspera, minimè scabra, & quæ celerrimè liquefcit. Vtilis est in emplastris cephalicis, leprarúmque medicaminibus, & tetanothris quæ faciei cutem erugant & extendunt.

De Visco. CAP. CIII.

VISCVM optimum quod recens est, colore intus porraceo, extrà verò subflavo, quòdque nil habet asperi aut furfuracei. Confit è fructu quodam rotundo fruticis in robore nascentis, foliis buxo similibus. Contunditur fructus, deinde lauatur, tandemque in aqua decoquitur. Sunt qui acinos commanducantes, ipsum conficiant. Gignitur quoque in malo, pyro & plerisque

aliis arboribus: atque etiam apud fruticum quorundam radices inuenitur. Discutit, emollit, attrahit: tubercula, parotidas aliósq. que abscessus maturat, resinæ paríque ceræ admixtum: epinyctidas quoque in splenio sanat. Vetera autem vlcera, malignósq. que abscessus cum thure mollit: lienémque absumit, cum calce aut gagate Asióve lapide coctum & impositum. Ungues quoque extrahit, cum arsenico aut sandaracha illitum. Cæterum cum calce vinique fæce mistum, suam vim intendit.

De Aparine. CAP. CIIII.

APARINE, quam alij ampelocarpum, alij omphalocarpum, alij philanthropum, alij denique ixum quasi viscum vocant, ramis multis fruticat, iisque paruis, quadrangulis, asperis: folia, ceu & rubiæ, ramulos in orbem cingunt per interualla. Flores sunt candidi: semen durum, album, rotundum, in medio quodammodo concavum instar umbilici: herba ipsa vestibus adhærescit. Ea verò pastores coli vice vtuntur, ad eximendos è lacte pilos. Seminis, caulium ac foliorum expressus succus è vino potus, contra phalangiorum viperarumque morsus præbet auxilium. Idem auribus infusus, earum doloribus medetur. Cæterum herba ipsa si axungia trita excipiatur, strumas discutit.

De Alyſſo. CAP. CV.

ALYSSON, suffrutex est exiguus, subasper, foliis rotundis: iuxta quæ fructus est duplicium scutulorum effigie, in quo semen quadantenus latum. Nascitur in montibus asperisque locis. Huius decoctum potum, soluit singultus qui sunt citra febrim. Idem præstat, si teneatur vel olfiat. At cum melle tritum, lentigines & maculas à Solis ardore contractas emendat. Sed & existimatur canis rabidi morsui mederi, contusum in eduliis & exhibitum. Quin & in domo suspensum, salutare ac tum hominibus tum aliis animalibus fascini amuletum esse fertur. Panno verò puniceo circumligatum, pecorum morbos abigit.

De Asclepiade. CAP. CVI.

ASCLEPIAS ramulos emittit longos, in quibus folia longa, hederacea: radices numerosas, tenues, odoratas: florem graucolentem, semen ceu securidacæ. Nascitur in montibus. Radices in vino potæ, torminibus, & contra venenatorum animalium morsus, auxiliantur. Folia verò imposita, mammarum ac vulvæ malignis vitiis conferunt.

De Atractylide. CAP. CVII.

ATRACTYLIS, spina est cnico similis, sed quæ in summis virgultis folia mul-

tò longiora proferat: maior autem pars nuda est & aspera, qua etiam foeminae pro colu vtuntur. Capitula etiam gerit in cacumine aculeata, florémque pallidum: radix tenuis est atque supernacua. Huius folia, coma & semen, trita potaque cum pipere ac vino, à scorpione percussis succurrunt. Tradunt & nonnulli, percussos, quandiu herbam eam tenuerint, cruciatum non sentire: sed illa deposita, statim dolere.

De Polycnemo. CAP. CVIII.

POLYCNEMON, frutex est furculosus, foliis origani, caule geniculis multis intercepto, vti pulegij. Neque verò umbellam habet, sed paruos in cacumine corymbos cum acri quadam odoris iucunditate. Seu recens, seu aridum ex aqua impositum, efficaciter vulnera glutinat: sed quinto die solui debet. Ad stranguriam itidem & rupta ex vino bibitur.

De Clinopodio. CAP. CIX.

CLINOPODIUM exiguus frutex est, etiam furculosus, duum dodrantum altitudine, qui quidem in petrosis nascitur: foliis serpyllo similibus, & floribus [orbiculato suo ambitu] lecti pedum speciem præbentibus, ex interuallis marrubij modo dispositis. Bibitur herba ipsiusque decoctum ad venenatorum animalium morsus,
con-

conuulsa, ruptaque & stranguriam. Pellit & menses atque partus. Verrucas penfiles, quas acrochordonas vocant, auellit, aliquot diebus epotum. Alium quoque sistit ad tertias decoctum & potum, siquidem febris absit, in vino: sin minùs, ex aqua.

De Leontopetalo. CAP. CX.

LEONTOPETALVM caulem profert dextrantalem, aut etiam altiore, plurimis alis concavum: in quarum cacuminibus si-
liques sunt cicerum modo, ac in his duo tria-
ve minuta semina, flores punicei, anemonæ
similes, folia brassicæ, papaveris foliorum
diuisura: radix nigra, rapo similis, quæ emi-
nentias ceu nodos quosdam habet. Nascitur
in aruis, ac inter segetes. Radix ex vino po-
ta, commorsis à serpente auxiliatur, dolo-
rem omnem celeriter eximens. Miscetur &
ischiadicatorum clysteribus.

De Teucrio. CAP. CXI.

TEVCRIVM sunt qui etiam chamae-
dryn' appellant. Herba est virgæ spe-
ciem præ se ferens, trislagini similis, tenui
folio ac ciceris figura. In Cilicia iuxta Gen-
tiadem & Cissadem appellatam vbertim
prouenit. Recens cum posca, vel etiam ari-
dæ feruētactæ ius, potu potenter lienem
consumendi vim habet. Sed & lienosis im-
ponitur cum ficis & aceto: venenatorum

℞. j.

autem animalium moribus, ex aceto solo
fine fieis.

De Triffagine. CAP. CXII.

TRISSAGO Græcis chamædrys, quibus-
dam chamædrops, aliis linodrys dici-
tur. Sunt & qui eam ipsam Teucrium appel-
lauerint, propterea quod cum teucrio quan-
dam seruet similitudinem. Nascitur in aspe-
ris ac petrosis locis. Est verò frutex exiguus,
dodrantalıs, folia habens exigua, effigie &
diuisura quercus, amara: florem penè purpu-
reum ac pusillum. Carpi ipsam semine præ-
gnantem oportet. Recens in aqua decocta,
potu conuulsis, tussi, lienı indurato, vrina
difficultate laborantibus ac incipientibus
hydropicis auxiliatur. Ciet etiam menses,
atque partus extrahit, lienemque ex aceto
pota consumit. Est & aduersus venenata a-
nimantia potu ex vino illitūque efficax.
Sed & trita, in cataportia redigi potest ad su-
pradieta. Efficax quoque est ad repurganda
vetera vlcera cum melle. Trita verò cum o-
leo & illita, caligines oculorum discutit. De-
nique excalfacit perunctione.

De Leucade. CAP. CXIII.

LEVGAS montana latioribus foliis est
quàm satiua, semine verò acriore, ama-
riore atque etiam ori magis ingrato: atta-
men quàm satiua efficacior habetur. Vtraq;
cum

etiam vino & illitu & potu contra virulentorum animalium, maximeque marinorum, venena efficax.

De Lychnide coronaria.

CAP. CXIIII.

LYCHNIS coronaria flore est alba violæ, sed purpureo: qui quidem in corollas nequitur. Semen in vino potum, à scorpione ictis auxiliatur.

De Lychnide sylvestri. CAP. CXV.

Lychnis sylvestris, omni ex parte sativæ similis. Semen duabus drachmis potum, biliosa per alium detrahit, & ictis à scorpione subuenit. Sed & aiunt scorpiones hac herba admota torpescere, prorsusque inertes & ad lædendum inefficaces reddi.

De Lilio. CAP. CXVI.

LILI regij flos coronarius est: liriū. Nonnulli vocant: ex eoque paratur unguentum, quod aliqui lirinum, alij susinum appellant, nervos, priuatimque vulvæ duritias, emolliens. Herbae folia imposita, serpentium moribus opitulantur: servata quoque, adustis proficiunt: aceto verò condita, vulneribus prosunt. Ex eorundem succo in æneo vase decocto, adiectis aceto & melle, liquidum fit medicamentum, veteribus ulceribus recentibusque vulneribus utile. Inassata radix & ex rosaceo trita, igni

Z. ij.

ambusta sanat, vuluam emollit, menstrua ciet, vlceraque cicatrice obducit. Cum melle autem detrita, præcis nervis luxatisque medetur: alphasque, lepras & furfures emendat. Quin & vlcera in capite manantia exterget, faciemque purgat simul & erugat. Eadem trita cum aceto aut hyoscyami foliis & farina tritici, testium inflammationes demulcet. Semen verò potum, serpentium moribus aduersatur: erysipelatis autem semen & folia trita ex vino imponuntur. Tradunt porrò nonnulli, etiam purpureos nasci liliorum flores. Cæterum in Syria & Pisidia Pamphylia lilia vnguento conficiendo efficacissima nascuntur.

De Balote. CAP. CXVII.

BALOTE, seu marrubium nigrum, caules edit quadrangulos, nigricantes, subhirsutos, ab vna radice numerosos, foliis marrubij: at maioribus, rotundioribus, nigris & hirsutis, caulem per interualla cingentibus apiastris similitudine, atque etiam graueolentibus. Vnde & hanc aliqui apiastrum vocauere. Sed & flores candidi vnà cum foliis orbiculatim caules ipsos ambiunt. Huius folia ex sale imposita, aduersus canis morsus efficacia sunt. Feruētī verò cinere cocta dū flaccescāt, condylomata reprimunt, sordidaq; vlcera cū melle purgant.

De

De Apiastro. CAP. CXVIII.

APIASTRUM, quod Græci melissophyl-
lon, & alio nomine melittænam, vo-
cant, quoniam apes ea herba delectantur,
foliis & cauliculis antè memoratæ ballotæ
similis est: attamen maioribus & tenuiori-
bus, neque ita hirsutis, citreum verò malum
redolentibus. Folia cum vino pota atque e-
tiam imposita, profunt contra scorpionum
ictus, necnon & phalangiorum canisque ra-
bidi morsus. Eorundem decoctum fotu ad
eandem valet. Conuenit etiamnum fœmina-
rum defessionibus ad ciendos menses. Col-
luitur & in dentium doloribus, atque etiam
dysentericis infunditur. Folia quoque addi-
to nitro bibita, iis auxiliantur qui à fungis
strangulantur, necnon torminosi: ortho-
pnoïcis verò, in eclegmate sumpta. Cæte-
rùm imposita cum sale, strumas discutiunt,
itèmq; vlcera purgant: sed & articulares
dolores illita sedant.

De Marrubio. CAP. CXIX.

MARRUBIUM frutex est ab vna radi-
ce ramosus, subhirsutus, candicans,
virgis quadrangularibus: folium pollicem
æquat, subrotundum, villosum, rugosum,
gusto amaro. Semen est in caulibus ex in-
teruallis: flores verticillato ambitu asperi.
Nascitur circa domorum areas & rudecta.

Z. iij.

Huius foliorum siccorum simul & seminis decoctum ex aqua, aut etiam recentium foliorum succus vnà cum melle, tabidis, suspiriosis ac tuſſientibus exhibetur. Crassam quoque pituitam pectore contentam, ammixta iride sicca, excreatione purgat. Datur & mulieribus quæ non purgantur, ad euocanda menstrua, secundasque pellendas: itemque difficile parientibus, atque etiam his qui à venenatis bestiis commorsi sunt, necnon & iis qui venena hauserunt: attamen vesicam ac renes offendit. Folia cum melle illita, sordida purgant vlcera: pterygia nomasque sistunt, & laterum dolores mitigant. Sed & succus foliis contusis expressus & in sole spissatus coactusve, ad eadem pollet. Cum vino quoque ac melle inunctus, oculorum claritatem adiuuat: per nares item regium morbum expurgat. Denique aurium doloribus per se & cum rosaceo conuenienter instillatur.

De Stachy.

CAP. CXX.

STACHYS frutex est marrubio similis, sed saliquantò longior, & folia proferens numerosa, rara, subhirsuta, dura, odoris iucundi, candida: & complures virgulas ab eadem radice exeuntes, quàm marrubij candidiores. Nascitur in mōtosis & asperis locis. Vim habet excalfactoriam & acrem: ideoque folio-

Foliorum decoctum menstrua secundasque potu pellit.

De Phyllitide. CAP. CXXI.

PHYLLITIS folia promit rumici similia, sed oblongiora & magis virentia, sena septenave, recta: quæque parte anteriore lævia cernuntur, posteriore verò, tenues quasi vermiculos annexos ostendunt. Nasce-
tur in vmbrosis locis ac viridariis, gustu acerbo. Neque verò caulem, neque semen, neque florem profert. Folia in vino pota, serpentium moribus aduersantur. Quadrupedibus itidem per os infusa auxilio sunt. Bibuntur & ad dysenteriam & ad diarrhoeam.

De Phalangio. CAP. CXXII.

PHALANGIVM aliqui phalangiten, alij etiam leucacantham appellant. Ramuli ei sunt duo aut tres pluresve, inter se distantes: flores candidi, liliaceis similes, incisuras multas habentes. Semen verò latum, nigrum, ad dimidiatæ lentis figuram, sed multò gracilius. Radicula parua, tenuis, & dum è terra eruitur, coloris herbacei: postea verò, contrahit sese. Nasceitur in collibus. Folia, semen & flos, siquidem ex vino bibantur, contra scorpionum ictus phalangiorumque morsus auxiliantur: tormina quoque discutunt.

Z. iij.

TRIFOLIUM Græci triphyllon, alij oxytriphyllon, alij menyantes, alij asphaltium, alij denique cnicium vocant. Frutex est supra cubiti altitudinem assurgens, ac virgas habens tenues, nigras, iunceas, non sine ramulorum appendiculis: in quibus folia exeunt loti arboris foliorum similitudine, eaque terna in singulis germinibus. Odor illorum ubi recens nata sunt, rutæ: posteaquàm verò adoleuerunt, bitumini proximus. Florem verò edit purpureum, ac semen quadantenus latum & subhirsutum, ab altera extremitate veluti corniculum gerens. Radix autem tenuis, longa, ac firma validaque est. Semen & folia in aqua pota, pleuriticis, vrinæ difficultate laborantibus, comitialibus, hydropicis incipientibus, ac fœminis vulvæ strangulationi opportunis auxiliantur; menses quoque ciunt. Sed è semine, ternæ drachmæ: è foliis verò, quaternæ exhiberi debent. Succurrunt & venenatorum moribus folia trita ex aceto mulso pota. Tradunt verò nonnulli, totius fruticis, radicis inquam & foliorum decoctum fotu dolores eorum mitigare, quos serpentes morderint: verùm si qua sanatus quispiam fuerit aqua, alius aliquis foueatur qui vlcus habuerit, perinde affici ut qui demorsi fuere.

Quidam

Quidam terna folia aut totidem semina in tertianis cum vino potui dedere, & in quartanis quaterna, cœ quæ februm circuitus finiant atque discutiant. Cæterum radix antidotis inferitur.

De Polio. CAP. CXXIIII.

POLIVM quoddam montanum, cui etiam teuthris nomen est, & cuius est usus. Exiguus frutex est, tenuis, candidus, dodrantalis, & semine refertus: capitulo in cacumine quandam corymbi speciem præseferente, paruo, cæsariei canæ simili, & graveolente cum aliquantula odoris iucunditate. Alterum fruticosius est, non usque adeò valens odore, ac viribus inefficacius. Decoctum ipforum eporum, succurrit venenatorum moribus, hydropicis & arquatis: spleneticiis autem ex aceto propinatur. Sed capitis dolorem ciet, stomachumque malè habet. Ducit verò etiam aluum ac menses. Cæterum substratum suffitumve polium, venenatas bestias abigit: impositum verò, vulnera conglutinat.

De Scordio. CAP. CXXV.

SCORDIVM in montanis & palustribus locis nascitur. Folia habet triflaginis similitudine, at maiora, neque ita per ambitum incisuris diuisa, aliquantum verò alium redolentia, astringentia & gustu amara:

cauliculos autem quadrangulos, è quibus flos subruher emicat. Vim habet herba ex-calfactoriam, urinamque cit. Recens trita, itemque arida, decocta in vino, aduersus serpentium morsus, venenamque propinatur: ad stomachi verò rosiones, dysenteriam, & urinæ difficultatem, binis drachmis ex hydromelite. sed & pus crassius pectore expellit. Facit & arida ad veterem tussim, rupta, conuulsamque, si cū nasturtio, melle ac resina in eclegmate misceatur: diuturnam quoque hypochondrij inflammationem cerato excepta lenit: valet itidem ad podagram, ex aceto acri oblita aut ex aqua imposita: subdita verò, menses mouet. Quin & vulnera conglutinat, vetera vlcera repurgat, & cum melle ad cicatricem perducit. Sicca verò, carnis excrementas cohibet. Sed & expressus ex ea succus, ad eadem vitia bibitur. Verum efficacissimum Ponticum, Creticumque.

De Tussilagine. CAP. CXXVI.

TVSSILAGINI folia sunt hederaceis similia, sed maiuscula, sena septenave à radice prodeuntia, infernè subalbida, supernè verò virentia, pluribus angulis prædita: caulis palmi altitudine, flos ex luteo albicans, qui verno tempore prodit, at quamprimum vnà cum caule amittitur. Ex quo factum. vt nonnulli herbam hanc sine caule

ac

ac sine flore esse existimauerint. Radix tenuis, nec superuacua. Nascitur circa scaturigines aquarum, & riguis locis. Folia trita, ex melle imposita, erysipelatis omnique inflammationi medentur: suffita verò arida, ita vt ex iis fumus per infundibulum hianti ore excipiatur hauriatúrque, eos sanant, qui sicca tussi & orthopnoea infestantur: pectoris etiamnum vomicas rumpunt. Eundem effectum præbet suffita radix: sed & decocta in hydromelite ac epota, partus emortuos eiicit.

De Artemisia.

CAP. CXXVII.

ARTEMISIA in maritimis plerunque nascitur, herba fruticosa, absinthij similitudine, nisi quòd est maioribus pinguioribusque foliis: quanquam est quædam latior habitiórque, foliis virgultisque latioribus, altera verò, tenuioribus. Flores sunt parui, tenues, candidi & graueolentes: æstate autem floret. Sunt qui in Mediterraneis artemisiam monoclonon appellent, herbulam gracili furculo, simplici caule donatam, valde pusillam, attamen floribus refertam tenuibus, & ad fuluum colorem accedentibus. Hæc quàm præcedens iucundio rem afflat odorem. Vtraque excalfacit & attenuat. Feruefactæ insidentibus fœminis prosunt ad extrahendos menses, partus secundasque.

itēque ad vuluæ præclusionem & inflammationem. Valent etiamnum ad comminuendos calculos, remoratāque urinam eliciendam. Quinetiam herba ipsa copiosior imo ventri imposita, menses ciet. Succus ex eadem expressus, cum myrrha subactus vuluæque subditus, eadem quæ & infusus ex utero trahit. Sed & coma eorundem educendorum gratia ternis drachmis propinatur.

De Artemisia tenuifolia.

CAP. CXXVIII.

Habetur & Artemisia tenuifolia, quæ circa riuulos ac sepes & in agris frumentariis nascitur. Huius flores & folia si contriueris, sampsuchi odorem expirant. Si quis igitur herbam eam tusam, & cum oleo amygdalino bene subactam more malagmatis dolenti stomacho imposuerit, sanabitur. Quod si quis etiam nervorum dolore tentetur, eius contritæ succo expresso & mixto cum oleo rosaceo, illum si perunxeris, curabitur.

De Ambrosia. CAP. CXXIX.

AMBROSIA, quam alij botryn, alij botryn artemisiam appellant, exiguus frutex est, trium palmorum altitudine, ramosus: folia circa imum caulem habet exigua, ceu rutæ: cauliculos verò minutis seminibus, quasi racemulis, qui nunquam florent, refer-

refertos: est is odore vinoso, ac suavis. Radix tenuis, & duum palmorum longitudine. Nectitur in coronas apud Cappadoces. Vis eius, reprimere, repellere & illitu astringere humores, qui in aliquam partem incumbunt.

De Botry. CAP. CXXX.

BOTRYS herba est luteca tota, fruticosa, blatè sparsa, & alis compluribus prædita. Semen circa totos ramulos nascitur: folia cichorio similia, numerosa. Herba verò tota suauiter admodum olet: quamobrem vestibus etiam interponitur. Inuenitur verò potissimum circa profluentes aquas, & in torrentium ripis. Pota ex vino, orthopnœas mulcendi vim habet. Et hanc Cappadoces ambrosiam vocant, alij artemisiam.

De Geranio. CAP. CXXXI.

GERANIVM folio est anemones, incisuris diuiso, at longiore: radice prope modum rotunda, dulci & esui apta. Hæc arachmæ pondere in vino pota, vuluæ inflationes discutit. Vocatur & à nonnullis geranium alterum, quod calliculos habet tenues, lanuginosos, binum palmorum altitudine: folia verò ceu malvæ, & in summis alis sursum spectantes eminentias quasdam, veluti gruû capitula cū suis rostris, aut dentes caninos. Sed nullius est in medicina vsus.

De Gnaphalio. CAP. CXXXII.

GNAPHALII foliis albis mollibſisque pro tomento vtuntur. Efficaciter autē ad dyſenteria in vino aſtero propinatur.

De Typha. CAP. CXXXIII.

TYPHA folium profert cyperidi ſimile, caulem læuem & æquabilem, quem in cacumine flos ambit denſus, quique in pappos ſoluitur. Eum aliqui paniculam nominant. Huius flos vetere ſuillo adipe loto exceptus, ambuſtis medetur. Gignitur autem in paludibus & aquis ſtagnantibus.

De Circea. CAP. CXXXIII.

CIRCAEA, quam dircaam aliqui vocant, folia gerit hortenſis ſolani, ac propagines crebras: flores nigros, puſillos, numeroſos: ſemen milij figura, quibuſdam veluti corniculis inuolutum: radices dodrantaſ, ternas quaternasve, albas, odoratas, & exalſiendi vi præditas. Naſcitur maximè locis petroſis & apricis perſtabilibus. Radix vnciarum quatuor pondere tuſa, & in vini dulcis heminis ſex diem noctemque maccrata, triduòque bibita, vuluam expurgat. At ſemen in ſorbitionibus aſſumptum, lactis vbertatem præſtat.

De Oenanthe. CAP. CXXXV.

OENANTHEN alij leucanthon nominant. Folia edit paſtinacæ: flores candi-

candidos: caulem crassum, palmi altitudine: semen atriplicis: radicem denique magnam, in multa rotunda capitula extuberantem. Nascitur in petris. Semen, caulis ac folia, ad secundas pellendas cum vino mulso propinquantur. Ipsa quoque radix è vino, ad stranguriam regiumque morbum utilis.

De Conyza. CAP. CXXXVI.

CONYZA quædam parua vocatur, odore præstantior: maior altera, quæ frutice altior est, foliisque latioribus atque graucolens. Vtriusque folia oleæ similia, at hirsuta & pingua. Et maioris quidem conyzæ caulis in binum cubitorum altitudinem assurgit: minoris verè, pedem æquat. Flos squalidus est, lutei coloris & subamarus, ac in pappos abit: radices autem, superuacua. Frutex cum foliis, substratu suffitūque venenatas bestias fugat, culices abigit, ac pulices quoque necat. Folia utiliter imponuntur serpentium morsibus, tuberculis atque vulneribus. Flores etiam ac folia, ad menses partusque pellendos in vino bibuntur: itemque contra stranguriam, tormina morbumque regium. Eadem ex aceto pota, comitiales adiuuant. Quin & decoctum, in fessu vuluæ vitiis medetur, mensesque purgat. Subditus autem succus, abortum infert. Sed & herba ex oleo peruncta, contra rigores

est efficax. Tenuior verò, etiam capitis dolores imposita sanat. Est & tertium conyzæ genus, caule crassiore molliorèque, foliis mediæ inter maiorem & minorem amplitudinis. Minimè autem pinguis ea est: at odore longè grauior, atque adeò iniucundior simul & inefficacior. Locis aquosis prouenit.

De Hemerocalle. CAP. CXXXVII.

HEMEROCALLIS caulem foliaque habet lilij, sed porri modo virentia. Flores in singulis scapi propaginibus terni quaternive erumpunt, lilij diuisura, cum dehiscere cœperint, saturatiore verò ochræ colore: radix prægrandi bulbo similis est: quæ quidem trita potaque, aut cum melle & lana subdita in pello, aquam & sanguinem inutilem educit. Folia verò trita illitaque, mammarum à partu inflammationes, necnon & oculorum epiphoras mitigant. Cæterum & radix & folia, igni ambustis vtiliter imponuntur.

De Leucoïo seu Viola alba.

CAP. CXXXVIII.

LEVCOION vulgaris est notitiæ: sed est in floribus differentia. Nanque aut albi, aut lutei, aut cærulei, aut etiam purpurei reperiuntur. Est porrò leucoïon luteum inter cætera præcipui in medicina vsus: quippe cuius aridi flores seruefacti, in defensionibus
valent


valent cōtra vuluę inflāmationes, mēstruāq;
pellunt. Cerato verò excepti, rimas sedis:
cum melle autem, oris vlcera, quę aphthę
dicuntur, sanant. At semen duūm drachma-
rum pondere ex vino potum, aut cum melle
subditum, menses, secundas & partus extra-
hit. Cæterum radices ex aceto illitę, lienem
reprimunt, & podagricos iuuant.

De Crataegono. CAP. CXXXIX.

CRATAEOGONON, siue, vt aliis placet;
Crataeonon, folia habet melampyri:
plures autem ab vna radice emicant culmi,
geniculati: semen est milio simile. Nascitur
vt plurimum locis opacis & frutetosis. Est
autem vehementer acre. Traditur à quibus-
dam, seminis potum efficere vt mulier viri-
lis sexus fœtum pariat, siquidem post men-
ses purgatos, anteaquàm cum viro congre-
diatur, ter die ieiuna semen tribus obolis in
aquę cyathis duobus bibat, ad dies quadra-
ginta: bibat & ipsum vir modo consimili,
ac totidem etiam diebus, deindēque cum il-
la coëat.

De Phyllo. CAP. CXL.

PHYLLON, alij clæophyllon, bryoniam
alij nominant: in saxosis nascitur. Ac il-
lud quidem quod thelygonon dicitur, velu-
ti bryon oleę pallidius gerit: folio verò est
magis herbacei coloris: caule tenui, breui:

Aa. j. 

radice gracili: flore albo: semine papaveris, maiusculo. Arrhenogonon verò cæterà antedicto simile: semine tantùm differt: habet enim racemosum, ei quodammodo simile quod, postquàm defloruit olea, primulùm emergit atque conspicitur. Perhibetur autem, arrhenogoni potu mares generari: thelygoni verò, fœminas. Hæc memoriæ prodidit Crateuas: quanquam talia mihi videtur historiatenus, tanquam fama auditio- néve accepta, proponere.

De Orchis seu testiculo. CAP. CXLI.

ORCHIS, quem alij cynosorchin, quasi canis testiculum, vocant, foliis est circa caulis imam partem in terra stratis, mollibus, oleæ similibus, at longioribus: caule palmari, in quo flores purpurascentes emicant: radice bulbosa, oblonga, gemina, angusta, oliuarum instar: quarum vna superior est, altera inferior: & hæc quidem plenior ac mollior, illa durior ac rugosa. Radix cocta ut bulbosus estur. Sed & de his radicibus memoriæ proditur, si maiorem edant viri, mares generari: si minorem fœminæ, alterum sexum. Insuper autem proditum est, in Thesalia mulieres teneram è lacte caprino propinare ad excitandam libidinem: aridam verò, ad eandem inhibendam: atque ab vnius potu alterius vires exolui. Nascitur in saxosis & sabuletis.

De Testiculo altero. CAP. CXLII.

Testiculus alter, quem alij, velut & Andreas, Serapiada vocant, propter radicis multiplicem vsum, foliis est porri, oblongis, at latioribus & pinguibus, ex alarum sinu inflexis: cauliculis palmaribus, ac floribus penè purpureis: radix autem subiacet testiculis similis. Hæc imposita, œdemata dissipat, vlcera repurgat, herpetem sistit: fistulas quoque abolet, & illita, partes inflammatas demulcet. Arida eadem inspersa, nomas cohibet, sanatque putrescentia & cacoëthe oris vlcera. Aluum denique sistit, è vino pota. Sed & de hac radice eadem, quæ de antè memorata testiculi canini radice, narrantur.

De Satyrio. CAP. CXLIII.

SATYRIUM alij trifolium vocant, quoniam ut plurimum terna folia in terram conuexa proferat, rumici aut lilio similia, attamen minora atque rubescentia: caulem gerit nudum, cubitalem: florem lilij effigie, candidum: radicem bulbosam, mali magnitudine, rufam, intus verò albam, oui instar, sapore dulcem orique gratam. Hanc in vino nigro austero bibere oportet, contra opisthotonō. Ipsa quoque vtere, si cum muliere rem habere volueris. Eam enim etiam ad venereos impetus concitatricem vim habere affirmant.

Aa. ij.

De Satyrio Erythronio.

CAP. CXLIII.

Satyrium Erythronium siue erythraicum, semen habet lini similitudine, at maius, firmum, splendens ac laue: quod fertur etiam non secus atque scincus libidinem excitare. Est verò cortex radice aliquantum gracilis ac rufus: interna autem pars, alba, sapore dulci, orique grata. In apricis & montosis locis enascitur. Proditur & radix, si modò manu teneatur, Venerem stimulare, eoque magis, si bibatur in vino.

De Hormino.

CAP. CXLV.

HORMINUM, herba est foliis marrubio similis: caule quadrágulo, semicubitali, circa quem eminentiæ siliquis similes conspiciuntur, quæ quidem radicem versus spectant, & in quibus semen diuersum recluditur. Siquidem in syluestri rotundum fuscumque reperitur: at in altero oblongum & nigrius, cuius & vsus est. Creditur enim in vino bibitum, etiam Venerem stimulare. Purgat verò cum melle oculorum argema & albugines: illitumque ex aqua, etiam œdemata discutit, & infixos aculeos è corpore extrahit. Sed & imposita herba, hæc eadem præstat. Syluestre autem magis viribus pollet: quamobrem etiam vnguentis, præsertimque gleucino immiscetur.

De

De Hedyaro. CAP. CXLVI.

HEDYSARVM, quod vnguentarij pele-
cinum, id est, securidacam, vocant; fru-
tex est minutis foliis, ciceri similibus: fili-
quis verò cornicula referentibus, in quibus
semen fuluum, quod ancipitem securim æ-
mulatur, (vnde & nomen accepit), gustu a-
marum, stomachoque in potu vtile. Additur
& in antidota. Cum melle verò subditum,
ante coitum spem partus adimere creditur.
Cæterum inter triticum & hordea nascitur.

De Onosmate. CAP. CXLVII.

ONO S M A alij osmadem, alij phlonitim,
alij denique ononim vocant: folia ha-
bet ad similitudinem anchusæ, oblonga,
mollia, quatuor digitorum longitudine &
vnius latitudine, in terra iacentia, denique
anchusæ foliis quàm simillima. Est autem
sine caule, sine semine, sine flore. Radicula
verò subest longiuscula, infirma, tenuis, ac
modicè rubescens. Gignitur in asperis. Folia
in vino pota, partus extrahunt. Sed & præ-
gnans si herbam eam supergrediatur, abor-
tum facere dicitur.

De Nymphaea. CAP. CXLVIII.

NYMPHAEA in paludibus stagnanti-
busque aquis nascitur: folia verò ha-
bet Ægyptiæ fabæ similia, at minora ob-
longioraque, plura ab vna eademque radice

Aa. iij.

prodeuntia: quorum alia super aquam quodammodo extant, alia in ea ipsa demerguntur, florem album, lilio similem, in quo medium croceum est. At cum defloruerit, calyculus rotundus, figura malo aut papaveris capiti similis, idemque niger, extuberat: in quo semen nigrum, latum, densum, atque gustanti lentum glutinosumve recluditur. Caulis est latus, minimè crassus, niger, Ægyptiæ fabæ cauli similis: radix nigra, scabra, clauæ similis, quæ autumno secatur. Ea sicca cum vino pota, coeliacis ac dysentericis auxiliatur, lienemque consumit. Stomachi quoque ac vesicæ doloribus sedandis ipsa radix imponitur, & alphas ex aqua emendat: alopeciiis etiamnum cum pice imposita medetur. Eadem contra Veneris insomnia bibitur, siquidem illa in totum adimit: quin & aliquot diebus continenter epota, genitale ita infirmit, ut arrigi minimè possit. Idem porro feminis quoque poti effectus est. Cæterum à nymphis nymphææ nomen sibi vendicasse creditur, quoniam loca amet aquosa. Plurima autem inuenitur in Helide, Anygro amne, & in Bœotia Aliarto.

De Nymphaea altera. CAP. CXLIX.

Est & altera Nymphaea, cuius flos blepharæ dicitur, foliis antedictæ similis: at radice alba simul & aspera, flore luteo, splendente,
rosæ

rosæ simili. Radix & semen, ad inhibenda
fœminarum profluvia efficaciter ex vino ni-
gro bibuntur. Nascitur autem in Thessalia,
iuxta Peneum amnem.

De Androsace. CAP. CL.

ANDROSACES in maritimis Syriæ na-
scitur: herba verò est alba, tenuibus cir-
ris, amara, sine foliis, folliculum habens in
cacumine, quo semen continetur. Ea drach-
mis duabus in vino pota, copiosam hydro-
piciis vrinam ciet. Quin & herbæ decoctum,
itèmq; semen largius ex vino potum, enn-
dem præbet effectum. Vtiliter quoque poda-
gricis illinitur.

De Aspleno. CAP. CLI.

ASPLENON aliqui scolopendrium, alij
splenium, alij hemionion, alij denique
pteryga vocant. Foliis est scolopendræ ani-
mali similibus, pluribus ab vna radice, spar-
sis in ambitum. Nascitur in petris parieti-
búsque confectis è calculis filicibúsve, iis-
que opacis. Nec verò caulem, nec florem,
nec semen habet: folia autem filiculæ modo
incisuris diuiduntur, subter flauescencia hir-
sutaque, supernè verò viridia. Vim hanc ha-
bet foliorum in aceto decoctum, vt per dies
XL. potum lienem absumat. Sed & foliis è
vino tritis lienem illini oportet. Stranguriæ
quoque, singultui, & regio morbo subuenit,

Aa. - iiij.

atque calculos vesicæ comminuit. Cæterum spem partus adimere creditur, tum per sese, tum etiam cum muli liene amuleti instar adalligatum. Verum in eum usum tradunt nocte quapiam illuni effodiendum.

De Hemionitide. CAP. CLII.

HEMIONITIN sunt qui splenium vocent. Folium emittit simile dracunculi, curuata in cornua lunæ modo sinuatum. Radices subiacent multæ, eæque tenues: sed neque caulem, neque semen, neque florem profert. In saxosis hæc herba nascitur, astringente sapore prædita: & ex aceto pota, lienem quoque absumit.

De Anthyllide. CAP. CLIII.

ANTHYLLIS duum est generum: quædam enim foliis est mollibus, alioqui lenticulæ simillimis, & ramulis palmi altitudine, rectis: radice tenui & parua. Nascitur in sabulosis, apricis, subfalsa gustanti. Altera est foliis ramusculisque chamæpityi similis, hirsutior tamen, breuior & asperior: flore purpureo, & odoris admodum grauis: radice cichorij. Hæc drachmis quatuor bibita, urinæ difficultate laborantibus & nephriticis plurimum prodest. Tritæ verò, uteri inflammationes emolliunt, cum rosaceo & lacte subditæ, ac vulneribus quoque medentur. Quæ autem chamæpityos similitudinem refert,

refert, præter alia etiam comitiales sanat,
cum aceto mulso pota.

De Anthemide. CAP. CLIIII.

ANTHEMIDEM alij leucanthemon,
alij eranthemon, quoniam vere flo-
reat, alij chamæmelum, quoniam odorem
mali habeat, nonnulli melanthemon, alij
chrysocomen, alij denique calliam vocant.
Huius genera tria flore tantum distantia:
rami dodrantes, fruticosi, alis multis con-
caui: foliola parua, tenuia, numerosa: rotun-
da item capitula, intus quidem auri colore
fulgentia, foris verò orbiculato ambitu flo-
ribus circumdata candidis, aut melinis, aut
purpureis, magnitudine foliorum rutæ. Na-
scitur in asperis, & iuxta semitas. Colligitur
vere. Vim habent radices, flores & herba i-
psa, excalfaciendi extenuandique: seu potu
seu infusione pellunt menstrua, partus, cal-
culos & vrinas. Propinantur & aduersus in-
flationes & ilei tormenta. Sed & regium
morbum expurgant, atque hepaticis me-
dentur: decoctum quoque vesicæ fotibus ac-
commodatur. Ex omnibus autem hisce ge-
neribus ad calculos efficacissima est, quæ
florem purpureum habet, quæque omni ex
parte cæteris maior ampliorque est: hanc
propriè Eranthemon vocant. Ea verò cui
leucanthemon nomen est, item quæ chry-

santhemom dicitur, potentiùs vrinam ciunt
 ægilopiis quoque illitæ medentur, & com-
 manducatæ vlcerum eruptiones in ore fa-
 nant. Nonnulli iis in farinam tritis cum o-
 leo vtuntur ad illitiones, idque ad febres pe-
 riodicas abigendas. Flores autem ac folia,
 singula inquam seorsim tusa & in pastillos
 digesta, recondi oportet: radix verò prius e-
 xiccanda est. Ac vbi vsus exigit, modò herbæ
 partes duæ dari debent, modò floris aut ra-
 dicis pars vna: aliàs contrà, floris partes duæ
 & herbæ pars vna, vicissim duplicato ponde-
 re alternis diebus. Bibere autem oportet in
 vino mulso diluto.

De Parthenio.

CAP. CLV.

PARTHENIVM aliqui amaracum, aliij
 leucanthemon vocant: foliis est corian-
 dri, tenuibus, floribus per ambitum albis, in
 medio verò melinis, odore subuiroso & sa-
 pore subamaro. Siccatur cum aceto mulso
 aut sale potum, æquè ac epithymum pitui-
 tam & bilem atram detrahit, suspiriosisque
 ac melancholicis prodest. At herba citra flo-
 rem, calculosis & anhelatoribus magna vti-
 litate propinatur. Ipsius verò decoctum, ad
 insidendum valet in vulvarum duritiis &
 inflammationibus. Sed & ipsa cum flori-
 bus, erysipelatis & inflammationibus impo-
 nitur.

De

De Buphthalmo. CAP. CEVI.

BUPHTHALMVM (quidam cachlan vo-
cant) teneros emittit cauliculos & quo-
dammodo tenues, folia fœniculi, flores me-
linos, maiores quàm anthemidis, oculorum
similitudine: vnde & herba nomen traxit. In
campestribus & circa oppida nascitur. Huius
flores triti cum cerato, œdemata duritiâsque
discutiunt. Aiunt verò, post exitum à balneo
epotam, regio morbo correptis ad tempus
aliquod colorem gratiorem facere.

De Pœonia. CAP. CLVII.

PÆONIA siue glycyfide, quibusdam pen-
torobon dicitur: sunt qui Idæos dactylos
radicem pœoniam vocent. Caulis ferè in
duorum dodrantum altitudinem adolescit,
adnascente numerosa sobole comitatus: ac
mari quidem folia sunt qualia iuglandis,
fœminæ verò, incisuris smyrnij modo diui-
sa. Summo caule fert vtraque filiquas quas-
dam, veluti Græcas nuces: quibus dehiscen-
tibus grana multa rubentia, parua, acinis
Punicorum similia inueniuntur, & inter
hæc media quinque aut sex, nigra, purpurea.
Radix maris, digitali ferè est crassitudine &
palmi longitudine, gustu astringens, candi-
da: fœminæ verò radicibus ceu glandes se-
ptem octòve adhærent, quales hastulæ regiæ
radicibus adnascuntur. Radix fœminis à

partu non purgatis exhibetur: ciet quoque menses, nucis Græcæ magnitudine pota: ventris etiam doloribus in vino bibita auxiliatur. Prodest & arquatis, iis que qui renum aut vesicæ cruciatibus infestantur. Eadem decocta in vino potaque, alium sistit. Seminis autem granula decem duodecimve rubentia in vino nigro & austero pota, sanguinolentum fluorem muliebrem sistunt: stomachicis que, qui erosiones ventriculi sentiunt, comesta opitulantur. Quin & à puerulis pota esitativa, initia calculi eximunt. Quæ verò nigra sunt grana, suppressionibus nocturnis, quas ephialtas vocant, vulvæque strangulationibus ac vteri doloribus, numero quindecim in aqua mulsa aut vino pota, auxiliantur. Cæterum nascitur præonia in altissimis montibus eorumque verticibus.

De Lithospermo. CAP. CLVIII.

LITHOSPERRMON, nonnulli ægonychon, alij exonychon, alij Heracleam vocant, propter seminis duritiam, à qua & lithospermi nomen accepit. Foliis est oleæ, longioribus tamen, latioribus atque mollioribus, & iis quidem quæ in imo à terra exiliunt humi iacentibus: ramulis rectis, tenuibus, acuti iunci crassitudine, firmis, lignosis: in quorū cacumine bifida propago cauli-

cauliculorum speciem exhibet, foliis longis: inter quæ semen lapidea duritie, rotundum, candicans, erui parui magnitudine. Nasctur in asperis & editis locis. Vim habet semen cum vino albo potum, calculos frangendi, urinæque pellendi.

De Phalaride. CAP. CLIX.

PHALARIS cauliculos emittit à tenuibus ac nullius vsus radicibus numerosos, bipalmes, geniculatos, culmis zeæ similes, graciliores tamen ac sapore dulces: folia itidem zeæ: semen verò milij magnitudine, candidum & oblongum. Herbarum tussæ succus ex aqua aut vino expressus, ad vesicæ cruciatus utilissimè bibitur. Semen quoque cochlearis mensura ex aqua potum, ad eadem est efficax.

De Rubia. CAP. CLX.

RUBIA, Græcis Erythrodanum seu Ereuthodanum, aliquibus teuthrion vocatur: radix est rubra, tingendo idonea. Vna quidem sylvestris est, sativa altera, ut in Thebana Galilææ & Rauennæ in Italia. Sed & in Caria inter oleas seritur, velut in aruis. Utiliter autem colitur, quod multo polleat quæstu, ex eaque amplissimus redditus percipiatur. Sunt ei caules quadranguli, longi, asperi, quales aparinæ: sed omni ex parte maiores atque robustiores, foliis in orbem per-

interualla, nempe circa singula genicula, stellæ modo decussatim radiatis: semine rotundo, inter initia viridi, mox rubro, ac postremò cum ematuruit nigro. Radix est tenuis, longa, rubra, ciendæ urinae vi prædita: qua de causa arquatis auxiliatur, pota cum aqua mulsa: itémque ischiadicis atque paralyticis. Crassam porrò copiosamque urinam pellit, ac interdum etiam sanguinem: bibentes tamen quotidie lauari oportet, & excrementorum quæ redduntur differentiam contemplari. Contra serpentium morsus caulem cum foliis imponere prodest. Semen verò ex aceto mulso potum, lienem absumit. At subdita radix, partus, menses secundasque trahit. Albæ quoque vitiligini illita ex aceto medetur.

De Lonchitide.

CAP. CLXI.

LONCHITIS folia habet porro perquam similia, latiora tamen & rubentia, plurima, ad radicem circumfracta, veluti in terram procumbentia. Habet & circa caulem pauca, in quo quidem flores ceu pileoli, hiantibus comicis personis figura similes, iisque nigri, sed è rictu albam veluti paruam linguam exerentes, quæ ad labrum inferius spectet: semen inuolucris clausum, triangulum & lanceæ cuspidi simile, vnde etiam planta ipsa sibi cognomentum arrogauit:
radix

radix danci. Nascitur in asperis ac sitientibus. Radix ex vino pota, urinam ciet.

De Lonchitide altera. CAP. CLXII.

Lonchitis altera, quam alij asperam dicunt, folia profert scolopendrij, sed asperiora maioraque, ac multò magis diuisa. Vim porrò habet vulnerariam, inflammationesque arcet. Lienem quoque pota ex aceto absument.

De Althea. CAP. CLXIII.

ALTHAEA, quam nonnulli Ibiscum vocant, maluæ sylvestris species est, foliis uti cyclamini rotundis, lanuginosis: flore rosaceo: caule bicubitali: radice lenta glutinosaque, intus alba. Althææ verò nomen inditum illi est, à multiplici excellentique quam in medendo præstat utilitate. Decocta enim in aqua multa aut vino, aut per se etiam tusa, efficaciter imponitur vulneribus, parotidibus, strumis, abscessibus, mammarum inflammationibus, sedis doloribus, contusis, flatuosis tumoribus ac neruorum distensionibus: siquidem discutit & maturat, aut rumpit, & ad cicatricem perducit. At cocta, ut dictum est, si cum adipe suillo aut anserino, terebinthinave subigatur, facit ad vuluæ inflammationes præclusionesque, subdita in pello. Sed & ipsius decoctum eundem obtinet effectum, relicta post partum in utero

purgamenta præterea extrahens. Succurrit & radicis decoctæ succus ex vino potus urinæ difficultati, calculosorum sævis acerbisque cruciatibus, dysentericis, ischiadicis, tremulis atque ruptis. Eadem dentium mulcet dolorem, cum aceto decocta, colluto inde ore. Semen autem seu viride, seu etiam ficcum, vitilignes in sole ex aceto perunctas emendat & exterit. Illud idem ex oxelæo perunctum, venenatorum animalium arcet iniurias. Vis quoque illi efficax contra dysenteriam, sanguinis per os reiectionem, aluique profluvium. Quin & bibitur in posca aut vino decoctum contra apum aliarumque omnium minutarum bestiolarum aculeatos ictus. Folia verò cum olei momento, moribus ipsis atque etiam igni ambustis imponuntur. Cæterum ipsa radix aquam addensat atque coagulat, siquidem trita illi ammixta, simulque sub dio posita fuerit.

De Alcea. CAP. CLXIII.

ALCEA & ipsa syhæstrium malvarum generi assignatur: folia verò habet diuisa, verbenacæ proxima: caules tres aut quatuor, cortice cannabino vestitos: florem paruum, rosæ similem: radices albas, latas, quinque aut sex, ferè cubitales: quæ quidem cum vino aut aqua potæ, dysentericæ ruptisque medentur.

De

De Cannabi sativa. CAP. CLXV.

CANNABIS sativa, planta ad texendos funes validissimos mortalium generi pervtilis, folia gerit fraxini, sed fœdi odoris, caules proceros, inanes, semen rotundum: quod cibo largiore genituram extinguit. Ex eo recente expressus succus, convenienter aurium doloribus instillatur.

De Cannabi sylvestri. CAP. CLXVI.

Sylvestris Cannabis virgulas profert quales althæa, sed nigriores, asperiores ac minores, cubiti altitudinem æquantes: foliis sativæ, asperioribus tamen ac nigrioribus: floribus lychnidis, subrubris: semine & radice althææ. Vim habet decocta radix & imposita, inflammationes leniendi, œdemata discutiendi, & tophos articulorum dissipandi. Sed & huius cortex torquendis funibus est accommodatus.

De Anagryi. CAP. CLXVII.

ANAGYRIS siue Anagyros, quem alij acopon vocant, frutex est arboris instar, foliis & virgis vitici assimilis, perquam gravis odore, flore brassicæ, semine in longis corniculis renibus figura simili, versicolore ac solido, quod vva maturescence durefcit. Huius folia recentia trita & imposita œdemata reprimunt. Eadem [sicca] drachma pondere in passo, suspiriosis potui datur.

Bb. j.

itēque ad secundas, menses partúsque extrahendos: & contra capitis dolores, in vino. Difficulter etiam parientibus amuleti instar adalligantur: sed à partu statim auferri abii-eique oportet. Radicis autem succus discutiendiis cōcoquendísq; adhibetur. Semen verò comestū, vomitiones vehemēter cōcitāt.

De Cepea.

CAP. CLXVIII.

CEPAEA portulacæ similis est, verūm nigriora habet folia, radicēque tenuem. Folia in vino pota, stranguria & vesicæ scabie laborantibus opitulantur. Maximè verò id præstant, si cum asparagi radicem, quem myacanthon vocant, decocto bibantur.

De Alismate.

CAP. CLXIX.

ALISMA, aliqui alceam, alij damasodium, alij acyron, alij denique lyron appellant. Folia ei plantaginis, sed angustiora, conuexaque in terram. Caulis tenuis, simplex, cubito altior, thyrsi specie, habens in cacumine capitula. Flores tenues, candidi, pallescentes: radices vt veratri nigri, tenues, odoratæ, acres ac modicè pingues: aquosos amat tractus. Radix drachmæ vnius aut alterius pondere in vino pota, his conuenit qui leporem marinum deuorarunt: iisq; qui à rana rubeta demorsi sunt, vt & iis qui opium hauserunt. Valet & contra tormina ac dysenteriam, per se aut cū pari modo seminis.

minis dauci potui data. Sed & conuulsis & contra vuluæ vitia prodest. At herba ipsa sistit aluum, ac menses ciet, tumoresque imposita mitigat.

De Onobrychide. CAP. CLXX.

ONOBRYCHIS folia habet lentis, ferè longiora, caulem dodrantalem, florem puniceum, radicem exiguam. Nascitur in humentibus & incultis locis. Herba si trita illinatur, panos discutiendi vim habet. Cum vino autem pota, stranguriæ medetur, & inuncta ex oleo sudores mouet.

De Hyperico. CAP. CLXXI.

HYPERICVM alij androsæmon, alij corion appellant: sunt qui & chamæpitryn, quoniam semen odore pineam resinam imitatur. Frutex est furculaceus, dodrantalis, rubescens, foliis rutæ: flore verò luteo, violæ albæ simili, qui quidem digitis tritus sanguineum succum remittit: qua ex causa etiam androsæmon appellatum est: calyculis subhirsutis, in rotundo oblongis, hordei magnitudine, in quibus semen nigrum & resinosi odoris. Gignitur locis cultis & asperis. Vrinam cit, subditumque menses trahit: ex vino autem bibitum, tertianis, quartanisque liberat. Medetur & semen ischiadicis, quadraginta diebus haustum. Sed & foliis cum semine impositis ambusta sanantur.

Bb. ij.

De Ascyro.

CAP. CLXXII.

Ascyron siue Ascyroïdes, aliis androsæmon, etiam hyperici genus est, magnitudine distans: siquidem ramos habet maiores, ac fruticosius est: foliis interim tenuibus, puniceo colore rubentibus: flores luteos profert, & fructum hyperico similem ac resinosi odoris, cuius attritu digiti veluti cruentantur: qua de causa androsæmon (quasi humanum sanguinem dixeris) vocauere. Est & huius fructus ad ischiadicos efficax potus in hydromelitis heminis duabus. Nam biliosa recrementa plurima aluo detrahit. Sed dari frequētius oportet, donec sanitati restituti fuerint. Illinitur & ambustis efficaciter.

De Androsæmo.

CAP. CLXXIII.

Androsæmon, quod alij Dionysiada, alij etiam ascyron appellant, ab hyperico & ascyro differt: frutex verò est ramulis gracilibus, furculosus, virgultis puniceo colore rubentibus, foliis triplo quadruplòve maioribus quàm sint rutæ folia, quæque trita vino-so succo manant. Habet autem alas in cacumine complures, vtrinque expansas pinnatasque: circa quas flosculi pusilli lutei, & in calyculis semen papaueris nigri, veluti punctis notulisve distinctum. Huius coma contrita, resinofum odorem reddit. Sed & semen tritum drachmis duabus porum, excrementa biliosa

biliosa trahit. Prodest verò maximè ischia-
dicis: verùm à purgatione aquam insuper
sorbere oportet. Cæterùm illita herba, me-
detur ambustis, & sanguinem cohibet.

De Cori.

CAP. CLXXIIII.

CORIS, quod aliqui etiam hypericum
appellant, frutex est folio ericæ, sed mi-
nore, pinguiore & rubente, dodrantalis, ori-
gratus, acris & odoratus. Huius semen po-
tum, vrinas mensēsque ciet. Est & auxilio
ex vino potum à phalangio demorsis, is-
chiadicis & opisthotonicis: itémque rigori-
bus, addito pipere. Sed & eo vtiliter opistho-
tonici cum oleo perunguntur. [Radix in vi-
no decocta potaque, resolutis egregiè opi-
tulari creditur: sed laborantem inter potan-
dum bene circumquaque operiri decet: si-
quidem corpore toto sudorem ciet, qua ex
re agilitas pristina recuperatur.]

De Chamæpity, seu abiga.

CAP. CLXXV.

CHAMÆPITYS, quam quæ Pontum
incolunt holocyrtion, Athenienses Io-
niam, EVboici sideritin vocant, herba est
quæ humi serpit, incurvæ similis, foliis sem-
peruiui minoris: at multò tenuioribus pin-
guioribusque & hirsutis, circa ramulos den-
sis, odore pinus: floribus tenuibus, luteis, vel
candidis: radice cichotij. Huius folia septem
Bb. iij.

diebus in vino pota, regio morbo medentur: & quadraginta diebus ex hydromelite, ischiadem sanant. Dantur & hepaticis & urinæ difficultate laborantibus, ac peculiari-ter nephriticis: torminosis etiam profunt. Utuntur & ea herba Heracleæ Ponticæ incolæ, velut antidoto contra aconitum, decoctum ipsius propinantes. Porro ad antedicta quoque vitia cum polenta iure decocti subacta imponitur. Contrita verò cum ficibus & pilularum instar exhibita, aluum emollit. At excepta melle cum æris squama & resina, etiam purgat. Extrahit & quæ in vtero morantur, cum melle subdita in pefso. Mammarum quoque duritias discutit, vulneraque glutinat. Herpetas denique illita cum melle cohibet.

De altera Chamæpity. CAP. CLXXVI.

Est & altera Chamæpitys, ramis cubitalibus, in anchoræ speciem incuruatis, gracilibus: coma supradictæ, flore candido, ac semine nigro. Sed & hæc pinum redolet. Additur & tertia, quæ mascula nominatur. Est autem herbula lævis, foliolis tenuibus, albis, pilosis: caule scabro, candido: pusillis floribus luteis, ac minuto semine iuxta alas. Resipit & hæc pinū. Vtraq; porro vim antedictæ similē obtinet, at nō perinde efficacē.

Libri tertij finis.



PEDACII DIO-
SCORIDIS ANAZAR-

bai De Medica materia,

Liber IIII.

IANO ANTONIO SARA-

CENO, LVGDVNAEO,

INTERPRETE.

Præfatio.



VONIAM tribus libris prio-
ribus, amantissime Aree, de
aromatis, oleis, vnguentis,
arboribus, animalibus, cé-
realibus, oleribus, radicibus,
succis, herbis ac feminibus
egimus: in hoc quarto, de iis quæ restant
herbis atque radicibus differemus.

De Vettonica.

CAP. I.



ESTRON, quod psychrotrophō
vocitatur, quoniam frigidissimis
in locis reperiatur, Romani Ve-
tonicam seu rosmarinum appel-
lant. Herba est caulem proferēs tenuem; cr-

Bb. iij.

biti altitudine, aut etiam maiorem, quadrangulum: folia longa, mollia, quernis similia, in ambitu incisuris diuisa, boni odoris, ac prope radicem maiora: semen in summitate caulium, thymbræ modo spicatum inest. Decerpta huius folia siccari oportet: quippe quorum sit etiam maior & frequentior usus. Radices verò subsunt tenuēs, ceu ellebori: quæ quidem ex hydromelite potæ, pituitosam vomitionem euocant. At folia, ad conuulsa, rupta, vuluæque vitia & strangulationes drachmæ pondere ex aqua mulsa potui dantur: & contra venenatarum bestiarum morsus, drachmis tribus ex vini heminis duabus. Sed & herba earundem morbis vtiliter imponitur: itidemque aduersus venena drachmæ pondere ex vino pota prodest. Quin & ei, qui ipsam in potu præsumpserit, haustum deinde lethale medicamentum minimè nociturum est. Vrinæ præterea ciet, alvumque subducit. Medetur & comitialibus atque insanis, ex aqua pota: hepaticis verò ac spleneticis, drachmæ pondere in aceto mulso. Concoctionem quoque facit, si quis ipsam a cœna fabæ magnitudine cum melle cocto deuorarit. Simili modo & acidum eructantibus exhibetur. Stomachicis autem eam manducare, succumque deuorare, deindeque vinum dilutum insuper sorbere.

forbere proderit. Datur & sanguinem excreantibus, obolis tribus in vini diluti egelidi cyatho vno: itemque ischiadicis, nephriticis & à vesica dolentibus, ex aqua: hydropticis autem, binis drachmis ex aqua mulsa, si quidem febricitent: sin aliter, ex mulso. Regio quoque morbo laborantes recreat, ac mentes pellit, drachma pondere in vino pota: drachmis verò quatuor bibita in aqua mulsa cyathis decem, aluum purgat. Est & phthificis ac empyicis auxilio cum melle. Caterum folia arefacta tritaque in fictili vase recondi oportet.

De Britannica.

CAP. II.

BRITANNICA seu Vettonica, herba est foliis sylvestris lapathi, at nigrioribus ac pilosioribus, gustu adstringentibus: caulem verò promit non ita magnum: radice autem tenui breuique nititur. Foliis exprimitur succus, qui sole aut igni cogitur & inspissatur. Vim porro habet astrictoriam, priuatim oris ac tonsillarum depascentibus vlceribus accommodatam. Valet etiam ad reliqua, quibus adstrictione opus est.

De Lysimachia.

CAP. III.

LYSIMACHIA, quam aliqui lytron appellant, caules emittit cubitales aut etiam altiores, tenues, fruticosos, à quorumgeniculis folia prodeunt salignis similia.

gustu astringentia: flos est fuluus aureúſve. Nascitur in paluſtribus & ſecus aquas. Foliorum ſuccus, qua pollet aſtringendi vi, ſanguinis reiectiones ſupprimi: valet etiam ad dyſenteriam, ſeu potui datus, ſeu etiam clyſtere inſuſus: fluorem quoque muliebrem ſiſtit, ſubditus in peſſo. Sed & herba ſanguinis è naribus profluuiò ſubuenit, iſdem indita. Eſt & vulneraria, ſanguinèmq; ſupprimi. Acerrimum verò nidorem ſuffita reddit, ad cò vt & ſerpentes abigar, & muſcas enecet.

De Polygono mare. CAP. IIII.

POLYGONON mas, Latinis ſanguinaria ſeu ſanguinalis, herba eſt quæ ramos habet exiles, teneros, numerosos, geniculis interſeptos, qui graminis inſtar humi ſerpunt, neque à terra attolluntur: folia rutæ, ſed longiora mollioræque, ſemine ſub ſingulis foliis turgente, vnde & marem appellari volunt: flos ei candidus aut puniceus. Viſ e poti ſucci, aſtringere & refrigerare: prodeſt cruentis excreationibus, alui fluxionibus, cholera & ſtranguria laborantibus: nam euidenter vrinas ciet. Cum vino potus, venenatorum morſibus auxiliatur, ac februm circuitus finit, ſi hora vna ante acceſſionem aſſumatur. Siſtit & ſubditus fluorem muliebrem, ac auribus dolentibus purulentisve utiliter inſtillatur. Cum vino
autem

autem decoctus adiecto melle, facit eximiè ad genitalium vlcera. Folia verò, stomachi feruori, sanguinis reiectioni, herpetibus, erysipelatis, inflammationibus, œdematis & recentibus vulneribus imponuntur.

De Polygonofœmina. CAP. V.

Polygonon fœmina frutex est exiguus, vno caule præditus, tener & harundini similis, geniculis densus: quorum alia aliis tubarum modo inseruntur infarciunturve. Ipsos verò geniculorum articulos cingunt in orbem apices, foliolis pini similes: radix superuacua. Nascitur in aquosis. Huic vis astringens ac refrigerans, ad eadem valens, ad quæ antedicta: sed inefficacior.

De Polygonato. CAP. VI.

POLYGONATVM in montibus nascitur, frutex cubito altior, foliis lauri, at latioribus, & læuioribus, sapore quodammodo malum cotoneum aut Punicum redolentibus, siquidem gustanti astrictum saporem resipiunt: florem autem per singulos foliorum exortus promit candidos, foliis ipsis numerosiores, incepta à radice supputatione: radicem verò habet albam, mollem, longam, crebris nodis ceu geniculis cinctam, densam, graueolentem, ac digitali crassitudine, quæ vulneribus efficaciter imponitur, ac maculas etiam in facie delet.

De Clematide.

CAP. VII.

CLEMATIS, quam aliqui daphnoides, alij myrsinoides, alij polygonoides vocant, gignitur in Ægypto. Sarmentosas autem spargit quasi viticulas, easque longas, iunci crassitudine: folio paruo, laurini figura & colore, at multò minore. Caules foliaque in vino pota, alui profluuia & dysenterias sedant. Cum lacte verò & rosaceo aut cypri-
no subdita in pello, cruciatibus vuluæ medentur. Dolores dentium commanducata finit: imposita quoque venenatorum mor-
sibus, iuuamentum præstat. Fertur & ex aceto pota, contra aspidum morsus auxiliari. Na-
scitur in incultis.

De Polemonia.

CAP. VIII.

POLEMONIAM, alij philetariam, Cap-
padoces chiliodynamon appellant: ra-
mulis est exilibus, vtrinque pinnatis, foliis
paulò quàm rutæ maioribus, at longiori-
bus, ad polygoni aut calaminthæ similitudi-
nem: quibus in summis veluti corymbi de-
pendent, nigro intus semine: radice cubitali,
albicante, struthio seu radiculae simili. Na-
scitur in montosis & asperis. Radix ex vino
cum aqua bibitur contra venenatas bestias,
dysenteriam, urinæ difficultatem & ischia-
dem. Datur autem ex aceto drachmæ pon-
dere lienosis. Eadem cōtra scorpionis ictum
amuleti

amuleti instar adalligatur. Tradunt porrò, qui radicem eam gestauerint, à scorpionibus minimè feriri: aut si ab iis icti fuerint, nihil mali passuros. Dentium quoque dolores commanducata mitigat.

De Symphyto petreo. CAP. IX.

SYMPHYTVM petræum in petris nascitur: ramulis origano similibus, foliis tenuibus, & capitulis thymi. Totum verò lignosum, odoratum & gustu dulce est, saluamque ciet: radice nititur longa, subfulua, digitali ferè crassitudine. Decoctum in aqua mulsâ & potum, quæ pulmoni hærent excrementa repurgat: sanguinem reiicientibus ac nephriticis cum aqua exhibetur. Bibitur & ad dysenteriam rubentemque fluorem muliebrem in vino decoctum, vti ad conuulsa ruptaque cum aceto mulso. Quin & commanducatum, sitim sedat: faucibus asperis subuenit: illitum, recentia vulnera glutinat, & enterocelas cohibet. Quin & carnes dum coquuntur conglutinat additum.

De Symphyto altero. CAP. X.

Symphytum alterum, quod aliqui pecton vocant, caulem emittit bicubitalem aut etiam altiore, leuem, crassum, angulosum, & ceu sonchi inanem: circa quem ex intervallis haud ita magnis folia exeunt hirsuta,

angusta, longiuscula, ad byglossi foliorum similitudinem: habet verò caulis eminentias quasdam secundum angulos porrectas, adiacentibus ac velut annexis foliis tenuibus, quæ è singulis prodeunt alarum sinibus. Sunt insuper flores lutei, ac semen circa caulem ceu verbasci. Totus autem caulis ac folia quoque ipsa, subaspera lanugine horrent, attractuque pruritum excitant. Radices demittuntur foris nigrae, intus candidae, glutinosae: quarum etiam est usus. Tritæ & potæ, sanguinem excreantibus ruptisque proficiunt, & recentia vulnera impositæ glutinât: carniū quoque frustra quibuscum coquantur cogunt ita ut coalescant. Cæterum inflammationibus, præsertimque sedis, cum senecionis foliis vtiliter illinuntur.

De Holostio. CAP. XI.

HOLOSTIVM herba est pusilla, tribus ferè quatuorve digitis sese supra terram attollens, foliis viticulisque coronopodi aut graminis proximis, gustu astringentibus, radice prætenui usque in capillamenti speciem, alba, fibrosa, longitudine quatuor digitorum. Nascitur in collibus terrenis. Carnes & hæc herba cogit atque conglutinat, dum coquantur addita: & ad rupta in vino propinatur.

De

De Stabe. CAP. XII.

STOEBE vulgaris est notitiæ. Semen & folia astringunt: quapropter eorum decoctum, dysentericis infunditur: auribus quoque purulentis instillatur. Folia verò imposita, oculis ictu cruentatis prosunt, & erumpentis sanguinis impetus cohibent.

De Cymeno. CAP. XIII.

CLYMENON caulem profert quadrangulum, ceu fabæ, folia plantagini similia: folliculos verò habet supra caulem ita dispositos, vt alter in alterum propendeat, velut in iride ac polyporum cirris. Probatissimum est montanum. E frutice toto cum radice succus exprimitur, qui ad sanguinis reiectionem in potu efficax est, itémque ad celiacorum profluvia, rubentémque fluorem muliebrem: quippe qui astringat simul atque refrigeret. Sanguinem quoque naribus erumpentem suppressit. Folia trita aut folliculi si vulneribus recentibus imponantur, ea ita efficaciter sanant, vt etiam ad cicatricem perducant.

De Periclymeno. CAP. XIII.

PERICLYMENON frutex est exiguus ac simplex, habens ex interuallis foliola caulem amplexentia, subcandida, hederacea, ac inter ea nascentia germina, in quibus semen hederæ: florem candidum ceu fabæ,

aliquantum rotundum & quasi in folium procumbentem: semen durum & quod difficile euellatur: radicem crassam ac rotundam. Nascitur in aruis ac sepibus: conuoluit verò se propinquis fruticibus. Semen postquam ematuruit collectum & in umbra siccatum, si drachmæ pondere ex vino bibatur quadragenis diebus, lienem absumit, lassitudinem discutit, & orthopnœæ atque singultui prodest: sed urinas ciet statim à sexto die cruentas. Idem partum quoque accelerat. Sed & folia iisdem sunt prædita viribus, ac tricenis septenis diebus epota, sterilitatem in viris facere produntur. Eadem si ex oleo perungantur, febrium circuitibus redeuntium horrores abigunt.

De Tribulo.

CAP. XV.

TRIBVLVS terrestris foliis est portulacæ, at tenuioribus: viticulis verò longis in terra stratis, & spinis secundum ipsas acerbis ac præduris. Iuxta amnes & domorum areas nascitur. Est & alter aquaticus, in fluminibus nascens: qui quidem comam supra aquas attollit, aculeos verò condit & ipsis aquis occultit: foliis latis è pediculo longo dependentibus: caule parte summa quàm ima crassiore. Adsunt & ei adnata quædam capillamenta spicacea: fructus verò durus est,

est, vti & alterius antè memorati. Ambo astringentis refrigerantisque sunt naturæ: ideo contra inflammationes omnes cataplasmate vtilis. Oris autem vlcuscula, tonsillas, itémque putredines in ore ac gingivarum vitia sanant. Ex iis etiam succus ad oculorum medicinas exprimitur. Semen vtriusque dum recens bibitur, calculosis adimentum affert: sed priuatim quod è tribulo terrestri eruitur, drachmæ pondere potum impositumve, commorsos à vipera pristinae sanitati restituit, & contra venena etiamnum vtiliter ex vino bibitur. Sed & eius decoctum sparsum, pulices necat. Cæterum Thraces, qui ad Strymona amnem habitant, virenti herba equos saginant, nucleum verò dulcem & alendo idoneum ad panificia accommodant, eoque vice panis vtuntur.

De Limonio seu beta sylvestris.

CAP. XVI.

LIMONIUM, aliis neuroïdes dictum, folia habet beta, verum tenuiora & minora, decem aut plura: caulem tenue, rectum, liliaceo æqualem, rubro semine refertum, quod gustu astringit. Semen tritum, & ex vino acetabuli mensura potum, dysentericis cœliacisque prodest, ac rubentem fœminarum fluxum cohibet. Nascitur in pratis & palustribus locis.

Cc. j.

De Lagopede.

CAP. XVII.

LAGOPVS herba sistit aluum è vino pota, aut in febris, ex aqua. Eadem ad inguinum inflammationem adalligatur. Nascitur autem in segetum arcis.

De Mediso.

CAP. XVIII.

MEDIVM in opacis & petrosis locis nascitur: folia habet seridis, caulem tricubitalem: flores purpureos, grandes ac rotundos: semen minutum, cnico simile: radicem dodrantalem, baculi crassitudine, gustu acerbo. Hæc arida trita decoctaque, cum melle per aliquot dies in eclegmate sumpta, rubentem fluorem sistit. Semen verò in vino potum, menstrua pellit.

De Epimedio.

CAP. XIX.

EPI MEDIVM caulis est non magnus, hederæ foliis denis aut duodenis, neque semen, neque flores proferens: radicibus tenuibus, nigris, graui odore, gustu fatuo seu insipido. Nascitur in aquosis. Folia ex oleo trita & mammis adhibita, eas ita cohibent vt ne augetur. Radix spem partus adimit. Folia quoque trita & post menstruam purgationem quinque drachmis in vino pota quinque diebus, præstant mulieribus ne concipiant.

De

XIPHION alij phasganon, alij machæronion à folij figura vocant. Est enim iridi simile, at minus & angustius, & gladioli modo mucronatum, neruosum. Caulem verò promit cubitalem, in quo purpurei flores certis æqualibúsq; spatiis inter se distantes: semen rotundum: radices geminas, quarum vna alteri insidet, pusillo- rum bulborum figura. Ex his inferior gracilis est, superna plenior & vberior. In aruis potissimum nascitur. Superior radix cum vino & thure imposita, spicula & aculeos de corpore extrahit: cum farina autem loliacea & aqua mulsæ, panos discutit: quamobrem eiusmodi vi præditis emplastris inseri solet. Ciet & menses, subdita in pello. Aiunt & superiorem radicem potui datam in vino, Veneris appetentiam facere: inferiorem verò, sterilitatem inducere: superiorem itidem radicem infantibus enterocelicis utiliter ex aqua propinari.

SPARGANIVM folia habet gladioli, sed sarctiora & inclinatiores: ac in summo caule veluti pilulas, in quibus semen. Aduersus venenatarum bestiarum morsus & radix & semen ex vino potui dantur.

De Xyride. CAP. XXII.

XYRIS folia habet iridis, at latiora, & in cacumine acuminata: quorum è medio caulis erumpit cubitalis, satis crassus, in quo filiquæ sunt triangulares, & super ipsis flos purpureus, medio puniceo: semen in folliculis simile fabis, rotundum, rubens & acre: radix crebris cincta geniculis, longa ac rufa. Ea contra capitis vulnera fractaque efficax est: aculeos & teli genus omne citra molestiam extrahit, adiecta floris aris tertia parte, itémque radicis centaury parte quinta, & melle sufficienti. Imposita quoque ex aceto, œdemata inflammationesque sanat. Bibitur & ex passo radix contusa, ad conuulsa, rupta, ischiadas, stranguriam & alui profluuia. Semen verò tribus obolis in vino potum, potentissimè vrinam ciet: & cum aceto, lienem absumit.

De Anchusa. CAP. XXIII.

ANCHUSA, quam nonnulli calycem, alij onocleam appellant, folia habet lactucæ quæ folio visitur acuto proxima, hirsuta, aspera, nigra, numerosa, vndecunque ab radice terræ velut affixa, spinosa. Radix illi est digitali crassitudine, colore quodammodo sanguineo: quæ æstate vel eo agnoscitur, quòd manus inficiat: læto solo prouenit.

nit. Radici vis astrictoria, ad ambusta veteraque vlcera efficax, si in oleo addita cera decoquatur. Erysipelatis cum polenta imposita medetur: itemque vitiligini & lepris, ex aceto illita. Vulvæ quoque subdita, partus extrahit. Datur & eius decoctum bile suffusis, nephriticis ac splenicis, si febris sit, ex aqua mulsa. Folia verò, sistunt aluum in vino pota. Utuntur & vnguentarij radice ad vnguentorum spissamenta.

De Anchusa altera.

CAP. XXIII.

Anchusa altera, quam aliqui Alcibiadion seu onochiles vocauere, à priore distat, quòd minora habeat folia, quanquam simili modo aspera, & ramulos tenues, in quibus flos purpureus in puniceum vergens: radices autem rubras, praelongas, quæ messibus sanguineo succo turgent. In sabulosis nascitur. Tum ipsa radix, tum & folia, contra venenatarum bestiarum, maximèque viperarum, morsus efficaciter auxiliantur, siue cibo, siue potu, siue etiam amuleto. Quin & si quis iis commanducatis in venenatæ bestiae os ex- puerit, eam enecabit.

De Anchusa tertia.

CAP. XXV.

Est & alia huic similis, at minore semine, eoque puniceo: quo commanducato si in

Cc. iij.

serpentis os inspuatur, ea morietur. Radix autem acetabuli mensura cum hyssopo & nasturtio pota, latas ventris teneas pellit.

De Lycopsis. CAP. XXVI.

LYCOPSIS, quæ & anchusa à nonnullis vocata est, foliis est lactucæ, at longioribus, crassioribus, latioribusque, asperis & circa radicis caput ad terram deciduis: caule longo, recto, scabro, adnatis multis, cubitalibus & asperis, in quibus flores parui, purpurascens: radix rubra est & astringens. Nasceitur in campestribus. Radix cum oleo imposita, vulneribus medetur: & cum polenta, erysipelatis illinitur. Trita verò si ex oleo perungatur, sudores mouet.

De Echio. CAP. XXVII.

ECHION aliqui dorida, alij Alcibiadion appellant: folia habet oblonga, aspera, aliquantum tenuia, anchusæ proxima, at minora & pingua, tenui spinosa lanugine vestita: cauliculos graciles, numerosos: utrinque verò minuta foliola expansa pinnatæque, nigra, ac minora quidem proportionem quò summo cauli propiora sunt: flores autem secundum folia purpureos, in quibus & semen viperæ capitulo simile. Radix est digito tenuior & subnigra: quæ quidem

non

non modò demorsis à serpentibus in vino pota auxiliatur, sed & eos à quibus præbibi-
ta fuerit à serpentibus feriri minimè pati-
rur. Folia & semen, idem ipsum præstant.
Sed & radix lumborum dolorem sedat, la-
ctisque vbertatem facit, in vino aut sorbi-
tione sumpta.

De Ocimoide, siue Ocimastræ.

CAP. XXVIII.

OCIMOIDES, seu, vt alij, philetærium,
folia fert ocimi, & ramos dodranta-
les, hirsutos, siliquas hyoscyamo similes, semine
nigro, ceu melanthij, prægnantes. Vim hanc
habet semen in vino potum, vt viperarum
cæterarumque serpentium moribus me-
deatur. Datur & ischiadicis cum myrrha &
pipere. Cæterum radice nititur tenui & su-
peruacua.

De Erino.

CAP. XXIX.

ERINVS apud flumina fontèsque nasci-
tur, foliis ocimi, sed minoribus & parte
superna diuisis, fuscis quinque senisve, do-
drantalibus, floribus candidis, semine ni-
gro, paruo & acerbo: folia & caulis liquore
multo manant. Semen drachmis duabus
mistum cum mellis drachmis quatuor, ocu-
lorum fluxiones illitu cohibet. At succus au-
rium dolorem sedat, cum sulphure ignem
haud experto ac nitro instillatus.

Ec. iiij.

De Gramine.

CAP. XXX.

GRAMEN viticulas habet geniculatas, per terram repentes, quæ à suis articulis radices spargunt dulces, internodiis distinctas: folia acuminata, dura, lata, ceu arundinis parvæ, quibus boues & iumenta pascuntur. Huius trita radix & imposita, vulnera glutinat. Ipsius autem decoctum epotum, efficacax est aduersus tormina, urinæ difficultatem ac vesicæ vlcera, & calculos frangit.

De Gramine arundinaceo.

CAP. XXXI.

Arundinaceum Gramen, priore maius est omni ex parte. Iumenta porro in pabulo sumptum necat, maximèque quod in Babylonis regione secus vias nascitur.

De Parnassio Gramine.

CAP. XXXII.

Quod verò in Parnasso monte gignitur gramen, densius fruticat, foliis hederaceis, flore candido & odorato, semine paruo, non inutiles: radicibus quinque senisve, digitali crassitudine, candidis, mollibus, dulcibus ac robustis. Quarum succus si in vino cum pari melle ac myrrhæ dimidio, piperisque ac thuris tertiis portionibus decoquatur, præstantissimum fiet ad oculos medicamentum. Id verò in ærea pyxide reconditur. Radicum autem decoctum, eadem quæ herba ipsa

ipsa, præstat. At semen vehementius urinam impellit, vomitionesque & alui profluvia sistit. Natum porrò in Cilicia gramen, quod indigenæ Cinnam appellant, boues inflammant, si eo virenti sæpe pascantur.

De Sideritide. CAP. XXXIII.

SIDERITIS, quam aliqui Heracleam vocant, herba est foliis marrubij, sed oblongioribus, ad saluæ aut quercus foliorum similitudinem, minoribus tamen & asperis. Caules verò edit quadrangulos, dodranta-les, aut etiam maiores, non iniucundi gustus, & quodammodo leuiter astringentes: in quibus ex interuallis orbiculata verticilla spectantur, ceu marrubij, & in iis semen nigrum. In locis sub quibus petra latent nascitur. Vim porrò habent imposita folia, vulnera glutinandi, & ab inflammatione vindicandi.

De Sideritide altera.

CAP. XXXIIII.

Sideritis altera ramos habet binum cubitorum, exiles: folia longis hærentia pediculis, ceu filicis, in extrema sui parte incisuris diuisa, vtrinque numerosa: è superioribus autem alarum cauis nouos erumpentes surculos, longos, tenues, capitulis in cacumine globosis & asperis: in quibus semen continetur, ceu betæ, verum aliquantò rotundius

atque durius. Huius etiam foliorum vis vulneribus utilis est.

De Sideritide tertia.

CAP. XXXV.

Traditur & tertia Sideritis, quam etiam Crateuas Heracleam vocat. In maceriis vineis que nascitur, foliis ab vna radice multis, coriandro similibus, circa cauliculos dodrantes, laeves, teneros, cum rubore candicantes: floribus puniceis, paruis, gustu amarioris & lentis. Huius etiam impositae ea vis est, ut cruenta recentiaque vulnera glutinet.

De Achillea.

CAP. XXXVI.

ACHILLEAM sunt qui etiam Sideritiā vocent. Gerit autem scapos dodrantes, aut etiam maiores, fusorum effigie, foliis circundatos minutulis, ex obliquo crebras habentibus incisuras, coriandro proximis, subfulvis, lentis, odore multo, non insuauis, sed medicato: umbellam verò in cacumine rotundam, floribus candidis & aurum æmulantibus. Læto solo prouenit. Huius etiam coma trita, vulnera cruenta glutinat & ab inflammationis periculo tuctur, nec non ab iis erumpentem sanguinem inhibet: vti etiam ab utero, subdita in pello. Sed & ipsius decocto vtiliter insident foeminae uteri fluore laborantes. Denique & ad dysenteriam illa bibitur.

De

LIBER IIII.

411

De Rubo. CAP. XXXVII.

RUBVS notitiæ vulgaris, astringit & siccat, capillósque tingit. Summorum autem ipsius ramorum decoctum, potu aluum sistit, fluoremque muliebrem cohibet, necnon & contra presteris morsum valet. Firmant & gingiuas, orísque vlcera sanant commanducata folia. Imposita verò, herpetas cohibent, vlcerebúsque in capite manantibus, oculis procidentibus, condylomatis item & hæmorrhoidibus remedio sunt. Eadem cardiacis quoque & stomachicis trita conuenienter imponuntur. Cæterum consusis caulibus ac foliis expressus succus sole coactus, ad antedicta vitia efficacior est. At fructus perfectam maturitatem assecuti succus, stomaticis, hoc est, oris medicamentis accommodatur. Sistit & aluum præmaturus fructus in cibo sumptus, æquè ac flos in vino potus.

De Rubo Ideo. CAP. XXXVIII.

Idæus rubus appellatus est, quoniam copiosus in Ida nascatur. Est autem longè tenerior priore, exiguis spinis præditus, [quàmquam & sine spinis inueniatur.] Eadem verò præstat quæ supradictus: at ex abundanti flos ipsius ex melle subactus, oculorum inflammationibus commodè illinitur, &

erysipelata restinguit. Stomachicis quoque ex aqua bibendus datur.

De Helxine.

CAP. XXXIX.

HELXINE [cognomento cissampelos] foliis est hederæ, at minoribus: ramulis verò longis, quibus circumplectitur quodcunque contigerit adminiculum. Nascitur in sepibus, vineris ac segetibus. Potus foliorum succus, aluum soluendi vim habet.

De Elatine.

CAP. XL.

ELATINE folia habet helxinæ, at minora rotundioraque, pilosa: ramos tenues, dodrantes, quinos senosve, à radice statim foliis refertos gustu acerbis. Nascitur in segetibus & cultis. Folia cum polenta imposita, inflammatis fluxionéque infestatis oculis auxiliantur. Cocta verò herba, sorbitionis vsu dysenteriam sistit.

De Eupatorio.

CAP. XLI.

EVPATORIUM herba est è cremiorum genere, vnicum proferens thyrsus, eumque tenuem, lignosum, rectum, nigrum, hirsutum, cubitalem aut etiam altiorem, foliis per intervalla quinquepartitò ut plurimum aut etiam amplius diuisis, quinquefolij aut cannabis potiùs similibus, nigricantibus & ipsis ac per ambitum ferræ modo incis. Semen à medio statim caule adnascitur subhirsutum, ac ita deorsum inclinatum,

VE

ut etiam siccatum vestibus inhærescat. Trita huius folia & cum veteri suillo adipe imposita, cicatricem agrè trahentibus vlceribus medentur. Tum semen tum & herba potu ex vino, dysentericis, hepaticis & à serpentibus demorsis auxiliantur. Cæterùm hanc nonnulli errore ducti argemonem appellarunt, cùm tamen longè alia sit, vti demonstrauimus.

De Quinquefolio. CAP. XLII.

QVINQUEFOLIUM ramulos fert festucarum similitudine, tenues, dodrantes, in quibus semen: folia mentæ, quina singulis pediculis, rarò plura, in ambitu serrata: florem ex candido pallescentem, auræ æmulum. Nascitur in aquosis locis & iuxta riuos. Subrubram verò habet radicem, oblongam, veratro nigro crassiorem, cuius est multiplex vsus. Ius radicis ad tertias decoctæ si ore detineatur, dolores dentium sedat, putrida oris vlcera collutione sistit, arteriæ scabritias gargarizatu emendat: contra alui profluuium & dysenteriam auxiliatur, itémque arthriticis & ischiadicis potum. Trita eadem in aceto cocta & imposita, herpes cohibet. Strumas, duritias, œdemata, aneurysmata & abscessus discutit. Erysipelatis, digitorum pterygiis, condylomatis pforisque medetur. At teneræ radicis succus,

contra iecinoris pulmonisque vitia prodest, itémque aduersum venena. Folia autem cum hydromelite aut vino diluto & piperis exiguo bibuntur contra febrium circuitus: in quartana quidem, quaternum ramulorum folia: in tertiana verò, ternum: in quotidiana, vnius. Eadem comitialibus tricenis diebus pota succurrunt. Celeriter quoque regio morbo medetur foliorum succus, tribus cyathis aliquot diebus epotus. Illa eadem cum sale ac melle imposita, tam vulneribus quàm fistulis remedio sunt. Opitulatur & quinquefolium enteroceliciis, ac erumpentem sanguinem sistit tum potu, tum etiam illitu. Inciditur & ad expiationes lustrationesque, atque hæmorrhagias.

De Phænice. CAP. XLIII.

PHOENICEA herba, quam aliqui rhun, alij anchinopa vocant, folia quidem habet hordei, at breuiora & angustiora: spicam verò lolio similem, & ramos circa radicem senum digitorum, ac septenas octonasve spicas. In aruis tectisque recens illitis nascitur. Vim hanc habet in austero vino pota, vt alui profluuium, erumpentem ab utero sanguinem, vinarumque largiorem fluxum sistat. Tradunt & nonnulli in puniceo velle-re amuleti instar ad alligatam, sanguinem suppressere.

De

De Idea radice. CAP. XLIIII.

IDEAE radice folia, oxymyrsinem referunt: iuxta ipsa verò exigui sunt veluti campini seu capreoli, ex quibus etiam flos rumpit. Radix præclare astringit, iis iccirco conueniens, quibus adstrictione opus est. Bibitur & aduersus alui profluvia fluoremque muliebrem, & omnem sanguinis eruptionem sistit.

De Rhodia radice. CAP. XLV.

RHODIA radix in Macedonia gignitur, costo similis, at leuior & inæqualis: quæ dum conteritur, rosarum odorem spirat. Caput dolentibus utilis est, si cum pauco osaceo trita capiti imponatur, aut madefacta fronti ac temporibus adhibeatur.

De Equiseto. CAP. XLVI.

EQVISETVM in riguis & scrobibus nascitur. Cauliculos edit inanes, rubescentes, subasperos, solidos, geniculis in se fæctis interseptos: ac circum ipsos folia iuncea, crebra tenuiaque. In sublime autem attollitur, vicinos scandens arborum caudices, ex iisque dependet circumfusus comis multis, nigris, ut est equi cauda: radix lignosa est ac dura. Est verò herba vis adstrictoria: quamobrem ipsius succus fluentem ex naribus sanguinem sistit, prodestque dysenterijs in vino potus, & vri-

nam ciet. Folius autem tritis & inspersis vul-
nera cruenta glutinantur. Radix verò, item
que herba ipsa, tussientibus, orthopnoicis
ruptisque succurrunt. Narrantur & folia in
aqua bibita, diuisum intestinum, dissectam-
que vesicam & enterocelen cogere & ag-
glutinare.

De Equiseto altero.

CAP. XLVII.

Equisetum alterum caule est recto, æ-
quali, cubito maiore, quodammodo inani,
comis per interualla breuioribus, candi-
dioribusque & mollioribus. Id cum aceto
subactum, vulneribus etiam remèdio est, ea-
dèmq; qua prius illud facultate pollet.

De Cocco tinctili.

CAP. XLVIII.

COCCEVM tinctile, frutex est paruus è
cremiorum genere, cui grana ceu len-
tes adherent, quæ quidem exempta decer-
ptave reponuntur. Optimum gignitur in
Galatia & Armenia, deinde in Asia & Cilicia:
locum postremum obtinet, quod in Hispania
prouenit. Vis huic astringere: cuius ratione
vulneribus neruisque sauciatis tritum ex a-
ceto conuenienter imponitur. Nascitur por-
rò Cilicium in quercubus, exilis cochleæ si-
militudine, quod illius regionis mulieres o-
re legunt & coccum vocitant.

De

De Tragio. CAP. XLIX.

TRAGIVM in Creta tantum nascitur, lentisco simile foliis semine ac ramis, singulis tamen minoribus. Liquorem vero profert gummi similem. Folia, semen & lacryma impositione ex vino, spicula omniaque corpori impacta euocant. Pota eadem drachmæ unius pondere, stranguriæ medentur, calculos vesicæ comminuunt, & menses trahunt. Aiunt & sylvestres capras sagittis ictas huius herbæ pabulo spicula excutere.

De Tragio altero. CAP. L.

Tragium alterum folia scolopendrij habet, & radicem tenuem, candidam, sylvestris raphani similem. Hæc, seu cruda seu cocta comedatur, dysentericis est auxilio. Cæterum folia per autumnum hircini virus odorem emittunt: unde & herba tragij nomen obtinuit. Prouenit in montibus & præcipitiis.

De Trago. CAP. LI.

TRAGVS, quam aliqui Scorpion, alij Tragonon vocant, frutex est pusillus in maritimis maximè nascens, & per terram sparsus, oblongus, at non ita magnus, palmi altitudine, aut paulò amplior: & is quidem sine foliis est: circa ramos autem hærentes habet velut acinos pusillos, rufos, triticei grani magnitudine, summa parte acuminata.

Id. j.

ros, numerosos, gustuque admodum astringentes. Racemorum acini decem ex vino poti, cœliacis, fœminisque fluore laborantibus auxiliantur. Sunt & qui tusos digerunt in pastillos, quò fœlicius asseruentur, iisque ita vtuntur.

De Iunco. CAP. LII.

IUNCUS duo sunt genera: vnum lævis nominati, alterum oxyſchœni dicti, qui quidem in mucronem fastigiatur. Huius rursus duo assignantur genera: vnum quidem sterile: alterum semen profert nigrum, rotundum, culmis crassioribus carnosioribusque. Est & tertius iuncus, qui vocatur Holoſchœnos, prioribus illis multò carnosior atque crassior: is & semen in cacumine gerit, antedicto simile. Porro semen vtriusque tostum & ex vino diluto potum, sistit aluum rubentemque fluorem muliebrem: vrinas quoque cit: at capitis dolores facit. Folia autem tenera quæ radici proxima sunt, phalangiorum morſibus conuenienter imponuntur. Cæterum Æthiopicus iuncus semen habet alliciendi somni vi præditum: at vitanda in potionibus maior ipsius copia, quoniam altum grauemque nimium soporem inuehit.

De Lichene. CAP. LIII.

LICHEN qui petris innascitur, & aliquibus bryon appellatur, ceu muscus est ro-

scidis petris inhærens. Is impositus, sanguinis eruptiones sistit, inflammationes lenit, ac impetigini medetur. Iuuat & arquatos, cum melle illitus: cæterùm defluxionibus oris ac linguæ succurrit.

De Paronychia. CAP. LIIII.

PARONYCHIA, frutex est pusillus in saxosis nascens, peplo similis, at breuior: foliis tamen maioribus. Ea tota contrita, paronychiis atque fauis remedio est.

De Chrysocome. CAP. LV.

CHRYSOCOME, frutex est exiguus, palmi altitudine, coma specie corymborum, hyssopo simili, radice densa & ceu verrari nigri tenui, cyperum æquante, gustu minime aspero, sed ex dulci subaustero. In opacis petrosisque nascitur. Radix calfactoriam adstrictoriamque vim habet, hepaticis & peripneumonicis accommodatam. Sed & eadem decocta in aqua mulsa, ad purgandam vuluam assumitur.

De Chrysogono. CAP. LVI.

CHRYSOGONON dense fruticat, foliis quernis, flore verbasci coronarij, radice rapi, intus quidem ruberrima, foris verò nigra. Hæc cum aceto subacta & imposita, contra muris aranei morsus auxiliatur.

Dd. ij.

De Helichryso. CAP. LVII.

HELICHRYSUM quidam chrysanthemum, alij etiam amarantum vocant, quo Deorum simulachra coronant: ramulum habet ex candido virentem, rectum, solidum: folia ex interuallis angusta, abrotano similia: coma in orbem circumacta, aureæ lucis fulgore: umbellam rotundam, vel uti corymbis aridis dependentibus: radicem gracilem. Nascitur in asperis & salebrosis. Coma ex vino pota, contra urinæ difficultatem, serpentium morsus, ischiada ruptaque opitulatur, mensēsque ciet. Sanguinem concretum ventris aut vesicæ absumit, cum mulso pota. Sistit & destillationes, trium obolorum pondere ieiunis potui data in vino albo diluto. Vestibus quoque interponitur, ut eas à teredinum iniuriis tueatur.

De Chrysanthemo. CAP. LVIII.

CHRYSANTHEMON seu chalcas, aliis bupthalmum, herba quidem est tenera, at fruticosa, læues proferens caules, foliaque multifida: flores autem luteos eximio splendore micantes, & oculi orbem imitantes, unde & bupthalmi nomen obtinuit: propter oppida nascitur: ipsius verò caules, olerum instar esunt. At flores cum cerato triti, steatomata discutere produntur: regio

gio autem morbo correptis breui colorem reddunt meliorem, si è balneo post longiorem in eo moram egressis propinentur.

De Agerato. CAP. LIX.

AGERATVM, frutex est è cremiorum genere, duorum palmorum altitudine, humilis, simplex, origano maximè similis, vmbellam gerens, in qua flos aureis quasi bullis emicat, helichryso minor. Agerati nomen illi inditum est, quoniam flos diutissimè in sua coloris specie conseruatur. Vis decocti fotibus apta. Herba quoque ipsius vsta nidor, vrinas ciet, vuluæque duritias emollit.

De Peristereone, seu Verbenaca recta.

CAP. LX.

VERBENACA in aquosis nascitur: nomen autem Græcum ex eo duxisse videtur, quòd libenter circa eam columbæ commorentur. Herba est palmi altitudine, aut etiam maior, foliis incisis, subalbidis, è caule prodeuntibus: singulari plerunque ramo & radice vnica reperitur. Folia cum rosaceo aut adipe suillo recenti subdita, vuluæ dolorem adimere creduntur. Ipsa quoque herba imposita cum aceto, erysipelata reprimat, putridaque vlcera cohibet: vulnera etiam hum glutinat, veteraque cum melle ad cicatricem perducit.

Dd. iij.

Herba sacra, quam etiam nonnulli peristereona vocarunt, ramulos emittit cubitales, aut etiam maiores & angulosos: circa quos folia sunt ex intervallis, quernis similia, sed angustiora minoraque; diuisuris incisa per ambitum, & colore aliquatenus glauco: radicem longiusculam & gracilem, flores purpureos ac tenues. Huius folia cum radice ex vino pota illitave, aduersus serpentes polent: eadem illa contra morbum regium drachmæ vnus pondere cum thuris obolis tribus ex vini veteris & calidi hemina vna quaternis diebus ieiuno ventriculo bibuntur. Sed & œdemata diuturna inflammationsque imposita mitigant, sordidaque vlcerapurgant. Tota verò herba in vino decocta, tonsillarum crustas abrumpit, & oris nomas gargarizatu cohibet. Aiunt, si aqua spargatur triclinium quâ maduërit, lætiores hilarioresve conuiuas fieri. Datur & potandum tertianâ laborantibus tertium à terra geniculum vnâ cum foliis circumdantibus, vti & quartanâ, quartum. Cæterùm sacram herbam ideò vocant, quòd in expiationibus sit ad amuleta perutilis.

De

De Astragalo. CAP. LXII.

ASTRAGALVS, paruus est à terra frutex, foliis & ramulis ciceri similis: floribus purpureis, paruis: radice rotunda, raphani modo prægrandi: quæ adnatas habet appendices, easque solidas, nigras, præduras, ceu cornua inter se implicatas, gustûque astringentes. Nascitur in ventosis, opacis atque niualibus: magna verò copia in Pheneo Arcadiæ. Radix fluentem aluum in vino pota sistit, urinâsque mouet: veteribus quoque vlceribus sicca efficaciter inspergitur, sanguinêmque supprimit: verùm difficilè soliditatis suæ ratione tanditur.

De Hyacintho. CAP. LXIII.

HYACINTHVS folia habet bulbi, caulem dodrantalem, lauem, minimo digito graciliorem, & herbacei coloris, cui coma incumbit incurua, florum purpurascantium plena: radicem quoque bulbaceam. Hæc, vt creditur, pueris è vino albo illita, pubertatem coërcet, & non patitur erumpere. Sistit & aluum, urinâmque impellit pota, phalangiorûmque moribus resistit. At semen astringentius est, atque adeò coeliacis auxiliatur, theriacisque ipsum expetitur: ac regium quoque morbum emendat, cum vino potum.

Dd. iiii.

De Papauere erratico.

CAP. LXIII.

PAPAVER erraticum, quod à flore pro-
tinùs deciduo rhœadis nomen à Græcis
accepit, in aruis vere nascitur: quo quidem
tempore etiam colligitur. Folia origano aut
crucae aut cichorio aut thymo similia spe-
ctantur, eaque diuisa, sed longiora & scabra.
Caulis ei lanuginosus, rectus, asper, & ferè
cubitali altitudine. Flos puniceus, interdum
& candidus, sylvestris anemones similitudi-
ne: caput oblongum, sed quàm anemones
minus: semen rufum: radix oblonga, subal-
bida, parui digiti crassitudine & amara. Hu-
ius capitula quinque aut sex, in vini cyathis
tribus decocta dum ad duos redeant, iis po-
tui dabis, quibus somnum inducere volue-
ris. At semen acetabuli mensura ex aqua
mulsa potum, aluum leniter emollit: ad i-
dem præstandum mellitis placentulis & dul-
ciariis libis admiscetur. Cæterùm folia cum
calycibus imposita, inflammationibus me-
dentur: ac eorundem quoque decoctum fo-
tu seu perfusione somniferum est.

De Papauere satino & sylvestri.

CAP. LXV.

Papaueris genus quoddam est satium &
hortense, cuius semen in sanorum vsum ad
panes

panes adhibetur: eo etiam ex melle pro sesama vtuntur: thylacitin, quasi folliculosum, vocant. Capitulum id habet oblongum, & semen candidum. Alterum est sylvestre papaueris genus, sessili calyculo & semine nigro: quod pithitis, quasi doliare, nominatur. Nonnullis & ipsum rhœas ex eo dicitur, quod ab eo liquor emanet. Est & tertium agrestius, ac medicatius, hisque longius, oblongo capitulo. Omnibus in commune vis est refrigerandi: proinde si folia cum capitibus ipsis in aqua decocta fuerint, somnum fotu conciliant: bibitur & decoctum contra vigilias. Calyces verò triti & cum polenta cataplasmatibus admisti, inflammationibus ac erysipelatis prosunt. Verum ex ipsis dum adhuc virent tussis fingi trochiscos oportet, iique siccati ad usum recondendi. Ex iisdem quoque calycibus per se in aqua decoctis ad dimidias, iterumque deinde cum melle ad iustam spissitudinem percoctis, eclegma conficitur, quod in tussi, arteriæ fluxionibus, cœliacisque affectibus doloris leuamentum præstat. Efficacius tamen redditur, additis hypocisthidis succo & acacia. Papaueris autem nigri semen tritum cum vino, potui datur contra fluxionem alui, fluoremque muliebrem. At in pervigiliis, frontitemporibusque ex aqua imponitur. Ipse

verò liquor refrigerat magis, incrassat, exic-
catque. Sumptus erui magnitudine, dolores
sedat, somnum conciliat, & concoctionem
adiuvat: tussi, coeliacorumque affectibus au-
xiliatur. Verum si copiosior hauriatur, ac-
cerdito lethargo etiam mortifer est. Est & ad
capitis dolores efficax, si cum rosaceo irri-
getur: vti & ad aurium dolores, si cum amy-
gdalino, myrrha & croco instilletur. Oculo-
rum inflammationibus cum oui luteo tosto
& croco proficit: erysipelatis ac vulneribus,
cum aceto: podagris, cum lacte muliebri &
croco: denique sedi pro balano subditus, so-
mnum facit. In eo liquoris genere præstan-
tissimus censetur qui densus & grauis est, o-
doratu soporifer, gustu amarus, quique facile
aqua diluitur, læuis, candidus, neque asper
neque grumosus, quique inter colandum
non vti cera coit densaturve, sed Soli expo-
situs diffunditur, & ad lucernam accensus,
minimè atra obscurave lucet flamma: qui
denique postquam extinctus fuerit, suam o-
doris vim etiamnum conseruat. Ipsum por-
rò admixto glaucio, aut gummi, aut sylue-
stris lactuæ succo adulterant. Veruntamen
qui glaucio fucatus est, dum diluitur, colo-
rem croci reddit: qui verò agrestis lactuæ
succo, exili & euanido est odore, asperiór-
que spectatur: qui denique gummi vitiatus
est,

est, inualidus est, inodorus atque pellucidus. Nec desunt qui eò dementiæ deuenierint, vt & adipem illi admiscerent. Porro ad oculorum medicamenta fictili nouo torretur, dum mollior fuluiorque appareat. At Erasistratus Diagoram testatur illius vsum damnassee in aurium doloribus & oculorum lippitudinibus, quoniam & visus aciem hebetaret & soporifer esset. Addidit Andreas, protinus excæcatum iri qui eo illinerentur, nisi adulteraretur. Mnesidemus præterea vsum duntaxat olfactandi probauit ad conciliandum somnum: alioqui ceu noxium damnat. Quæ quidem omnia commentitia esse experimento deprehenditur: siquidem effectus virium huiusce medicamenti fidem facit. Quare non abs re fuerit, liquoris illius excipiendi rationem subtexere. Nonnulli capita foliæque ipsa tundunt & prælo expriment, mox terentes in mortario, pastillos effingunt: id meconium vocatur, opio ignauius. At opij faciendi ratio hæc est: Cum ros exaruerit, stellulam (quæ in summo papaueris capite visitur) cultello ita scarificare oportet, vt ne penitus intrò adigatur, & à capitis lateribus per directum summam cutem incidere, & erumpentem lacrymam digito in conchulam abstergere, ac non ita multò post eò redire:

tum enim rursum & alia densata reperitur, atque etiam postero die. Tandem in pilatēri, & in pastillos coacta reponi debet. Veruntamen interea dum inciditur, retrocedendum est, ut ne liquor vestium affricu deradatur.

De Cornuto papauere.

CAP. LXVI.

Corniculatum papauer alij paralium, seu thalassion, quasi in maritimis nascens, alij agreste vocant: folia habet candida, hirta, verbasco similia, serrata in ambitu sylvestris papaueris modo, & caule non dissimili, flore ex luteo pallescente, siliqua longa, in corniculi modum inflexa ceu scenigræci, unde & nomen accepit: semine exili nigroque, ceu papaueris: radice per summa cespitum nascente, nigra, crassa. Gignitur in maritimis & asperis. Radici ea vis inest, ut decocta in aqua ad dimidias coxendicum & iecinoris vitia potu sanet, iisque profit qui crassa & araneosa quædam cum lotio reddunt. Semen acetabuli mensura ex aqua mulsa potum, leniter aluum purgat. Illita ex oleo folia floresque, crustas emarginant: argemas & nubesulas iumentorum inunctione depurgant. Cæterum non desunt qui ex hoc papaueris genere factitari glaucium falso existimarint, decepti quadam foliorum similitudine.

De

De Papauere spumeo.

CAP. LXVII.

Papauer Spumeum, ab aliquibus Heraclium vocatum, caule est dodrantali, foliis admodum paruis, radiculæ similibus, semine inter ea candido. Sed & herbula tota candida est atque spumea, radice alba, in summa terra nascente. Legitur æstate semen, cum integrè adoleuerit, aridumque deciderit. Acetabuli autem mensura sumptum in aqua mulsa, vomitione purgat, priuatimque huiusmodi purgatio comitialibus prodest.

De Hypecoo. CAP. LXVIII.

HYPERCOON aliqui hypopheon vocant. Nascitur in triticeis segetibus aruisque, folio ceu rutæ, ramulis exilibus. Natura ei eadem, quæ papaueris succo.

De Hyoscyamo, sue Apollinari herba.

CAP. LXIX.

HYOSCYAMVS, frutex est caules emittens crassos, folia lata, oblonga, diuisa, nigra, hirsuta: secundum verò caulem continua quasi serie flores prodeunt, tanquam Punicorum cytini, scutulis septi seminum plenis, ceu papaueris. Tria porrò sunt eius genera. Vnū siquidē flores profert penè purpureos, folia similaci proxima, semē nigrum, ac cytinis præduros & spinosos: alterum flores habet luteos, folia & filiquas molliores

teneriorésve, & semen subflauum, irionis semini simile. Ambo insaniam gignunt & soporem, ideóque vix in communem vsum recipiuntur. Tertium genus quod mitissimum est, adeóque ad medicinam vtile, pingue est, molle, lanuginosum, candidis floribus ac semine. In maritimis ruderibúsque nascitur. Albo itaque vtendum est: idque si desit, flauum vsurpari oportet. Nigrum enim ceu deterrimum improbat. Récenti semine, foliis caulibúsque tuis succus exprimitur, qui ad solem exiccatur. Vñus autem eius ad annum duntaxat prorogatur, quia facillè corruptionem sentit. Elicitur & separatim succus ex semine, cum inaruit, affusa aqua calida tuso & expresso. Est autem expressus eiusmodi succus liquore seu lacteo eiusdem succo præstantior, leniendísque doloribus accommodatior. Ipsa verò herba vires contusa, farina è tritico trimestri addita, in pastillos redigitur atque reconditur. Porro prius succi genus, & quod è sicco semine exprimitur, collyriis sensum doloris auferentibus vtiliter inferuntur: prosunt & contra acres calidásque fluxiones, aurium dolores ac vuluæ mala. Cum farina autem potentave, contra oculorum, pedum cætarúmque partium inflammationes. Semen eadem præstat, prætereaque ad tussim, destilla-

Atillationem, oculorum fluxiones doloré-
que efficax, itémque contra fluorem mulie-
brem, aliásque sanguinis eruptiones, si oboli
pondere cum papaueris semine ex aqua
mulsa bibatur. Subuenit & podagris, testi-
bus inflatis, mammísque à partu tumentí-
bus, si tritum ex vino imponatur. Denique
& aliis cataplasmatís quæ doloris leuamen-
tum præstant vtiliter admiscetur. Quin & in
pastillos digesta folia, medicamentis omni-
bus dolores sedantibus, tum per se, tum et-
iam ex polenta, vtiliter imponuntur. At re-
centia folia illita, ad mitigandos omne ge-
nus dolores apprimè sunt idonea. Eadem
terna quaternave cum vino pota, febres e-
pialas depellunt. Cocta verò olerum instar,
& tryblii mensura esitata, mediocrem men-
tis alienationem faciunt. Aiunt & idem ef-
ficere, si cui in colo vlcus sentienti infun-
dantur. Cæterum radice in aceto decocta
dentes vtiliter in dolore colluuntur.

De Psyllio.

CAP. LXX.

PSYLLIVM folio est coronopodis, hir-
suto, at longiore, ramulis dodrantali-
bus, totaque herbula scæni modo tenuis ac
minutula. Coma verò ipsius à medio caule
ducit initium, capitulis duobus tribúsve cõ-
globatis: in quibus semen pulicibus simile,

nigrum atque durum. Nascitur in aruis & incultis. Vis ei refrigerans: articulorum morbis, parotidibus, tuberculis, edematis luxatisque & capitis dolori cum resaceo aut aceto aquave impositum auxiliatur. Infantium quoque enterocelis ac eminenti umbilico illitum ex aceto medetur. Acetabuli verò mensuram tritam in duabus aquæ heminis macerari oportet, ac ubi sese aqua densauerit, lentoremve contraxerit, illini. Siquidem vehementer refrigerat: sed & in feruentem aquam immissa, calorem reprimat: denique & contra erysipelata est efficax. Fama est, si virens herba domum importetur, pulices arceri. Tusa porro cum adipe, sordida malignaque vlcera repurgat. Succus fluxione infestatis ac vermiculosis auribus ex melle prodest.

De Solano hortensi.

CAP. LXXI.

SOLANVM hortense, frutex est esculentus, haud ita magnus, alarum cauis multis, foliis nigris & quàm ocymi maioribus ac latioribus, fructu rotundo, ac primùm quidem viridi, mox, ubi maturitatem affectus est, nigro aut fuluo: est verò herba innocentis gustus. Vis ei refrigerandi: quare folia erysipelatis & herpetibus cum polline polentæ conuenienter imponuntur. Trita autem & per se imposita, ægilopa capitisque dolorem

dolorem sanant, & stomacho æstuantia auxiliantur: parotidas cum sale detrita illitu discutiunt. Sed & ipsius succus valet aduersus erysipelata & herpetas cum cerussa, rosaceo & argenti spuma: agilopas verò, cum pane. Infantibus quoque inflammatione laborantibus, quam Siriasin vocant, cum rosaceo infusus proficit. Inferitur & aquæ vel oui vice collyriis, quæ contra fluxiones acres illinuntur: quin & dolori aurium instillatus prodest: fluorem etiamnum muliebrem sistit, in vellere subditus. Denique succus fuluo gallinarum cohortalium fimo subactus & linteo appositus, agilopiis præsentaneo est remedio.

De Solano Halicacabo.

CAP. LXXII.

Est & alterum Solanum, quod peculiari nomine halicacabum vocant, alij physalida, id est, vesicariam, foliis antedicto similibus, verum latioribus. Huius caules posteaquam adoleuerunt, proni terram spectant: est autem fructus intra folliculos orbiculatos vesicis similes fuluus, rotundus ac læuis ceu vux acinus: quo etiam coronarij vtuntur, corollis intorquentes. Vim vsumque obtinet hortensis solani, nisi quòd in cibos minimè recipitur. Valet autem fructus epotus ad expurgandum morbum regium, qua

Ee. j.

præditus est urinae ciendae facultate. Cæterum ex utriusque solani herba succus elicetur, qui siccatus in umbra reconditur, & ad eadem illa pollet.

De Solano somnifico. CAP. LXXIII.

Solanum somnificum aliqui etiam hali-cacabum vocant: frutex est numerosis præditus ramis, densis, caudicosis, fractu contumacibus, pinguium foliorum cotoneaeque mali similium plenis: flore rubro, prægrandi: fructu in folliculis croci colorem æmulante: radice denique grandi, cortice subrubro vestita. Nascitur in petrosis locis, non procul à mari. Radicis cortex drachmæ pondere in vino potus, somniferam vim habet quàm opium mitiorem: fructus autem potenter urinam cit: atque adeò corymbi duodecim hydropicis exhibentur: quòd si plures numero propinentur, mentem è sua sede & statu dimouent. Sed remedio est aqua mulsa copiosa potui data. Pastillis etiam ac doloris leuamentum præbentibus medicamentis succus eius admiscetur. Idem decoctus in vino si ore contineatur, doloribus dentiũ succurrit. Cæterum radicis succus cū melle inunctus, oculorũ hebetudines tollit.

De Solano manico seu furiali.

CAP. LXXIIII.

Solanum manicum seu furiale nonnulli peris-

perifsson, alij thryon appellauère. Huic folium erucæ proximum, at maius, ad acanthi, quem pæderotà vocant, folium accedens. Caules verò à radice proceros emittit decem aut duodecim, vlnæ altitudine adolentes: caput in cacumine oliuæ figura, at platani pilularum instar hirsutius, maius tamen illa atque crassius: florem nigrum, cui succedit fructus racemosus, rotundus, niger, denis aut duodenis constans acinis, corymbis hederæ similibus & cœu vux molli-
bus. Radix subiacet candida, crassa, concaua & ferè cubitalis. Nascitur in montosis locis vento perflatis, atque littoralibus petris. Vis ea radici, vt drachmæ vnus pondere pota ex vino, vanas species & imagines haud iniucundas menti repræsentet: duplicatus autem hic modus ad triduum vsque insaniam, seu mentis alienationem faciat: & quadruplicatus, mortem etiam repræsentet. Remedio est, aqua mulsæ largiis epota, mœxque identidem vomitione reddita.

De Dorycnio. CAP. LXXV.

DORYCNION (Crateuas halicacabum aut caleam vocat) frutex oleæ nuper prodeunti similis: nascitur in petris non procul à mari, ramis cubito breuioribus, foliis oleæ similibus colore, at minoribus fir-
mioribûsque ac vehementer asperis, flore
Ec. ij.

candido, folliculis in cacumine densis, ceu ciceris: in quibus quina senave minuta semina, rotunda, exigui erui magnitudine, lævia, firma & versicolora: radix ad digiti crassitudinem & cubiti longitudinem adolefcit. Et hoc quoque somniferum esse creditur: copiosius verò haustum, enecare. Nec desunt qui dicant, eius semen in amatoria expeti.

De Mandragora. CAP. LXXVI.

MANDRAGORAM nonnulli antimalum, aliqui diræam, alij etiam circæam iccirco vocant, quòd credatur radix in amatoriis efficax esse. Duo eius genera: niger, qui fœmina existimatur, thridacias appellatus, foliis est quàm lactuæ angustioribus & longioribus, virosis ac graecolentibus, in terra sparsis: atque inter ipsa, malagerit sorbis similia, ex luteo pallida, odorata, & in his semen ceu pyrorum. Radicibus autem inharet bene magnis, binis ternisve inuicem implicitis, nigris foris, intus albis, crasso cortice vestitis: caule verò viduus est. Alterius candidi, qui & mas dicitur, & nonnullis morion vocatus est, folia sunt magna, alba, lata, lævia ceu betæ: poma quàm prioris duplo maiora, colore in crocum inclinate, iucundè cum grauitate quadam olentia: quæque, si mandantur à pastoribus, ij quodam-

quodammodo soporantur: radix antedictæ
similis, at maior atque candidior: orbata &
hæc caule. E radice recenti cortice tuso ac
prælis subiecto succus exprimitur, quem in
sole versatum, ubi densatus fuerit, fictili vase
recondi oportet. Succus fit & è malis simili
planè modo, sed aliquantò ignauior. Quin
& detractus radici cortex filoque traiectus,
ad vsum suspenditur. Aliqui radices in vino
ad tertias decoquunt, excolatúmque ius af-
feruant, eiúsque cyathum vnum propinant
in peruigiliis grauioribúsque partium qua-
rumuis doloribus: itémque ante sectiones
vstionésve, vt ne sentiantur. Ipse verò liquor
binis obolis ex aqua mulsa potus, verarri in-
star supernè pituitam bilémque atram ex-
trahit: at potu largiore, vitam adimit. Mi-
scetur & oculorum medicamentis, iis que
quibus dolores leniuntur, ac pessis quoque
mollientibus. Per se autem semioboli pon-
dere appositus, menses ciet atque partus: sedi
quoque pro balano inditus, somnum conci-
liat. Porrò & radix ebur emollire fertur, quæ
senis horis cum eo decocta fuerit: præterea-
que ita tractabile ipsum efficere, vt quam
quisque voluerit formam facillè suscipiat.
Folia verò recentia, oculorum inflamma-
tionibus, iis que vlceribus superueniunt,
cum polenta conuenienter imponuntur.

Ee. iij.

Sed & duritias omnes, apostemata, strumas & tubercula discutunt. Eadem si quinis senisve diebus leniter affricentur, stigmata citra exulcerationem delent. Illa quoque ad eisdem vsus in muria seruantur. Radix autem ex aceto trita, erysipelatis medetur: serpentium autem ictibus, cum melle aut oleo. At ex aqua, strumas atque tubercula dissipat, & articulorum cruciatus cum polenta sedat. Paratur & citra cocturam vinum e cortice radice, dum ternæ minæ in vini dulcis cadum coniiciuntur: atque dantur ex eo terni cyathi iis qui secari vrive debent, vti antè dictum est: neq; enim somno sopiti altiore dolorè percipiunt. Poma verò & olfactu & cibo sunt soporifera, itémque expressus ex iis succus. At illa seu nimio odore, seu etiam largiore cibo, vocis vsum præcludunt. Semen autem ipsorum epotum, vuluam purgat, subditumque cum sulphure ignem minimè experto, rubrum sistit fluorem muliebrem. Cæterùm circumsensarificata punctisque multifariam aperta radice liquor seu lacryma erumpit, quæ quidem in cavitatem recepta colligitur. At succus hac lacryma efficacior est. Neque verò, quod experientia testatur, vbique lacrymam radices fundunt. Porro & alium tradunt esse mandragoram, qui morion etiam nominetur. Nascitur is in opacis

opacis & iuxta specus, foliis albi mandragoræ, at minoribus, penè dodrantalibus, candidis, radicem ambientibus: quæ quidem tenera est candidaque, paulò maior palmo, pollicemque crassitudine æquat. Hanc narrant epotam drachmæ pondere, aut cum polenta in placenta obsoniõve deuoratam, infatuare, vsûmque rationis intercipere. Obdormiscit enim homo eadem quâ illam comedèrit figura, sensus impos ternis quaternisve ex quo data est horis. Sed & illa Medici vtuntur, cùm secandi vrendive necessitas adest. Aiunt insuper pro antidoto esse radicem, si cum solano mahico bibatur.

De Aconito. CAP. LXXVII.

ACONITVM aliqui pardalianches, alij cammarum, alij thelyphonõ, alij myõtonon, alij denique theriophonon appellauère. Folia habet terna quaternave, ceu cyclamini aut cucumeris, minora tamen ac leniter aspera, caulem dodrantalem: radix scorpij caudam æmulatur, & alabastri modo splendet. Huius, vt aiunt, radice admota scorpius quasi resolutus torpescit, rursumque appposito elleboro excitatur. Miscetur & oculorum medicamentis doloris leuandi vi præditis. Enecat verò pantheras, fues, lupos ac ferarum genus omne, carniû frustulis inditum & appositum.

Eet iiij.

De Aconito altero. CAP. LXXVIII.

Aconitum alterum, quod nonnulli cynogetonon, alij lycoctonon vocant, plurimum in Italia nascitur Vestinis montibus, à priorè distans. Siquidem folia gerit familia platani, sed altioribus diuisa incisuris, minorâque multò & nigriora, caulem pediculi filicis instar nudum, cubitali altitudine aut etiam maiore, & semen in siliquis aliquatenus oblongis: radices verò in modum squillæ marinæ cirrorum nigras, quibus ad venationem luporum vtuntur. Insertæ siquidem crudis carnibus & à lupis deuoratae, eos enecant.

De Cicuta. CAP. LXXIX.

CICUTA caulem edit geniculatum, vti & fœniculum, grandem: folia ferulæ, sed angustiora & graui odoratu: in cacuminibus autem ramorum propagines & umbellas, florem quoque albicantem & semen cœuanisi, at candidius: radicem denique concuam minimèque profundam. Est & cicuta in lethalium venenorum genere, quippe quæ vi sua refrigeratoria enecet: merum verò remedio est. Porro contusis cacuminibus seu coma ipsa, priùs quàm semina siccescât, succus exprimitur, qui deinde Sole densatur atque cogitur. Huius autem arefacti multiplex est in medicina vsus. Siquidem collyriis
doloris

doloris sedandi vi præditis commodè miscetur, & herpetas ac erysipelata illitu restinguit. Herba verò cum coma trita testibúsque circumlita, libidinis in somno imaginationi simul & seminis profusioni obnoxiiis opitulatur. Sed & genitalia illitu effecta languidioraque reddit. Lac itidem extinguit, & virginum mammas crescere non patitur: ac puerorum quoque testes nutrimento defectos ita reddit, ut intabescant. Maxima efficacissimaque vis Creticæ, Megaricæ, Atticæ, & in Chio ac Cilicia nascenti.

De Taxo. CAP. LXXX.

SMILAX à quibusdam thymalus, à Latinis Taxus appellatur, arbor abietis magnitudine & foliorum eiusdem figura, in Italia & Narbonensi Gallia Hispaniæ contermina nascens. Sed nigrescunt pulli gallinacei, qui Italicæ taxi fructu vescuntur: & qui eundem ederint homines, alui profluviis corripuntur. Narbonensis verò tam præsentis est veneni, ut qui sub eius umbra sederint obdormierintve, lædantur, & sæpenumerò etiam moriantur. Cæterùm hæc de taxo traduntur eo consilio, ut ab ea quisque caueat.

De Apocyno. CAP. LXXXI.

APOCYNON aliqui cynanchon, nonnulli pardalianches, alij cynomoron,

- alij denique cynocramben, hoc est, brassicam caninam, appellant. Est verò frutex longis constans virgultis, virilium modo obsequiosis, fractūque ferè inuictis: foliis hederæ, attamen mollioribus & per extremum acutioribus, grauique odore, quadantenus viscosis, & luteo succo turgentibus. Fructus ceu fabarum siliqua digiti longitudine protenditur, folliculari specie, minutis intus seminibus duris, paruis atque nigris. Huius folia cum subacta farina in panes coacta & in cibo data, canes, lupos, vulpes & pantheras necant, ac protinus earum quadrupedum coxendices resoluunt.

De Nerio.

CAP. LXXXII.

NERION quibusdam rhododaphne, aliis rhododendron vocatum, frutex est vulgaris notitiæ, longioribus crassioribusque foliis quàm sint amygdalina: flore ad rosæ similitudinem conformato, & siliqua fructui amygdalino proxima: quæ quidem dehiscens, lanosa quadam natura acanthij pappos repræsentante plena reperitur: radice acuminata & longa, lignosa atque gustanti salsa. Nascitur in viridariis, maritimisque locis, & secus amnes. Flores ac folia canibus, asinis, mulis & plerisque quadrupedibus venena sunt: hominibus verò, contra venenarum bestiarum morsus præsidia, si è vino biban-

bibantur, eoque magis ruta addita. Imbecilliores autem animantes, vti capræ ac pecudes, si aquam biberint in qua illa maduerint, moriuntur.

De Fungis. CAP. LXXXIII.

FVNGORVM differentia duplex. Aut enim edules sunt, aut exitiosi & perniciales. Ac tales quidem multis de causis euadunt: nempe quia iuxta clauos rubiginosos, aut putridos pannos, aut serpentium latibula gignantur: aut etiam arboribus, quæ priuatim noxios pariunt fructus, adnascantur. Habent porro & qui tales sunt concretum quendam strigmentique modo viscosum intra se lentorem, ac etiamnum posteaquam terra sunt eruti si reponantur, celeriter corrumpuntur & computrescunt. At innocentiores, quique veneno imbuti non sunt, gratiam iuribus conciliant, iucundique sunt saporis. Veruntamen & hi ipsi largius sumpti, nocent: quippe qui ægrè concocti strangulant, aut choleram morbum accersunt. Remedio est nitri & olei, aut lixiuij cum acida muria potus, haustumve thymbræ decoctæ organive iusculum. Est & remedio finum gallinaceum ex aceto potum, aut ex copioso melle delinctum. Cæterum alibiles illi sunt, ægrèque dissoluuntur: quin & integri ut plurimum vnà cū recrementis alui reiciuntur.

De Colchico.

CAP. LXXXIIII.

COLCHICVM, quod aliqui ephemerum, alij agrestem bulbum vocant, sub finem autumnii florem edit croci candicantem: deinceps verò folia bulbi, sed pinguiora: caulem dodrantalem cum rufo semine: radicem cortice præditam è nigro fuluescente: quæ quidem delibrata candida, tenera, succi plena atque etiam gustanti dulcis reperitur. Habet verò bulbus eius mediam rimam fissuramve, è qua flos erumpit. Plurimum in Messenia & apud Colchos enascitur. Comesta radix, fungorum more strangulando enecat. Hanc autem ideò studiosius descripsimus, vt ne fortè per imprudentiam pro esculento bulbo in cibos recipiatur: mirum enim quantum saporis iucunditate imperitos alliciat. Opem ferunt eadem quæ fungis deuoratis, insuperque lac bubulum epotum ita auxiliatur, vt si affuerit, aliud nullum desideretur auxilium.

De Ephemero.

CAP. LXXXV.

EPHEMERVM, quod alij agrestem irin appellant, caulem foliaque habet lilij, sed hæc tenuiora: flores candidos, amaros: semen molle: radicem vnam digitali crassitudine, longam, astringentem, odoratam. Nascitur in syluis & opacis. Huius radix dentium doloribus præcipua, si decocto ij colluan-

colluantur. Folia verò in vino cocta illitâque, œdemata tuberculâque discutiunt, quæ quidem humidi nihil dum contraxere.

De Helxine.

CAP. LXXXVI.

HELXINE, quam nonnulli parthenium, alij perdicium, alij fideritin seu Heracleam, alij vitrariam seu vrceolariam, alij ixinen syluestrem, alij clibadium, alij deniq; polyonymon appellant, nascitur in maceris & parietinis. Cauliculos profert tenues ac leuiter rubentes, folia mercurialis, hirsuta: & circa caules velut exigua semina, aspera, vestibus adhærescentia. Vim habent folia refrigeratoriam & astringentem: qua ex causa sanant illitu erysipelata, condylomata, adusta, incipientes panos, omnéque inflammationis genus & œdemata. Succus eius cum cerussa, erysipelatis & herpetibus utiliter illinitur: vti & podagris, si cerato cypri-
no aut hircino seuo exceptus fuerit. Veterem quoque tussim emendat succus, instar cyathi haustus. Quin & tonsillis inflammationem sentientibus utiliter & gargarizatur & oblinitur, necnon & aurium dolorem cum rosaceo instillatus leuat.

De Alsine.

CAP. LXXXVII.

ALSINEN alij myosota vocant, quoniam foliis muscutorum auriculas imiteretur. Alsine verò dicta est, quod opacis

nemorosisque locis gaudeat. Herba est helxinæ similis, at humilior, longioribusque foliis ac minimè hirsuta: & cum teritur, odorem cucumeris reddit. Vim porro refrigerandi astringendique obtinet: quamobrem oculorum inflammationibus commodè cum polenta illinitur, auriumque dolori succus infunditur: denique ad eadem omnia quæ helxine valet.

De Lenticula palustri.

CAP. LXXXVIII.

LENS palustris in aquis pigris stagnantibusque reperitur, muscus scilicet lenticulæ similis, refrigeratoriæ naturæ: propter quod omnibus inflammationibus, erysipelatis, podagrisque & per se & cum polenta convenienter imponitur: insuperque puerorum enterocelas agglutinat.

De Semperuino magno.

CAP. LXXXIX.

SEDVM magnum Semperuiui nomen sibi vendicat, quoniam folia semper vireant. Caules edit cubitales, aut etiam altitudinem eam excedentes, crassitudine pollicari, pingues, egregiè virentes, characiæ tithymali modo incisuris distinctos: folia pinguia, pollicari magnitudine, & extremo cacumine linguæ similia: & infima quidem in terram conuexa: quæ verò sunt in capite, ita conferta

conferta adductaque inuicem, vt orbiculato ambitu effigiem imitentur oculi. Nascitur in locis montosis & argillofis. Sunt & qui ipsum supra domicilia lerant. Vis ei perfri- gerare & astringere. Quamobrem folia tum per se, tum etiam cum polenta imposita, va- lent ad erysipelata, herpetas, nomas, oculo- rum inflammationes, ambusta & podagras. Succus autem ad capitis dolores cum polen- ta & rosaceo instillatur: morsis à phalangio potui datur, itémque profluuiò alui labo- rantibus atque dysentericis. Sed & teretes lumbricos pellit ex vino potus, & fluorem muliebrem sistit, in vellere subditus: denique oculorum lippitudinibus à sanguine obor- ris vtiliter inungitur.

De Semperuino paruo. CAP. XC.

Semperuium minusculum in parietinis, petris & maceris, nec non & scrobibus opacis nascitur: cauliculis ab vna radice mul- tis, tenuibus: qui quidem crebris cincti sunt pusillis foliis, iisque rotundis, pinguibus, exilibus, mucronatis. Promit & à medio cau- lem palmum ferè altum, umbella floribús- que tenuibus & ex luteo pallidis præditum. Folia eisdem cum priore viribus pollent.

De Semperuino tertio. CAP. XCI.

Videtur & tertium esse semperuii ge- nus, quod aliqui portulacam agrestem aut

telephium vocauerunt, Romani Illecebram, pusillis foliis crassiusculis ad portulacæ similitudinem ac densis. Nascitur in petris. Vis ei excalfactoria, acris & exulcerans: impositumque cum axungia strumas discutit.

De Umbilico Veneris. CAP. XCII.

COTYLEDON aliis scytalium, seu cymbalium, folio est acetabuli instar orbiculato atque concauo, ita tamen vt cauum id aciem propè fugiat: breui in medio cauliculo, in quo semen inest: radice oliuæ modo rotunda. Radicis foliorumque succus cum vino circumlitus aut infusus, astricta pudenda laxat: herba verò inflammationibus, erysipelatis, perniunculis ac strumis, itémque stomacho æstuanti utiliter imponitur. At folia cum radice comesa, calculos comminuunt, urinæque cient, & hydropicis ex mulso dantur. Est & ipsius herbæ vsus ad amatoria.

De Umbilico Veneris altero.

CAP. XCIII.

EST porrò & alterum Cotyledonis genus, elatioribus foliis, iisque pinguibus, ac ceu lingulas referentibus, densis confertisque circa radicem, & velut oculum in medio constituentibus, (quemadmodum de maiore semper uiuo dictum est) astringentis gustus, cauliculo tenui, in cuius summo flores sunt

sunt & semina hyperici: radice maiuscula.

Vsus eius ad eadem quæ semperuiui.

De Vrtica. CAP. XCIIII.

VRTICAE, quæ Græcorum plerisque a-
calyphe, aliis cnide dicitur, duo genera
vna siquidem agrestior est, asperioribus, la-
tioribus nigrioribusque foliis, semine lini,
at minore: altera non æquè aspera, minuto
semine. Vtriusque folia illita sale addito, ca-
nis moribus medentur: itémque in gangre-
nam vergentia, maligna, carcinode sordida-
que vlcera, necnon & luxata, tubercula, pa-
rotidas, panos & abscessus sanant. Lienosis
eadem cum cerato imponuntur. Faciunt & ad
sanguinis è naribus profluvia folia ipsa cum
succo trita & naribus indita: menses quo-
que ciunt eadem detrita cum myrrha & ap-
posita: sed & procidentes vulvas admota re-
centia folia restituunt. Semen autem ex pas-
so potum, Venerem stimulat, vuluamque a-
perit. Idem cum melle delinctum, ortho-
pnoæ, lateris & pulmonum inflammatio-
nibus prodest: thoracem purgat, ac septicis
etiānum medicamentis admiscetur. Por-
rò cum conchyliis cocta folia, difficilem
ventrem emolliunt, inflationes discutunt,
vrinæque cient. At cum ptissana decocta, vi-
tia pectoris excreabilia faciunt. Mulierum
denique menses ei ocatur foliorum decoctum,

Rf. j.

cum myrrhæ modico potum. Inflammata[m] verò vuam gargarizatus succus reprimat.

De Galiopsi.

CAP. XCV.

GALIOPSIS, quam alij Galeobdolon vocant, toto frutice cum caule & foliis vriticam refert. At læuiora sunt folia, & valdè grauem odorem trita reddunt: flores verò tenuēs sunt ac purpurascētes. Nascitur circa sepes, semitas ædificiorūque areas ubique. Folia, succus, caulis ac semen, duritias, carcinomata, strumas, parotidas & panos discutiendi vim habent. Sed eiusmodi cataplasma addito aceto tepidum bis die imponi oportet. Ex vsu est & herbæ decocto fouere. Cæterum & ad nomas, gangrænas & putrescentia vlcera, cum sale folia efficaciter imponuntur.

De Gallo.

CAP. XCVI.

GALLIVM, aliis galerium siue galatium, nomen ex eo traxit, quòd coaguli vice lac cogat & coagulet. Ramulum foliūque habet aparinē simillimum, rectum: florem in cacumine luteum, tenuem, densum, copiosum, odoratum. Flos igni ambustus illinitur, sanguinisque profluvia sistit. Admixtus & oleo rosaceo, insolatūque vsquedū albescat, medicamentū sit acopon, seu leuadis lassitudinibus aptū. Radix Venerem concitat. Cæterum nascitur in palustribus.

De

De Senecione.

CAP. XCVII.

SENECIO, cauliculo est cubitali, subrubis-
 cundo, foliolis crebris & crucæ modo
 per extremitates diuisis, sed minoribus mul-
 to: floribus in luteum vergentibus, qui qui-
 dem citò dehiscunt ac deflorescentes in
 pappes abeunt. Atque inde etiam Erigeron-
 tis nomen Senecio apud Græcos inuenit,
 quod vere flores capillorum ritu canescant.
 Radix est superuacua. Nascitur porrò maxi-
 mē in maceris & circum oppida. Folia cum
 floribus refrigerandi vim habent, proinde-
 que illita cum vini modico aut etiam per
 sese folia, testium & sedis inflammationes
 sanant: quā & ex manna thuris cum reli-
 quis medentur vulneribus, tum iis quæ ner-
 uis inflicta sunt. Illiti quoque pappi per se
 cum aceto, idem præstant: verum recentes e-
 poti, strangulant. Totus autem caulis si ex a-
 qua coctus cum musto potui detur, stoma-
 chi dolores à bile contractos per sanat.

De Thalicthro.

CAP. XCVIII.

THALICTRUM folia coriandri habet,
 at pinguiora: cauliculum rutæ crassitu-
 dine, in quo folia: quæ quidem trita, illitu
 diuturna vlcera ad cicatricem perducant.
 Nascitur præcipuè in campestribus.

Ff. ij.

De marino Musco. CAP. XCIX.

MVSCVS marinus in saxis testisque piscium ad mare nascitur, capillaceus, gracilis, sine caule, valde astringentis gustus: ad inflammationes & podagras, quas refrigerare opus est, efficax.

De marino Fūco, seu alga. CAP. C.

FUCI marini generibus quoddam latum, alterum oblongum & quadantenus puniceum, tertium candidum, quod in Creta nascitur iuxta terram, pulchrè floridum, neque corruptioni obnoxium. Omnia genera vim habent refrigeratorem, in cataplasmatibus, ad podagras & inflammationes efficaciter utilem: verum his adhuc humentibus uti conuenit, priusquam exarescant. Nicander puniceum asserit aduersus serpentes valere: id ipsumque est quo existimauere nonnulli colorem suum mentiri mulieres: cum tamen radícula sit eiusdem nominis, qua sese fucant.

De Potamogetone. CAP. CI.

POTAMOGETON, folio est betæ simili, denso & paululum supereminente extra aquam. Porro refrigerat & astringit, proindeque conuenit pruriginibus, ac depascentibus vetustisque vlceribus. Nomen autem ex eo inditum est, quod in paludibus & aquosis locis nascatur.

De

De Stratiote. CAP. CII.

STRATIOTES in aquis nascens, quem alij stratioten fluuiatilem appellant, ex cognomentum traxit, quòd aquis supernat, & sine radice viuit. Folium habet aizoo simile, at maius, idèmq; refrigerandi vi præditum. Sanguinem qui defluit à renibus potum sistit. Ex aceto autem illitum, vulnera & erysipelata, necnòn & cedemata ab inflammatione vindicat.

De Stratiote millefolio. CAP. CIII.

STRATIOTES millefolius, pusillus est frutex, palmi altitudine aut etiam amplius assurgens, foliis pulli pennas imitantibus: sunt autem foliorum exortus breues admodum & incisuris diuisi. Folia maximè cuminum agreste, tum breuitate tum etiam scabritia, simulant: sed sunt etiamnum breuiora paulò, densiore pleniorèque vmbella. Surculos in cacumine gerit exiguos, in quibus vmbellæ in modum anethi, flores parui candidique. Nascitur in agris subasperis, præcipuèque secus vias. Herba eximij vsus ad profluentem sanguinem, vlceràque tum vetera, tum recentia, atque etiam fistulas.

De Verbasco. CAP. CIIII.

VERBASCUM genera habet summa duo: siquidem hoc album est, illud nigrum: rursumque in albi genere, alterum

Ff. iij.

mas est, alterum foemina. Ac foeminae quidem folia sunt brassicae, at pilosiora multo latioraque, & candida: caulis cubitalis aut amplior, albus, subhirsutus: flores candidi aut quadantenus ex luteo pallescentes: semen nigrum: radix longa, gustu acerba, crassitudine digiti. Nascitur in campestribus. Qui vero mas appellatur, albis est, oblongis, angustioribusque foliis, ac tenuiori quoque caule. Nigrum autem albo prorsus esset simile, nisi latioribus nigrioribusque foliis constaret. Est & Verbascum sylvestre, virgas gerens altas & arboris specie lignosas, folia salviae: habet autem uti marrubium verticillato circa virgas ambitu florem luteum, auro similem. Sunt porro & Phlomidēs duae, hirsutae, humiles, rotundisque praeditae foliis. Tertia praeter has est quae lychnitis vocatur, ab aliis thryallis, foliis ternis quaternisve aut etiam pluribus, crassis, pinguibus & hirsutis: ea ad lucernarum ellychnia apta est. Porro dum generum primo loco recensitorum radix astringit: proindeque alui profluvia laborantibus ludicri tali magnitudine utiliter ex vino propinatur. Eius decoctum, ruptis, convulsis, contusis & antiquae tussi auxiliatur: ac dentium quoque dolores collutione mitigat. Verbascum autem cui flos aureus, capillos tingit, & quocunque loco

loco reponatur, blattas in se contrahit. Cocta in aqua folia, œdematis & oculorum inflammationibus imponuntur: itémque syderatis vlceribus, ex melle aut vino. Cum aceto quoque vulneribus medentur, & à scorpione ictis opitulantur. At verò syluestris folia, igni ambustis illinuntur. Fœminæ verò folia ferunt caricis interposita, eas incorruptas & à putredine immunes tueri.

De Aethiopside. CAP. CV.

AETHIOPIS folia etiam habet verbasco similia, perquàm hirsuta densaque, & circa imam radicem orbem conficientia: caulem quadrangulum, crassum & scabrum, similem apiastro aut arctio, multis concavum alis: semina erui magnitudine, bina in singulis conceptaculis: radices ab eodem cespite numerosas, longas, crassas & gustu glutinosas: quæ siccæ nigrescunt, duranturque vt cornua videri possint. Plurima in Messenia & Ida nascitur. Huius radix decocta potaque, ischiadi, pleuritidi, sanguinis expuitioni & arteriæ scabritiis auxiliatur: cum melle autem eclegmatis vice assumitur.

De Arctio. CAP. CVI.

ARCTION aliqui arcturum vocant, folia itidem habet verbasco similia, nisi quòd hirsutiora rotundioraque sunt: radicem teneram, dulcem & albam: caulem

ff. iij.

mollem, longum: semen cumino paruo simile. Radix cum semine in vino decocta, dentium dolores mulcet, siquidem ore decoctum contineatur. Ambusta perionésque eodem fouentur. Bibitur & propter ischiada vrinaeque difficultatem è vino.

De Arcio, siue Personata. CAP. CVII.

ARCION, quod alij prosopida aut prosopion, quasi personatam, vocant, folia habet cucurbitae, maiora tamen, duriora nigrioraque & hirsuta: caulem albicantem, quanquam & interdum herba hae vidua caule reperiatur: radix grandis est, & intus quidem alba, foris verò nigra. Hae drachmae vnus pondere pota cum pineis nucleis, cruenta expuentibus purulentaque excreantibus auxiliatur. Trita quoque, articulorum dolores ex contorsionibus contractos illitus sedat. Folia denique antiquis vlceribus vtiliter imponuntur.

De Petasite. CAP. CVIII.

PETASITES pediculo est cubitali maiore, & crassitudine pollicis, cui folium praegrande petasi modo amplum ceu fungus incumbit. Tritum id, contra maligna & phagedaenica vlcera efficaciter illinitur.

De Epipactide. CAP. CIX.

EPIPACTIS, ab aliis Elleborine vocata, frutex est pusillus, perquam exiguis
constans

constans foliolis. Contra venena & iocineris vitia pota prodest.

De Capno seu fumaria. CAP. CX.

FUMARIA fruticosa est herbula, coriandri similitudine, prætenera, foliis candidioribus & cineracei coloris, vndique numerosis: flore purpureo. Huius succus aeris est, claritatēque facit oculis & delacrymationem, ceu fumus: vnde & herba nomen traxit. Illitus cum gummi, duplicatos palpebrarum pilos euulso renasci prohibet. Cæterum herba in cibo sumpta, copiosam bilem per vrinas trahit.

De Loto sativa. CAP. CXI.

LOTVS sativa, quam aliqui Trifolium vocant, nascitur in hortis. Expressus ea succus addito melle, argema, nubeculas, albugines cæteraque vitia caliginem oculis offundentia discutit.

De Loto sylvestri. CAP. CXII.

Sylvestris lotus, quam alij Libyon appellant, plurima in Libya gignitur, caule bicubitali aut etiam maiore, alis multis: foliis loti trifoliæ pratensis: semine fœnigræci, at minore multò, gustu medicato. Vim calfaciendi & leniter astringendi obtinet. Tollit è facie næuos, itēque maculas à Solis ardore contractas, si cum melle perungatur. At trita per sese aut cum malvæ semine, &

ex vino aut passo bibita, doloribus vesicæ succurrit.

De Cytiso.

CAP. CXIII.

CYTISVS, frutex est albus in totum, vti rhamnus, ramos spargens cubitales ac etiamnum maiores, in quibus folia fœnigræci, aut loti trifoliæ, nisi quod minora sunt, dorsoque medio prominentiore. Ea digitis trita erucam olent, gustatâque cicer viride sapiunt. Folia vim habent refrigeratorem: oedemata inter initia discutiunt, si cum pane trita illinantur. Eorum quoque decoctum urinam potu ciet. Cæterum nonnulli, quod apes alliciat, eâ propter aluearia ferunt.

De Loto Ægyptia.

CAP. CXIIII.

LOTVS quæ in Ægypti campis flumine inundatis prouenit, caule est [Ægyptiæ] fabæ simili: flore paruo, candido, liliaceo simil, quem tradunt ad ortum Solis aperiri & expandi, eodem occidente comprimi occludique: hocque amplius, caput ipsum vespera mergi aquisque condi, rursûmque ad exortum Solis emergere extra aquam. Refert verò caput calycem papaueris maximum. In eo grana sunt ceu milij, quæ Ægyptij siccant & in panes cogunt. Radicem Lotus hæc habet mali cotonei similitudine, quæ & ipsa cruda coctâque manditur: cocta sanè, qualitate vitello oui respondet.

De

De Myriophyllo, seu millefolio.

CAP. CXV.

MYRIOPHYLLON, cauliculo est singulari, tenero, unicâque nixo radice: foliis circa caulem læuibus, fœniculi similibus, usque plurimis, unde & nomen accepit. Est verò caulis quadrantenus cauus, coloribus variis distinctus, & quasi studio atque artificio limatus & expolitus. Nascitur in palustribus. Vulnere recentia ab inflammatione vindicat, seu viride seu etiam siccum ex aceto oblinatur: præcipitatis quoque ex alto cum aqua & sale potui datur.

De Myrrhida.

CAP. CXVI.

MYRRHIS, quam alij myrrham nominant, similis est cicutę caule foliisque. radicem verò habet oblongam, teneram, rotundam, odoratam, cibo non insuauem. Hæc pota in vino, phalangiorum moribus auxiliatur. Cier verò menstrua, & fœminarum purgationes à puerperio trahit. Eadem decocta & in sorbitione data, phthisicis subuenit. Tradunt & nonnulli, eandem bis die terve potam ex vino in pestilenti constitutione ita salutarem esse, vt arceat morbi contagia.

De Myagro.

CAP. CXVII.

MYAGROS, quam aliqui melampyron vocant, herba est è cremiorum genere, bicubi-

bicubitalis, foliis rubiæ similibus, pallidis: semen verò gerit scæno-græco simile, pingue: quo quidem torrefacto & tuso virgas oblinunt, iisque lucernarum vice vtuntur. Cæterum hoc pingui corporis scabritias expoliri læuigarique constat.

De OEnagra. CAP. CXVIII.

OENAGRA huc œnothera aut œnuris, frutex est arboris specie, prægrandis, folio amygdalaceo, sed latiore, liliaceo non dissimili: floribus roseis, magnis: radice candida, longa: cum siccata est, vinum olente. Nascitur in montanis. Radicis dilutum feris animantibus in potu datum, vim hanc habet, vt eas ex feritate ad mansuetudinem traducat. Quin & illitu eadem radix efferantia sese vlcera mitigat.

De Cirsio. CAP. CXIX.

CIRSIVM caule est tenero, duum ferme cubitorum, triangulari, ab imo foliis rosæ pusillis circumdato, quæ quidem angulos habent ex intervallis spinosos, sed molles: foliis buglosso similibus, modicè hirsutis, longioribus, subcandidis & per extremitates aculeatis. Est autem pars summa caulis rotunda & hirsuta, illique insident capitula in summo purpurea, quæ in pappos seu lanugines soluuntur. Huius radicem memorie prodidit Andreas laboranti loco adalligatam, dolores varicum sedare.

De Astere Attico. CAP. CXX.

ASTER Atticus, [qui ab aliquibus Bubonium appellatur] virgultum est lignosum, florem habens in cacumine purpureum aut luteum, per ambitum anthemidis capituli modo diuisum, foliolis stellæ modo radiatis. Quæ verò caulem circundant folia, oblonga sunt ac hirsuta. Exstuantî stomacho, oculorum & inguinum inflammationibus, sedique procidux illitu auxiliatur. Aiunt & id quod in flore purpurascit ex aqua potum, angina laborantibus puerisque comitialibus opitulari. Prodest verò flos recens ac etiam dum humidus, inguinum inflammationi adhibitus. Si verò aridus sinistra laborantis manu decerpatur, & inguini adalligetur, dolore liberat.

De Isopyro. CAP. CXXI.

ISOPYRON vocant aliqui Phasiolum, quoniam ad phasioli similitudinem in summo folio pampinum seu clauiculam gerat. Capitula sunt in summo caule tenuia, minutorum seminum plena, melanthij saporem imitantium. At folium est aniso simile. Semen contra tussim cæteraque pectoris vitia cum aqua mulsa bibitur. Sanguinem quoque excreantibus & hepaticis utile.

De Viola nigra, seu purpurea.

CAP. CXXII.

VIOLA folium habet hederaceo minus, tenuius atque nigrius: alioqui haud ita dissimile. Cauliculus à radice medius prodit, in quo flosculus per quàm suauiter olens, purpureus. Locis nascitur opacis & asperis. Refrigerandi naturam habet: proindeque folia per se & cum polenta imposita, stomacho ardenti, oculorum inflammationibus procidentique sedi auxiliantur. Aiunt & id quod in flore purpureum est in aqua potum, angina laborantibus puerisque comitialibus opitulari.

De Cacalia. CAP. CXXIII.

CACALIA siue Leontice, folia profert candida, prægrandiaque: è quorum medio caulis emicat rectus, albus, florem ferens bryoniæ similem. Nascitur in montibus. Huius radix in vino macerata ceu tragacantha, & delincta commanducatave per se, tussi & arteriæ scabritiei medetur. Grana verò quæ post excussum florem subnascuntur trita & cerato excepta illitaque, extendunt cutem in facie, eamque à rugis vindicant.

De Bunio. CAP. CXXIIII.

BVNIUM caulem edit quadrangulum, procerum, digiti crassitudine: folia verò
apio

apio similia, verum tenuiora multo, & coriandrinis proxima: florem anethi: semem odoratum, hyoscyami semine minus. Cier id urinas, excalfacit & secundas euocat: leni, renibus ac vesicae utile. Ceterum seminis tam humidi quam sicci, itemque succi ab eo una cum radicibus caulibus ac foliis expressi usus est ex aqua mulsa.

De Pseudobunio. CAP. CXXV.

Pseudobunium palmi altitudine fruticat in Creta, folia ramulosque bunij ferens, acri gustu. Quaterni eius ramuli ex aqua bibiti, tormina, stranguriam laterisque dolores sanant: discutiunt & strumas, si cum sale & vino tepentes imponantur.

De Chamaecisso, seu hederæ humi repente.

CAP. CXXVI.

CAMAECISSOS foliis est hederæ, at longioribus tenuioribusque, numerosis: ramulis ab radice quinque senisve, dodrantalibus, foliosis: floribus leucoij seu violæ albæ, minoribus tamen & gustu admodum amaris: radice tenui, candida, inutili: nascitur in cultis. Folia utiliter bibunt ischiadici tribus obolis in aquæ cyathis tribus, quadragenis quinquagenisve diebus. Eodem pota modo senis aut septenis diebus, regium morbum emendant & expurgant.

De Chamæpence. CAP. CXXVII.

CHAMÆPEUCE lumborum doloribus propitia est, si trita ex aqua bibatur. Est autem herba tota viridis herbaceæ coloris, foliolis ramulisque incuruis, floribus rosaceis.

De Anglosso. CAP. CXXVIII.

BVGLOSSVM verbasco simile est, folio in terra sparso, verum aspero, nigriore minoreque, bubulæ linguæ simili: quod vino inditum, animi voluptates augere hilaritatemque afferre creditur.

De Cynoglossso. CAP. CXXIX.

CYNOGLOSSON folia latifoliæ plantaginis habet, at angustiora & minora, lanuginosa. Caule vacat, humique sternitur. Prouenit in sabuletis. Folia cum suillo adipe veteri trita, canum moribus, alopeciis ambustisque medentur. Ipsius verò herbæ decoctum ex vino potum, aluum emollit.

De Phyteumate. CAP. CXXX.

PHYTEVMA folia habet radiculæ, sed minora: semen copiosum, perforatum: radicem parvam, tenuem, per summa terræ nitentem: quam ad amatoria conuenire nonnulli prodiderunt.

De

De Leontopodio.

CAP. CXXXI.

LEONTOPODION duorum digitorum herbula est, foliola habens arcta, robusta, quaternum ferè aut etiam ternum digitorum longitudine, hirsuta, quæque radici proxima sunt lanatiora & subalbida: capitula in summis caulibus quasi perforata, in quibus flores nigri. Semen verò vsque adeò spissa lanugine obuolutum est, ut ægrè deprehendi possit. Radix subiacet parua: quam etiam tradunt amuleti ratione alligatam ad amatoria prodesse, tuberculaque discutere.

De Hippoglossò.

CAP. CXXXII.

HIPPOGLOSSON pusillus est frutex, folia habens tenuis sylvestris myrti figura, comamque spinosam, & in summo ceu ligulas secundum folia exeuntes. Coma caput dolentibus amuletum utile creditur. Malagmatis radix expressusque succus admiscetur.

De Antirrhino.

CAP. CXXXIII.

ANTIRRHINON siue anarrhinon, aliqui etiam lychnida sylvestrem vocauerunt. Herba est caule foliisque anagallidi similis: floribus leucis, minoribus tamen, purpureis: ideo etiam sylvestris lychnis nominata est. Fructum verò gerit vituli narium similem, aspectu rufum. Traditur hæc amuleti instar adalligata, malis medicamentis

Gg. j.

veneficiis que aduersari, iis que gratiam conciliare, qui ea cum oleo liliaceo cyprinove peruncti fuerint.

De Catanance.

CAP. CXXXIIII.

EX Catanances generibus vna folia habet longa ceu coronopi, radicem iunci modo pratenuem: capitula sena septenave, in quibus semen eruo simile. Arescens in terram curuatur, & se contrahit ad speciem vnguium milui exanimati. Altera mali parua magnitudinem explet, radice interim exigua oliuae magnitudine, foliis quoque oleae figura & colore, mollibus, diuisis ac per terram stratis: semine in virgulis minuto, multis foraminibus pertuso, ciceris figura, puniceo. Vtranque narrant nonnulli in amatoria expeti, Thessalisque mulieribus esse in usu.

De Tripolio.

CAP. CXXXV.

TRIPOLIUM in maritimis nascitur, vbi allidit vnda, vicissimque retrò commeat: sed neque in mari, neque in sicco. Folia habet isatis, attamen crassiora: caulem palmarem & superna parte diuisum. Eius flos ter die colorem mutare perhibetur: ita vt manè candidus, meridie purpureus, vespere puniceus aspiciatur. Radix est alba, odorata, calidi gustus: quae drachmis duabus in vino pota, aquas urinamque per aluum extrahit.

hit. Conciditur & in medicamenta quæ Alexipharmaca vocant.

De Adianto.

CAP. CXXXVI.

ADIANTVM, aliis polytrichon, pusilla gerit folia, coriandri similia, in extremo incisuris diuisa: virgulas verò è quibus ea prodeunt nigro colore nitentes, prætenues & palmum altas: at neque thyrsum, neque florem, neque semen profert: radix est superuacua. Herbarum decoctum epotum, suspensiosum & alioqui ægrè spiritum ducentibus, felle suffusis, spleneticis & urinæ difficultate laborantibus auxiliatur. Calculos quoque frangit, aluum sistit, & venenatorum moribus resistit: contra stomachi fluxiones in vino bibitur: menstrua ciet, & quæ à puerperio purgamenta relinquuntur: sed & sanguinis reiectionem inhibet. Contra venenatorum morsus herba cruda illinitur: alopecias eadem densat, strumâsque dissipat. Ex lixiuio, furfures & manantia capitis ulcera detergendo exterit. Cum ladano autem ac myrtino & susino, aut etiam cæsypos ac vino, defluentes capillos cohibet atque confirmat: sed & affricum eius decoctum cum lixiuio & vino, idem præstat. Facit & gallinaceos & coturnices pugnaciores, in cibum eorum additum:

Gg ij.

circa ouilia quoque, pecorum vtilitatis gratia, plantatur. Caterum vmbrosis & palustribus locis & in parietibus aspergine humentibus, circaque fontes prouenit.

De Trichomane. CAP. CXXXVII.

TRICHOMANES, quod & nonnulli adiantum appellant, locis iisdem nascitur, filici simile, at longè exilius: foliis tenuibus, ordine vtrinque dispositis, lenticulæ similibus, aduersis inter se, in virgulis itidem tenuibus, splendentibus, nigricantibus, iisque acerbis. Eadem quæ & modò dictum adiantum præstare posse creditur.

De Xanthio. CAP. CXXXVIII.

XANTHIUM, alij phasganon, alij antithesion, alij chascanon, alij chæradolethron, [quasi strumarum perniciem] aliqui & aparinen vocant. Nascitur læto & pingui solo, itémque in paludibus exiccatis, caule cubitali, pingui, anguloso, & prodeuntibus ex eo alis compluribus: folia verò habet atriplicis, incisuras habentia, nasturtium odore imitantia: fructum teretem, grandis oliuæ instar, & platani pilularum modo spinosum, qui quidem contactu vestibus adhærescit. Is antè collectus quàm perfectè siccescat, deinde tusus & fictili vase reconditus, flavos facit capillos: siquidem, cùm vsus exigit, eius sextarij semissem aqua tepida

tepida diluas, moxque eo caput nitro antè
perfrictum illinas. Sunt & qui in vino tun-
dant, itaque afferuent. Cæterum fructus
commodè quoque œdematis imponitur.

De Ægiloque, siue festuca.

CAP. CXXXIX.

AEGILOPS, herbula est folia tritici ha-
bens, sed molliora, & in summo capite
semina suis inclusa folliculis bina ternæve
rubra, è quibus aristæ veluti capillaceæ ex-
eunt. Herba cum farina imposita, sanat ægi-
lopos, duritiâsque discutit. Ad eadem succus
cum farina permixtus siccatusq; reconditur.

De Bromo.

CAP. CXL.

BROMVS, herba est Ægilopi similis, exic-
catoriam vim habens. Quamobrem si
cum radicibus in aqua decoquatur ad ter-
tias, iurique colato par modus mellis admi-
sceatur, rursûmque discoquatur dum mellis
crassitudo fiat, medicamentum parabitur:
quo quidem imbutum linteum & naribus
etiam per se inditum, ad graueolentia na-
rium vlcera erit efficax. Sunt qui tritam a-
loën addant, eodémque modo vtantur. Cæ-
terum cum rosis siccis in vino decocta, gra-
uem oris halitum emendat.

De Glauce.

CAP. CXLI.

GLAUX foliis cytiso aut lenticulæ simi-
lis est, quæ quidem supernè virent,

Gg. iij.

auerſaque candidiora ſpectantur: ramulos
verò ſpargit à terra quinos ſenòſve, tenues,
à radice dodrantaſ: flores autem violæ al-
bæ, purpurei exeunt, attamen minores. Na-
ſcitur iuxta mare. Ipſa decocta cum hordea-
cea farina, ſale & oleo, in ſorbitione lactis v-
bertatem intermiſſam reſtituit.

De Polygala. CAP. CXLI.

POLYGALA, frutex brevis eſt, palmi al-
titudinem petens, foliis lenticulæ, gſtu
ſubacerbo. Potus iſ, lactis itidem abundan-
tiam facere creditur.

De Oſyride. CAP. CXLI.

OSYRIS, herba eſt ſurculacea, colore ni-
gro, tenuibus virgis, fractûque contu-
macibus: in quibus foliola terna, interdum
& quaterna, quina, ſenave, ceu lini, nigra ini-
tio, deinde colore mutato ruſcentia. De-
coctum eius potum iuuat arquatos.

De Smilace aſpera. CAP. CXLI.

SMILAX aſpera folia habet periclymeni,
ſarmenta multa, tenuia, paliuri aut rubi
modo ſpinola: & ſeſe arboribus circumuol-
uit, per eas ſurſum deorſumque repens. Fru-
ctum verò profert racematum, ceu exilem
labruſæ racemulum, qui quidem vbi matu-
ruit, colore eſt rubro, gſtumque leniter
quodammodo mordet: radice denique eſt
dura craſſaque. Naſcitur locis paluſtribus &
aſperis.

asperis. Folia fructusque contra venena efficacis antidoti vim habent, siue antè, siue postea bibantur. Quin & memoriæ proditum est, siquid ex his infanti recens nato tritum propinetur, nulla ei postea venena nocitura. Inciditur & ad alexipharmaca, id est, ad ea medicamenta quibus venena arcantur.

De Smilace laus. CAP. CXLV.

Smilax lævis folia habet hederacea, sed molliora, læuiora tenuioraque, itémque flagella æquè ac prior, ac nullis spinis horrida: quibus tamen haud secus ac illa arbores scandit, iis sese circumuoluens: semen verò gerit ceu lupini, nigrum, exiguum, supra quod flores perpetuò visuntur candidi, vndique numerosi & orbiculati. Ex hac porro smilace per æstatem topiarij operis umbracula factitantur: at folia per autumnum amittit. Cæterum semen cum dorycnio potum ternis singulorum obolis, vt somnia tum varia, tum etiam tumultuosa videantur, efficere perhibetur.

De Rusco, seu Myrto sylvestri.

CAP. CXLVI.

MYRTVS sylvestris seu oxymyr sine, folium fert myrti, sed latius, ad formam lanceæ mucronatum: fructum rotundum, medio folio inhaerentem, qui per maturitatem rubet, nucleumque ossis instar durum

G. iiij.

complectitur. Ramuli ab vna eadēque radice numerosi exeunt, vitilium modo lenti, fractu contumaces, cubitales, foliosi: radix graminis similis, gustanti acerba & subamara. In asperis & præruptis locis enascitur. Folia & bacca in vino potæ, vrinas cient, menses pellunt, & calculos vesicæ frangunt. Morbo quoque regio, vrinæ stillicidio & capitis dolori medentur. Sed & radicis decoctum in vino potum, eosdem illos præbet effectus. Porro & cauliculi pullulare incipientes, asparagorum vice ac olerum modo in cibo sumuntur: sunt autem amari, vrinæque cient.

De Lauro Alexandrina.

CAP. CXLVII.

LAVRVS Alexandrina, quam aliqui Idæam, aliqui danaën, alij hypoglotion, alij zalæam, alij denique stephanen vocant, foliis est myrti sylvestris, maioribus tamen, mollioribus & candidioribus: fructu in mediis foliis rubro, ciceris magnitudine. Ramos verò per terram spargit dodrantes, interdum etiam maiores: radice myrti sylvestris simili, at maiore, odorata, mollioreque. Nascitur in montosis. Radix drachmarum sex pondere in vino dulci pota, difficulter parientibus vrinæq; stillicidio laborantibus auxiliatur. Sed & sanguinem etiam extrahit.

Ds

De Daphnoide. CAP. CXLVIII.

DAPHNOIDES aliqui eupetalon, alij chamædaphnen, alij peplion vocant: exiguus frutex est, cubitalis, ramis multis à medio sursum versus lori modo flexilibus & obsequiosis, iisque foliosis. Ramulos vestiens cortex supramodum viscosus est: at folia sunt lauri, verum molliora, validiora, fractuque contumacia, quorum gustatu os faucisque mordentur & accenduntur: flores candidi: fructus, cum ematurus, niger: radix superuacua Nascitur in montosis. Folium seu aridum, seu etiam recens, potu pituitosa per aluum deiecit: vomitus quoque ac menses ciet: quin & commanducatum, pituitam à capite extrahit: sternutamenta etiamnum mouet. Cæterum & quindenæ ipsius baccæ potæ, purgant.

De Chamedaphne. CAP. CXLIX.

CHAMAEDAPHNE, quam & Alexandri-
nam aliqui vocauerunt, virgas promit
singulari ramulo constantes, cubitales, re-
ctas, tenues ac læues. Sed & huic folia sunt
lauri similitudine, at læuiora multò tenuio-
raque ac viridiora: fructus rotundus, rubens,
foliis annexus. Huius folia trita illitaque,
capitis doloribus inflationibusque stoma-
chi succurrunt: eadem bibita cum vino, tor-

mina sedant. At succus cum vino propinatus, menses vrinasque ciet: idem quoque subditus in pello præstat.

De Helleboro seu Veratre albo.

CAP. CL.

VERATRUM album folia fert plantaginis aut betæ sylvestris similia, sed breviora, nigriora & dorso rubescentia: caulem palmi altitudine, concavum: qui quidem tunicas quibus conuoluitur abdicat, cum arescere incipit. Radices subiacent numeroas, tenues ac fibratæ, ab exiguo & oblongo capitulo ceu cepa exeuntes, eidemque annexæ. Nascitur in montosis & asperis. Radices messibus colligendæ. Optimum autem habetur veratrum, quod modicè extentum est, candidum, fragile, carnosum, minimè exacutum aut iuncum referens, aut dum frangitur, puluerem emittens: sed tenuem habens medullam, gustûque non admodum feruens, neque saliuam subinde ciens: huiusmodi siquidem strangulat. Primatum tenet Anticyrenum. At Galaticum æquè atq; Cappadocicum, candidius est, iunco simile, maioremq; strangulandi vim habet. Porro vomitionib⁹ variij coloris humores extrahit: collyriis admiscetur, quæ caliginem oculorû discutiendi vim habent: menses pellit, partûsq; peccat,

necat, appositum: sternutamenta mouet, ac-
mures interficit, cum melle & polenta suba-
ctum: quin & carnes colliquat & absumit, si
coquatur vnà. Datur & ieiunis per se, itém-
que cum sesamo & ptissanæ aut alicæ cre-
more, aut cum aqua mulsa, aut pulte, aut
lente aliâve sorbitione. Sed & cogitur cum
pane, atque ita inassatur. Apparatus verò in-
superque victus ratio vtentibus accommo-
data diligenter ab iis tradita est, qui ex pro-
fesso de ipsius dosi scriptitarunt. Sed maxi-
mè Philonidæ Siculo Ennæo assentimur.
Longum enim foret, in hac quam præcipuè
instituiamus materiæ Medicæ tractatione,
victus rationem ad medendum necessariam
simul & semel exponere. Sunt tamen non-
nulli qui dent ipsum cum larga sorbitione,
aut copioso cremore: vel etiam exhibito
parciore cibo post illicò veratrum offerant:
ac iis præsertim quibus strangulationis su-
spicio imminet, aut corporis imbecillitas a-
dest. Illo enim modo sumentibus purgatio
periculo vacat, quòd non intempestiuè iu-
stòve citius medicamentum corporibus ac-
cedat. Cæterùm & sedi subditæ ex eo balani,
cum aceto vomitiones concitant.

De Helleboro seu Veratro nigro.

CAP. CLI.

Helleborum seu veratrum nigrum aliqui

Melampodium, alij ectomon, alij polyrrhizon vocant. Melampodion verò appellatur, quoniam caprarū pastor nomine Melampus furētes Præti filias eo primus purgasse & sanasse creditur. Folia eiviridia, platani similia, sed minora, foliis spōdylij proxima, pluribus diuisuris scissa, nigriora & subaspera: caulis brevis: flores candidi, purpurascens, figura racemosi: semen intus caici, quod & Anticyræi sesamoides vocant, & in purgationes adhibent. Radices subsunt tenues, nigrae, velut è capitulo quodam cepæ simili dependentes, quarum etiam vsus est. In asperis, editioribus sitientibûsque locis enascitur. Optimum quod ex locis eiusmodi petitur, quale quod ex Anticyra: nigrum enim inibi probatissimum gignitur. Eligi debet carnosum, plenum, cui tenuis medulla sit, acre denique gustu feruensque. Huiusmodi est quod in Helicone, Parnasso & Ætolia nascitur: attamen Heliconium præcellit. Veratrum nigrum purgat per inferna, trahitque pituitam & bilem, datum per se, aut cum scammonia & sale, drachma vna seu obolis tribus. Decoquitur & cum lente, ac iusculis quæ purgationis causa sumptitantur. Prodest verò in comitialibus articulariisque morbis, itémque melancholicis, insanientibus & paralyticis. Subditum, menses trahit &

& partus necat: fistulas inditum ac tertia die exemptum purgat. Similiter in auditu difficili immittitur in aurem, ibique ad biduum triduūve finitur. Scabiem quoque sanat, cum thure aut cera & pice ac cedrino oleo perunctum. Vitiligni verò, impetigini ac lepris ex aceto impositum per se medetur. Dentium dolorem coctum cum aceto collutione mitigat. Septicis etiamnum medicamentis admiscetur. Quin & hydropicorum ventri cum farina hordeacea & vino vtiliter imponitur. Porro autem consitum proximè vitium radices, vino inde expresso vim purgandi conciliat. Sed & eo domos aspergunt, purgandi expiandique vim illi tribuentes. Quamobrem & qui ipsum effodiunt, stantes Apollinem & Æsculapium precantur, observantque aquilæ volatus: eam enim alitem tradunt non citra periculum aduolare, atque etiam ei mortem inferre, quem veratrum effodientem conspexerit. Celeriter quoque effodiatur oportet, quoniam halitu auræ suæ caput aggrauat: quapropter ad id præcauendum, effossuri alia præsumunt, vinūque subinde sorbent: ita siquidem ab afflatu securiores noxæque minùs opportuni redduntur. Cæterum veratrum hoc, candidi modo, etiam emedullatur.

De Sesimoide magno. CAP. CLII.

SESAMOIDES magnum in Anticyra elleborum vocant, quoniam in purgationibus candido veratro misceatur. Similis est herba senecioni aut rutæ: foliis longis, flore candido, radice gracili, inefficaci: semine sesamæ, gustu amaro. Granum id per superna pituitam ac bilem purgat, si tritum quantum tribus digitis capitur cum albi veratri fefquibolo ex aqua mulsa detur.

De Sesimoide paruo. CAP. CLIII.

Sesamoidi paruo cauliculi sunt dodrantales: folia coronopi, at hirsutiora minoraque: in summis cauliculis capitula flosculorum penè purpureorum, quorum medium albicat: semen in illis sesamæ, amarum, fulvum: radix tènuis. Semen potum dimidio acetabulo in aqua mulsa, bilem ac pituitam per inferna purgat. Ex aqua verò impostum, tubercula & œdemata discutit. Nascitur in asperis.

De Cucumere sylvestri. CAP. CLIIII.

CUCUMIS agrestis à satiui fructu solodistat, quem longè minorem parit, oblongis glandibus similem: folia sarmentaque satiui refert: radix est candida, magna. Nascitur in ruderibus & sabuletis, frutice in totum amaro. Instillatus foliorum succus, aurium doloribus confert. Radix autem illita

illita cum polenta, vetus quoduis œdema discutit: imposita cum resina terebinthina, tubercula rumpit: cocta ex aceto illitaque, podagras discutit: sed & eius decoctum ischiadicis infunditur, & in dentium dolore colluitur. Eadem arida tritaque, vitiligines, lepras & impetigines absterget: cicatrices nigras emendat, & maculas faciei repurgat. Quin & radicis succus sesquioboli pondere cum minimū, itēque cortex acetabuli quarta parte, bilem ac pituitam purgant, maximēque in hydropicis, idque citra ullam stomachi iniuriam. Radicis selibra in vini præsertim Libyci sextariis duobus conteritur: danturque ex eo ieiunis terni cyathi tertio quoque die, dum tumor plurimū subsederit.

De Elaterio. CAP. CLV.

E fructu cucumerum [agrestium] medicamentum fit, quod Elaterium vocatur, ad hūc modum. Cucumeres eligito, qui simulatque tanguntur quasi resiliendo succum intra se contentum eiaculentur: eosque decerptos nocte vna seruato. Postero die imposito supra craterem rariore cribro, insuperque resupinato ita cultello vt aciem sursum versus habeat, prehensos vtraque manu cucumeres singulatim diuidito, humorēque in vas subiectū per cribrum exprimito:

simulq; carnosam cucumerum partem quæ
 cribro hæsit, quò & ipsa transmittatur, eli-
 dito. Expressum succum in vicinam peluim
 transfundito. Aceruata autem super cribro
 segminum frustula vbi aqua dulci perfude-
 ris, itidémque expresseris, tandem abiicito.
 Exceptum verò pelui succum agitato ac
 permisceto: móxque opertum linteo Soli
 exponito. Ac vbi coierit, supernatantem a-
 quam omnem, cum eo quod in summo ceu
 spuma concretum est, effundito: illúque i-
 dentidem facito, dum aqua superstabit.
 Hanc [si qua reliqua fuerit] posteaquàm
 guttatim diligentérque excluseris, sedimen-
 tum ipsum mortario inditum conterito, &
 in pastillos cogito. Sunt qui ad coërcendam
 hauriendámque protinùs humoris abun-
 dantiam cribratos cineres humi sternunt,
 ac in eorum medio excauata foueola tripli-
 catum linteolum obtendunt, cui elaterium
 cum humiditate sua infundunt, illaque [hoc
 artificio] exhausta, tandem resiccatum i-
 psam in pila, vti dictum est, conterunt. Alij
 pro dulci aqua marinam affundentes, ita e-
 luunt. Alij in postrema lotura mulsam af-
 fundunt. Elaterium porrò optimum credi-
 tur, quod cum candore modicè humectum
 est, minimè ponderosum, læue, gustu ama-
 rissimum, quòdque lucernæ admotum, facile
 accen-

accenditur. At quod porraceum est, scabrum
& ad aspectum turbidum ac erui cinerisque
plenum, graue & vitiosum est. Nec desunt
qui cucumeris succo amyllum immisceant,
vt candorem & leuitatem eimentiantur. A
bimatu ad decennium purgationibus ac-
commodatum est. Integra dosis eius est, o-
bolus: minima, semibolus: pueris, æreola
duo: nam copiosius haustum, periculum ad-
fert. Bilem ac pituitam per inferna pariter
& superna trahit. Atque qui agrè spirant, eo
medicamenti genere foeliciter vtiliterque
purgantur. Quod si in animo est per aluum
purgare, adiecto salis duplo & sinapis tantil-
lo, quantum scilicet ad colorandum satis
sit, ex aqua catapotia erui magnitudine for-
mato: quæ posteaquàm exhibueris, aquæ te-
pidæ cyathum vnum exorbendum dato. Sin
vomitus concitare volueris, elaterium a-
qua diluito, iunctaque penna subiectas
linguæ partes quàm penitissimè oblinito.
At si ager ad vomitum difficilis fuerit, vel
oleo, vel irino vnguento diluito: somnum
interim inhibeto. Porro his qui effusè ac
præter modum purgantur, vniuerso oleo mi-
stum frequenter propinari oportet. Etenim
supervenientibus vomitionibus restituun-
tur. Quibus verò crebriores vomitus sisti
par est, aqua frigida, polenta, posca, poma &

Hh. j.

quæcunque stomachū densando roborant
offerenda sunt. Menfes quoque ciet, partū-
que necat elaterium in pectus subditum. Cum
lacte verò naribus infusum, & regium mor-
bum depellit, & diuturnos capitis dolores
summouet. In anginis autem efficaciter illi-
nitur ex oleo vetere, melle, aut felle taurino.
[Satiij cucumeris radix contrita & drach-
mæ pondere in hydromelite pota, vomitus
mouet. Quod si cui à cœna placidè ac citra
molestiam vomere libuerit, oboli duo satis
fuerint.]

De Staphide agria, siue herba pediculari.

CAP. CLVI.

STAPHIS agria folia quidem habet la-
bruscae modo diuisa, & cauliculos rectos,
molles, nigrosque: florem verò fert glasti;
semen in folliculis viridibus ceu ciceris,
triangulum, scabrum, ex nigro subfulue-
scens, intus album, gustu acre. Huius grana
decem aut quindecim si trita in aqua mulsa
dentur, crassos humores vomitu purgabunt;
sed qui hauserint, deambulare debent. Vi-
dendum nihilominus ut iis frequenter aqua
mulsa potui detur: alioqui in strangulatio-
nis periculum deducuntur, faucesque adu-
runtur. Herba autem ipsa trita per se, vel ad-
mista sandaracha ex oleo illita, phthiriasi
prodest: itémq; pruritui & pforis: plurimam
pituitam

pituitam commanducata trahit: & in aceto decocta, dentium doloribus ore colluto subuenit, gingivarumque fluxiones, quas Græci rheumatismos vocant, reprimat, & feruida oris ylcuscula cum melle sanat. Denique malagmatis etiam vrendi vi præditis immiscetur.

De Thapsia. CAP. CLVII.

THAPSIA ex eo nomen accepit, quod in Thapso eiusdem nominis insula primum inuenta fuerit. Tota verò natura ferulæ similis est, attamen graciliore caule, & foliis sceniculo proximis, umbellis in singulorum surculorum cacumine anethi similibus: flore in iis luteo: semine quadantenus lato, quale ferulæ, sed aliquantò minore: radice intus candida, foris nigra, magna, crasso vestita cortice, eademque acri, cuius liquor excipitur in hunc modum: Effossa in ambitu scrobe inciditur radicis cortex: aut incauatur ipsa radix, ita tamen ut excauatio sensim à latiore orbe in acutum desinat: mox cooperitur, quò purior liquor confluat: postero autem die congestum eum tolli par est. Eliciendi quoque succi ratio hæc est: Radix contunditur, ac succus per quallum instrumento ad id comparato exprimitur, qui quidem fictili crasso inditus, in sole cogitur siccaturque. Sūt & qui foliis

Hh. ij.

simul cum radice rufis succum exprimant, sed inualidior is est. Hoc verò indicio discernitur qui è sola radice manauit, quòd viroso magis est odore, humidusque permanet: at è foliis extractus, exiccatur ac teredinum iniuriam sentit. Porro qui liquorem colligit, minimè obuersum vento stare oportet: ac potius tempestatem deligere à ventis silentem, quàm nulla aspiret aura. Alioqui propter halitus acrimoniam vehementer intumescit facies, nudasque corporis partes pustulæ inuadunt. Iccircò etiam non nisi cerato quopiam astringente liquido prius inunctis nudis partibus, eò accedendum. Purgandi vim habent cortex radicis & succus, itémque liquor, si in aqua mulsa bibantur: supernè enim æquè ac infernè bilem extrahunt. Radicis modus, quaterni oboli cum ternis seminis anethi drachmis: expressi verò succi, terni oboli: at liquoris, obolus vnus: copiosior dosis salutem in discrimen adducit. Conuenit autem huiusmodi purgatio suspensiosis, & in diuturnis laterum doloribus, atque difficilibus excretionibus: iis verò qui ægrè vomunt in cibaribus opsoniisve datur. Tam radix quàm liquor omnium maximè quæ pares cum eis vires sortita sunt, metasyncritica vi pollent, siue quid ex alto euocare, siue summæ cutis meatus

meatus relaxando corporis habitum mutari expedit. Quamobrem succus perunctione, aut radix recens affrictu, alopecias explet. Radix succusve cum æquis thuris ac ceræ portionibus, sugillat aliuentiæque emendat: sed non plus binis horis dimittatur, ac locus deinde aqua maris calida foueatur. Tollit & maculas à Solis ardore contractas illitus ex melle succus, ac lepras remouet: sed & tubercula rumpit, cum sulphure perunctus. In diuturnis quoque lateris, pulmonis, pedum, articulorumque vitiis vtiliter illinitur. Cæterum valet & ad integendam colis glandem, si modò alia ex causa quàm circuncisione nudata fuerit. Tumorem enim excitat, qui & foribus & pinguibus adhibitis emollitus, præputij iacturam refarcit.

De Spartio. CAP. CLVIII.

SPARTIVM frutex est longas proferens virgas, sine foliis, firmas, fractu contumaces, quæ in alligandis vitibus vinculi vsum præstant: siliquas ceu phaseli, in quibus exilia semina, lenticulæ similia, florem leucoij, luteum. Huius semina & flores, purgant per superna vehementer hellebori modo & citra periculum, si quinis obolis ex aqua mulsa bibantur. Semen verò deiectionem quoque mouet. Quin & ramuli in aqua macerati, mox tusi, succum dant ischiadicis & alio.

Hh. iij.

angina laborantibus vtilem, si cyathi vnus modum ieiuni biberint. Quidam eosdem illos ramulos muria aut aqua marina macerare malunt, extractumque succum clystere infundunt ischiadicis. Extrahit verò cruenta, quæque ramenta strigmentave repræsentant.

De Silybo.

CAP. CLIX.

SILYBUM spina est lata, foliis chamaeleoni albo similis: quæ adhuc nouella, cum oleo & sale cocta, estur. Stillans è radice liquor drachmæ pondere potus ex aqua mulsa, vomitiones ciet.

De Glande vnguentaria.

CAP. CLX.

GLANS vnguentaria fructus est arboris myricæ similis, magnitudine auellanae nucis: cuius nucleus amygdalarum amararum more tusus pressusque liquorem reddit, quo in pretiosa vnguenta pro oleo vuntur. Nascitur in Æthiopia, Ægypto, Arabia & Petra oppido fecus Iudæam. Præfertur recens, plena, candida, quæque facile cortice spoliatur. Ea trita & ex posca drachmæ pondere pota, lienem absomit. Quin & eidem visceri cum lolij farina, itémque podagricis cum aqua mulsa imponitur. Cum aceto cocta, pforam & lepram exterit: cum nitro, vitilignes & cicatrices nigras emendat: & cum lotio, lentigines & varos, maculas à

Solia

Solis ardore contractas & papulas in facie tollit. Vomitiones autem mouet aluūque soluit, cum hydromelite: sed valdè stomacho aduersatur. Oleum quod ea exprimitur, aluum poru sub lucit: at cortex eius, magis astringit. Cæterum quod ex ea tusa expressaque reliquum est quasi recrementum seu magna, smegmatis immiscetur, quæ ad scabritias & pruriginis accommodantur.

De Narcisso. CAP. CLXI.

NARCISSEM sunt qui, haud secus ac lilium, liriū appellarint. Foliis quidem porrum refert, at tenuia ea sunt, minoraque multò & angustiora: caulis inanis ac sine foliis supra dodrantem attollitur: flos in ipsius cacumine albus, intus croceus, & in quibusdam purpureus: radix intus candida, rotunda, bulbosa: semen velut in membrana seu pellicula, nigrum & oblongum. Probatissimus nascitur in montosis, odore suauis: reliqui porrum imitantur, & herbaceum quendam odorem resipiunt. Radix cocta seu edatur, seu etiam bibatur, vomitoria est: ambustis igni prodest, cum melle trita: præcisos nervos imposita glutinat: luxatis malleolis diuturnisque articulorum doloribus trita ex melle illitaque subuenit. Vitia cutis à sole contracta, itémque vitiliginem cum vrticæ semine & aceto emaculat: cum eruo

Hh. iij.

autem ac melle, vlcerum sordes expurgat,
& abscessus rumpit agrè maturescentes: de-
nique infixæ corpori extrahit, imposita cum
lolij farina & melle.

De Hippophaë.

CAP. CLXII.

HIPPOPHAES, quo vestes à fullonibus
interpolantur, in maritimis sabulosis-
que nascitur. Est autem frutex è cremiorum
genere, densus & furculos suos quoquoer-
sus expandens, foliaque habens longa, olea-
ginis proxima: sed angustiora mollioraque,
inter quæ candicantes spinæ emicant, siccæ,
angulosæ, distantes inter se: flores hederæ
corymbis similes, ac veluti racematim sibi
inuicem cohærentes, minores tamen ac
molles, candidos simul & ex parte puniceo
colore rubentes: radicem crassam, mollem,
lacteï succi plenam, gustu amaram. Ex hac
perinde ac è thapsia liquor excipitur, qui &
per se & cum erui farina subactus siccatur,
& ad vsum reconditur. Sincerus is, biliosa, a-
quosa pituitosaque detrahit, oboli pondere:
at erui farina exceptus, quaternis obolis ex
aqua mulsa. Sed & frutex cum radicibus sic-
catus tunditur, & cum aquæ mulsæ dimidia
hemina tritus exhibetur. Cæterum è radici-
bus ac simul etiam herba ipsa succus itidem
haud secus ac è thapsia exprimitur, cuius in
purgationibus modus est, drachma vna.

De

De Hippophaesto. CAP. CLXIII.

HIPPOPHAESTON, quod aliqui etiam hippophaës appellant, nascitur iisdem locis, quibus & hippophaës: estque spinæ fulloniæ genus. Humi verò sternitur, sine caule ac flore: minutis tantum foliolis, iisque spinosis, & capitulis inanibus: radice crassa & molli. Succus foliis, radice & capitulo exprimitur: qui quidem exiceatur, atque datus cui volueris obolis, tribus in aqua mulsa, aquam pituitamque detrahit: priuatim verò orthopnoæ, comitialibus, nervorumque vitiis conuenit huiusmodi purgatio.

De Ricino. CAP. CLXIIII.

CROTONA, hoc est, ricinum seu cici, aliqui sesamum syluestre, alij seseli Cyprium appellant. Ricini verò nomen accepit à similitudine, quæ est illius semini cum ricino animali. Arbuscula est parvæ fici altitudine, foliis platani, at maioribus, lauioribus ac nigrioribus: ramis caudicibusque cauis in harundinis modum, semine in vis asperis, quod decorticatum ricinum animal representat. Ex eo oleum nomine cicinum exprimitur, cibus quidem ineptum ac fœdum: sed aliàs lucernis & emplastris utile. Grana numero triginta purgata tritaque, potu pituitam bilem aquasque per aluum

extrahunt, ac vomitiones etiam cient. Veruntamen admodum ingrata laboriosaque est eiusmodi purgatio: liquidem valenter stomachum subvertit. Tusa verò & imposita eadem, varos & vitia cutis à sole contracta depurgant. At folia cum polentæ polline trita, oculorum celata inflammationesque leniunt. Eadem seu per se, seu etiam ex aceto illita, lactis vbertate turgentes mammas cohibent, & erysipelata restinguunt.

De Tithymalis, seu lactaris herbis.

CAP. CLXV.

TITHYMALORVM genera septē: quorum masculus characias, quasi vallaris, ab aliquibus comatus, amygdaloides aut gobius appellatur: alter, qui foemina existimatur, myrtites, quem & caryitem aut myrsinitem vocant: tertius paralius, quem nonnulli tithymalidem appellant: quartus helioscopius: quintus cyparissias: sextus dendroides, [quasi arborescens]: septimus denique platyphyllos, [quasi latifolius] dicitur. Porro Characiæ caules supra cubiti altitudinem attolluntur, rubri, acri lacteoque succo referti: folia sunt circa ramulos oleaginis similia, sed longiora & angustiora: radix crassa lignosaque: in cautum cacuminibus coma iunci similium virgultorum, sub quibus caua quaedam peluibus aut alueolis similia,

ac

ac in iis semen. Nascitur in asperis & montosis. Succus lacteus per aluum pituitam bilémque trahit, obolis binis in posca sumptis: at cum aqua mulsa, vomitiones etiam mouet. Circa vindemiam succus is congestis ramulis, mox dissectis & in vas inclinatis, excipitur. Aliqui adiecta erui farina pastillos ex eo fingunt, qui erui magnitudinem impleant. Alij in ficos quæ exiccantur ternas quaternasve guttas instillant, vt cum iis inarescant, eiusmodique ficos ad vsum recondunt. Sed & per se tritus in pila, cogitur in pastillos atque reponitur. Porro qui succum colligit, minimè obuersum vento stare, aut oculis manus adinouere oportet: quinimò antequàm operi sese accingat, corpus, præsertimque faciem, collum scrotumque adipe aut oleo cum vino perungere. Quoniam verò fauces idem exasperat, catapotia quæ ex eo concinnantur, cera aut decocto melle oblini, atque ita dari par est. Caricas verò binas ternasve soluendæ alui gratia sumpsisse satis est. Recens idem succus ex oleo illitos in sole capillos detrahit, renascentésque flauos & exiles efficit, tandemque omnes abolet. Dentium cauis inditus, eorum dolores leuat: sed cera dentes oblinendi, ne fortè præterlapsus is fauces linguamve malè afficiat. Tollit & illit

myrmecias, penfiles verrucas & quæ thymi florem repræsentant, itémque lichenas. Valet idem aduersus pterygia, carbunculos, phagedænas, gangrænas atque fistulas. Legitur semen autumnno, & siccatum sole leuiter tunditur, tandémque ab aceribus repurgatum loco mundo reponitur. Similiter & folia siccata reponuntur: quæ haud secus ac semen lactei succi effectum præbent, dimidio acetabulo pota. Sunt qui ipsa inueterant, admisto etiam cum lacte, lepidio caseoque contuso. Sed & radix drachmæ pondere hydromeliri inspersa potaque, per aluum purgat. Decocta eadem cum aceto, dentium doloribus auxiliatur, siquidem ea colluantur.

De Tithymalo fœmina.

Fœmina, quam myrsiniten aut caryiten vocarunt, similis suapte natura daphnoidi: foliis myrti, sed maioribus ac firmis, in summitate acutis, atque etiam aculeatis. Sarmenta mittit ab radice dodrantalia, fructumque profert alternis annis nuci similem, qui quidem leniter linguam mordet. Nasçitur & hic in asperis. Succus lacteus, radix, semen & folia, confimilem antedicto sortiuntur facultatem. Sed ille, ad citandas vomitiones hoc ipso efficacior.

De Paralio.

Tertij generis tithymalus Paralios vocatur,

tur, quem aliqui tithymalida aut mecona appellauere. Nascitur in maritimis, ramis palmum altis, erectis, subrubentibus, quinque senisve à radice exeuntibus: circa quos folia, serie quadam digesta, eaque parua, quadantenus angusta, oblonga, & lini foliis similia: capite in cacumine orbiculato, in quo semen erui simile, varium, flores albi. Frutex totus cum radice lacteo succo turget. Idem huius qui antedictorum vsus, similiterque reponitur.

De Helioscopio.

Qui Helioscopius dicitur, foliis est portulacæ, attamen tenuioribus rotundioribusque, ramulis ab radice quaternis aut quinque, dodrantali altitudine, tenuibus ac rubentibus, lactei succi copiosi plenis, capite anethi: semine velut inter folia locato. Comam cum sole circumagit, ideoque Helioscopij nomen accepit. Caterum in ruderibus potissimum & circa oppida nascitur. Colligitur semen succusque, vt & aliorum: nam & eadem quæ superioribus vires, non tamen vsque adeo validæ.

De Cyparissia.

Cyparissias caulem profert dodrantalem, aut etiam altiolem, subrubrum: ex quo folia pini similitudine pullulant, molliora tamen tenuioraque: atq; in totum nuper nascentem

pinum æmulatur, unde & cognomen traxit. Candido & hic succo refertus est, eique vis eadem, quæ superioribus.

De nascente in petris tithymalo.

Dendroide nominato.

Qui verò in petris nascitur, Dendroides, quasi arborefcens, cognominatus, foliolus est in cacumine, densamque spargit comam, succo lacteo pragnans, subrubentibus ramis, foliis circum ipsa myrti tenuioris, semine characiæ. Eiusdem est effectus, cuius & antedicti, similique modo reconditur.

De Platyphyllo. seu latifolio.

Platyphyllos verbasco similis est. Radix, succus & folia, aquas per inferna trahunt. Pisces necat, tusus aquaque dilutus: id quod & antè memorata tithymalorum genera præstant.

De Pityusa. CAP. GLXVI.

PITYUSA, quam alij clema, alij cram-
bion, alij paralion, alij denique canopi-
con vocant, à cyparissia tithymalo specie
differre existimatur, ideoque etiam in tithy-
mali genere connumeratur. Caulem profert
cubito altiores, crebris geniculis interse-
ptum, foliolis acutis ac tenuibus circunda-
tum, pini folia imitantibus: flores exiguos,
penè purpureos: semen latum instar lenticu-
læ; radicem candidam, crassam, lacteo succo
refertam.

refertam. Quibusdam in locis frutex hic prægrandis inuenitur. Purgat per inferna radix, drachmis duabus data in aqua mulsa: semen verò, drachma vna. At succi farina excepti cochlearium in catapotio datur: foliorum denique modus, drachmæ tres.

De Lathyride. CAP. CLXVII.

LATHYRIS, quam & aliqui tithymalon appellant, eamque tithymalorum numero ascribunt, caulem emittit cubiti altitudine & digiti crassitudine, inanem. Sunt porrò in ipsius cacumine alæ, & folia quidem in caule oblonga, amygdalinis proxima, sed latiora & lauiora: quæ verò in summis exeunt ramulis, minora conspiciuntur, aristolochiæ aut hederæ oblongæ figura. In summis autem surculis fructum gerit triplici loculamento distinctum, rotundum ceu capparim: in quo tria sunt minuta semina incurvantibus tuniculis inter se discreta, eruis maiora, quæque decorticata candida sunt, & gustu dulcia. Radix tenuis & candida, nullius vsus: totus verò frutex lacteo succo turget, vti tithymalus. Aluum purgant grana septem octo ve in catapotio sumpta, vel esitata, & cum caricis palmulisve deuorata: sed aqua frigida postea sorbeatur. Trahunt autem pituitam, bilem & aquas. Succus tithymalini modo exceptus, eundem

effectum præbet. Cum gallinaceo etiam aut
oleribus folia decoquuntur in eisdem vsus.

De Peplo.

CAP. CLXVIII.

PEPLON, alij lycen, alij papauer spu-
meum appellant: exiguus frutex est, la-
ctei succi plenus, folio paruo ceu rutæ, at la-
tiore: vniuersa coma ferè dodrantali, rotun-
da, humi sparsa: semine sub foliis paruo, ro-
tundo, minore quàm candidi papaueris.
Herba multiplicis est vsus, at radicem habet
unicam, eamque superuacuam, è qua totus
frutex erumpit. Nascitur in hortis ac inter
vites. Colligitur messibus, ac siccatur in um-
bra, crebròque versatur. Semen verò tusum
repurgatúmque reconditur. Bilis ac pituita
detrahitur, acetabulo eius in hydromelitis
hemina poto: opsoniis admistum, contur-
bat aluum. Muria quoque conditur, itaque
asseruatur.

De Peplide.

CAP. CLXIX.

PEPLIS, quam vocant aliqui syluestrem
portulacam, Hippocrates peplion, in ma-
ritimis maximè nascitur. Frutex verò est ra-
mulos quoqueuersum expandens, & candi-
di succi plenus, foliis hortensis portulacæ,
rotundis & infernè rubentibus: semine sub
foliis rotundo, ceu pepli, feruente gustu: ra-
dice tenui, singulati ac superuacua. Colligi,
reponi,

reponi, darique vti peplus, itidemque condi-
ri solet: ac eadem quoque vires habet.

De Chamaesyce. CAP. CLXX.

CHAMAESYCE, quam aliqui Sycen no-
minant, ramos emittit quaternum di-
gitorum, per terram stratos, teretes, lactei
succo plenos: folia lentis figura, peplo simi-
lia, parua, tenuia ac terrae inhaerentia: semen
sub foliis rotundum, ceu pepi: radicem te-
nuem ac superuacua: sed neque florem,
neque caulem promit. Rami ex vino triti &
in pello apposti, vuluae dolores sedant: oede-
mata vero, peniles verrucas & myrmecias
illiti tollunt. Elix autem si comedantur, al-
uum soluunt. Sed & eorundem succus, simili
effectu prodest: praetereaque illitus, aduersus
scorpionis ictum auxiliatur. Valet & contra
oculorum hebetem aciem, itemque caligi-
nem, incipientes suffusiones, cicatrices ac
nubeculas, cum melle inunctus. Caterum
in petrosis aridisque nascitur.

De Scammonia. CAP. CLXXI.

SCAMMONIA ramos ab vna radice mul-
tos profert, ternum cubitorum, pingues
& quadantenus hirsutos: foliis itidem hir-
sutis, helxinæ [cissampeli] aut hederæ simi-
libus, sed mollioribus ac triangulis: floribus
albis, rotundis, in modum calathorum con-

li. j.

cauis & graueolentibus: radice prælonga, crassitudine brachiali, candida & grauis odoris, lacteique succi plena, qui quidem legitur hunc in modum: Capite exempto radix ita cultro incauatur, ut excauatio sensim à latiore orbe in acutum desinat, proindeque in id cauum confluit succus, qui conchis demùm excipitur. Alij postquam scrobes in terra concamerato sinu effoderunt, iuglandium folia insternunt, in quæ radicis incisæ succus diffundatur, eumque inibi siccatum tandem auferunt. Bonitate præstat qui pellucidus est ac leuis, rarus & colore glutini taurino similis, rimulis fistulisve tenuibus atque fungosus, qualis scilicet ex Mysia regione Asiæ deportatur. Neque verò in probatione animaduertere solum par est, utrum linguæ tactu albescat: (hoc enim evenit etiam admisto tithymali succo) sed longè magis antea commemoratis attendendum est: itemque si non vehementer linguam excalfaciat, exurâtve: id quod & misti tithymali argumentum est. Natione autem Syriacus & Indaicus deterrimi habentur, grapes, densi, erui farina & tithymalo adulterati. Succus drachmæ unus aut quaternum obolorum pondere haustus ex aqua pura aut mulsâ, per inferna bilem pituitamque extrahit. Soluendæ alui gratia, binos obolos

cam

cum sesama alióve semine sumpsisse sat est. Efficacioris etiam purgationis causa dantur succi tres oboli, cum veratri nigri duobus & aloës drachma vna. Fiunt & purgatorii sales, drachmis viginti succi scammonia in senosalis cyathos adiectis. Horum modus, proportionem virum: integer quidem, cochlearia tria: medius, duo: minimus, vnum. Purgat & radicis drachma vna aut altera cum iis quæ retulimus. Ipsius quoque decoctum nonnulli ebibunt. Ex eadem decocta in aceto contritaque cum hordeacea farina cataplasma fit ischiadicis utile. Succus autem vuluæ appositus in lana, partus enecat: tubercula quoque discutit, cum melle oleove perunctus. Eodem decocto in aceto illitæ lepræ auferuntur. Sed & eodem caput contra diuturnum dolorem ex aceto & rosaceo irrigatur.

De Chamelæa. CAP. CLXXII.

CHAMELÆA, quam alij pyros achnen seu acneston, alij coccon Cnidion appellant, frutex est e cretiorum genere, ramis dodrantalibus, foliis oleæ similitudinem habentibus, at tenuioribus, densis & amaris: quæ gustata linguam mordent & arteriam abradunt. Huius folia, per inferna pituitam bilēque detrahunt, maximeque si in carapodio assumantur. Vni siquidem li. ij.

chamelææ parti duplum absinthij adiiçitur, ex hisque aqua aut melle exceptis catapotia finguntur: & ea quidem in ventre non liquescunt conficiunturque: sed prout deuorata fuerint, ita per alium egeruntur. Cæterum foliis tritis mellèque exceptis vlcera sordida crustosæque purgantur.

De Thymelæa. CAP. CLXXXIII.

THYMELÆA, quam aliqui chamelæam, alij pyrosachnen seu enestron aut cneoron vocant, granum Gnidium, quod ipsius semen est, colligitur. Hoc Euboenses Ætolium, Syriæ polinum, alij linum vocant, quoniam frutex suapte natura satui lini similitudinem referat. Vîrgas edit speciosas, numerosas, tennes, ac fermè binum cubitorum altitudine: foliis chamelææ, sed angustioribus & pinguioribus, quæ inter mandendum quadantenus viscosa & glutinosa percipiuntur: floribus candidis, ac inter ipsos fructu ceu myrti paruo, rotundo, inter initia quidem viridi, tandem verò rubente: cuius inuolucrum durum, ac nigrum est, medulla autem alba. Per inferna bilem, pituitam aquasque detrahit, viginti granorum pars hæc interna bibita, verum fauces adurit: atque ideo cum farina polentæve, aut in vix acino dari debet, aut cocto melle obducta deuorari. Quibus autem ægrè sudores eliciuntur,

eliciuntur, eadem trita cum nitro & aceto inungitur. At folia, quæ peculiariter Cneoron appellantur, per menses colligi debent, & siccata in umbra recondi. Sed si cui exhibere placet, prius ea tundere, ac ipsorum quoque fibras eximere conuenit. Vino diluto inspersa, acetabuli modo aquosa detrahunt: sed moderatius purgant, admista lenti coctæ & contritis oleribus. Eadem trita vix acerbæ succo excipiuntur, & in pastillos coacta reponuntur. Herba stomacho infesta: partus subdita necat. Nascitur in montosis & asperis. Hallucinantur porrò qui granum Gnidium Chamelææ fructum esse existimant, decepti quadam foliorum similitudine.

De Sambuco.

CAP. CLXXIIII.

SAMBUCI duo genera: ac vnum quidem in arborem assurgit, surculos spargens arundinaceos, teretes, quadantenus cauos, candicantes, prælongos: folia terna quaternave ex interuallis circa virgas singulas exeunt, nucis iuglandis foliorum similitudine, graueolentia, magisque incisa: in summis autem surculis cauliculisve umbellæ sunt circinatæ rotunditatis, in quibus flores candidi, tandemque fructus terebinthino similis, ex nigro purpurascens, racemosus, succosus vinolusque.

Ii. iij.

De Chamaeacte seu humili Sambuco.

CAP. GLXXV.

Alterum genus Ebulus, Græcis chamaeacte, vocatur, idque humile ac longè brevius, & ad genus herbaceum propius accedens, caule quadrangulo, crebris distincto geniculis: foliis per intervalla circa singula genicula ytrinque expansis, iisque amygdalinis, at in ambitu serratis, longioribusque & graui odore: in cacumine verò umbella, flore ac fructu sambuci: radice nititur longa, crassitudine digitali. Eadem vtrique vis & vñus, exiccans nimirum & aquas aluo detrahens: at stomachum offendunt. Folia oleum more cocta, pituitam bilèmq; purgant. Sed & caules teneri in patinis cocti, eadem præstant. Radix in vino decocta & in cibis data, hydropicos adiuuat. Prodest & contra viperarum morsus, eodem pota modo. Decocta verò ex aqua ad infestum, vulnam emollit, eiusque spiracula patefacit, ac ipsius denique vitia emendat. Acini in vino poti, eundem præbent effectum: denigrant & capillos inuncti. At folia recentia molliaque illita ex polenta, inflammationes mitigant: ambustis & canum moribus illitu profunt. Vlcera verò sinuosa glutinant, & iis qui podagra tentantur cum seuo taurino aut hircino illita profunt.

De Pycnocomo. CAP. CLXXVI.

PYCNOCOMON folia habet crucæ, sed aspera, crassa, acrioraque: caulem quadrangulum, florem ocimi: semen marrubij: radicem nigram, rotundam, [intus] pallidam, exigui mali figura, terram olentem. Nasceitur in saxosis locis. Semen tumultuosa grauiæque somnia facit, vna drachma potum. Discutit & œdemata, impositum cum polenta: nec non & spicula & adactos corpori aculeos extrahit. Imposita quoque folia, tubercula furunculósque discutunt. Ceterum radix eius in aqua multa drachmarum duarum pondere, aluum soluit & bilem exinanit.

De Apio. CAP. CLXXVII.

APROS, aliis ischas, aliis chamæbalanos, aliis montanus aut syluestris raphanus, aliis denique linozostis, ramulos duos siue tres in terra spargit, iuncea, tenues, rubentes & paululum à terra sese attollentes, foliis rutæ, oblongioribus tamen & angustioribus, herbaceis: semine paruo: radice hastulæ regię & ad pyri formam accedente, rotundiore tamen, lacteique succi plena, cortice extrà quidem nigro, intus verò candido. Superior pars eius assumpta, vomitione bilem pituitamq; extrahit: inferior, per aluum. Tota verò sumpta, vtraq; parte purgat.

℞. iij.

Liquorem si libet excipere, radices tundito, & crateri aquæ inditas agitato, ac liquorem qui supernatat, penna collectum exiccato. Huius sesquiobolus potus, per superna infernâque purgat.

De Colocynthide.

CAP. CLXXVIII.

COLOCYNTHIS, aliis cucurbita sylvestris, aliis amara cucurbitula, aliis cucurbita Alexandrina, sarmenta foliaque committit per terram strata, satiui cucumeris similia, incisuris diuisa: fructum verò rotundum, mediocris pilæ similitudine, vehementer amarum: quem legere oportet, cum ceperit ad pallidiorem colorem vergere. Fructus medulla purgandi vim habet, si eius quatuor oboli ex aqua mulla sumantur, vel additis nitro & myrrha melle decocto excipiantur & in pilulas cogantur. Ipsæ verò pilæ arefactæ teruntur, & vtiliter infunduntur clysteribus ad coxendicum dolorem, paralyfin & coli vitia: ut quæ pituitam, bilem, strigmentaque, interdum etiam cruenta, eliciant. Subditæ eadem, foetus enecant. Quod si quis vnam exempta medulla obducatur luto, in eaque acetum ac nitrum feruefaciat, decocti ius illud dentium doloribus collutione proderit. Sin mulla aut passum in eadem decoquatur & sub diuino refrigerat, po-

tu crassum humorem frigementaque alui detrabet: stomacho tamen supra modum aduersatur. Sed & subdita ex ea balano alui excrementa euocantur. Virentis denique succus prodest coxendicum dolori, si infri-
cetur.

De Epithymo. CAP. CLXXIX.

EPITHYMVVM, flos est thymi durioris & satureiæ similis: capitula autem habet tenuia ac leuia, caudas spargentia quasi capillaceas. Potum id cum melle, detrahit pituitam bilēque atram per inferna, priuatim vtile melancholicis & inflatis acetabuli mensura ad quatuor drachmas, cum melle, sale & aceti exiguo. Plurimum in Cappadocia & Pamphylia gignitur.

De Alypo. CAP. CLXXX.

ALYPVVM, herba est è cremiorum genere, subrubra, gracilibus furculis, ac tenuibus foliis, flore molli ac leui plena: radice ceu betæ, tenui, acri, lacteo succo referta: semine ceu epithymi. Gignitur in maritimis, maximēque Libyæ, vberissima: quanquam & aliis quoque locis plurimis prouenit. Semen atram bilem per inferna purgat, si pondere epithymi pari, additis aceto & sale, sumatur: verum interanea leuiter exulcerat.

De Empetro. CAP. CLXXXI.

EMPETRON aliqui phacoides vocant. Nascitur in maritimis & montanis, falso gustu: quod verò propius terræ fuerit, amarius sentitur. Trahit pituitam, bilem & aquam, datum in iure aliquo, aut in hydromelite.

De Clematitide. CAP. CLXXXII.

CLEMATITIS farmentum emittit subcrubrum, & vitilium modo lentum: folium gustatu admodum acre & exulcerans. Arboribus autem smilacis in modum sese circumuoluit. Semen tritum, pituitam bilemque detrahit, in aqua aut hydromelite potum. At imposita folia, lepras remouent. Cæterum cum lepidio conditur ad cibos.

De Vite sylvestris. CAP. CLXXXIII.

VITIS sylvestris sarmenta vitis modo longa emittit, eaque lignosa, aspera & rimoso cortice: folia verò solani hortensis similia, at latiora longioraque: florem capillaceum, muscosum: fructum exiguis vuis similem, ac ubi maturitatem assecutus est, rubentem: rotunda autem est acinorum figura. Radix decocta in aqua, potaque in vini aqua marina diluti cyathis duobus, aquosa ciet: atque ideò hydropicis datur. Vuæ eius tum maculas à sole contractas, tum & alias
omnes

omnes expurgant. Cibi verò gratia nouelli
furculi condiuntur.

De Vite alba. CAP. CLXXXIIII.

VITEM albam aliqui bryoniam, alij o-
phiocephylon, alij chelidonium, alij o-
melothron, seu psilothron, alij archezostin,
agrostin aut cedrostin vocant. Sarmentis,
foliis & tortilibus pampinis satiuam vitem
imitatur: sed hirsutiora sunt omnia. Vicinis
verò fruticibus implicat sese, illos suis clau-
culis amplectens: fructum autem gerit race-
mosum, fuluum, quo quidem coria depilan-
tur. Ex ea asparagi qui prima germinatione
exiunt decocti in cibo, aluum & vrinam
ciant. Folia, fructus & radix, vim acrem sor-
tiuntur: proindeque Chironiis, gangræna
comitatis, phagedanicis, ac denique tibia-
rum putridis vlceribus efficaciter cum sale
illinuntur. Radix corporis cutem abstergit
& erugat: maculas itidem à sole contractas,
varos, lentigines ac cicatrices nigras emen-
dat cum eruo, terra Chia & fœnogræco. Eo-
dem effectum prodest decocta in oleo, dum li-
quescat atque dissoluatur. Tollit & fugilla-
ta, & digitorum pterygia coërcet: illita ex
vino, inflammationes discutit, & abscessus
rumpit: trita quoq; & imposita, in fracta ossa
extrahit: septicis denique medicamentis a-
ptè immiscetur. Bibitur eadem ad morbum

comitalem drachmæ pondere quotidie, anno toto. Prodest etiamnum attonitis & vertiginosis, similiter assumpta. Drachmis verò duabus pota, contra viperarum morsus auxiliatur & partus enecat: mentem verò interdum turbat aliquantulum. Cit & vrinam epotâ. Subdita autem vuluæ, partus secundâque morantes trahit. Sed & eclegma ex ea fit cum melle strangulatu oppressis, ægrè spirantibus atque tussientibus, laterum doloribus, ruptis atque vulsis. Quinetiam splenem ternis obolis pota ex aceto tricenis diebus consumit: necnon & ad eadem enim fico vtiliter illinitur. Ad muliebres infessus decoquitur, qui quidem vuluam purgandi & foetus enectos eiiciendi vim habent. Succus è radice vere exprimitur, qui ex aqua mulsa potus tum cætera antedicta præstat, tum & pituitam trahit. Ad psoras & lepras fructus efficaciter inungitur atque imponitur. Sed & eius succus lactis abundantiam facit, si cū tritico cocto sorbeatur.

De Vite nigra. CAP. CLXXXV.

Nigra vitis, quam aliqui bryoniam nigram, alij Chironiam vitem nominant, folia fert hederæ, ad smilacis folia propius accedentia, sed maiora, caules etiam huic similes: ac ipsa quoque vicinas arbores capreolis suis amplectitur: fructus racematim cohaeret,

cohæret, qui inter principia viret, ac post maturitatem nigricat: radix foris nigra, intus buxco colore. Huius etiam cauliculi qui primo germinum partu erumpunt, olerum modo in cibos recipiuntur. Urinas porro cient, menses pellunt, ac lienem minuunt, nec non & comitialibus, vertiginosis ac nervorum resolutione tentatis prosunt. Radix iisdem quibus albæ viribus pollet, eadēque præstat, sed inefficaciùs. Folia verò cum vino, exulceratis iumentorum cervicibus efficaciter illinuntur: ac luxatis etiam similiter imponuntur.

De Filice. CAP. CLXXXVI.

FILICI, quam aliqui blechnon, alij polyrhizon vocant, folia sine caule, sine flore, sine semine, eaque ex vno pediculo cubitali ferme longitudine exeunt, incisa & pinnarum modo utrinque expansa, subgravi odore: radicem verò habet per summa cespitem nigram, quadantenus longam, multas fundentem propagines, quæ sunt subadstringente gustu. Nascitur in montanis saxosisque locis. Huius radix, latum lumbricum, quam tæniā vocant, excutit, sumpta drachmis quatuor ex aqua mulsa: meliùs, si cum scammonij aut ellebori nigri totidem obolis detur: verum eos qui sumunt, allia priùs edisse oportet. Eadem la-

borantes ex liene efficaciter restituit. Quin-
etiam cum axungia contrita & imposita, i-
ctis ab arundine efficaciter auxiliatur: cuius
rei probatio talis fertur. Perimetur filix,
quam per ambitum lata copiosior arundo
cinxerit: & contra extinguetur & euanesce-
arundo, quam multa filix circumdederit.

De Thelypteri, seu filice fœmina.

CAP. CLXXXVII.

Thelypteris seu filix fœmina, quam ali-
qui nymphæam præterin nominant, foliis est
filicis: quæ tamen non singulari, ut illa, pe-
diculo hærent, sed è numerosis altioribus-
que propaginibus exeunt. Radices subiacent
longæ in obliquum, numerosæ, ex nigro fla-
uescentes: aliquæ etiamnum rubræ inue-
niuntur. Et hæ quoque radices cum melle
in eclegmate sumptæ, lata interaneorum a-
nimalia pellunt: potæ verò ex vino drach-
mis tribus, teretes lumbricos eiiciunt. Data
fœminis, conceptum impediunt: quod si a
grauida sumantur, abortum illa faciet. Ea-
rundem farina præhumidis & ægrè san-
scentibus ulceribus inspergitur, ac iumen-
torum quoque ceruicibus medetur. Cate-
rùm elixa folia quæ recens eruperint, ole-
rum vice manduntur, ut aluum emolliant.

De Po-

De Polypodio, seu filicula.

CAP. CLXXXVIII.

POLYPODION nascitur in muscosis petris & vetustis quercuum caudicibus, palmi altitudine, filici simile, subhirsutum & incisum, at non perinde tenui diuifura. Radix subiacet pilosa, cirros habens ceu polyporum, crassitudine minimi digiti. Hæc si derafa fuerit, coloris intus herbacei comperietur: acerba verò est atque gustu subdulcis, purgandi vi prædita. Datur potrò ad aluum soluendam cocta cum gallina, aut piscibus, aut beta, aut malua. Arida farina aquæ mulsa inspersa, detrahit pituitam ac bilem. Trita eadem, luxatis efficaciter imponitur, & aduersus rimas quæ inter digitos fiunt.

De Dryopteris. CAP. CLXXXIX.

DRYOPTERIS in veterum roborum muscosis partibus enascitur, filici similis, at multò tenuiore foliorum incisura: radicibus inter se implicitis, hirsutis, gustu astringentibus & ad dulcedinem vergentibus. Ea si tritalem radicibus illinatur, pilos abolet. Primitim autem cutem posteaquàm exudauerit abstergere oportet, ac deinde recentem ipsam imponere.

De Cnic.

CAP. CXC.

CNICVS foliis constat oblongis, per ambitum diuisis, asperis, aculeatis: cau-

bus cubitalibus, & in eorum cacumine capitulis oliuæ magnitudine: flore croci: semine candido aut fuluo, oblongo, anguloso: illo flore in obsoniis vtuntur. Seminis verò contusi & expressi succus ex aqua mulsa aut gallinacei iusculo aluum purgat, sed stomacho aduersatur. Fiunt & ex eo placentulæ aluum emollientes, adiectis succo amygdalis, nitro, aniso & melle cocto. Hæ in frusta quatuor diuiduntur, quæ nucis iuglandis magnitudinem impleant: è quibus ante cœnam duo triuere sumi oportet. Ratio temperandi ea est, vt accipiantur, cnici candidi sextarius vnus, nucum Thasiarum seu amygdalarum tostatarum & decorticatarum cyathi tres, anisi sextarius vnus, aphronitri drachma vna, cum carne caricarum numero triginta. Cæterum seminis succus lac etiam coagulat, ipsūque ad soluendam aluum efficacius reddit.

De Lino Zostide, seu Mercuriali.

CAP. CXCI.

LINOZOSTIN aliqui parthenium, alij Mercurij herbulam appellant. Folia habet ocimi, helxinæ cognata, sed minora: ramulos duplici geniculorum nodo cinctos, & alarum cauis multis iisque densis præditos: semē, foeminæ quidē, racemosum atque copiosum: mari verò, iuxta folia paruum

ac

ac rotundum, ceu binos testiculos vnà cohærentes. Totus autem frutex dodrantalis est, aut etiam maior. Vtraque aluum ciet, si oleum vice mandatur. Cocta verò in aqua, epoto iure, bilem aquosâque detrahit. Creduntur autem folia trita si bibantur, atque etiam à purgatione menstrua verendis admooueantur, vt foeminæ concipiantur facere: maris verò folia similiter vsurpata, vt mascululi gignantur efficere.

De Cynocrambe.

CAP. CXCII.

CYNIA seu cynocrâbe, aliis mercurialis syluestris mas, cauliculum emittit bimum palmorum altitudine, mollem ac subalbidum; folia mercuriali aut hederæ similia, certis interstitiis candicantia: semen foliis adiacet paruum ac rotundum. Folia cum caulibus olerum instar pota, vim alui ciendæ habent. Ius verò decocti, bilem aquosâque detrahit.

De Heliotropio magno, seu Solari herba maiore.

CAP. CXCIII.

HELIOTROPIVM magnum aliqui à floribus figura Scorpiuron appellauere: cæteri heliotropium, quoniam folia sua cum inclinante sole circumagat. Folia ocimi habet, hirsutiora tamen, nigriora maioraque: ramulos ab ima radice ternos, quaternos, quinôsve, compluribus alis concauos: flo-

Kk. j. 1

rem in ipsorum cacuminibus candidum, purpurascentem, qui ad similitudinem caudæ scorpionis incuruatur. Radix gracilis est atque superuacua. Nascitur in asperis. Huius manualis fasciculus ex aqua decoctus & potus, pituitam bilēque per aluum extrahit. Prodest & contra scorpionum ictus ex vino bibitum, atque etiam illitum: ad arcendos verò conceptus, amuleti instar adalligatur. Aiunt porrò seminis grana quatuor hora una ante accessionem cū vino pota, quartanas finire: tria verò, tertianas. Illitum autem semen, myrmecias, pensiles verrucas, thymos & epinyctidas exiccat. At folia podagris luxatisque, & infantium adustioni, quam siriasin vocant, vtiliter illinuntur. Menses eadem cient: atque etiam partus trita & imposita pellunt.

De Heliotropio paruo.

CAP. CXCIII.

HELIOTROPION paruum, (quod & alio nomine Scorpiuros vocatur,) nascitur in palustribus, & iuxta lacus, foliis antedicto proximis, ac rotundioribus: semine rotundo, pensilium verrucarum modo dependente. Herba cū semine pota, additis nitro, hyssopo, cardamomo & aqua, valet ad latos teretesque lumbricos excutiēdos: quin & pensiles verrucas cum sale illita tollit.

De

De Scorpioide.

CAP. CXCIV.

SCORPIOIDES herbula est, foliis paucis, & semine caudæ scorpionis effigie. Hæc illita, contra scorpionum ictus præsentaneo sunt auxilio.

Quarti libri finis.



PEDACII DIO-
SCORIDIS ANA-

zarbæi, De medica materia

Liber quintus.

IANO ANTONIO SARA-
CENO LVGDVNABO,
INTERPRETE.



VONIAM superioribus qua-
tuor libris, amicissime Arce,
de aromatibus.oleis,vnguen-
tis, arboribus & earundem
fructibus atque lacrymis: i-
témque de animalibus, mel-
le, lacte, adipe, cercalibus & oleribus egimus:

Kk. ij.

necnon & vniuersam de radicibus, herbis,
succis, seminibusq; tractationē absoluimus:
in hoc totius operis vltimo, de vinis & iis
quæ metallica dicuntur differemus, à vitis
tractatione ducto exordio.

De Vite vinifera.

CAP. I.

Vitis viniferae folia cum clauiculis trita
& imposita, capitis dolores mitigant, i-
rēmque stomachi inflammationem & ardo-
rem cum polenta. Idipsum etiam folia per
se imposita præstant: quippe quæ refrigeran-
di astringendique vim habeant. Potus eo-
rundem succus, iuuat dysentericos, sangui-
nem excreantes, stomachicos, ac mulieres
malacia laborantes. Eadem efficiunt mace-
rati in aqua capreoli & poti. Lacryma vi-
tium, quæ veluti gummi est, quæque circa
illarum caudices concrevit, ex vino pota,
calculos pellit: inuncta, lichenas, psoras le-
prasque nitro afflicto præparatas sanat. Ea-
dem cum oleo sæpius pilis illitis psilothri
effectum habet, maximèque liquor quem
accensa sarmenta vitium viridia exudarunt,
quo & perunctæ myrmecia tolluntur. Cinis
autem sarmentorum & vinaceorum; detra-
ctis circa sedem condylomatis & thymiis
illitus ex aceto medetur. Prodest & luxatis ac
viperarum moribus: quin & contra lienis
inflam-

inationes proficit, cum rosaceo, ruta & aceto
impositus.

De Labrusca seu vite sylvestri.

CAP. II.

LABRUSCA duūm est generum. Altera enim vuam ad incipientem maturitatem minimè perducit, sed florentis œnanthen nominatam profert. Altera ad frugem peruenit, paruis, acinis, nigris & adstringentibus. Folia, caules & clauiculæ quibus repūt, vim habent satiuæ viti similem.

De Vuā.

CAP. III.

QVAELIBET vuarecens aluum turbat, & stomachum inflat: quæ verò decerpita aliquandiu pependit, propterea quòd ea ventilatione magna humiditatis portio decessit, innocentior est, ac tum stomacho utilis est, tum & appetentiam ciborum restituit, atque adeò agris languentibusve idonea est. In vinaceis & ollis seruata, ori stomachoque gratae sunt, aluum sistunt, (sed vesicam & caput tentant) & sanguinem excreantibus conueniunt. Similes porrò sunt & quæ in mustum coniectæ fuere. At quæ in sapa aut passo conditæ sunt, stomachum magis infestant. Seruantur & in aqua cœlesti quæ priùs solem passæ fuerint: sed eæ parum vinosæ sunt, siticulosis tamen, ardentibus ac

K k. iij.

diuturnis febribus vtilis. Reconditi vinacei, inflammatis, præduris lacteque turgentibus mammis cum sale imponuntur. Eorundem decoctum infusum, dysentericos iuvat & cœliacos, itémque fœminas fluxione vulvæ laborantes: sed & ad defeciones ac fœtus usurpatur. Cæterum acinorum nuclei astringendi vim obtinent, stomachoque sunt vtilis: iidem tosti tritique ac polentæ vice inspersi, dysentericis profunt, itémque cœliacis ac stomachi dissolutione vexatis.

De Vua passa

CAP. IIII.

VVa passa alba adstringentior est. Prodest esitata earum caro arteriæ, tussi, renibus ac vesicæ. Estur & cum nucleis per se contra dysenteriam: itémque, admittis milij ac hordei farina & ovo, in sartagine cum melle fricta sumitur. Sed & eadem ad eliciendam è capite pituitam tum per se, tum etiam cum pipere commanducata proficit. Testium quoque inflammationes sedat imposita cum lomento fabarum & cumini farina. Epinyctidas verò, carbunculos, fauos, putrescentiæque articulorum vlcera, atque gangrænas sine nucleis trita & cum ruta illita sanat. Convenit & podagræ cum panacis succo adhibita: denique & mobiles vngues illita celerius extrahit.

De

De OEnanthe.

CAP. V.

OENANTHE vocatur, vitis syluestris fructus cum floret. Condi verò debet in vas fictile non picatum, lecta prius, & substrato linteo in vmbra siccata. Laudatissima in Syria, Cilicia & Phœnice. Vis ei astringentia: quare pota, stomacho ac ciendæ urinæ utilis, aluum sistit ac sanguinis excreationes. Contra fastidia & acorem stomachi sicca & illita etiam efficax est. At in capitis doloribus tam viridis quàm sicca cum aceto & rosaceo perfunditur. Cruenta vulnera & incipientes ægilopas, oris vlcera & verendorum nomas trita & additis melle, croco, myrrha & rosaceo adhibita pro cataplasmate, ab inflammatione vindicat. Pessis quoque ammiscetur, ad cohibendum sanguinem: & contra oculorum fluxiones stomachique ardores cum polline polentæ ac vino illinitur. Cinis verò crematæ in testa candentibus prunis, facit ad oculorum medicamenta: quin & paronychias, pterygia, abscedentes cruoreque manantes gingiuas cum melle sanat.

De Omphacio.

CAP. VI.

OMPHACIUM, succus est acerbæ vitiæ seu Thasiæ seu Aminææ nondum variantis. Oportet autem ante Canis ortum

K k. iiij.

expressum succum in aheno ex ære rubro, quod linteo sit coopertum, insolare, vsque dum in densitatem coëat, intereaque semper totum id quod ipsi vasi concretum adhæserit liquido reliquo permiscere, atque noctu ipsum à locis subdialibus sub tectum referre: quandoquidem obstant nocturni rores, quominus spissescat cogaturve. Eligendum est flauum, friabile, perquam astringens & linguam mordens. Sunt qui coctione succum condensent. Prodest contra tonsillas, vuam, oris vlcera, gingiuas humore flaccidas, purulentasque aures, cum melle aut passo: item ad fistulas, vetera vlcera nomasque, ex aceto. Dysentericis & mulieribus fluxione vuluæ laborantibus clystere infunditur. Oculorum quoque claritati confert, eorundemque scabritiæ angulisque arrosis conuenit. Bibitur & ad recentem sanguinis excreationem, etiam ex ruptis vasis obortam. Sed eo admodum diluto & paucò vtendum: siquidem potenter exurit.

De Vini natura pro ætatis ratione.

CAP. VII.

VINA vetusta, nervos reliquaque sensuum instrumenta lædunt, attamen gustu suauiora iucundioraque sunt: quare vitanda iis qui internæ alicuius partis imbecillita-

cillitatem sentiunt. Nihilominus in secunda valetudine vinum eiusmodi paucum & aqua dilutum innoxie sumitur. At nouum, inflationes parit, ægre coquitur, graua facit insomnia, urinæque ciet. Quod verò ætate medium est, utroque illo vitio caret, proindeque ad vsum sanorum ægrorumque diligendum.

Pro ratione coloris. CAP. VIII.

Insuper album, est tenue ac stomacho utile, facileque in membra diuiditur. Nigrum verò, crassum est & ad concoquendum difficile, temulentiam facit, & corpus auget. Fuluum, utpote quod medium est, medias etiam inter ytrunque vires obtinet. Album tamen tum in secunda, tum & in aduersa valetudine laudabilius.

Pro saporum eorumque quæ illi miscentur differentia. CAP. IX.

Sed & vina sapore distant. Siquidem dulce crassis partibus constat & ægre de corpore expirat, stomachum inflat, aluum & intestina, uti & mustum, turbat: sed minus inebriat, vesicæ ac renibus aptum. Austerum, urinas magis expellit: sed capitis dolorem facit, ac temulentiam gignit. Acerbum, ad ciborum per membra digestionem accommodatissimum: aluum cæterasque fluxiones cohibet. At vinum molle &

saporem languidum, nervos minus tentat, minusque urinas pellit. Vinum porro aqua marina factum, stomacho adversatur, sitim facit, nervos infestat, bonam facit alvum & à valetudine sese recolligentibus haudquam idoneum est. Passum autem quod vis in cratibus sole siccatis aut in ipso famento torrefactis exprimitur, Creticum cognomine, aut protropum aut pramnium, itemque sapa quæ sit musto igni decocto, Græci Siræon seu hepsēma appellant: nigra quidem si fuerint, qualia melampsithia dicuntur, crassa sunt & corpora multum alunt: at candida, tenuiora: quæ verò medio inter hæc colore sunt, medias quoque vires fortiuntur. Omnia tamen astringunt, languidos pulsus excitant, & faciunt adversus venena quæcunque exulcerando necant, ex oleo pota & vomitionibus reddita: itemque contra meconium, pharicum, toxicum, cicutam & lactis in ventriculo coagulationem: necnon & contra renum ac vesicæ rofiones & exulcerationes: nihilominus inflationes pariunt, & stomacho adversantur. Priuatim confert Melampsithium iis qui alvi fluxione laborant. Album, magis cæteris emollit alvum. Gypso conditum, nervos offendit, capitis gravitatem infert, viscera calore accendit, & vesicæ adversatur: sed contra ve-

tra venena cæteris aptius. Picata aut refina-
ta, exalfaciunt & concoctionem adiuuant,
sanguinem excreantibus inimica. Quæ ve-
rò aparachyta, hoc est, maris expertia dicun-
tur, & sapam tamen admistam recipiunt, ca-
put implent, temulentiam gignunt, de cor-
pore difficulter expirant, & stomachum ma-
lè habent.

Pro locorum differentia. CAP. X.

Inter Italica vina Falernum principem
locum obtinet: quod inueteratum, per quàm
facilè concoquitur, pulsus recreat & exusci-
tat, aluum astringit, stomacho vtile: sed vesi-
cæ nocet, atq; iis qui visus hebetudinem sen-
tiunt, liberaliori potationi minimè idoneum.
Albanū, crassioribus quàm Falernum constat
partibus, subdulcèq; est, stomachū inflat & al-
uū emollit: sed concoctionē non æquè adiu-
uat, nervosum verò genus minùs infestat. Sed
& hoc ipsum vetustate austerū saporē concipi-
pit. Cæcubū cū sit dulce, est & Albano cras-
sius, corpus auget, & colorē cutis meliorē le-
tiorémq; facit: at iuuandę concoctioni mini-
mè idoneū est. Surrentinum, valde austerum
est: quare intestinorum & stomachi fluxio-
nes cohibet, & cū tenuibus cōstet partibus,
caput minùs tentat: vetustate autē & stoma-
cho vtile, & iucūdioris euadit saporis. Adria-
num & Mamertinum, quæ quidem in Sici-

lia gignuntur, ex æquo crassarum sunt partium, modicè astringunt & celerius inueterantur, minùsque ob suam lenitatem nervos tentant. Prætutianum, quod & ipsum è locis circum Adriam deuehitur, est odoratum ac minùs asperum: haustum copiosius eo sese prodit indicio, quòd & ebrietatem diu seruat, & soporem conciliat. Istricum Prætutiano simile est, sed urinam vehemētius pellit. Chium, antedictis mollius est, probè nutrit, potui aptum est, ac minùs inebriat: fluxiones cohibet, oculorum medicamentis utile. Lesbium, facilè membra subit, Chio leuius, & alio idoneum. Ephesium, eandē vim habet, quod Phygelites nominatur. Verùm Asianum è Tmolo monte, Meslogites appellatum, capitis dolorem affert ac nervos lēdit. Coum verò & Clazomenium, quoniam copiosam maris aquam admixtam habent, facilè corrumpuntur, inflationes excitant, aluum turbant, ac nervis officiunt.

De Vini generum facultate.

CAP. XI.

In vniuersum vinum omne meracum & sincerum ac sua natura austerum, excalfacit, facilè in membra distribuitur, stomacho cōuenit, appetentiam ciborum inuitat, corpus alit, somnum conciliat, robur auget & colo-

colorem commendat. Potum liberaliùs, auxilio est contra assumptam cicutam, coriandrum, pharicum, ixiã, meconium, argenti spumam, taxum, aconita, fungosve: nec minùs contra serpentium morsus & omnium ictus morsusve, quæ refrigerando necant aut stomachũ in vomitiones effundunt. Facit & ad diuturnam hypochondrij inflationem, rosionem atque distentionem: itẽmque singultum, ac stomachi, intestinorum & ventris rheumatismos. Vina conueniunt sudatoribus & quibus corpus immodico sudore digeritur, maximè quæ sunt alba, vetera & odorata. At quæ sunt vetusta simul & dulcia, renum ac vesicæ vitiis sunt accommodatiora: necnon vulneribus inflammationibusque in succida lana commodè imponuntur. Quin & iisdem fera, phagedænica & affluentibus humoribus irrigua vlcera vtiliter fouentur. Porro vina quibus aquæ marinæ nihil additum est, austera & alba, ad sanctorum victus commodè vsurpantur. In his præstant Italica: vti Falernum, Surrentinum, Cæcubum, & permulta alia è Campano agro, itẽmque Prætutianum, Adrianum & Siculum, quod Mamertinum appellatur. Ex Græcis, Chium, Lesbium & Phygelites, quod in Epheso gignitur. Crassa verò & nigra, stomacho aliena sunt, flatulque pa-

riunt: attamen corpus augent. Tenuia autem & austeram, stomacho quidem profunt, sed carnes minus alunt. At quæ sunt valde vetera, tenuia & candida, vehementius urinas ciunt, & dolores capitis inferunt, nervosumque genus largius pota tentant. In media ætate, ut à septimo anno, potui saluberrima sunt. Modus autem pro ætate, anni tempestate, consuetudine & qualitate vini decernatur. Optimè verò præcipitur, ut ne sitis immodica toleretur, & tantum potionis adhibeatur, quantum proluendis cibis sat sit. Siquidem ebrietas omnis, maximèque iugis frequentiorve, perniciofa. Enimvero largior perpotatio nervos obsessos in dies remittere, morborumque acutorum initia quotidie introducere consuevit. Attamen moderatè aliquot diebus vino indulgere, maximèque post aquæ potum, utile. Itaque nanque modo quodam quæ sub sensum deinde cadunt recrementa ex alto euocantur, & per cæca corporis spiracula repurgantur. Sed illi perpotationi aquam superbibere par est: siquidem medicationis alicuius gratia factæ ex composito remulentiæ remedium affert.

De vino Omphacite. CAP. XII.

VINUM quod Omphacites appellatur, peculiariter fit in Lesbos, vna nondum planè

planè matura, sed adhuc acerba, ad tres quatuorve dies in craibibus siccata sole, donec racemi in rugis contrahantur. Ex iis postquam expressum est vinum, cadis insolatur. Vim habet astringendi, stomacho amicam, & malacia laborantibus, ileosis, ægrè consequentibus & stomachi dissolutione vexatis utilem. Creditur & absorptum pestilentibus affectibus auxiliari. Cæterum huiusmodi vina non nisi post annos complures potui apta sunt.

De vino Secundario & adynamo.

CAP. XIII.

LORA, quam Græci deuterian, alij potimon appellant, paratur hunc in modum: In vinacea è quibus vini triginta metretæ expressæ fuerint, tres aquæ metretas adiecto: ac ubi vinacea ipsa versaueris calcauerisque, exprimito: expressum decoque ad tertias partes, & in singulos residui congios salis binos sextarios addito, ac post hyemem in cados defundito. Eo post annum vitior: celeriter enim exolefcit. Conuenit porro ægris quibus vinum propinare dubitamus, & cogimur tamen ipsorum desideriis obtemperare: itémque à longa valetudine sese recolligentibus. Fit & vinum quod vocant adynamon, viribus iisdem quibus lora præditum. Pares aquæ & musti mensuræ leniter ac lento igne

feruesiunt, dum excoquatur aqua: reliquum
vbi refrigerit, in vas picatum transfunditur.
Alij aquæ marinæ & pluviæ, mellis, atque
musti pares miscent portiones, elutriant, &
in sole quadraginta diebus torrent. Huius-
modi potu ad eadem illa omnia post annum
vtuntur.

De Vino è labrusca expresso.

CAP. XIII.

VINUM è Labrusca nigrum, lastringit:
proindeque prodest alui stomachique
fluxionibus, & ad cætera valet quæ astrictio-
nem contractionemque desiderant.

De Vino Melitite.

CAP. XV.

VINUM Melitites datur in longis fe-
bus, iis qui stomacho sunt imbecilli: le-
uiter enim aluum emollit, urinas ciet ac sto-
machum expurgat. Prodest & articulario
morbo obnoxiiis, nephriticis & capitis infir-
mitate laborantibus: vtile quoque mulieri-
bus aquam potantibus: siquidem odoratum
est, corporaque alit. Distat à mulso, quoniam
fit illud è vino austero ac vetere & melle e-
xiguo: melitites autem, adiecto ad quin-
que congios austeri musti mellis congio, &
salis cyatho. Porro in magno vase fieri i-
psum oportet, quò locus amplior ad vehe-
menter efferuescendum pateat, antedicto
sale sensim asperso, quandiu efferbuerit:

ac v.

ac ubi feruere defierit, in cados alios transfunditur.

De Mulso. CAP. XVI.

MULSUM præfertur, quod ex vetere vino austeroque & bono melle factum est. Tale siquidem minus inflat, & celeriter in usum venit. Ac vetus quidem, corpus alit: quod mediæ est ætatis, aluo vtile est, urinamque pellit. Sed à summo cibo sumptum, nocet: inter initia verò potum, stomachum implet, deindeque tamen appetendi auiditatem reuocat. Fit mulsum ut plurimum, duabus vini metretis admixta vna mellis. Aliqui quò promptius perfici exhiberique possit, mel cum vino coquunt, atque ita transfundunt. Alij impensæ parcentes ad musti feruentis sextarios sex vnum mellis adiciunt, ac ubi ferbuerit, elutriant: dulce autem permanet.

De Aqua mulsa. CAP. XVII.

AQUA mulsa easdem quas mulsum vires obtinet. Cruda utimur, cum ventrem mollire volumus, aut etiam vomitiones inuitare: quemadmodum facimus ijs qui venena hauserunt, ipsum addito oleo propinantes. Decoctam verò exhibemus exilis languidique pulsus hominibus ac infirmis, tussientibus, peripneumonicis & iis qui immodico sudore digeruntur. Inueterata condi-

Ll. j.

ritiâque, quam aliqui Hydromel propriè vocant, dum mediæ est ætatis, loræ & adynamo vino in recreandis viribus respondet, similémq; vim adipiscitur: quare iis qui mēbri alicuius inflammatione laborant: magis quàm lora ipsa accommodata est. Quæ verò vetustior est, in partium inflammationibus aluóque astricta damnatur: at laborantibus ex stomacho, aut cibum fastidientibus, sudatoribúsvē conuenit. Conficitur porrò, duabus aquæ cœlestis veteris partibus ad vnâ mellis adiectis & insolatis: alij fontanam aquam miscent, & ad tertias partes decoquunt, atque ita recondunt. Nec desunt qui Hydromelitis appellationem tribuant Apomeliti, quod elotis aqua fauis confici seruarique solet. Id verò etiam meracius confici oportet: aliqui & ipsum coquunt. Ægrotantium potui minimè aptum est, quoniam ceraginis plurimum sibi vendicat.

De Aqua. CAP. XVIII.

DE aquis in vniuersum decernere, propter locorum proprietates ac peculiâres naturas, itémque cœlū aliâque non pauca, difficile est. Magna tamen ex parte optima est, pura, dulcis & cuiuscunque tandem qualitatis expers, quæque ne minimo quidem tempore hypochondrijs iminoratur, insuperque quæ citra molestiam & expeditè permeat:

permeat, nec inflationes parit, ac denique minimè corrumpitur.

De aqua Marina. CAP. XIX.

Aqua maris calida est & acris, stomacho aduersatur, aluum conturbat, & pituitam expellit. Si verò calida ad fatus adhibeatur, attrahit simul atque discutit: proindeque nervorum vitiis, & pernionibus ante vlcerà prodest. Commodè miscetur cataplasinatis ex hordeacea farina: itémq; emplastris & malagmatis discutientibus idonea est. Ad mouendas deiectiones tepefaicta clysteribus infunditur: ad tormina verò, calens. Eadem psoræ, pruritus, lichenes, lendes, nimioque lacte turgentes mammæ fouentur. Sed & liuentia fotu discutit. Salutaris quoque est ad venenatorum morsus ictusve, quæ quidem tremores perfrictionesque inferunt: maximè verò scorpionum, phalangiorum aspidumque: ac si quis etiam in ipsius calidæ folium descenderit, auxiliatur. Quin & balneum ex ea vtile malo habitu confectis iam diu corporibus nervisque. Eiusdem feruentis vapor, hydropicos, capitis dolores, difficilèmq; auditum leuat. Porro sincera & citra potabilis aquæ mixturam asseruata, virus deponit. Alij eam præcoquunt, atque ita recodunt. Caterum datur ad purganda corpora per se, aut è posca, aut vino, aut melle: verum.

Ll. ij.

tamen post deiectionem insuper exhibetur gallinæ pisciūve iusculum, ad temperandam infringendāve inductæ rosionis acrimoniam.

De Thalassomelite. CAP. XX.

QUOD Thalassomeli vocant, egregiè purgare creditur. Temperatur autem æquis portionibus aquæ marinæ & pluuiæ, itēque mellis, percolatis & picato vase per Caniculæ ardores insolatis. Sunt qui ad duas aquæ marinæ coctæ partes mellis vnam adijciant, & vase condant: ac huiusmodi quidē confectura moderatior mitiōrque est ipsa aqua marina.

De Aceto. CAP. XXI.

ACETVM refrigerat & astringit, stomacho est utile, & appetentiam cibi excitat: erumpentem vndecunque sanguinem potu infestive sistit: prodest alui fluxionibus, cum cibariis coctum: cruentis vulneribus idoneum est, ac inflammationes arcet, in succidis lanis aut spongiis impositum. Reprimat & procidentia sedis vuluæque: item gingiuas abscedentes & sanguine manantes. Est etiam efficax ad nomas, erysipelata, herpetas, lepras, lichenas & pterygia, si cum aliquo conuenienti misceatur: phagedænas vlcerum nomasque fotu continuo cohibet: podagricis calido fotu cum sulphure auxiliatur:

fiatur: sugillata tollit; cum melle inunctum. Contra capitis ardores, cum rosaceo in succidis velleribus aut spongia imponitur. Ad hydropem, auditum difficilem, auriumque sonitus ac sibilos, feruentis vapor proficit: earundem quoque vermes instillatum necat. Panos coërcet tepidi fots, aut si imbuta eo spongia adinoueatur: & pruritus permulcet. Contra venenatorum morsus, quæ refrigerando nocent, calidi fots prodest: uti frigidi, contra eorum ictus quæ exurens virus eiaculantur. Calidum potum atque vomitionibus redditum, aduersus omnia venena efficax est: ac præsertim contra haustum meconium cicutamve, sanguinem in ventriculo conglobatum, lac ibidem coagulatum, fungos, ixiam, taxumque, cum sale. Haustu voratas hirudines, si sorbeatur, eiicit: tussim veterem mitigat, & recentem laceffit. In orthopnœa, calidum commodè sorbetur. Sed & gutturis fluxiones gargarizatum inhibet: anginis & laxatæ columellæ conuenit: necnon & calidum contra dentium dolorem colluitur.

De Oxymelite. CAP. XXII.

ACETVM inulsum, quod oxymel vocant, hoc modo temperatur: Aceti heminas quinque, salis marini minam vnā, mellis minas decem & aquæ sextarios quinque pa-

L l. iij.

riter coquito, dum decies efferbuerint: mox ubi refrixerint, diffundito. Constat porro sumptum crassos humores extrahere, atque ischiadicis, arthriticis & comitialibus opitulari. Est & auxilio contra morsum viperæ & lacertæ quam sepa vocant, itémque contra haustum meconium, ixiámve. Anginis denique vtiliter gargarizatur.

De Oxalme, CAP. XXII.

ACETVM falsum seu acida muria, quam oxalmen vocant, fotu contra nomas, putrida vlcera, canum morsus & venenatos ictus auxiliatur. Sistit & sanguinis eruptiones quæ post excisos calculos eueniunt, siquidem post operationem statim calida in vulnus infundatur: ac prociduum sedem reprimat. Dysentericis etiámnú, si nomas sentiant, infunditur: at oportet illicò post lac insuper infundere. Hirudines eadem sorbitione & gargarizatu necat: surfures denique & manantia capitis vlcera exterget.

De Thymoxalme. CAP. XXIII.

THYMOXALME Veteres utebantur, dabántque laborantibus imbecillitate stomachi, itémque arthriticis & inflatione vexatis, ternos quaternósve cyathos aqua calida dilutos: humores crassos atrósque trahit. Hoc verò modo factitatur: Thymi triti acetabulum, salis idem modus, polentæ, rutæ, pulegij,

pulegij, singulorum exigue portiones in vas coniiciuntur: & aquæ terni sextarij, acetique totidem cyathi affunduntur, atque circumposito linteo sub dio exponuntur.

De aceto Scillino. CAP. XXV.

SCILLINVM acetum hoc paratur modo: Expurgatam scillam quæ candida sit cōcidito, sectâsque taleolas lino traiectâs modicis interuallis, vt ne se contingant, suspendito, atque ita siccato in vmbra quadraginta diebus. Earum minam in aceti boni sextarios duodecim immergito, & vase diligenter operculato septenis diebus in sole macerari finito: postea scillam eximito, & expressam abiicito: acetū verò percolatum in vas diffundito atque reponito. Aliqui scillæ minam vnâ aceti sextariis quinq; ammiscēt. Alij postquā extēpore scillā repurgarunt citra exiccationē, parē eius mēsuram adiiciūt, & senis mensibus macerari patiūtur. Ac tale quidem acetum maiorem incidendi vim asciscit. Porro Scillinum acetum, gingiuas laxas & humore superfluo prægnantes commodè astringit, easdēque firmat: emotos dentes stabilit, putridis oris vlceribus & graueolentiæ egregiè medetur: fauces forbitione durat colloâsque reddit: vocē denique expedit, ac limpidam canoramq; facit.

Ll. iiij.

Sed & stomachicis, ægrè cibum concoquentibus, comitialibus, vertiginosis, melancholicis & mente captis exhibetur. Datur & cōtra vulvarum strangulationes, lienes prætumidos & ischiada. Imbecillos admodum recreat: corporis salubritatem colorémque meliorem præstat. Oculorum quoque aciem exacuit, atque tarditatem aurium instillatione infusioneue purgat. In summa ad omnia efficax est, præterquàm ad internas exulcerationes, capitis dolores nervorúmque vitia. Cæterùm datur quotidie ieiunis sorbendum, inter initia quidem quantitate exigua: sed ea deinde paulatim augetur ad cyathum vsque. Nonnulli binos cyathos, aut etiam amplius, exhibent.

De Scillino vino. CAP. XXVI.

FIT & è Scilla vinum hoc modo: Dissecta, uti dictum est, scillam sole assiccato, dein contusam eius minam tenui cribro incernito, & linteo raro illigatam in vicanos sextarios musti recentis ac boni demergito: atque vbi trimestri spatio maduerit, elutriatum vinum obstrueto diligenter vase recondito. Licet quoque humida scilla uti, in orbiculos rapi modo dissecta: sed duplicato pondere. Cæterùm vinum id quadraginta diebus infolari oportet, & valdè inueterascere. Sed & insuper alia est antedicti vini parandi ratio. Scilicet

Scilicet Scillæ dissectæ ac repurgatæ minæ tres in musti boni metretam Italicum adiiciuntur, & senos menses vase obstructo macerari sinuntur: post id tempus defæcatum transfusumque vinum recõditur. Vtile porro est contra cruditates & ciborum corruptiones: item iis qui cibum reuomunt, necnon & iis quorum ventrem stomachumve crassi humores obsederint. Prodest & hienosis, habitu malo præditis, hydropicis, regio morbo & vrinæ difficultate laborantibus, torminosis, inflatione vexatis, paralyticis, diuturnis rigoribus, vertiginosis atque conuulsis. Menses denique pellit, minimèque neruos infestat. Fit porro vinum eiusmodi vetustate melius. Sed cauendus ipsius vsus tum in febribus, tum & in exulcerationibus interaneorum.

De vinis aqua marina factis.

CAP. XXVII.

MARINA vina variè factitantur. Aliqui enim protinùs vt decerptæ calcatæque sunt vuæ, aquam maris admiscunt: nonnulli priùs in cratibus vuas sole siccant, iisque deinde calcatis marinam adiiciunt. Alij passas priùs vuas in doliis aqua marina macerant, inóxque calcatas exprimunt. Et eiusmodi quidem vinũ dulce euadit. Quæ tamen austeriore gustu temperantur, etiam in febr-

bus subsidio sunt, siquidem meliora defuerint. Valent & ad aluum subducendam, profuntque purulenta excreantibus, iisque qui aluo sunt dura, quique facile ex vinorum Aminæorum usu capite tentantur: attamen & huiusmodi vina stomacho aduersantur, flatulique pariunt. Porro quod pleniorē habeant historiam ij qui huius studio tenentur, haud inutile duximus multiplices variè conficiendorum vinorum formulas infra describere: non quod frequens aut necessarius eorum existat usus, sed ne quid omisisse videamur, quod ad vinorum tractatum pertineat. Sunt autem ex factitiis illis nonnulla minoris operæ & laboris, quæ tamen in usu veniunt: uti quæ ex cotoneis malis, pyris, siliquis, itemque myrti baccis concinnantur.

De vino Cydonite.

CAP. XXVIII.

Itaque Cydonites, quod alio nomine melites appellatur, ita fieri consuevit: Mala cotonea exemptis seminibus frustatim raporum modo conciduntur, eaque duodecim minarum pondere in musti metretam demittuntur, & inibi ad triginta dies esse sinuntur: tandem excolatum vinum reponitur. Paratur & hoc modo: Ad succi cotoneorum tusorum peforumque sextarios duodenos, mellis sextarios singulos adiciere oportet, atque ita re-

con-

condere. Vinū id astringit, & stomacho vtile est: itēque prodest dysentericis, hepaticis, nephriticis & agrē meientibus.

De Melomelite. CAP. XXIX.

Melomeli, quod & Cydonomeli nominant, fit in hunc modum: Cotonea mala seminibus exemptis in tantam mellis copiam conficiuntur, vt eo submersa contegantur obruanturve. Id post annum iucundum ac suaue redditur, mulso non dissimile. Præstat autem eadem quæ superior confectio.

De Hydromelo. CAP. XXX.

Fit Hydromelon, mensura vna melomelitis è cotoneis facti ad duas aquæ coctæ & per Caniculæ æstum insolatæ addita: ac vis huius eadem quoque est.

De Omphacomelite.

CAP. XXXI.

Omphacomelitis faciendi ratio hæc est: Vuas acerbæ nondum variantes tribus diebus insolato, deindeque exprimito: & ad ternas succi partes, mellis optimi despumati singulas partes adijcito: mox cōfectionē in fictilia diffusā insolato. Vim reprimendi ac refrigerandi habet: proindeq; stomachicis & cœliacis cōuenit. Vltus autē post annum est.

De vino Apite. CAP. XXXII.

Fit & è pyris, perinde atque è cotoneis, vinum Apites nomine, ita tamen vt pyra non

magnoperè matura sint. Quin & è siliquis etiam, mespilis & sorbis simili modo vina temperantur. Omnia porrò hæc genera astringunt, & acerba stomachoq; vtilia sunt, atque internas fluxiones cohibent.

De OEnanthino. CAP. XXXIII.

OEnanthinum vinum hoc modo concinnatur: Sumito florum siccorum è vite sylvestri pubescente minas duas, & in musti metretam mittito, inibique dies triginta macerari finito: mox vinum excolatum recondito. Facit ad stomachum imbecillum eiusdemque fastidium, cœliacos atque dysentericos.

De vino Rhoite. CAP. XXXIII.

Vinum è Punicis, quod rhoite vocant, fit in hunc modum: Punica matura lignosique nuclei expertia sumito, acinisque expressum succum, aut ita vt est, aut ad tertias decoctum reponito. Efficax est contra fluxiones internas & febres alui profluvio comitatas. Est & stomacho vtile, aluūque astringit & urinam mouet.

De vino Rhodite. CAP. XXXV.

Rhodites seu rosaceum sic fit: Rosarum siccarum tularūque minam illigatam lintheolo in musti sextarios octo conijcito: & post tres menses colo traiectionem transfundito atque reponito. Vtile est ijs qui febri carent ad

rent ad stomachi coctiones iuuandas, eiusdemque dolores leniendos, à cibo potum: nec non & contra humidas aluos ac dysenterias Fit quoque è succo rosarum ammixto melle quod Rhodomeli vocant, arteriæ scabritijs vtile.

De vino Myrtite.

CAP. XXXVI.

Myrteum conficitur ad hunc modū: Myrti baccas nigras præ maturitate iam flaccescentes tundito, torculoque expressum succū diffundito. Aliqui etiam ad tertias decoquunt. Alij baccas prius in cratibus ad solē ficcant, & earum contusarum singulis chænicibus ternas aquæ heminas & vini veteris parem modum adiiciunt: postea exprimunt atque recondunt. Potenter astringit, stomacho vtile: alui stomachique rheumatismis prodest, itémque contra intestinas vlcerationes, fluorémque muliebrem: denique capitis etiam denigrat capillos.

De vino Myrsinite. CAP. XXXVII.

Myrsinites ita temperatur: Nigræ myrti teneri ramuli cum suis baccis ac folijs tusi decem minarum pondo in tres musti congios merguntur, coquanturque donec duo supersint, aut certè dimidium: tandemque colatum id vinum ad vsus reconditur. Contra manantia capitis vlcera, fursures, papula-

rum eruptiones, gingivarum ac tonsillarum inflammationes & aures purulentas efficax est, ac sadores quoque cohibet.

De Lentiscino vino. CAP. XXXVIII.

Lentiscinum similiter atque myrsinites temperatur.

De vino Terebinthino. CAP. XXXIX.

Nec secus Terebinthinum. Nam & harum arborū ramuli sumi debēt, in quibus fructus insit. Sed & assimilis sunt ista vina facultatis: siquidem astringunt, stomacho vtilia sunt, & fluxionibus stomachi, intestinorum ac vesicæ, itēque sanguinis profluvio accommodantur: vlcera omnia fluxioni obnoxia fotu ad cicatricem perducunt: vuluæ denique ac sedis rheumatismos infestatione cohibent.

De vino Palmeo. CAP. XL.

Palmeum vinum vt conficias, palmulas, quas chydæas (quasi vulgares) vocant, easque inaturas in doliolum imo pertusum & arundine picata obstructū demittito, ita vt foramen lino obturatū sit. Tūm denis chœnicibus ternos aquæ congios affundito: quod si non admodū dulce id esse libeat, quinos cōgios infundito, & ad dies decē macerari illas finito. Exacto eo spatio, hoc est, die vndecima detracto ab arundine linteo, vinū crassum ac dulce excipito, atque reponito. Suaue illud quidē, sed capiti noxiū: contra fluxiones,

nes, propter astrictoriam vim, efficax: eandē ob causam stomachicis, coeliacis & sanguinē excreantibus conuenit. Sunt qui, addita rursum pari aquæ mensura, manantē deinde liquorem excipiunt: id quod tertio, quarto & quinto faciunt, non item ampliùs: quando quod reliquum ab his est, acescit.

De vino Catorchite. CAP. XLI.

Catorchites, quod aliquibus sycites quassificatū appellatur, in Cyprio similiter palmeo concinatur: sed hoc interest, quod in hoc præparando nonnulli præ aqua recens presorum vinaceorum diluti tantundē adijciūt. Sumuntur in hunc vsum caricæ nigrae, quæ chelidoniae puniceæve seu purpureæ appellantur: atque macerantur, vti antea dictū est. Post dies decē liquor excipitur, atq; iterū ac tertio diluti vinaceorum par inodus affunditur. Simili modo spatijs intercedentibus excipitur & quarta & quinta infusio: qua similiter acescēte, vice aceti vtūtur. Porro vinū eiusmodi tenuiū est partiū: flatus gignit, stomacho aduersatur, & fastidiū creat: bonā tamen facit aluū, & urinā ciet: menses quoque trahit, & lactis vbertatem præstat: at vitiosum sanguinem creat, & elephantiasin infert, vti & zythū. Aliqui senis amphoris denos salis sextarios adijciūt: alij muria amphoram. Sic. n. ægriùs vitari, & alio idor:

neum reddi existimant. Alij etiam thymum & fœniculum in fundo substernunt, deindeque caricas componunt, atque ita vicissim, donec vas expleuerint.

De vino è Sycomoris factitio.

CAP. XLII.

Fit & è Sycomoris vinum eodem modo, sed in acetum acre degenerat: quoniam non ita præualet vis eorum, vt manantis liquoris dulcedo retineri possit.

De vino Resinato. CAP. XLIII.

Resinatum vinum passim apud varias gentes factitari solet, sed plurimum in Galatia: quoniam illic præ frigore non maturescente vva vinum facile coacescit, nisi picea resina condiatur tempereturve. Tunditur autem cum cortice resina, & amphoræ dimidia hemina permiscetur. Aliqui, vbi efferbuit, excolant separantque resinam: alij eandem relinquunt. Hæc porro vina vetustate suaui redduntur. Sed omnia capitis dolorem & vertiginem faciunt: concoctionem tamen adiuuant, & vrinam cient: destillatione vexatis ac tussientibus prosunt: item cœliacis, dysentericis, hydropicis, & fœminis vuluæ fluore laborantibus: profundioribus exulcerationibus eadem infunduntur. Cæterum in hoc genere nigricans albo magis constringit.

De vino

De vino Strobilite. CAP. XLIII I.

Strobilites fit, maceratis in musto strobilis recentibus & contusis, præbetque resinati effectus. Quod si quis strobilos musto præmaceratos decoxerit, abundè potum iis conducet qui tabitudine conficiuntur.

De Cedrino vino, & alijs.

CAP. XLV.

Cedrinum, Juniperinum, Cupressinum, Laurinum, Pineum & Abiegnum, simili ratione concinnantur. Arborum enim, dum fructus edunt, casam recens materiem assulosè diuidere, & Soli aut balneo, ignive ad-mouere oportet, vti consudet, congioque vini minam vnā permiscere, atque ita duorum mensium spatio sinere: tūc demū transfundere, Soli exponere, tandēque recon-dere. Porro factitiorum huiusmodi vino-rum vasa impleri debent: nanque illa nō ex-pletis vasis acescunt. Nihilominus medicata vīna rectè valentibus haudquaquam ido-nea. Caterū isthæc omnia excalfaciunt, vrinam cient & leniter astringunt. Lauri-num tamen vehementiūs excalfacit. Fit quo-que vinum è Cedri maioris fructu, in vnum musti congium addito baccarum contusa-rum minæ semisse. Sed diebus quadraginta insolari, ac iis exactis, defæcatū in vasa trans-ferri debet.

M m. j.

De Iuniperino vino. CAP. XLVI.

Fit & è baccis Iuniperi, similiter vt è cedri fructu, & ad eadem valens.

De Cedrite. CAP. XLVII.

Cedrites hoc modo fit: Cedriam dulci aqua lauant, & singulas amphoras singulis cyathis proluunt, & ita musto replent. Hoc quoque vini genus exalfacit, attenuat, tussi antiquæ citra febrem vtile, nec non & pectoris laterumque doloribus, torminibus, ac ventris & intestinorum vlceribus, purulenta excreantibus, hydropicis, & mulieribus vuluæ causariis. Facit & aduersus lumbricos atque rigores: contra venenatorum morsus auxiliatur, ac serpentes necat: aurium deniq; doloribus instillatum medetur.

De vino Picato. CAP. XLVIII.

Vinum Picatum ex liquida pice & musto temperatur. Picem autem primùm marina aut muria tantisper eluere oportet, dū inalbuert, & sincera maris aqua defluat: mox aqua dulci iterum proluenda. Tū in cōgios octo musti additur vncia picis vna aut altera, atque ita finitur. Pōst vbi efferbuerit atq; subsederit, in vasa diffunditur. Hoc genus vini exalfacit, concoctionem adiuuat, abstergit atque purgat: proindeque vtile doloribus pectoris, alui, iocineris, lienis & vuluarū, si sine febre sint, itēmq; veterib; rheumatismis & pro-

& profundis exulcerationibus. Est & efficax contra tussim, tardam concoctionem, inflationes & anhelationes: luxatis denique, præsertim in succida lana, imponitur.

De vino Absinthite. CAP. XLIX.

ABSINTHITES variè conficitur. Alii qui enim in duodequingenta sextarios Italicarum amphorarū additā absinthij Pōtici librā decoquūt ad tertias partes. Dein ubi insuper affuderint sex musti sextarios, & absinthij se libram diligēter permiscuerint, in vas diffundunt: cūque subsederit, excolant. Alij absinthij minam tusam & linteolo raro deligatam in musti amphoram demittunt, inibique duobus mensibus macerari patiuntur. Alij absinthij quadrantem trientēve, & nardi Syriacæ, cinnamomi, cassiæ, floris iunci odorati, calami & palmæ elates singulos sextantes prius in pila tusos in musti metretam coniiciunt, & obstructo vasis spiraculo duū triūve mensium spatio dimittunt, tandēque defæcatum vinum transfundunt ad vsus. Sunt & qui in musti cadum addant nardi Celticæ vncias xiiij. & absinthij vncias xl. linteo illigatas: post quadragesimum verò diem elutiant. Alij denique in viginti musti sextarios absinthij libram, & resinæ pini siccæ sextantem immittunt, & post dies decem vinum ex-

Mm. ij.

colant atque recondunt. Vtile est stomacho
 urinam citatardam concoctionem accelerat
 hepaticis, nephriticis, regio morbo laboran-
 tibus, cibum auersantibus, & stomacho ma-
 le affectis auxiliatur. Valet & contra diu-
 turnam hypochondriorum distentionem,
 inflationes, teretesque lumbricos & remora-
 tos menses. Denique prodest & contra hausta
 iuxta venena, maiore copia potum, identi-
 demque vomitione redditum.

De vino Hyssopite. CAP. L.

Hyssopites è Cilicio hyssopo maximè lau-
 datur, sitque haud secus arque absinthites.
 Scilicet foliorum hyssopi tusorum libra lin-
 teo raro inuoluta in amphoram inusti con-
 iicitur. Intra linteolum verò simul etiam
 immittuntur lapilli, vt degrauatus pondu-
 sculo fasciculus fidat, petatque fundum. Vi-
 num post xl. dies defacatum elutriatur. Con-
 tra pectoris, lateris & pulmonis vitia, vete-
 rem tussim & anhelationem prodest. Uri-
 nam quoque citatque torminibus febrium-
 que rigoribus circuitu redeuntibus auxilia-
 tur, ac menses denique mouet.

De vino Chamædryite.

CAP. LI.

Chamædryites simili quo hyssopites mo-
 do fieri solet. Excalfacit atque discutit, i-
 deoque conuulsis, regio morbo, vuluæ infla-
 tioni-

tionibus, tardæ concoctioni & incipienti hydropi subuenit. Cæterum inucteraſcens, præſtantius euadit.

De vino Stœchadite. CAP. LII.

Simili quoque modo Stœchadites conficitur: ſed in congios ſex, minam ſtœchadis vnâ addere oportet. Humores craſſos diſſoluit, & inflationes, lateris ac nernorum dolores atq; perfrictiones diſcutit. Datur & vtiliter comitialibus cū pyrethro & ſagapēno.

De aceto è Stœchade. CAP. LIII.

Ad eadem quoque fit acetum è Stœchade, herba ipſa vti antè dictum eſt aceto macerata: eoſdem verò implet effectus.

De vino è Betonica. CAP. LIIII.

Fit vinum Ceſtrites è betonica, quam ceſtron pſychotrophon appellant. Herba ſemine maturo prægnans cum ſuis ramulis minæ pondo in vini congios duos adiicitur, ſeptemque menſium ſpatio dimittitur, tandemque tranſfunditur. Ad multa inteſtina vitia, vti & frutex ipſe, pollet. Et vt in vniuerſum dicatur, quælibet facticia vina eorum ex quibus finguntur ſibi vires aſciſcunt. Quare iis qui illorum naturas pernouerint, fuerit etiam ex facili vinorum vires coniectura conſequi: veruntamen vinorum vſus febricitantibus abdicandus. Fit etiamnum è betonica acetum, ad eadem vitia vtile.

M. m. iij.

De vino Tragoriganite.

CAP. LV.

Tragoriganites fit, quaternis tragorigani drachmis linteolo colligatis, in quaternos musti sextarios coniectis, & post tertium mensem transfusis. Prodest torminibus, conuulsis, ruptis, lateris doloribus, flatuum discursationibus ac difficilibus concoctionibus.

De vino Bunite. CAP. LVI.

E Bunio fit vinum nomine Bunites, binis drachmis Bunij tusi in musti quaternas heminas missis, & cæteris eodem modo factis. Confert stomachicis & armorum certaminis equitandiue lassitudine oppressis.

De vino Dictamnite. CAP. LVII.

Dictamnitis conficiendi ratio hæc est: Dictamni quaternas drachmas in octonis musti heminis similiter macerato. Facit aduersus stomachi fastidia, & purgamenta à partu mensesque ciet.

De vino Prasite. CAP. LVIII.

Ad vinum è Marrubio conficiendum, foliorum marrubij adulti tusorum, chœnices duas in musti metretam demittito, ceteraque consimiliter facito. Conuenit hoc vinum pectoris vitiis, atque omnibus, quibus & ipsum marrubium.

De vino Thymite. CAP. LIX.

Thymites sic fit: Thymi tusi & cribrati drach-

drachmas centum linteo illigatas musti amphoræ indito. Valet contra difficiles coctiones, cibi fastidia, graues ructus, neruorum & præcordiorum dolores, frigoris hyemalis horrores: itémque aduersus animalia virus eiaculancia, quæ quidem ictu suo locum refrigerant & putrefaciunt.

De vino Thymbrite. CAP. LX.

Simili modo è Thymbra vinum fit: quod eadem quæ Thymites præstat.

De vino Origanite. CAP. LXI.

Sic & Origanites ex origano Heracleotico conficitur, haud secus atque Thymites, & ad eadem quoque est efficax.

De vini è Calamintha, Pulegio & Abrotono.

CAP. LXII.

E Calamintha, Pulegio & Abrotono vina fiunt, eodem quo Thymites modo. Profunt stomachicis & cibum auersantibus: ac valent etiamnum ad morbum regium, propterea quòd vrinas cient.

De vino Conyzite. CAP. LXIII.

Similiter & è Conyza vinum fit: quod contra venenata præ cæteris est efficax.

De vino Aromatite. CAP. LXIIII.

Vinum Aromatites ita componitur: Palmæ, aspalathi, calami, nardi Celtici, singulorum vncias singulas postquam contriueris, passo subigito: indèq; factas grandiores offas

M m iiij.

in musti austeri sextarios duodecim deiicito, & operculato vase quadraginta dies macerari finito: excolatum deinde vinum recondito. Est & altera eius parandi ratio: Calami drach. viij. phu drach. vij. costi drach. ij. nardi Syriaci drach. vj. cassie drach. viij. croci drach. iiij. amomi drach. v. asari drach. iiij. Hæc, inquam, omnia simul trita & linteo colligata in musti metretam demergito: & postquam vinum deferbuerit, transfundito. Facit ad pectoris, lateris & pulmonis dolores: difficili urinæ, rigoribus, retardatis mensibus, atque iis qui per gelidæ hyemis rigorem iter faciunt, potu auxiliatur. Conuenit & iis qui humores crassos gignūt: colorē quoque meliorem hilariorēq; facit, & somnum conciliat, doloresque leuat, vesicæ ac renum vitiis vtile.

De vino ex Myrrha, pipere & iride.

CAP. LXV.

Fit & vinum ad destillationes, tussim, cruditates, inflationes & stomachi superfluos humores. Myrrhæ drach. ij. piperis albi drach. j. iridis drach. vj. anisi drach. iiij. Ista penitus contusa & linteolo illigata in sex vini sextarios conii cito: vinum post triduum excolato, & in lagena recondito. Ab inambulatione meraculum cyathi vnus mensura propinatur.

De

De vino Nectarite. CAP. LXVI.

Nectarites paratur ex helenio, quod alij Medicam, alij symphytum, aliqui verbascum Idæum, alij orestion, alij denique nectarion appellant. Radicis helenij siccae vncias v. linteolo colligatas in musti sex congios addito, & post tertium mensem diffundito. Facit ad stomachi & pectoris vitia, ac vrinas quoque pellit.

De vino è Nardo Syriaco, Celtico & Malabathro. CAP. LXVII.

E Syriaca nardo & Celtica, malabathroq; vinū factitatur in hunc modū: Singulorum minæ semissem in binos musti congios mitto, & post bimestre colato: cyathum vnum cū tribus aquæ exhibeto. Bene facit hoc vinum nephriticis, ictericis, hepaticis, vrinæ difficultate laborantibus, decoloratis & stomachicis. Sunt qui acori vnciam vnam aut alteram, & Celticæ nardi vncias iij. in musti amphoram adiiciunt.

De vino Asarite. CAP. LXVIII.

Asariten sic conficito: Asari vncias iij. in musti heminas duodecim itidem adiicito. Id vini genus vrinam ciet, atque hydropicis, regio morbo laborantibus, hepaticis ischiadicisque conuenit.

De vino è syluestri Nardo. CAP. LXIX.

E syluestri Nardo sic fit: Radicis syluestris

nardi recentis ac tritæ cribratæque vncias viij. in musti congiū similiter addito, & duos menses inesse patitor. Utile hepaticis, vrinæ difficultate laborantibus, inflatis atque stomachicis.

De vino Daucite.

CAP. LXX.

Daucites sic: Radicis Dauci planè contusæ vncias vj. musti amphoræ similiter indito, atque transfundito. Facit ad pectoris, præcordiorum ac vuluæ dolores: menses pellit, rictus cit & vrinas: prodest denique tussi, conuulsis atque ruptis.

De vino è Saluia.

CAP. LXXI.

Vinum è Saluia similiter conficito: Saluiæ vncias viij. in musti amphoram, quæ eadem cum ceramio est, simili modo mittito. Valet contra renum, vesicæ & laterum dolores, sanguinis excreationes, tussim, rupta, vulla, contusa & menses suppressos.

De vino Panacite.

CAP. LXXII.

Panacis vnciam j. in musti congiū vnum demittito, ac similiter elutriato. Prodest vulsis, ruptis, contusis & orthopnœæ: lienis crassitiem extenuat: est & efficax contra tormina, coxendicum dolores & tardas concoctiones: menses & partus extrahit: hydropi & venenatorum morfibz auxiliatur.

De vino Acorite.

CAP. LXXIII.

Vina ex acoro & è dulci radice, consimili modo

modo fiunt. Oportet enim singulorum vncias octonas in senis vini congiis tribus mē-
sibus macerare, mōxque vinum in vasa trāf-
ferre. Faciunt ad lateris pectorisq̃ vitia, &
vrinas mouent.

De vino Selinite. CAP. LXXIII.

Seminis apij maturi, recentis & cribrati
vncias nouem linteolo colligatas in multi
amphoram similiter demittito. Cibi appē-
tentiam facit, atque stomachicis & vrinę dif-
ficultate laborantibus auxiliatur: halitum
quoque commendat.

De vino Marathrite & Anethino.

CAP. LXXV.

Ex Fœniculo, Anetho & Petroselino vina
eodem modo concinnantur, ad eadem effi-
cacia.

De vino e Salis flore. CAP. LXXVI.

Paratur & e Salis flore vinum ad purgan-
dum efficacius, quā quod aqua marina tē-
peratur. Verū fauces, renes, vesicam & sto-
machum infestat. Quare neque in secunda,
neque in aduersa valetudine vtile censetur.

De vino Phthorio, seu Abortino.

CAP. LXXVII.

Fit & vinum quod partus enecat, abortū-
ve facit: Scilicet dum serūtur vites, veratrum
aut cucumis syluester, aut scammonium ea-
rum radicibus adiungitur circumponiturve.

Ita siquidem vix illorum vires sibi asciscunt ac in sese trahunt, proindeque vinum ex iis depromptum abortiuum euadit. Datur vero ieiunis mulieribus que ante vomuerint, aqua anistum cyathorum octo mensura.

De vino Thymelæte. CAP. LXXVIII.

Ramorum Thymelææ cum suis foliis & fructu drachmas triginta in tres musti congios mittito, & leui igne coquito, donec congiij duo supersint: deindeque excolatū vinum recondito. Aquosa purgat excrementa, & lienem absunit.

De vino Chamelæte.

CAP. LXXIX.

Chamelææ fruticem dum floret cum foliis tusum cribratūque duodecim drachmarum pondere in musti congiū addito, ac post duos menses vinum transfundito. Hydropicis, hepaticis atque delassatis auxiliatur, itēque fœminis quæ à partu ægrè purgantur.

De vino Chamæpityino. CAP. LXXX.

Chamæpityinum simili modo concinnatur, & ad eadem conuenit, vrinæ ciendæ vi præditum.

De Mandragorite. CAP. LXXXI.

Vinum è Mandragora ita conficito: Corticem radicis mandragoræ concidito: segmentorum minæ semissem lino traicito, &
in musti

In musti metretam demittito, inibique esse finito ad menses tres, tandemque diffundito. Media potio, hemina dimidium: bibitur verò passo in duplum addito. Aiunt porrò ipsius heminam vni congio mistam potu somnum & soporem inducere. Vnicus verò cyathus cum sextario vini potus, enecat. At moderatus ipsius vsus, doloris sensum auferit, atq; fluxiones incraslat. Cæterum & olfactu & infusione idem præstat.

De Elleborite. CAP. LXXXII.

In congium musti aqua marina diluti, veratri nigri triti drachmas xij. linteo mundo inditas conicito, atque vbi efferbuerit, transfundito: aut in congium musti, quod sit maris expers, veratri drachmas xiiij. aut xv. penitus contusas mittito: post aliquot dies vinum excolato, & vtitor. Ad alium solvendam cyathum vnum ex aqua propinato à balneo. iis qui à cœna vomuerint. Alia ratio: Veratri drach. xx. iunci odorati uncias xij. spicæ Syriacæ uncias xiiij. cribratas & linteo colligatas in vini Coi heminas duodecim diebus quadraginta macerandas indito: postmodum colato, & in potu sesquiheminam dato. Aliter: Decoctæ aquæ marinæ ex alto petiæ sextarios xij. veratri albi libras vj. in musti amphora diebas xl. macerato: atque vbi excolaueris, vtitor. Alia ratio: Veratri

drach. xij. aphronitri drachmas iiij. in musti heminis duodecim macerato xv. diebus: post colato, & exacto semestri vritor. Id vini genus etiam foetus abigit & abortum infert. Aliter: Sumito musti ex vuis in Sole siccatis metretam (capit autem metreta congios octo) & in illud vinum gypsi drach. xx. mitto, atque biduo residere finito: tum indito veratri nigri nodulo illigati uncias xxx. iunci odorati uncias xxx. & calami tantundem, baccarum iuniperi chœnicis semissem & quartam illius partem, myrrhae & croci ana unciam j. Ex his inquam omnibus fasciculum linteolo inuolutum diebus quadraginta suspendito. Postea excolato, & binos ternosve cyathos dilutos exhibeto. Purgat à partu & abortu foeminas: foetus quoque extrahit, estque contra vulvae strangulatus efficax.

De Scammonite. CAP. LXXXIII.

Scammonites sic fit: Radicis scammoniae per messes effossae tritae & linteo illigatae drach. xv. in musti congium vnum mitto ad dies triginta. Purgat aluum, ac bilem & pituitam detrahit.

De Metallicis omnibus, & primum de Cadmia.

CAP. LXXXIIII.

EX CADMIAE generibus optima est Cypria, quae botryitis, (hoc est, racemosa) cognos-

Cognominatur, densa, modicè ponderosa & in leuitatem magis declinās, extrema sui parte racemosa, colore cinereo, quæque confracta intus cineracea & eruginosa conspicitur. Proxima huic habetur, quæ extra quidem penè cærulea est, intus verò candidior, intercurrentibus lineis seu maculis onychitæ lapidi similibus: tales enim sunt quæ è fodinis veteribus eruuntur. Est & quæ placitis, quasi crustosa, dicitur, lineis intercurrentibus ceu zonis quibusdā cincta: quapropter eam etiam zonitim appellauere. Est & alia quæ ostracitis (quasi testacea) nominatur, gracilis & magna ex parte nigra, terrea aut testacea superficie: sed candida improbatur. Oculorum autem medicamentis botryitis nomine & onychitis vtilis: reliquæ emplastris & medicaminibus quæ arida insperguntur ad trahendas cicatrices. Et ad ista quidem prodest Cypria: nam quæ ex Macedonia, Thracia & Hispania defertur, inutilis censetur. Cadinia effectus, astringere, caua explere ac sordes purgare. Sed & cutis spiracula obducit, siccatur, crustas inducit, excreſcentia in carne cohibet, atque vlcera, quæ cacoëthe vocantur, ad cicatricem perducit. Gignitur porro & Cadinia quædam è fuligine, quæ dum excoquitur es (egesta flammis statūq;) laſerib⁹ camerisq; fornacū applicatur. Sūt verò hæ præ-

grandes ac ferreæ à metallicis acēstides appellatæ, per summa fastigia concameratæ, ut quæ ab ære sursum feruntur corpuscula ibi detineantur & inhærescant; hæc cum spissius adhærescunt, in vnum corpus coalescunt, atque vnum modò cadmiæ genus, modò duo, modò omnia efficiuntur. Conficitur & Cadmia, cremato lapide cui Pyritæ cognomen est, è monte qui Solis incumbit eruto. In eodem verò monte reperiuntur quædam quasi venæ chalciteos, misyos, foreos, melanteriæ, cærulei, chrysocollæ, atramenti sutorij, atque etiam diphrygis. Nec desunt qui cadmiam in lapidū fodinis inueniri tradant, decepti non parua lapidū quorundam cum cadmia similitudine, qualis inuenitur & apud Cumas lapis nullam sui vim ostendēs. Atqui hi eoprehenduntur, quòd sunt cadmia leuiiores, itēque cōmanducati gustum ac ipsos etiam dentes offendunt: at cadmia, quippe quæ dentibus cedat, sine offensa mādī potest. Alio insuper discerni possunt argumento: Cadmia siquidem in farinam detrita & aceto subacta atque in sole siccata coit, quod lapidi non accidit. Adhæc tritus lapis igni impositus dissilit, & fumum ab ignis ipsius fumo haudquaquam diuersum emittit. Cadmia verò quieta manet, fuliginēque reddit ad lutum vergentem, æreōque

que colore splendentem, ceu zonam quandā
 variam. Insuper lapis ignem expertus deinde
 refrigeratus colorem mutabit, ac le-
 uior quoque fiet: sed cadmia nullatenus eua-
 riat, nisi quis eam multis horis cremauerit.
 Fit & in argenti fornacibus candidior & mi-
 nus pōderosa, sed viribus impar. Vritur por-
 rō antedicta cadmia carbonibus obruta, do-
 nec translucida euadat & ferri scorix modo
 bullet: dein extinguatur vino Aminæo: sed
 quæ ad psorarum medicamēta præparatur,
 aceto. Nonnulli verò hoc modo exustā vino
 subigunt, rursūque in olla cruda torrent,
 donec pumicosa videatur, iterūque tritam
 ex vino tertio vrunt, vsquedū prorsus in ci-
 nerem redigatur, nihil scabritix retinens: at-
 que hac spodij vice vtuntur. Lauatur autem
 trita in mortario, aqua subinde effusa, dum
 nihil sordidi supernatet: tūque in pastil-
 los coacta reponitur.

De Pompholyge. CAP. LXXXV.

POMPHOLYX à spodo specie sola distat,
 non item genere. Siquidem spodos quo-
 dammodo nigricat & plerunque pondero-
 sior est, scintillarum, pilorum ac terræ plena,
 quasi purgamentum quoddā quod ab ara-
 riarum officinarū pauimentis atque forna-
 cibus euerritur atque deraditur. Pompholyx
 verò, pinguis est & candida, insuperque le-
 N. j.

uissima, ut in aërem euolare possit. Et huius quidem duo sunt genera: vnum ad aëris colorem vergēs & subpingue: alterū perquā candidum, summāque leuitatem nactum. Fit verò candida pompholyx, cū in liquādo perficiendūque ære fabri detritā cadmiā cumulatiū inaspererint, eo scilicet consilio ut illam reddant meliorem. Etenim quæ ab hac effertur fauilla, candidissima est atque in pompholygem coit. Neque verò solūm fatitur pompholyx ex æris materia, intereā dum illud coquitur atque perficitur, sed & e cadmia follibus proflata consultō ut illa gignatur. Eius autem faciundæ ratio hæc est: In domo gemina contignatione operta extruitur camin⁹, & in eo tabulatū versus mediocris fenestra, quæ supernè pateat. Adiculæ verò paries camino proximæ angusto foramine ad ipsam fornacem vsque perforatur, fistulæ follis excipiendæ gratia. Habet & ostium mediocre pro ingressu egressūque ab artifice fabricatum. Huic adiculæ altera præterea contigua est, in qua & folles & is cui susflandi cura demandatur suo munere funguntur. Quod superest carbones inditi fornaci succenduntur: ac deinde qui astar artifex cadmiā minutim contritam inaspergit à locis supra fornacis verticem extractis. Idem negotium obit minister artificis,

eis, simul & carbones identidem ingerit, usque dum quicquid cadmiæ inditum est absumptum fuerit. Porro dum ipsa vritur, egesta flammis flatibusque pars tenuis ac levis in superius cœnaculum effertur, atque ipsius parietibus tectoque adhærescit. Inde verò conflatum corpus, inter initia quidem bullarum in aqua surgentium similitudinem refert: at postea incremento subinde accedente, lanarum carptarum flocculos imitatur. Quod autem ponderosius est, in ima loca concedit, & partim quidem fornaci, partim etiã domus pavimento circumfunditur. Et hoc quidem tenuiore deterius existimandũ est, idè quòd, dum colligitur, terræ spurcitiaque non parũ asciscat. Sunt qui hoc tantum modo antè memoratam spodon fieri arbitrantur. Optima autem cēsetur Pompholyx Cypria, quæ aceto subacta odorem eris præstat, & colore æruginè quodammodo refert, insuperque gustu cœnum sapit: atque si fraudẽ non experta ignito carboni imponatur, inferuescit, aëreum contrahens colorẽ. Cæterum antedictis notis diligẽter attēdēdũ est. Siquidẽ à nonnullis taurino glutine, aut pulmonib. agninis vel etiã marinis, aut crematis grossis & quibusdã aliis cōsimilibus adulterat: id quod tamẽ facile est deprehẽdere. Quippe in his explorãdis nihil eorũ cōperietur,

N n. ij.

quæ antedicta sunt. Porro Pompholygem in vniversum ita lauari oportet: Linteolo mundo modicæque raro illigatam seu aridam seu aqua subactam in peluim demittito, quæ pluuiam aquam contineat: linteolum cui illigatur aquæ immergito, ipsum huc atque illuc peragitans. Sic enim illius pars limosa & utilis præterfluet: omne verò crassamen intra linteolum retinebitur. Posteaquàm verò residere fueris, aquam cinere excolato: ac vbi aliam rursum affuderis, agitato & effundito, totiesque aquam permutato, cæteraque similiter facito, dum nihil arenosi subsidat: demùm aquam exprimito, & ficcatum cinerem reponito. Sunt qui postquàm pompholygem, quantum maximè licuit, exiccarunt, eam manibus in aqua conterunt, donec mellis crassitudinē habeat: deinde linteo faucibus excepturi vasis obtento, aut etiā laxiùs deligato colant, & quò faciliùs transmittatur, infusa linteo largiore aqua cinerem conturbant: mox spumofum, quod traiectum est & vasi supernatat, concha excipiunt, atque fictili nouo ad vsus recondunt. Quod verò resedit sensim cribratū in aliud vas transfundunt, relicto arenoso quod pessum ierat. Rursum lapidosa sidere patiuntur, & in vas aliud mundū excolant: atque hoc identidē faciunt, donec cinis purus & arenæ expers euaserit.

Alij

Alij pompholygem totam & omnibus sui partibus constantem aquæ paulatim inspergunt, arbitrati fore ut antedictæ arenæ lapillique insita gravitate vasis fundū petant, pili autem & paleæ cæteraque eiusmodi sua levitate in sublime tollantur. Tandem ubi cinerem medium seposuerunt & in pilam cōiecerunt, eum veluti cadmiam eluunt. Lavatur & vino Chio aqua marina diluto, iuxta modos quos suprà commemorauimus: & ita redditur astringentior, quàm dum aqua eluitur. Vis Pompholygis astringere, refrigerare, explere, purgare, spiracula cutis obducere, & quadantenus exiccare. Quòd si spodium torrere opus fuerit, diligenter tritum & aqua irrigatum cogito in pastillos, fictilique nouo subiectis leuibus prunis orbiculos assiduè versato, dum assiccati saluescant. Cæterum minimè ignorandum ex auro quoque & argento, insuperq; plumbo fieri spodium: verum post cupreum, plumbeum maximè commendatur.

De Antispodis, hoc est, Spodi succedaneis.

CAP. LXXXVI.

QVANDO QUIDEM, deficiente sæpè numero Spodio, Antispoda quæ in illius locum sufficiuntur, non mediocrem præbent usum, necesse fuerit ostendere, quænam ea sint quæ similiter pollēt, & quo modo usur-

N. n. iii.

pari debeant. Folia itaque myrti sumito cū floribus & baccis adhuc immaturis, eāque in ollam crudam conijcito, & oblito operculo crebris pertuso foraminibus, in adito figlinæ fornaci. Cūque figlinum percoctum fuerit, in aliud fictile crudum illa transferto: & hoc altero rursus peraffato, exempta lauato, & yttor. In eundem vsū similiter etiā præparare licet cauliculos sylvestris oliuæ cum suis floribus, siquidem habeantur: sin minùs, satiuæ: atque horum penuria, mala quoque cydonia concisa nucleis exemptis, aut gallā, aut panniculos lineos, aut mora immatura, id est, candida in sole priùs arefacta, aut lentiscum, aut terebinthum, aut ænanthen, vel tenera rubi folia, vel buxi comam, vel pseudocyperum appellatam cum flore. Aliqui ficulneos ramulos in sole antea siccatos eodē modo præparant: alij taurinum glutē: alij succidas lanas asperas, pice aut melle imbutas. Cæterum antedicta isthæc omnia in spodij vicem vsurpantur.

De Aere vsto. CAP. LXXXVII.

AEs vstum probatur rubrum, & quod dū teritur colore cinnabarim imitatur: nigrum, plus quàm deceat exustum est. Fit autem ē clavis dissolutarum nauium in fictili crudo compositis, substrato sulphure cum
salis

alis pari pondere, & iisdem his vicissim in-
sparsis. Olla operculata etiam circumlito
creta figulari spiramento inditur fornaci,
donec figlinum planè percoquatur. Alij pro
sulphure & sale, alumen inspergunt. Quidam
sine sulphure & sale compositos in olla cla-
uos ad multos dies vrunt. Alij solo sulphure
vtuntur: clauī tamen sic vsti, fuligine infi-
ciuntur. Alij oblitos scissili alumine claudos,
additis sulphure & aceto, fictili crudo cre-
mant. Alij denique in ænea olla aceto asper-
sos vrunt, deindeque iterum ad tertio idem
faciunt, posteaque recondunt. Principem lo-
cum obtinet, quod in Memphide combustū
est: proximum, quod in Cyprio. Vis ipsius a-
stringere, exiccare, extenuare, reprimere, at-
trahere, repurgare, vlcera ad cicatricem per-
ducere, oculorum vitia exterere, excrescen-
tia in carne absumere, & nomas cohibere.
Facit & vomitiones ex hydromelite potum,
aut cum melle delinctum illitumve. Porro
lauatur vt Cadmia, mutata quater die aqua,
donec spumæ nihil prorsus innatare videat-
ur. Quin & æris scotia simili modo lota,
eandem quoque vim, sed imbecilliozem, ob-
tinet.

De Flore æris. CAP. LXXXVIII.

FLo s æris, quem nonnulli clauorum ve-
terum plegina, (quasi ramentū, in nomina-
N n. iiij.

runt, optimus cenſetur qui friabilis eſt, & dū teritur valdè ruſus, milio forma ſimilis, exiguus, ponderoſus, mediocriter ſplendens, quique inſuper delimitatam æris ſcobem minime recepit, qua quidem adulterari conſuevit: ſed eo fraus deprehēditur, quòd ſcobs illa dentibus appreſſa dilatatur. Fit autē ille, cūm æs fornacibus metallicis fuſum in receptacula delapſum fuerit per cola tubulorum ad ea pertinentium. Tūm enim ij qui repurgandis metallorū inquinamenti præfecti ſunt, aquam puriſſimam æri affundunt, eius refrigerandi gratia. Hac verò repentina denſatione concretionēque velut expuitur & emicat antedictus flos. Porro aſtringit iſ & excreſcentia cohibet: deterget ea quæ pupillis oculorum officiunt atque caliginem offundunt, ſed magnoperè mordet. Quaternū etiam obolorū pondere datus, craſſos humores extrahit: quin & abſumit narium carnoſa vitia, itēque ſedis: papularum eruptiones cum vino cohibet. Cæterū iſ qui candidus eſt, contra diuturnas aurium grauitates tritus, in eas per fiſtulam ſtatu impellitur: reprimat & vnam atque conſillas farina eius cum melle admota.

De Squama æris. CAP. LXXXIX.

SQUAMA Cypriarum officinarum clauis ſexcuſſa cōmēdatur, quæ craſſa eſt, & helitis,

tis, (quasi clauaris,) nominatur: at vitiosa cēsetur, quæ ex candido ære decutitur: quippe quæ tenuis & inualida sit. Hanc ideò dānamus: illam verò deligimus quæ crassa fuluāque est, & aceti respersu æruginem contrahit. Vim habet reprimendi, attenuandi, normas cohibendi, putrefaciendi & cicatrices obducendi. Pota verò ex aqua mulsa, aquas subducit. Aliqui cum farina subactā exhibēt in catapotio. Additur & ad oculorum medicamenta: siquidem & genarum scabritiā absumit, & fluxiones exiccat. Lauatur autē hoc modo: Sicca aris squamæ expurgatæ minā dimidiam cum aqua limpida in pilā coniicito, & manu diligēter misceto, donec squama subsederit: quæ superstant abiicito, & effusa priore aqua, pluuię cyathum vnū affundito: tūmq; diducta manu squamam, quasi destringenda sit, vehementer in mortario confricato. Cū verò cœperit lentorē quēdam remittere, paulatim aquam ad sex cyathos vsque superinfundito, validē interim terens: deinde manu squamā ad latus mortarij conuertito, ibique firmiter apprimito: & expressum humorem qui defluerit pyxide ex ere rubro facta excipito. Hoc enim est veluti flos squamæ, valens viribus, & ad oculorum medicamenta cū primis efficax: quod reliquum est, inutile ac imbecillum. Attamē

& quod relictum est similiter lauato, donec nullum prorsus lentorem ex se remittat, tandemque opertum linteolo ad biduum conquiescere finito: postmodum diffusa extante aqua, reliquum siccatum pyxide recondito. Sed & hoc nonnulli cadmia instar elotum reponunt.

De Squama stomomatis. CAP. XC.

SQUAMAE stomomatis eadem vis. Simili quoque modo lauatur atque reconditur: attamen ad aluum purgandam inefficacior.

De Aerugine rasili. CAP. XCI.

AERUGO rasilis his fit modis: In cadum aut aliud confimile vas acetum quam acerrimum infundito, atque illi superposito inuersum vas æneum, præsertim concaueratum: sin minus, planum. Sit verò id probè deterfum, nullumque habeat spiramentum. Decima deinde die sublato operculo, æruginem inhaerentem deradito. Aut: ipsam æris laminam in vase super acetum ita suspendito, vt ne ipsum attingat: & totidem post dies radito. Aut: massulam seu lamellam æris vnā pluresve vinaceis nō recentibus, sed iā acescētibus, cōdito, ac similiter inuertito. Quinetiā æruginē facere licet ex delinata æris icobe, necnon & è laminis quibus interiectæ auri bractæ malleo ducuntur,

cuntur, si quis eas aceto respergat & ter quaterve verſet, donec omni ex parte æruginem contraxerint. Tradunt & æruginis duo genera in Cyprijs gigni fodinis, vnum quidem quod ſupra lapides quosdam efflorefcit æris miſcellam ſortitos, alterum verò quod per Caniculæ æſtus è ſpecu quodam extillat: adduntque illud paucum & optimum eſſe, hoc quod è ſpelunca manat, copioſum quidẽ & boni coloris, at vitioſum, quod lapidofa plurima intermixta habeat. Adulteratur porrò ærugo tũ alijs multis ammixtis, tũ verò his maximè quæ ſequuntur: aliqui enim pumicem, quidam marmor, alij atramentũ ſutoriam illi admiſcent. Sed pumicẽ & marmor deprehendemus, ſi manus ſiniſtræ pollicem madefaciamus, & altero æruginis portunculam ipſi affricemus. Siquidẽ quicquid eſt æruginis diffundetur: pumicis autẽ marmoris que partes diſſolui diſſipari que minimè poterũt, ac demũ crebro affrictu humoris que permixtione inalbeſcẽt. Quin & dentiũ appreſſu vitium licet deprehendere: quoniã quæ ſincera eſt, lævis occurrit ac ſine aſperitate. Atramentum verò ſutoriũ, igne coarquitur. Nanq; ſi laminæ aut fictili æruginem ita adulteratam inſperſeris, & horum alterutrum feruenti cineri aut prunis impoſueris, mutato colore rubefcet quæ atramento

sutorio mixta fuerit: propterea quod id vstū
talem suapte natura sortitur colorem.

De Æruginē Scoleciæ. CAP. XCII.

Æruginis, quæ Scolecia dicitur, duo sunt
genera: quædam enim fossilis est, altera fa-
ctitia ad hunc modū: In mortarium Cyprij
eris, quod & pistillum ex eadē materia factū
habeat, aceti albi acrisque dimidiam hemi-
nam infundito, teritōque tantisper dum stri-
gmenti crassitudinem asciscat: deinde indito
aluminis rotundi drachmā vnā cum salis
fossilis translucidi, aut marini quān albissi-
mi solidique, aut certē nitri pari pondere: at-
que æstuosissimis diebus circa Canis ortū in
sole subigito, donec æruginis colorē & stri-
gmenti spissitudinem contrahat: tandēque
ubi in vermiculorum Rhodiæ similium
speciem cōgeris, recondito. Efficax autem
& valdē boni coloris redditur, si duæ partes
vrinæ veteris cum vna aceti adiiciantur, &
reliqua, vti dictum est, peragantur. Sunt qui
æruginem rasilem quæ in apparatu voto nō
responderit amixto gūmi digerant in pa-
stillos, & ita vendunt: sed genus id ceu vitio-
sum repudiandum est. Fit & ab aurificibus
erugo quædam, qua aurum ferruminant, du-
cta scilicet vrina pueri impuberis in mor-
tario cupreo pistilli ope ex eadem materia
cōfecti. Porro antedicta prorsus omnia eru-
ginum

ginum genera vſto ari respondent, ſed magis effectu valent. Sciendum verò inter ipſa Scoleciam foſſilem principatum tenere: proximum locum dari raſili: poſtremum, factitiæ. Mordaciſſima tamen hæc eſt, atque magis aſtringit: at aurificū ærugo, raſili reſpondet. Itaque æruginis genera omnia aſtringunt, excalfaciunt, oculorum cicatrices extenuant & attenuant, lacrymas cient, nomas ſiſtunt: vulnera ab inflammatione tuentur: vlcera ex oleo ceræque ad cicatricem perducunt: callos & ſordida vlcera purgant, cum melle cocta: ammoniaco excepta & collyrij modo in fiſtulas adacta, earum callos abſumunt. Sunt & ad gingivarum excreſcentias & extuberationem vtilia. Magnoperè quoque extenuant genarum craſſitiem, cum melle inuncta: verum poſt inunctionem ſpongia ex aqua calida locus fouendus eſt. Eadem ſubacta cū reſina terebinthina, addito chalcantho aut nitro, lepras tollunt. Cæterum æruginem quancunque velis vri oportet in hunc modum: Ipſam minutiffimè friatam ſictili patellæ ſubiectis flagrantibus prunis imponito, verſatòque donec ſeſe mutet, & colorem cinereū quodāmodo referat: poſtea refrigeratam reponito ad vſum. Sunt qui cruda olla eā vrant, vti dictū eſt: ſed nō prorsus eundē vndique colorem cremata reddit.

De Ferrugine, seu ferri rubigine.

CAP. XCIII.

RUBIGO ferri restringit, fluorem muliebrem subdita sistit, potuque conceptionem impedit. Illita ex aceto, erysipelatis & papularum eruptionibus medetur. Perquam utilis ad digitorum paronychias, pterygia, genarum scabritias & condylomata. Gingivas eadem firmat, & podagricis inunctione prodest, & alopecias explet. Vinum aquave in qua candens ferrum restinctum fuerit, potu coeliacis, dysentericis, lienosis, cholera laborantibus & stomacho dissolutis auxiliatur.

De Recremento, siue scoria ferri.

CAP. XCIIII.

SCORIA ferri eadem potest, quæ rubigo, sed efficacia minore. Contra aconiti venenum ex aceto mulso pota opitulatur.

De Plumbi lotura. CAP. XCV.

COMPARATUR & plumbum elotum hunc in modum: In mortarium plumbum ubi aqua inieceris, pistillo plumbum terito, usque dum aqua nigrescat & limi modo crassescat. Linteolo deinde colato, aqua insuper affundens, quò facilius quicquid resolutum est trajici incernive possit. Hoc ipsum iterum atque iterum facito, usque dum sat esse tibi videatur. Post ubi lotum plumbum cõsederit, priore

• priore aqua effusa nouam affundens, vt cad-
 • miam lauto, dum nihil ampliùs nigritiæ
 supernatet: tãdem coactos inde pastillos re-
 ponito. Quidam puri plumbi limatam sco-
 bem mortario pistillòque lapideis, aut ma-
 nibus ex aqua terunt, ministro sensim aquã
 affundente, quæ hoc modo liorẽ contrahit.
 Hac vbi subsederit effusa, pastillos illicò
 fingunt. Nam quod diutiùs conteritur, ce-
 russæ simile redditur. Alij eliminatæ scobi
 plumbaginis pauxillum adiiciunt, asseren-
 tes elotum ita plumbum præstantius eua-
 dere. Potest refrigerare, astringere, spira-
 cula cutis obducere, mollire, caua explere,
 sistere oculorum fluxiones & vlcera ex-
 crescentia. Sanguinem quoque supprimit,
 ac prodest contra sedis vlcera, condyloma-
 ta, & hæmorrhoidas, ex rosaceo: item ad ea
 quæ ægrè cicatricem ducunt. Denique spo-
 dij effectus præbet, nisi quòd crustas haud-
 quaquam inducit. Cæterùm sincerum plū-
 bum affricu, marini scorpionis draconisque
 ietibus auxiliatur.

De Plumbo vsto. CAP. xcvi.

VRITVR plūbū sic: Sumito plūbi lami-
 nas quàm minutissimas, & noue patinæ
 imponito, ac sulphur inspergito: rursumque
 laminas alias addito, ac sulphur itidẽ insper-
 gito: atq; ita vicissim tū laminas tū sulphur

in sternito, donec vas expleueris, deindeque succendito. Flagrans autem plumbum ferrea rude versato, usque dum perfectè redigatur in cinerem, nihilque supersit quod plumbum referat: tùm demùm obstructis naribus eximito, quoniam halitus plumbi noxius est. Aut lima quæ sitam plumbi scobem cum sulphure indito patellæ, atque sic vrito. Alij laminas crudo fictili, vti dictum est, inditas imponunt fornaci aut foco, & circumlito operculo datoque exili spiramento, vrunt. Non desunt qui pro sulphure cerussam aut hordeum intersternant. Alij postquam sinceram laminam imposuerunt, acri igne vtuntur, & rudicula ferrea vehementer agitant, dum in cinerem soluantur. Sed difficilis huiusmodi vstio: & si amplius vrantur, spumæ argenti colorem contrahunt. Magis tamen nobis placet prima vrendi ratio. Debet verò plumbum vstum lauari sicut cadmia, atque ita reponi. Caterum vim habet eandem quam plumbum elotum, sed efficacior.

De Scoria plumbi. CAP. XCVII.

RECREMENTUM plumbi, scoriam vocat, optimum est quod cerussam repræsentat, dæsum, fractu contumax, nihil plumbosum habens, quodque ad luteum colorem accedit & vitrum imitatur. Eadem quæ plumbum exustum potest, sed magis astringit. La-
uatur

atur in mortario affusa aqua, & refusa sum-
ma aquæ parte quæ luteum colorem traxerit.
Iteratur id sæpius, dum recrementum ab-
sumptum fuerit. Tandem ubi subsederit, ef-
fusa aqua diuiditur in pastillos.

De Lapide plumbario.

CAP. XCVIII.

LAPIS molybdoides à plumbi similitudi-
ne dictus, vim habet recremento hæud
abfimilem: ac eodem quoque modo lauatur.

De Stibio.

CAP. XCIX.

STIMMI, optimum quod est splendidissi-
mum & radians, dum frāgitur crustosum,
quodque nihil terreni aut sordidi habet, est
que friabile. Hoc nonnulli stibi, aliqui pla-
tyophthalmon, alij larbason appellarunt. Vis
eius spiracula cutis obducere, astringere, re-
frigerare, excrescentia in carne cohibere, vl-
cera ad cicatricem perducere, sordes & vlce-
ra oculorum expurgare. Sistit & sanguinem
è cerebri membrana profluentem: & ut in v-
niuersum dicatur, vis vito plumbo similis
est. Priuatim ambusta igni in crustulas e-
rumpere non patitur, cum adipe recenti illi-
tum: quæ verò crustam contraxere, ad cica-
tricem perducit, additis cera & exigua ce-
russa. Torretur autem farina subacta circum-
litum & carbonibus obrutum, donec carbū-
culetur crusta: exemptumque restinguitur.

〇〇. j.

mulieris lacte quæ marem pepererit, aut veterere vino. Vritur verò prunis imposuim sufflatumque, quoad ignescat: si enim amplius vratur, plumbi instar eliquescit. Cæterum lauatur cadiniæ & æris modo: sunt tamen qui ceu plumbi recrementum eluant.

De Molybdæna seu plumbagine.

CAP. C.

PLVMBAGO probatissima est, spumæ argenti æmula, flaua, modicè splendens, ac dum teritur fulua, quæque cocta in oleo iocineris colorem trahit. Vitiosa, quæ aërium aut plumbeum colorem refert. Gignitur in auri argentiq; fornacibus. Est & fossilis quædam, quæ ad Sebastiam & Corycum reperitur: ac in eo genere probatur magis, quæ neque scorix speciem præ se fert, neque lapidosa est, sed flaua ac nitens. Vim habet spumæ argenti & scorix plumbi similem: sed & vritur lauaturq; simili modo. Additur tamen hæc aptius in emplastra lenia, quæ lipara vocant, & ea quæ non alligantur, idq; non inutiliter: quippe quæ carnem recreat & cicatricem obducit. At verò glutinantibus detergentibusque compositionibus haudquam conuenit.

De argenti Scoria.

CAP. CI.

RECREMENTVM argenti, quod helcysma seu encaumâ vocatur, eadem quam molyb-

molybdæna vim habet. Quamobrem emplastris fuscis & cicatricem inducentibus miscetur: utpote cum astringat, & spiracula cutis obducatur.

De Argenti spuma. CAP. CII.

SPUMA argenti quædã fit ex arena, quam smolybditin vocant, in fornacibus conflata, donec perfectè igni incandescat: altera ex argento: tertia ex plumbo. Probatissima est Attica: proxima Hispaniensis. Has sequitur quæ fit Puteolis Capaniæ, & in Sicilia. Plurima enim hisce locis è flagrantibus laminis plumbis gignitur. Quæ flauo colore splendet, chrysitis appellatur, omnium optima: quæ in Sicilia, argyritis: quæ ex argento, Calabritis. Vis autem astringere, mollire, explere caua, excrescentia in carne reprimere, cicatricem inducere, refrigerare, spiracula cutis obducere. Vres porro argenti spumam in hunc modum: Ipsam in frustra diuidito, quæ iuglandium magnitudinem æquent: hæc prunis imposito, & ita follibus accendito ut conflagret: tum absterfa quæ infidet spurcitia reponito. Aliqui ubi ter aceto aut vino restrinxere, rursus vrunt, & hoc facto recodunt. Abluitur ut cadmia. Cador verò datur ad hunc modum: Sumito de ea quæ argyritis nominatur, aut, si desideretur, de alia quapiam in partes fabarum magnitudine confecta, quantum capit Attica chœnix: ac ubi fi-

O o. ij.

tili nouo indideris, aquam superfundito,
adiectaque candidi tritici pari mensura, pri-
uatimque hordei pugillo intra linteolum
mundū & rarum de vasis auricula suspenso,
coquito donec rumpatur hordeum. Deinde
cū omnia in nouū craterē oris ampli trā-
fuderis, triticū quidem seorsum abiicito: spu-
mā verò argenti infusa aqua lauato, simūlq;
manibus vehementer confricato: demū e-
xemptam assiccātāq; in Thebaico morta-
rio terito, calidam affundens, donec ea peni-
tūs soluta fuerit. Excolata aqua, iterum tota
die terito, & vesperi infusa calida finito: po-
stero mane hanc vbi eliquaueris, aliam in-
fundito, atque ita ter die excolato. Idem se-
ptenis diebus repetito. Post id tempus addi-
tis ad singulas spumæ argenti minas quinis
salis fossilis vnciis, affusaque aqua calida, ter
die terito & ammixta aqua excolato. Cū
inalbuerit, calida infusa idem facito, dū nul-
lam prorsus salsuginem resipiat. Tandem ar-
dentissimo sole siccata ciecto prius hu-
more recondito. Sin aliter voles, argyritidis
spumæ minam vnā diligenter terito, dein-
deque, addito triplo sale fossiliterito, in ollam
nouam conicito, infusaque aqua ita vt su-
peremineat, moueto quotidie mane & vesp-
ri, aquam superinfundēs, priore nequaquam
effusa. Hoc idem facito tricenis diebus: nan-
que

que nisi moueatur, in testæ duritiem concre-
scit. Post hæc effusa leniter muria, argenti
spumam in Thebaico mortario terito, con-
iectamque in fictile infusa aqua manibus di-
ligenter agitato: aquam subinde mutato, do-
nec nullum falsuginis præbeat indicium.
Demum quod ex argenti spuma candidum
apparet in aliud vas transferto, & redactum
in pastillos plumbea pyxide condito. Alij
spumam argenti ad fabarum magnitudinem
contractam in ventre suillo crudo ex aqua
coquunt, dum viscus velut eliquescent dissol-
uatur, indeque exemptam & cum pari sale
tritam abluunt, vti suprâ dictum est. Sunt
qui salis libram vnâ & spumæ argenti tan-
tundem in sole ex aqua terant, hac subinde
mutata, dum candor ei concilietur. Alia ra-
tio: Sumito quantam vis argenti spumam, ac
vbi lana candida inuolueris, fictili nouo in-
dita aqua cum fabarum recentium repurga-
tarumque pugillo decoquito. Cumque fa-
bæ disruptæ dehiscant, lanæque denigrata
fuerit, exemptam argenti spumam & alterâ
lana obuolutam iterum coquito, cyathum
aquæ & parem fabarum modum adiiciens:
eadem tertio, quæ suprâ, facito, & in summa
vsquedum lanâ non ampliùs inficiatur. Tan-
dem transferens in mortarium, ad octoge-
nas spumæ argenti drachinas Atticas, su-
o. li.

gulas salis fossitij libras adiiçito, & terito. Ac interiecto aliquo temporis spatio nitri quàm albißimi cum aqua diluti drachmas xlvij. indito : atque iterum terito, donec argenti spuma candoris satis contraxisse videatur. Ita autem vbi fuderis eam ex alto in fictile oris ampli, affusa insuper largiore aqua, ac subsidere siueris, hâc quidem colato : nouam autem superadiiciens aquam, manibus probè versato, ac finito rursum vt confidat : demùmque per colum traicito. Alternis eadem proseguere, dum quæ effluit aqua valdè pura, dulcis & falsitudinis expers euaserit. Postremò, in fictile nouum translata, excolato sensim omni humore, Soli quadraginta diebus sub Caniculæ sydus exponito, & siccata vtitor. Cæterùm constat elotam conferre ad oculorum medicamenta, & ad cicatricum fœditates tollendas, itémque ad facies rugosas ac maculosas.

De Cerussa.

CAP. CIII.

CERVSSA fit hoc modo : Infuso in vrceû Coris lati, aut in fictilem urnâ aceto quàm acerrimo, massam plumbeam ad fictilis os, substrata priùs arundinea tegete, firmato : superiicitóque velamina, ne quâ interspiret acetum, donec illa resoluta fuerit, destillansque ceciderit : tunc excolato humore puro qui superstat, crassamentum in vas trans-

transfundito. Hoc deinde ficcandum in sole, moxque trusatili mola aliave ratione terendum cribrandumque. Postea quod superest duri solidive in tennes partes redigendum, itidemque cribrandum: vicissim eadem tertio quartoque facienda. Melior quæ prima cribro excreta est, & hæc quoque ad medicamenta oculorum assumenda. Secundum locum tenet sequens, ac deinceps reliquæ suo ordine. Nec desunt qui firmata circa medium vas matta scirpea, ita ut acetum penè contingat, laminam massamve plumbeam superimponunt, ac indito operperculo circumlitòque dimittunt. Post dies decem amoto operculo inspiciunt, ac siquidem resoluta materia fuerit, reliqua, uti supra diximus, exequantur. Quod si quis eam velit in pastillos digerere, aceto acri subigenda, moxque diuidenda in pastillos, qui siccentur in sole. Æstate tamen supradictum opus obeundum est: ita enim candida atque efficax redditur. Sed & hyeme paratur, vreis supra furnos, balnea aut fornaces impositis: qui enim sursum fertur calor, idē quod sol præstat. Porro laudatissima censenda quæ fit in Rhodo, Corinthi aut Lacedæmone: proxima, quæ Puteolis. Torretur autem hoc modo: Flagrantibus igni carbonibus fictile novum, maximèque Atticum, im-

O o. iiij.

ponito, eique tritam cerussam inspergito, & assidue versato: cumque cinereum colorem traxerit, exemptam refrigerato, atque ita utitor. Verere verò si libuerit, tritam concavae patinae indito, & prunis impositam ferulacea rudicula misceto, donec similis sandarachae fiat, extractaque utitor. Quae verò ita parata est, sandyx à quibusdam appellatur. Lavatur itidem cerussa cadmia modo. Vis ei refrigerare, spiracula cutis obducere, molli- re, explere & attenuare, insuperque excre- scētia leniter reprimere, & cicatricem induce- re: in eosque usus miscetur ceratis & empla- stris lenibus quae lipara vocantur, itemque pa- stillis. Sed ex eorum est genere, quae [sumpta] lethalem vim obtinent.

De Chrysocolle.

CAP. CIIII.

CHRYSOCOLLA laudatissima Armenia- ca, colorem porri late virentis quam si- millime reddens. Secundum locum sibi ven- dicat Macedonica, & proximum huic Cypria: quo in genere praefenda quae pura est. Dā- natur quae terram & calculos collegerit. Por- rò antedictae lavandae ratio haec est: Tusam iniice in mortarium, & affusa aqua ad pilam expassa manu vehementer affricato: mox v- bi confidere permiseris, excolato. Alteram infundens aquam, rursus terito: atque haec vicissim repetito, donec pura sinceraque spe-
ctetur

Etetur. Tandem siccato in sole, & ad vsus recondito. Quòd si vrere volueris, vrito in hunc modum: Vbi ex ea triueris quantum sat esse videbitur, patellæ supra carbones imposito, & alia facito quæ in vrendis antè memoratis metallicis recensita fuere. Vis chryfocollæ cicatrices exterere, excrecentes carnes coercere, itèinque repurgare, astringere, excalfacere, & cum aliquantula mordacitate leniter exedere. Est verò ex eorum genere quæ vomitiones concitant, & necem inferre possunt.

De Armenio. CAP. CV.

ARMEIVM præferendum quod est læue, colore cæruleo, perquam æquabile, calculorum expers atque friabile. Eadem quæ chryfocolla præstat: distat hoc vno, quòd est inefficacior. Sed & vsum habet ad pilos in palpebris augendos.

De Cyano siue cæruleo.

CAP. CVI.

CYANVS in Cypro quidem procreatur ex cærariis metallis: at copiosior ex arena littorali temperatur, quæ quidem secundùm quasdam speluncarum instar excauatas maris suffossiones inuenitur: & hîc quoque magis probatur. Eligi debet, qui valdè saturus est colore. Vritur porrò, vt chalcitis, & lauatur, vti cadmia. Vis reprimere & modicè

exedere, crustas gignere & exulcerare.

De Indico. CAP. CVII.

EX Indici generibus vnum sponte naturæ
prouenit, veluti spuma marisve eiection-
mentum, Indicis arundinibus adhærescens:
alterum dant infectorum officinæ, estque
purpureus quasi flos æreis innatans cortinis,
quem deraſum artifices siccant. Optimum
porro censendum quod cærulei speciem præ-
bet, atque etiam succosum est ac læue. Inter
medicamenta est quæ leuiter astringunt, &
inflammationes ac œdemata rumpunt. Ulce-
ra quoque purgat & reprimat.

De Ochra. CAP. CVIII.

OCHRAM eligere oportet leuiſſimam ac
penitus luteam, saturo colore, minime
lapideſam, friabilem & natione Atticam. V-
renda etiam & lauanda hæc est, cadmiæ mo-
do. Vis eius putrefaciendo exedere, inflam-
mationes & tubercula dissipare, excrescentia
in carne reprimere, caua cum cerato explere,
& callos articularumve tophos commi-
nuere.

De Cinnabari. CAP. CIX.

CINNABARIM falsò putant nonnulli cum
Geo quod minium appellatur vnum & i-
dem esse. Minium enim in Hispania ex la-
pide quodam argentariæ arenæ permisto
temperatur. Lapis is haud alioqui cogno-
scitur.

fitur: sed dum in fornace excoquitur, in floridissimum ardentissimūque colorem trāsit. Halitum verò in metallis strangulantes expirat: ideòque metallici faciem vesicis obuelant, vt per illas spectent, neque tamen vaporem noxium respirando trahant. Inde parato minio pictores ad sumptuosa parietum ornamenta vtuntur. Cinnabaris autem, de qua hīc agitur, ex Africa quidem inuehitur, at magno constat, & vsque adeò rara est, vix vt versicoloribus pictorum lineis satisfaciat. Est porrò altè & abundè colorata, & eam' ob causam quidam sanguinem esse draconis existimauerunt. Vim habet Cinnabaris eandem quam lapis hæmatites, ad oculorum medicamenta vtilem, imò etiam efficaciorē: magis enim astringit & sanguinem cohibet. Igni quoque ambustis & papularum eruptionibus cerato excepta medetur.

De Hydrargyro, seu argento viuo.

CAP. CX.

FIT Argentum viuū ē minio, quod & ipsum abusiue Cinnabaris dicitur. Imposita siquidem patinæ fictili concha ferrea Cinnabarim continente, calycem seu operculum adaptant, quod vndique luto superillinunt, deindēque carbonibus succendunt. Tū quæ calyci adhærescit fuligo, derafa refrigeratāque in argentum viuū coit.

Quinetiam inuenitur quod, dum conflatur argentum, in tectis guttatim concreuit. Sunt & qui argentum viuum per sese in metallis inueniri tradant. Asseruatur porrò in vitreis, plumbeis, stanneisve aut argenteis vasis: quandoquidem aliam omnem materiam ita exest, vt permanet atque præterfluat. Cæterum potum vim pernicialem habet: suo enim perdere interna perrodit. Remedio est, lac copiosum subinde potum & vomitionibus reiectum, aut vinum cum absinthio, aut apij decoctum: aut semen hormini, aut origanum vel hyssopum cum vino. [Auri limata scobs, id est, ramentum quam tenuissimum, epota mirabili est contra hydrargyrum auxilio.]

De rubrica Sinopica. CAP. CXI.

RUBRICA Sinopis maxime probatur desca, grauis, iocineris colorem referens, calculorum experta, concolor, quæque dum diluitur longè lateque diffundi solet. Effoditur in Cappadocia speluncis quibusdam, expurgatæque defertur in Sinopem urbem, in qua vænundatur: atque inde etiam cognomentum accepit. Vim habet exiccatoriam & emplasticam: quapropter vulnerariis emplastris commiscetur, vti etiam pastillis exiccantibus & adstrictoriis. Aluum quoque sistit, tum ex ouo sumpta, tum etiam clystere infusa.

Infusa. Datur & eadem hepaticis.

De Rubrica fabrili. CAP. CXII.

RUBRICA fabrilis ad omnia Sinopide inferior est. Optima Ægyptia & Carthaginensis, calculorum expers atque friabilis. Nascitur & in Iberia quæ ad occidentem spectat. Fit quoque, exusta ochra & degenerante in rubricam.

De Lemnia terra. CAP. CXIII.

LEMNIA terra defertur è cuniculoso quodam specu Lemni insulæ, in quo nascitur. Scilicet palustris inibi locus est, è quo eruitur & hircino sanguini permiscetur. Hanc dein incolæ coactam in pastillos capræ imagine signant: unde & sphragida ægos, hoc est, capræ sigillum appellauere. Vim antidoti habet contra perniciofa venena singularem. Siquidem pota cum vino & præsumpta, foras venena vomitione pellit. Prodest & contra ictus morsusque animalium, quæ exitiale virus eiaculantur. Antidotis quoque immiscetur. Sunt qui hac etiam ad expiationes vtantur. Est & eadem dysenteria utilis.

De Atramento sutorio.

CAP. CXIIII.

ATRAMENTVM sutorium genere quidem vnum & idem est, siquidem liquor est concretus: at speciales differetias tres habet. Enimvero vnum liquoribus stillatim in

cuniculos quosdam percolatis concrefcit: quamobrem ab iis qui Cypria metalla tractant stillatitium appellatur. Peteesius hoc ipsum pinarium vocat: alij stalacticon, id est, stillatitium. Alterum latenter stagnat in speluncis, poſteaſque transfuſum in excavatas ſcrobis, concrementum capeſſit: hoc iccirco peſton, id eſt, concretitium propriè nominatur. Tertium coctile dicitur, & in Hispania confici ſolet, ſed maximè decolor & bonitate deterrimum eſſe conſtat. Ratio parandi hæc eſt: Dilutum aqua decoquunt, mox in conceptacula transfuſum reſidere patiſuntur. Hoc ſtatis diebus cogitur, & in complures diuiditur teſſellatas formulas, quæ quidem racematim inter ſe cohæreſcunt. Optimum cenſetur, quod cæruleum eſt ac ponderoſum, denſum & tranſlucens: cuiusmodi ſtillatitium eſt, quod ab aliis lonchoton, (quaſi lanceatum) appellatur. Proximum, concretitium. Coctile verò inficendis denigrandiſque pannis aptius cæteris eſſe compertum eſt: ſed ad medicinæ uſum inualidius eſſe experimenta docent. Valet adſtringere, caſfacere & cruſtas inducere. Lata ventris animalia necat, drachmæ pondere deuoratum, aut cum melle delinctum: vomitus ciet: & aduerſus hauſta fungorum venena ex aqua potum auxiliatur. Purgat & caput
aqua

aqua dilutum, & in vellere naribus instillatum. Cæterum vritur, vti mox in chalcitidis mentione ostendemus.

De Chalciti.

CAP. CXV.

PRÆFERENDA Chalcitis æris speciem referens, friabilis, nec lapidosa, nec inueterata, intercurrentibus venis oblongis splendensque. Huic adstrictoria vis est, exalfaciens & crustas vlceribus obducens: repurgat quæ oculis & eorundem angulis hærent. Est & in genere leuiter exedentium. Quinetiam efficax est ad erysipelata & herpetas, itemque sanguinis è vulua & naribus eruptiones cum porri succo. Eius farina gingiuas excrecentes, nomas, tonsillâsque compescit: vsta eadem & cum melle trita, oculorum medicamentis longè utilior redditur. Callum quidem scabritiemque palpebrarum absomit abstergitque: fistulas verò collyrij modo indita insanat.

De Psorico.

CAP. CXVI.

Efficitur porro ex ipsa medicamentum, psoricum dictum, duabus eius partibus vnicadmia additis, & ex aceto tritis. Oportet autem in fictile coniici, quod fimo obruatur diebus quadraginta per Caniculæ ardores. Sic enim medicamentum acrius euadit, atque idè quod chalcitis potest. Sunt qui mixtas pares vtriusque portiones in vino terunt,

& eadem illa prosequuntur. Vritur Chalcitis fictili nouo indita, & ignitis carbonibus imposita. Sit verò modus vstionis metallicorum, quæ quidem humore multo abundauerint, dum bullulas edere desierint, ac perfectè inaruerint: reliquorum verò, dum in floridiorem colorem mutata fuerint. Cùm ergo chalcitis sanguineum ac miniatum colorem interius altiusve contraxerit, tùm demum igni eximenda est: mox incidente spurcitia flatu depulsa reponenda est. Torretur etiamnum perflatis carbonibus, vsquedum subluteo colore palleſcat, aut fictili subditis candentibus prunis subinde versata, donec ignescat coloremque mutet.

De Misy.

CAP. CXVII.

MISV assumendum natione Cyprium, auri speciem præ se ferens ac durum, quòdque dum friatur aureis micet scintillis, ac stellæ modo radiet splendescatve. Vstionem autem ac vim etiam habet cum chalcidite eandem, præterquàm quòd psoricum ex eo non cõficitur, intensiorisque ac remissioris facultatis ratione hoc ab illa differt. Ægyptiũ porrò ad cætera quidem præfertur, tanquam efficacius: sed ad ocularia medicamenta supradicto longè inferius est.

De

De Melanteria seu atramento metallico.

CAP. CXVIII.

MELANTERIA quædam in faucibus fodinarum, quibus æs erutum fuerit, saluginis modo concrevit: altera verò in summa facie supradictorum locorum coit, quæ quidem etiam terrena est. Sed & inuenitur in Cilicia & aliis quibusdam regionibus fossilis quædam. Præstat in Melanteriæ genere, quæ sulphurei est coloris, lævis, æquabilis, pura, & quæ contactu aquæ confestim nigrescit. Ceterum vim causticam eandem obtinet, quam & misy.

De Sory. CAP. CXIX.

SORY existimauere nonnulli esse melanteriam, sed falsò: siquidem peculiare genus est, illi tamen haud ita dissimile. Verum Sory virosum magis est, ac nauseam mouet. Inuenitur in Ægypto & aliis quibusdam regionibus, vt & in Africa, Hispania & Cypro. Maxime verò laudatur Ægyptium, quòdque frianti nigrius apparet, crebris foraminibus peruium & subpingue, insuperque astringens & haustu olfactuque virosū, atque adeò subuertēdi stomachi vim habēs. Quod autem inter friandum misyos modo non scintillat, & alterius generis esse, & inualidum censendum est. Vim & vitionem supradictis similem habet: dolori dentium

P p. j.

cauernis inditum medetur: eosdem labantes firmat: ischiadicis ex vino infusum auxiliatur: illitum cum aqua, varos extinguit. Miscetur & medicamentis quæ pilos denigrat. Hæc verò in communi & alia ferè omnia quæ vstionem experta non sunt, vstis potèntiora censerì debent: salem excipio, vini facem, nitrum, calcem & consimilia, quæ quidem cruda, remissiora sùnt. Cremata siquidem, viribus efficaciora redduntur.

De Diphryge. CAP. CXX.

TIPHRYGIS tria genera esse creduntur: vnum enim metallicum est, quod in Cypro sola nascitur. Ita enim vt lutolum est, ex imo quodam inibi gurgite eruitur: erutum deinde Sole siccatur: mox circumpositis cremiis vritur. Diphryges ideò vocatum est, quòd & à sole & à cremiis sarmentisve vratur, arefiat inquàm & quasi torreatur. Alterum, dum conficitur æs, illius quasi fax quædam subsidet: siquidem post frigidaë affusionem, vtì superius retulimus cùm de æris flore differeremus, sublato ære, fūdo fornacis inhærens id genus inuenitur, æris tum astrictione tum etiam sapore præditum. Tertium sic fit: Lapidem pyriten dictum qui ista tractant dies multos vtì calcem cremant in camino: ac vbi colorem rubricæ contraxerit, exemptum recondūt. Quidā verò asserūt hoc è

hoc è sola materia fieri, è qua lapis ærosus perficitur, quando in dictis areis affata indeque in scrobes translata peruritur. Nam & locum foueas ambientem occupat, & exemptis lapidibus nihilominus inuenitur. Præfertur quod saporè æris reddit, æuginè præ se ferens, astringens, & vehementer exiccans linguā: id quod sibi exusta ochra nō vëdicat, quæ tamen cremata diphrygis loco vænīt. Vis ei astringere, validè perpurgare, extergere, siccare, carnis excreſcentias cohibere, vlcera cacoëthe & quæ ſerpunt ad cicarricē perducere. Abſceſſus quoque terebinthina aut cerato exceptum diſcutit.

De Arsenico, seu auripigmento.

CAP. CXXI.

AURIPIGMENTVM in iisdem metallis, quibus ſandaracha, gignitur. Optimum exiſtimat' cruſtoſū, auri colore micās, quòdque cruſtas eas habet ferè ſemper ſibi inuicē ſquamatiſm incūbētes, inſupérq; impermixtū eſt & omnis alienæ materiæ expers. Tale eſt quod in Myſia Hellespōti naſcitur. Sunt autē illius duo genera: vnū quidē, quale antè cōmemoratū eſt: alterū, gleboſum & colore ſandarachæ ſimile, quod è Pōto & Cappadocia deſertur: & hoc quidē ſecundum locum tenet. Porro torretur auripigmentum hoc modo: Teſtæ nouæ inditum carbonibus.

P p. ij.

ignitis imposito, assidueque versato, donec igne flagret coloremque mutet: deinde refrigeratum tritumque recondito. Vim habet septicam, astrictoriam, & crustas inducentem cum feruore ac violento morfu: reprimat & quicquid excrescit, ac pilos detrahit.

De Sandaracha. CAP. CXXII.

SANDARACHA præfertur ad satietatem rufa, fragilis, friabilis, pura, & quæ cinnabaris colorem imitatur, insuperque sulphuris virus redolet. Vis & vstio eadem, quæ auripigmento. Sed & alopecias explet resina excepta, & scabros ungues cum pice remouet. Contra pedicularem morbum ex oleo efficax est: tubercula cum adipe discutit. Prodest etiam ad narium orisque vlcera & cæteras papularum eruptiones, cum rosaceo: itémq; ad condylomata. Datur & purulenta excreantibus, è mulso. Quin & aduersus veterem tussim cum resina suffitur, nidore per fistulam in os attracto. Vocem denique limpidam & canoram facit cum melle delincta, & suspiriosis cum resina in cataportio datur.

De Alumine. CAP. CXXIII.

OMNE propemodum aluminis genus in Ægypto & in iisdem metallis inuenitur: est enim quod scissile dicitur, veluti flos glebosi. Gignitur & in aliis quibusdam locis, in Melo, Macedonia, Liparis, Sardinia, Hierapoli

Hierapoli Phrygiæ, Africa, Armenia & compluribus aliis regionibus, sicut & rubrica. Sunt autem eius species plurimæ. Verum ad medendi vsum, scissile, rotundum & liquidum expetuntur. Optimum verò, scissile: & in hoc genere laudatissimum quod recens est, candidissimum, calculorum expers, graueolens & perquam astringens, insuperque nec glebæ modo nec assulose compactum, sed sigillatim quasi in capillamenta canescentia dehiscens: quale est quod Trichites, [hoc est, capillare] appellatur, in Ægypto proueniens. Reperitur quoque lapis huic alumini persimilis, qui tamen gustus iudicio internoscitur, quod non astringat. Damnatur in rotundi genere, quod manu attēve tale effectum est: sed ex figura deprehenditur. Assumendum autem quod sponte naturæ rotundum est, bullis turgens, candido propius, & valenter astringens, prætereaque nonnihil pallores cum quadam pinguitudine præ se ferens: ad hæc calculorum expers ac friabile, & natione Melium aut Ægyptium. Liquidum præfertur maxime pellucens, lacteum, planum & equabile, atque omni ex parte succosum, insuperque minime lapidosum, & quædam caloris igniculum expirans. Vim habet exalfaciendi, astringendi, & expurgandi quæ pupillis oculorum caliginem offundit, pal-

Pp. iij.

pebrarum quoque carnes aliasque excrescentias absumendi. Scissile porro efficacius rotundo censendum est. Vruntur verò torrenturque chalcitidis modo. Vlcerum putrescentia cōpescūt, & sanguinis eruptiones inhibēt, gingiuas humore nimio flaccidas cōprimunt, mobilēsque dentes cum aceto aut melle firman. Oris vlceribus, quas aphthas vocant, ammixto melle profunt: itēq; papulis & aurium fluxionibus, cum polygoni succo. Lepris conueniunt cum brassicæ foliis aut melle cocta: necnon & pruritu, vnguiū scabritijs, pterygiis & pernionibus, fotu ex aqua. Valent cum aceti facce & gallæ crematæ pari pondere ad phagedænas vlcerū, & ad nomas cū salis duplo. Furfures cum eruo & liquida picē illita exterunt. Ad lendes, pediculos & ambusta cum aqua inuncta auxilio sunt. Contra œdemata & graue alarum inguinūque virus illinūtur. Ex Melo autem aduectum, etiam mulieribus præstat ne cōcipiant, ante coitum ori vuluæ inditum: fœtus quoque pellit. Aluminum denique genera gingiuis excrescentibus, vuæ ac tōsillis accommodantur: itēque ori, auribus ac verendis cum melle illinuntur.

De Sulphure. CAP. CXXIII.

SULPHVR optimum existimatur, quod visum ignēve minimè expertum est, & splendido

Splendido colore nitet, translucens & calcu-
lorum expers. In genere autem sulphuris i-
gnem experti probatur, quod viret ac præ-
pingue spectatur. Plurimum in Melo & Li-
para gignitur. Priore loco commemoratum
sulphur calfacit, discutit & maturat celeri-
ter. Tussientibus, purulenta excreantibus &
suspiciosus prodest, tum in ovo sumptum,
tum etiam suffitum: præterea partus vsti ni-
dore extrahit. Lepras itémque lichenas &
scabros vngues aufert, cum terebinthi resi-
na. Ex aceto autem illitum, est quidem ad
lepras efficax, sed & vitilignes tollit. Scor-
pionum etiam ictibus addita resina mede-
tur. Cum aceto verò, draconis marini &
scorpionum ictus sanat. Pruritus totius cor-
poris sedat, nitro mistum & affrictum. Re-
gium quoque morbum emendat, inspersum
fronti cochlearis mensura, aut in sorbili ovo
sumptum. Facit & ad grauedinem ac destil-
lationes: sudores quoque conspersum inhi-
bet: podagricis cum aqua & nitro illitum
conducit: grauitatem auditus, suffiti nidore
raptim per fistulam hausto, sanat. Lethargi-
cos suffitu excitat. Sanguinis eruptionem fi-
stit: ac denique contusis auribus cum vino &
melle illitum medetur.

De Pumice. CAP. CXXV.

PUMICIS probatio, ut sit quàm maximè levis, multicauus seu spongiosus, scissilis ac minimè lapidosus, insuperque terti facilis atque candidus. Cremari autem oportet in hunc modum: Sumito eius quantum libuerit, & prunis cadentibus obruito: ac ubi igne flagrauerit, extractum vino odorato restinguo: iterumque incensum pariter extinguito. Tertia vstione exemptum finito per se refrigerari, tandemque ad vsus condito. Vis eius astringere & gingiuas abstergere: purgat cum calfactione quæ pupillis caliginem offundunt: explet vlcera & ad cicatricem perducit, insuperque excrescentia cohibet. Fit & è farina eius dentifricium. Corpori denique crustam obducit, estque pilis abolendis aptus. Theophrastus autor est, si quis in feruentis musti cadum pumicem immiserit, vini feruorem confestim desinere.

De Sale. CAP. CXXVI.

INTER Salis genera efficacissimum fossile. Et in hoc ipso genere communiter quidem laudatur calculus vacans, candidum & pellucidum, densum & æquabili compage: peculiariter verò, natione Ammoniacum: quod quidem & findi facile potest, & rectis est scissuris. In marino sale eligendus est densus, candidus & æquabilis. Probatissimus in
Cypro

Cypro fit & Salamine Cypri & Megaris, itemque in Sicilia & Africa. Sed inter hæc ipsa salis genera lacustris præfertur: censeaturque validissimus Phrygius, qui Tattæus vocatur. Antedictorum salis generum natura in communi est ad multa per quam utilis, astringens, abstergens, repurgans, dissoluens dissipansve, ac insuper reprimens, extenuans & crustas inducens: sed intensioris remissionisque facultatis ratione inter se differunt. Quin & vlcera putrescentia cohibent, & sinegmatis seu medicamentis psoras abstergentibus ammiscetur. Excrescentia in oculis reprimunt, pterygia consumunt, ceterasque carnis extuberationes tollunt: clysteribus utiliter infunduntur: lassitudines etiã discutunt, ex oleo illita. Contra hydropicorum œdemata auxiliatur, doloresque sacculis indita fotu mitigant, & pruritus sedant ex oleo & aceto infricata ad ignem, dum sudor provocetur: similiter & lichenas, psoras ac lepras, Anginas ex melle, aceto & oleo inunctione leuant. Tosta, tonsillis vnaque cum melle adhibentur. Cremata verò, vlceribus oris quas aphthas vocant, humidis gingivarum vitis & phagedænis vlcerum cum polenta insperguntur. Aduersus scorpionum ictus, cum lini semine: contra viperarum morsus, cum origano, melle & hyssopo: aduersus

cerasten, cum pice, aut cedria, aut melle auxiliantur. Contra scolopendræ verò morsus, ex melle & aceto : aduersus vesparum ictus & tenthredinum, itémque ad capitis psydracia, thymos atque tubercula, seu excepta vitulino. Furunculos cum vua passa aut suillo adipe aut melle discutunt. Testium tumores cum origano & fermento citius inaurant. Crocodilorum morsibus auxiliantur trita, in linteolo inuoluta & in acetum intincta, fasciis insuper additis quibus partes affectæ constringantur. Pro sunt & ad virulentarum bestiarum morsus & sugillata faciei, cum melle. Contra haustum opium & fungos cum aceto mulso bibuntur. Luxatis cum farina & melle imponuntur. Ambustis igni cum oleo imposita, pustulas erumpere non patiuntur. Podagricis itidem adhibentur, & aurium doloribus cum aceto. Erysipelata & vlcera quæ serpunt cum aceto illita, aut cum hyssopo imposita cohibent. Uri porrò salem oportet fictili diligenter operculato ne dissiliat, conditòque prunis, usquedum igni candefiat. Aliqui fossilem subacta farina oblitum carbonibus subiiciunt, ibique tandiu sinunt, dum illa exusta fuerit. Sed & sal communis uri hoc modo potest: Aqua semel ablutum ac deinde siccatum in ollam mittito, obditòque operculo ignem succendito,

succendito, tandēque salem moueto, donec haud ampliùs exiliat.

De Spuma salis, seu spuma maris arida.

CAP. CXXVII.

Spuma maris arida, ramentum purgamentū vē maris spumofum est, quod in exilibus petris reperitur. Ei vis eadem, quæ sali.

De Muria, seu Salsugine.

CAP. CXXVIII.

Muria salis effectus præbet, abstergitque: dysentericis vtiliter infunditur, quorum intestina nome corripuit: itēque ischiadicis iam diuturno dolore vexatis. Fotu verò aquæ marinæ vicem pensat.

De flore Salis. CAP. CXXIX.

Flos Salis è Nilo quidem flumine defluit, sed & stagnis quibusdā innatat. Assumendus qui croci colorē imitatur, & odore quodāmodo est ingratiore, veluti garū: interdum etiā magis graucolens, gustu mordaciore ac subpinguis. Fucatus autē rubrica aut grumofus, improbatur. Prætereà verus ac sincer⁹ nō nisi oleo resoluitur: adulteratus, nōnulla ex parte etiā aqua diluit. Ad vlcera quæ cacoëthe, [quasi maligna,] vocāt, phagedænas, genitaliū nomas & purulētas aures efficax est. Oculorū hebetudines, cicatrices albuginēsque tollit. Emplastris vnguētisque coloris gratia mi

scetur, vti & rosaceo. Sudorem quoque ciet aluum turbat in vino & aqua sumptus, stomachoque est inutilis. Additur & acopis, & sine gmatidis quæ extenuandorum pilorum gratia componuntur: ac in vniuersum acris est atque igneæ feruentisque naturæ, vti sal.

De Nitro. CAP. CXXX.

NITRUM præfertur leue & roseo colore aut candido, perforatum, perinde quasi spongiosum fistulosumve quiddam. Tale verò est, quod è collibus tumulisve affertur. Vim habet humores ex alto euocandi.

De Spuma nitri. CAP. CXXXI.

Spuma nitri optima censetur leuissima, crustosa, friabilis, colore penè purpureo & spumosa, insuperque mordēs, qualis ex Philadelphia Lydiae defertur. Secundas tenet Ægyptia. Quin & in Magnesia Caria gignitur. Sali parem vim & vstionem hæc habet, æquè ac nitrum ipsum. Sed hoc ampliùs etià tormina sedat, si cum cumino tritum bibatur in hydromelite, aut decocto aliquo eorum quæ flatus discutiendi vi prædita sunt, vti rutæ vel anethi. In febribus circuitu redeuntibus illinitur ante suspectam accessionē. Miscetur & emplastris discutientibus, extrahētibz, extenuantibus & lepras exterentibus. Cum aqua autem calida aut vino infusum, aurium inflationes ac sonitus, easdemque purulentas

purulentas sanat. Sordes etiam eiusdem partis expurgat, cum aceto instillatum. Canum moribus ex asinino adipe aut suillo medetur. Resina exceptum terebinthina, furunculos aperit. Tufum cum ficubus, hydropicis illinitur: & cum melle inunctum, claritatem visus adiuuat. Succurrit venenis fungorū, ex posca potum: buprestium verò, ex aqua: iis qui sanguinem tauri biberint, ex silphio statur: atrophis, hoc est, cibum nō sentientibus, adhibitum prodest, & opisthotonis iam remissioribus cum cerato, itēque luxatis: in paralyfi linguæ pani vtiliter permiscetur. Aliqui supradicta ignitis indita carbonibus vrunt, subiecta prius testa noua, donec incanduerint.

De Fæce. CAP. CXXXII.

ELIGENDA fæx maximè à vino vetere Italico: sin minùs, ab alio consimili. Nā aceti fæx intensioribus est prædita viribus. Crematur vt alcyonium, antè diligenter exsiccata. Sunt qui testæ nouæ inditam igni largo vrant, vsquedum altiùs tota incanduerit. Alij ignitis carbonibus fæcis glebam obruunt, & similiter faciunt. Experimentum est legitimè vstæ, vt candido aut aërio colore cōspiciatur, & linguam tactu vrere videatur. Eadē vrendæ fæcis aceti ratio. Vim porò fæx habet supramodum vrendi, detergē-

di, cicatricem inducendi, astringendi, & vehementer exedendi siccandique. Sed recentius vtendum est, quoniam celeriter expirat & exanimatur: proinde non nisi tecta & vase aliquo condita inclusave reponi debet. Lauatur eadem, vti pompholyx. Quæ vstionem experta non est, oedemata per se & cum myrto cohibet: ventris stomachique rheumatismos adhibita sistit: muliebri profluuium abdomini & verendis imposita mitigat: panos nondum exulceratos, itemque tubercula discutit. Turgentes mammas suique lactis impatientes cum aceto peruncta extinguit. Cremata verò, scabros vngues cum resina aufert: addito lentiscino oleo illita nocte tota, flauum reddit capillum. Lota oculorum medicamentis, vti spodium, miscetur: & talis etiam eorundem cicatrices atque caligines abstergit.

De Calce viua. CAP. CXXXIII.

CALX viua hoc modo fit: Marinorum buccinorum testas igni condito, aut ardenti clibano per noctem immittito. Postera die si candidissimæ fuerint, eximito. Sin minus, iterum vrito, vsquedum vehementer inalbuerint. Dein vbi in frigidam leuiter eas immerferis, ollæ nouæ indito, & exactè panis operiens, nocte vnâ conquiescere finito. Mane calcem perfectò omni opere elaboratam

ratam extrahito, atque recōdito. Conficitur & è silicibus calculisve litoreis igne crematis, nec nō & è vulgari marmore: & hæc quidem cæteris antefertur. Vis omni calci in commune ignea, mordens, adurens & crustas inducens. Mistā tamen alijs quibusdam, vt adipi oleōve, concoquendi, molliendi, dissipandi, discutiendive & vlcera ad cicatricem perducendi vim asciscit. Efficacior porro existimatur quæ recens est, nec aquis aspersa.

De Gypso. CAP. CXXXIIII.

GYPSVM vim habet astrictoriam & emplasticam. Sanguinis eruptiones sudoresque cohibet, sed potum, strangulando iugulat.

De Sarmentitio cinere.

CAP. CXXXV.

SARMENTORVM cinis, vrendi vim habet. Cum axungia autem oleōve illitus, nervorum contusionibus, articulorum contusionibus ac nervorum collectionibus nodisve prodest. Cum nitro & aceto, carnis excrementas in scroto reprimat. Idem serpentium canūque moribus illitus ex aceto medetur, atque etiam crustas obducentibus medicamentis admiscetur. Fit & ex eo lixiūm contra præcipitationes & fungorum venena, cum aceto, sale & melle.

De Alcyonio. CAP. CXXXVI.

ALCYONII quinque esse genera cōpertum¹ est. Vnum enim spissum est, acerbi saporis, spongiola facie insuperque virosum, graue ac piscem olens: quod quidem plurimum in littoribus inuenitur. Alterum oculorum pterygio aut spongiæ simile, leue & multicauum, odore ferè algæ. Tertium vermiculi forma, & colore penè purpureū est: quod Milesium quidam vocant. Quartū succidis velleribus non dissimile, multis inanitatibus hians ac leue. Quintum figura fungi, in odorum, & intus quidē asperum, quodammodo pumicosum, foris verò læue, acre: quod plurimum in Propontide circa insulam Besbycū appellatam gignitur, patrio nomine halos achnen, [quasi maris spumam aut lanuginem] vocant. Duo quidem priora in sinegmata fœminarum assumuntur, contra lentigines, lichenas, lepras, vitiligines, nigritias & maculas in facie reliquoque corpore. Tertium verò, iis qui difficili vrina vexantur, aut arenulas in vesica colligunt idoneum est: itēque nephriticis, & ad hydropem lienisque vitia. Vstum autē & ex vino illitum, alopecias replet. Postremum dealbandis dentibus aptum est: assumitur & in alia sinegmata psilothrāque, cum sale mistū. Quod si quis aliquod ex hisce alcyonij generibus

neribus cremare voluerit, addito sale in crudam ollam mittat, lutóque oblito eius spiraculo fornaci mandet: & cum figlinum percoctum assatúmve fuerit, extrahat & ad vsus recondat. Cæterúm lauatur vti cadmia.

De Adarce.

CAP. CXXXVII.

IGNITVR in Galatia quod Adarces appellatur. Est autem tanquam concreta saltilago, quæ humidis & palustribus locis siccitate emergit, & circa arundines graminave concrevit, colore flori lapidis Asij similis, tota verò forma molli & multiforo alcyonio proxima, vt videri possit alcyonium palustre. Ad exterendas lepras, maculas à Solis ardore contractas, lichenas, lentigines, similiaque vitia accommodatur: & in summa vis ei acris. Sed & humores ex alto euocat: quamobrem & ischiadicis opitulatur.

De Spongijs.

CAP. CXXXVIII.

SPONGIIS alias nonnulli mares appellauere, quæ tenuibus sunt fistulis ac spissæ densæve, è quibus rursus duriores tragos nominauerunt: alias verò fœminas, quæ contrario ac antedictæ modo se habent. Vrinuntur autem similiter atque alcyonium. Nouæ recentésve ac minimè pingues, vulnerariæ sunt & tumores reprimunt: recentia vulnera ex aqua poscæve conglutinant: at ex melle coctæ, veteres sinus iungunt. Vetustæ autem,

Q. j.

inutiles. Sed & ipsæ coëuntia præclusæve vl-
cera callósque diducunt atque dirimunt, si
aridæ lino alligatæ linamentorum modo
adigantur: fluxione autem laborantia, cuni-
culosa seniliaque vlcera, humoris expertes,
recentes ac nouæ impositæ, siccant: sangui-
nis etiam eruptiones cohibent. Crematæ ex
æceto, lippitudini aridæ auxiliantur: & ubi
quid abstergere aut adstringere opus est. Sed
vtilius cinerem lauare in oculorum medi-
camentis. Earundem cinis cum pice cre-
matarum, profluentem sanguinem sistit.
Candidæ porro cura sunt quæ inter eas sunt
mollissimæ, si per æstiuos ardores salis spu-
ma petris adhærescente tingantur, & inso-
lentur inuersæ: ita vt parte caua sursum spe-
ctent, qua verò parte resectæ fuerint, deor-
sum. Quodd si æstiuæ sit serenitas, etiam ad
Lunam sternuntur, spuma salis marinæve a-
qua perfusæ: ac tales candidissimæ euadunt.

De Corallio. CAP. CXXXIX.

CORALLIVM, quod aliqui lithodendron
cappellarunt, marinam esse plantam cō-
stat: quæ quidem alto mari exempta, dura-
tur statim atque emergit, quasi à circumfuso
nobis aëre lapidescat concrescatve. Pluri-
mum inuenitur in promontorio Syracusis
imminente, cui Pachyno nomen est. Pro-
batissimum rubens, colore sandarachæ aut
sandycis

sandycis saturata, nec secus terenti facile cedit, & æquabili vsquequaque concremento, insuperque musci aut fuci marini odorē referens, & quàm ramosissimum, forma fruticis, cinnamomi æmulum. Quod autem in lapidis duritiam coit, scabrosum, fistulosum seu concavum, præterea & inane seu spōgiosum, vitiosum existimatur. Astringit & refrigerat mediocriter, excrescentia coërcet, oculorum cicatrices abstergit, vlcera eorundem caua explet, ac cicatrices extenuat. Cōtra sãguinis reiectiones excreationesve efficacax est, & vrinę difficultate laborantib⁹ auxiliatur. Quin & potũ ex aqua, lienē absumit.

De Antipathe. CAP. CXL.

Quod Antipathes vocatur, corallium quoque esse censendum est, sed specie tantummodò distans. Est autem colore nigro, arboris & ipsum figura, at magis ramosum. Vi-res supradicti habet.

De Phrygio lapide. CAP. CXLI.

PHRYGIVS lapis, quo infectores in Phrygia vtuntur, à qua etiam nomen accepit, nascitur in Cappadocia. Optimus habetur pallidus, modicè ponderosus, corporis compage minimè solida, & candidis intercurrentibus lineis, vt in cadmia. Vritur autem in hunc modum: Vino optimo perfusum, viuísque carbonibus obrutum follibus

Q. ij.

assiduè sufflato: ac vbi colore mutato magis fuluus euaserit, extractum eodem vino restinguito. Eadem iterum prunis imponens facito: sed & tertio ipsum vrito: attamen attende ne comminuatur, & in fuliginem euanescat. Vinum habet crudus vtriusque efficaciter astringendi, insuperque expurgandi, & crustas quadantenus obducendi. Ambustis cum cerato medetur. Cæterum lauatur, vti cadmia.

De Asio lapide.

CAP. CXLII.

ASIVS lapis assumi debet pumicis colore, fungosus & levis, insuperque friabilis, quique fissilibus venis luteis ad imum usque scindatur. Eius verò flos falsugo est subflaua, summo lapidi insidens: tenui quidem compage, attamen colore partim candido, partim pumici simili, ad luteum vergente. Admotus linguae, aliquantum mordet. Vinum habent tum lapis, tum & ipse flos astrictoriam & leuiter exedentem, ita tamen vt ne erodat. Excepti resina terebinthina aut liquida pice, tubercula discutiunt: sed præstantior efficaciorve flos existimatur. Ex abundanti verò ficcatus flos, vetera & cicatricis repugnantia vlcera sanat: carnis excrescentias cohibet, fungis similia ac tetra ferinaue vlcera cum melle repurgat: vicerum caua explet & expurgat, cum melle: depascentiaque cum cerato sistit. Fit ex eo cataplasma podagricis,

cis, misto fabæ lomento: & lienosis, ex aceto & viua calce. Prodest itidem flos ex melle phthificis linctu. Iuuantur etiam podagrici, pedibus in folio ex eo lapide cauato inditis. Fiunt & loculi, qui defunctorum carnes exedunt. Extenuantur quoque valdè carnosæ & obesa corpora, si eiusmodi flore in balneo nitri vice inspergantur. Quòd si seu lapidem, seu florem ipsum lauare libet, cadmiæ modo lauato.

De Pyrite lapide. CAP. CXLIII.

PYRITES lapidis genus est, ex quo æs conflatur. Eligi debet æris similitudine, quique facile scintillas edat. Vritur autem in hunc modum: Irrigatus melle carbonibus lentis inditur, & assiduè sufflatur folliibus, donec rufescat. Alij lapidem copioso melle perfusum in multos carbones igni cādentes demittunt: ac vbi ad fuluum colorem vergere cœperit, ab igne amouent, diffatōq; cinere denuò perfusum cremant, donec æqualiter assiccatus friabilior reddatur: siquidem sæpenuerò facies summa solùm amburitur. Ita porrò crematum siccatumque recondunt. Sin eloto opus sit, lauari debet vti cadmia. Tam vsti quàm crudi vis est excalescere, abstergere, offusam oculis caliginem expurgare, duritias & discutere & maturare. Idem resina exceptus, excrementa in carne

Qq. iij.

cohibet cum aliquantula caliditate & astringitione. Neque verò defunt, qui ita vstum diphyrges appellent.

De Hæmatite lapide.

CAP. CXLIII.

HÆMATITES optimus habetur friabilis & saturato sanguinis colore, seu niger, suapte natura durus & æquabilis, nulla sordē admitta, nullōque zonarū discursu. Vim habet astringentiam, aliquantum excalfacientem & extenuantem. Oculorum cicatrices & scabritias cum melle exterit. Cum lacte verò muliebri, lippitudini & disruptis atque cruore suffusis oculis conuenit. Bibitur autē contra difficultatē vrinæ & fluores muliebres in vino: & contra sanguinis excreationes, cum Punici mali succo. Fiunt & ex eo collyria, itemque corticulae, quæ aduersus oculorum affectus accommodantur. Vritur vt Phrygius lapis, dempto saltē vino. Modus vstionis est, vt modicè leuis fiat, & bullis quibusdam intumescat. Sunt porrò qui hæmatiten ita adulterant. Glebam schisti lapidis densam rotundamque, cuiusmodi sunt quæ eius radices vocantur, in vrceum figlini operis, qui feruentem cinerem contineat, condūt: deindeque breui interposita mora eximunt, atque explorant num ad cotem trita hæmatitæ colorem reddat. Quòd si ita res habet, reponunt:

reponunt : sin minùs , iterum nouo cinere obruunt, & subinde conspicientes periculum faciunt : quoniam diutiùs in cinere dimissa colorem mutat, móxque diffunditur. Discernitur autem adulteratus, primùm scissilibus venis: quippe per venarum ductus in rectum diffringitur, at hæmatites, non item. Deinde etiam colore : nanque hic floridum reddit, hæmatites verò saturatiorem atque cinnabarin imitantem. Inuenitur & hæmatites in rubrica Sinopica, & è magnete lapide vehementer vsto paratur: ac natiuus quidem, in Ægypto effoditur.

De Schisto, seu Scissili lapide.

CAP. CXLV.

SCISSILIS lapis in Occidentali Iberia nascitur. Probatur maximè qui croci colorem æmulatur, friabilis ac suapte natura fissilis, tum concremento, tum etiam mutua venarum cohærentia sali Ammoniaco similis. Vim exhibet hæmatitæ, sed ad omnia infirmiolem. Quin & caua oculorum vlcera explet muliebri lacte dilutus, itémque ad diruptos & procidentes oculos, insuperque crassitiem genarum & staphylomata, magnoperè efficax est.

De Gagete lapide. CAP. CXLVI.

PRAEFERENDVS Gagates qui celeriter acceditur, & odorè bituminis reddit.

Q. g. iiij.

Est autem niger plerumque & squalidus, prætereaque crustosus & perquam levis. Vis ei molliendi & discutiendi. Sufficit, morbum fonticum deprehendit, recreatque vuluæ strangulationes: fugat & serpentes nidore. Podagricis medicaminibus & acopis additur. In Lycia porro nascitur, quæ influens amnis in mare effunditur, proximè oppidum quod Plagiopolis dicitur. Vocatur autem Gagas & locus, & amnis ad cuius ostium id genus lapidum inuenitur.

De lapide Thracio. CAP. CXLVII.

LAPIS Thracius dictus, gignitur in flumine quodam Scythiæ, cui Ponto nomē est. Vis eadem, quæ Gagatæ. Traditur autem accendi aqua, oleo verò restingui: id quod etiam bitumini accidit.

De Magnete. CAP. CXLVIII.

LAPIS Magnes optimus est, qui ferrum facile attrahit, & colore vergit ad cæruleum, densus, nec admodum grauis. Vim habet crassos humores educēdi, si ex aqua mulsa detur trium obolorum pondere. Sunt verò qui crematū hunc pro hæmatite vendant.

De Arabico lapide. CAP. CXLIX.

ARABVS lapis ebori minimè maculoso similis est. Is tritus, illitu hæmorrhoidas exiccat. Crematus autem, dentifriciis accommodatur.

De

De Galactite lapide. CAP. CL.

GALACTITES nomen inde traxit, quod lacteum succum remittat: alioqui tamē cinerei est coloris, & gustu dulcis. Ad oculorū fluxiones & vlcera conuenienter inungitur. Oportet autem in aqua tritū pyxide plūbea recondere, propter lentorem qui illi obhæret.

De Melitite lapide. CAP. CLI.

MELITITES omnino Galactitæ similis: hoc tantū interest, quod dulciorem succum resudat. Eiusdem vt galactites effectus.

De Morochtho lapide.

CAP. CLII.

MOROCHTHVS lapis, quem aliqui galaxiam aut leucographida vocauerūt, in Ægypto nascitur: ac eo quidē, quippe cū mollis sit facilēque diluatur, linteones dealbandis linteis vtūtur. Creditur spiracula corporis obducere, conuenitq; sanguinem excreantibus, cœliacis & vesicæ dolore vexatis, cum aqua potus: itēque fœminis fluxione vuluæ laborantibus, & similiter potus & in pesso appositus. Mollibus etiam oculorū medicamentis miscetur: caua enim eorum vlcera explet, fluxionēsq; sinit. Idem cerato exceptus, quæ fiunt in teneris corporis partibus vlcera ad cicatricem perducit.

De Alabastrite lapide. CAP. CLIII.

ALABASTRITES, vocatus onyx, exustus & refina aut pice exceptus, duritias discutit: stomachi dolores cum cerato leuat, & gingiuas reprimat.

De Thyite lapide. CAP. CLIIII.

LAPIS nomine Thyites in Æthiopia gignitur, subuiridis quidem & iaspidem referens: attamen cum diluitur, lacteum reddens succum. Vehementer mordet, valétque ad expurganda quæ pupillis tenebras offundunt.

De lapide Iudaico. CAP. CLV.

IUDAICVS lapis in Iudæa nascitur, glandis effigie, candidus, perquam eleganti forma, discurrentibus lineis æquali spatio inter se distantibus, & quasi industria detornatis. Dilutus nullam qualitatem manifestam gustui repræsentat: attamen ciceris magnitudine solutus ad cotem collyrij instar, cū aquæ calidæ cyathis tribus, potu vrinæ difficultati auxiliatur, & vesicæ calculos frangit.

De lapide Amianto. CAP. CLVI.

AMIANTVS lapis in Cyprio nascitur, scissili alumini similis, è quo elaborato, utpote flexili, telas spectaculi gratia texunt: quæ ignibus iniectæ ardēt quidem, sed flammis inuictæ splendidioresexeunt.

De

De Sapphiro lapide. CAP. CLVII.

SAPPHIRVS lapis, iētis à scorpione potu
prodesse existimatur. Bibitur & contra in-
testinas exulcerationes. Extuberantia in o-
culis, eorūque vuas & pustulas reprimi-
t: sed & ruptas eorundem membranas cogit
atque glutinat.

De lapide Memphite.

CAP. CLVIII.

LAPIS Memphites in Ægypto iuxta Mē-
phin inuenitur, calculorum magnitudi-
ne, pinguis & versicolor. Hoc tradunt trito
& illito, partes quæ vrendæ secandæve sunt
citra periculum ita obstupefcere, vt non sen-
tiant cruciatum.

De lapide Selenite. CAP. CLIX.

LAPIS Selenites, quem aliqui Aphrofele-
non appellarunt, quòd noctu plenus lu-
na crescente reperiatur, nascitur in Arabia,
candidus, translucens & leuis. Huius ramen-
ta comitialibus in potu exhibentur. Eum e-
tiam mulieres sibi pro amuleto alligant. Sed
& eodem adalligato arbores frugiferæ red-
di creduntur.

De Iaspide. CAP. CLX.

EX Iaspidum generibus quædam smara-
gdum imitatur, alia crySTALLŪ, pituitæ si-
milis: alia non dissimilis aëri, ob id aërizusa
vocatur: alia veluti fumo infecta, quæ ca-

pnias ex argumento appellatur: quædam lineis albis & resplendentibus præcingitur, Afyrios nuncupata: alia denique terebinthizufa dicitur, colore callida gemma imitata. Omnes pro amuletis gestari, ac femoribus adalligatæ, partum accelerare traduntur.

De Aëtite lapide. CAP. CLXI.

AETITES lapis, alio dum quatitur intra se ac velut in vtero sonante prægnans, grauidis, quibus lubricæ & parū tenaces sunt vuluæ, partus continet, sinistro earum brachio adalligatus: sed cū parturiunt, è brachio remoueatur, ac femori alligetur, vt citra dolores pariant. Furē quoq; deprehendit, si quis in pane conditum offerat: fur enim commanducata deuorare minimè poterit. Quin & si cum eduliis coquatur, furem prodere & coarguere dicitur: quippe fur quæ cum eo decocta fuerint haudquaquam glutire poterit. Porro tritus & cerato exceptus cyprino, gleucinove aut alio quopiam excalfaciente, comitiales magnificè iuuat.

De lapide Ophite. CAP. CLXII.

IN hoc lapidum genere quidam est ponderosus ac niger: alter cinereo colore spectatur, punctis distinctus: tertius lineis quibusdam candidis intercinctus est. Omnes alligati, morsis à serpente & caput dolentibus opitulantur. Priuatim verò qui lineas habet, lethar-

Iethargo & capitis doloribus auxiliari perhibetur.

De Spongiarum lapidibus.

CAP. CLXIII.

LAPIDES qui in Spongiis inveniuntur, in vino poti, calculos vesicæ rumpunt.

De Lithocolla.

CAP. CLXIIII.

LITHOCOLLA, seu glutinum, quo lapides ferruminantur, mistura est marmoris aut lapidis Parij & taurini glutinis. Potest candente specillo admota incommodos oculis pilos replicare.

De Ostracite lapide. CAP. CLXV.

OSTRACITES testæ similitudinem habet, crustosus & in laminas fissilis, quo mulieres ad pilos amouendos pro pumice vtiuntur. Menses drachmæ pondere potus ex vino sistit: quod si ad dies quatuor à mēstrua purgatione drachmarum duarum pondere bibatur, fœminis præstat ne concipiant. Cum melle autem impositus, mammarū inflammationes lenit, & nomas cohibet.

De Smyride.

CAP. CLXVI.

SMYRIS lapis est, quo annularij sculptores gemmas expurgant, ad septica & caustica medicamenta utilis. Prodest & humore nimio flaccescentibus gingiuis, dentifricis-que commendatur.

De Arena. CAP. CLXVII.

ARENA litoralis sole feruefacta, hydro-
pnicorum corpora reficcat, si capitete-
nus ea vndique obruantur. Torretur & ad a-
ridos fatus, pro milio aut sale.

De Cote. CAP. CLXVIII.

ECOTE Naxia quod exacuendo ferro de-
teritur illitum, alopecias ad pilum redu-
cit: virginumque mammas cohibet, nec in-
crescere patitur: potum verò ex aceto, lie-
nem absument, & comitialibus prodest.

De Geode lapide. CAP. CLXIX.

GEODES lapis astringit, siccatur, caligi-
nes oculorum discutit. Illitus autem ex
aqua, mammarum testiumque inflamma-
tiones sedat.

De Terra. CAP. CLXX.

TERRA omnis, quæ quidem in medicum
vsum venit, primam ac summam vim
habet refrigerandi, meatuumque obducendi:
sed specie distat, quum alia hoc vel illo mo-
do præparata ad alia sit utilis.

De Terra Eretria. CAP. CLXXI.

IN genere terræ Eretriadis quædam vehe-
menter alba est, altera cinerea. Optima ve-
rò habetur ad cinereum colorem vergens &
per quam mollis, quæque si per æramenta
tractim ducatur, violacei coloris linea-
menta reddit. Lauatur vt cerussa, aut hunc
in inq-

in modum : Ex ea quantum libuerit terito
seorsum , & aqua perfusa : ac vbi pessum ie-
rit, humorem leuiter excolato: terram verò
siccata[m] solibus iterum terito per diem, ad-
iecta aqua, vt vespere confidat. Matutinò de-
inde colo excernito, demúmque ad solem
tritam degerito in pastillos, quatenus fieri
poterit. Quòd si assata tostave desideretur,
terræ fiusta ciceris magnitudine in fictile
perforatum conuicito, oréque vasis diligen-
ter obturato candentibus indito carboni-
bus, ac follibus continenter perflato. Vbi ve-
rò cinis in fauillas sese conuerterit, aut aë-
reum potiùs coloré contraxerit, exemptum
reponito. Vim habet astringentem & refri-
geratoriam, ac leuiter emollientem : caua
itidem explet, vulneraque cruenta glutinat.

De Terra Samia. CAP. CLXXII.

SAMIAE præfertur perquam candida, leuis
& tangenti linguæ glutinis modo adhæ-
rescens, insupérque succosa, mollis & fria-
bilis: cuiusmodi est quam aliqui collyrium
vocant. Duo enim sunt eius genera, nempe
quod modo dictum est, & quod Aster appel-
latur, glebosum ac densum cotis in modum.
Vritur ac lauatur vt Eretria, vimq; consimi-
le habet: sanguinis excreationes sistit: & fœ-
minis fluxione vuluæ laborantibus cū flore
syluestris Punicæ, datur. Testiū quoq; & mā;

marum inflammationes illita ex rosaceo & aqua sedat: compescit & sudores: denique contra venenatorum morsus & exitialia medicamenta pota è vino auxiliatur.

De lapide Samio. CAP. CLXXIII.

SAMIVS lapis in Samia terra inuenitur, quo aurifices ad poliendum illustrandumque aurum vtuntur. Præstat in eo genere candidus & granis. Vis ei astrictoria & refrigerans: quapropter prodest stomachicis potus: est & vis instrumenta sensuum adiuvandi & ab iniuria vindicandi: ad oculorum fluxiones & vlcera cū lacte efficax est. Creditur & ad alligatus accelerare partus & conceptus fœminarum custodire.

De terra Chia. CAP. CLXXIII.

CHIA eligi debet candicans, ad cinereum vergens colorem, & Samiæ similis. Est autem glebosa ac tenuis, sed fictitiis formis differens. Effectus eius, qui Samiæ: faciei ac totius corporis cutem erugat, illustrat & amabili coloris bonitate commendat: ac in balneis pro nitro deterget.

De terra Selinusia. CAP. CLXXV.

IDEM effectus & Selinusie: maximè verò laudatur quæ vehementer resplendet, candidaque est ac friabilis, quæque facillimè in succum resolvitur, cū primū humore diluitur.

De

De Cimolia terra. CAP. CLXXVI.

CIMOLIA quædam est candida, altera ad purpureum inclinans, quæ innatâ quâdam habet pinguitudinem, & tactu frigida sentitur: & hæc quidem optima existimatur. Vtraque aceto diluta, parotidas & alia tubercula discutit: ambustis igni confestim inuncta, partes affectas à pustularum eruptione vindicat: testium duritias ac totius corporis inflammationes cohibet, insuperque aduersatur erysipelatis. In summa multiplici sunt in usu, dummodò genuinæ ac minime spurix assumantur.

De terra Pnigitide. CAP. CLXXVII.

QUAE Pnigitis dicitur, colore quodammodo Eretriæ similis est. Crassiusculis autem prædita est glebis: si quis manus admoveat, refrigerans; tactuque linguæ usque adeò glutinosa, ut pensilis hæreat. Huic effectus idem qui Cimoliæ, paulò tamen infirmior. Hanc porrò aliqui pro Eretriade vendunt.

De Testis. CAP. CLXXVIII.

FORNACEAE Testæ vehementer tostæ, crustas ulceribus obducunt: quare prurigini & papularum eruptionibus ex aceto inunctæ medentur. Podagricis etiam profunt: & cerato exceptæ, strumas discutiunt.

Rr. j.

De terra Fornacum. CAP. CLXXIX.

FORNACVM terra, quæ quidem retorta rufescit, eiusdem est cum testis effectus.

De terra Melia. CAP. CLXXX.

IMITATUR & Melia colore cineream Eretriam: aspera autem animaduertitur, etiam dum digitis atteritur, adeo ut stridorem quendam edat, qualem pumex quando deraditur. Vim habet aluminosam, sed remissiusculam: id quod & gustu deprehenditur. Leniter quoque linguam tactu siccatur. Corpus mundum ac probe coloratum reddit: pilos extenuat: vitilignes ac lepras extirpat. Pictoribus etiam usum præbet, ut colores diutius perennent. Emplastris viridibus efficaciter inseritur. Porro tum ex hac terra, tum & alia omni in vniuersum eligi debet minimè lapidosa, recens, mollis ac friabilis, quæque cum humorem attigerit; facile resoluitur.

De terra Ampelitide.

CAP. CLXXXI.

EX Ampelitide terra, quam Pharmacitin quidam nominant, quæque in Seleucia Syriæ nascitur, laudatur imprimis nigra & paruos piceæ carbones referens, assulosè quodam modo scissilis & æqualiter splendens: quæque insuper trita citò liquefcit, si olei aliquantulum affundatur. Vitiosa censetur candida,

didā, cinerea, quæq; minimè liquefcit. Vini
dissipandi & refrigerandi habet: calliblepha-
ris additur, atque inficiendis capillis idonea
est. Est & eius vsus ad illinendas vites sub
germinationis tempus: quippe quæ inna-
scentes vermiculos enecet.

De Fuligine pictoria.

CAP. CLXXXII.

FVLIGO qua pictores vtuntur, è vitrariis
officinis peti solet: siquidem huic palma
tribuitur. Vis ei septica & acris. Fracta itidē
cum cerato rosaceo ad cicatricem perducit.

De Atramento librario.

CAP. CLXXXIII.

ATRAMENTVM quo scribimus, è fuli-
gine ex tædis collecta conficitur. In
singulas gummi vncias, ternæ fuliginis vn-
ciæ adiiciuntur. Fit etiam è resinæ fuligine
& illa pictoria modò dicta. Sumi autē opor-
tet fuliginis huius minam vnam, gummi se-
squilibram, taurini glutinis & atramenti su-
torij, singulorum sescunciam. Septicis medi-
camentis conuenienter additur. Ambustis
etiam confert ex aqua paulò crassius inun-
ctum, tandiùq; dimissum, dū cicatrix obdu-
catur: sanatis siquidem vlceribus, sponte sua
excidit. Caterùm, amicissime Aree, tum
pro operis modo quem destinaueramus,
tum pro materiæ auxiliiorumque medicina.

Rr. ij.

lium copia quam colligere licuit, hucusque dicta sufficiant.

Libri quinti & vltimi de materia medica finis.



PEDACII DIO-
SCORIDIS ANAZAR-
bæi liber de Venenis, eorun-
démque præcautione ac
medicatione.

IANO ANTONIO SARACE-
NO LVGDVNAEO, INTERPRETE.

PRÆFATIO.



QUONIAM superioribus libris,
amicissime Aree, tradidimus
de aromatibus, oleis, unguentis,
arboribus ac earundem fructibus
& lacrymis, insupérque de ani-
malibus, melle, lacte, seuo, frugi-
bus, oleribus, radicibus, herbis, succis: denique de vi-
norum

norum metallicorumque generibus: in hoc operis totius ultimo, de viribus noxiorum medicamentorum, ac eorum quæ contrà prodesse possunt, differemus. Vitata igitur sermonis prolixitate, opus institutum prosequamur. Huiusmodi autem de venenis tractatus cum bipartitò distributus sit: in eam videlicet partem quæ docet quo pacto ipsa præcauere debeamus, ita ut planè non assumantur, aut, si quando per imprudentiam data fuerint, ut tùm quoque innoxia irritaque fiant: & alteram, quæ rationem tradit iis succurrendi qui iam noxam sensere: priore loco differam de præcauendi modo: quem quidem esse difficilem prisci existimauerunt: quòd clanculùm venena exhibentes, iis vtuntur artibus, quibus etiam peritissimum quenque fallant. Siquidem exitialia venena permixtis dulcibus amaritudine sua spoliant, & graue odoris virus mistura odoramentorum eximunt, aut medicamentorū quæ potissimùm in minùs firma valetudine vtilitatis gratia exhiberi putatur, veluti sunt absinthium, tragoriganū, hyssopus, satureia, itémque thymus, origanum, abrotonum, iris aut castorium, & siquid aliud malefica vi præditis medicamentis cognatam qualitatem habere videatur: vel ea potulentis inserunt, uti vinis asperis, iusculis, passo, aquæ mulsæ, musto, aut variis succorum generibus: vel

Rr. iij.

ipſi lenticulæ polentæve, aut aliis quæ edulij ſpecie offeruntur, immiſcent. Quamobrem ſuſpicioſi curioſius apparatus fercula vitare debent, omnique intenſo ſapore dulcium, falſorum aut acidorum abſtinere. Quin neque ſitibundi affatim bibere, aut eſurientes avidius deuorare debent, ſed ad eorum quæ edunt bibuntve ſaporem qualitatemque diligenter attendere, & ante omnia potu frigidam aquam præſumere: ſic enim ſatiato appetitu, qualitates poſtea facile deprehenduntur. Quòd ad ægros verò ſpectat, honeſtè recuſamus potiones auxiliij prætextu dari ſolitas, quas offerunt improbi veneficorum artiſices: quò ſit vt ægrotantes audentium iniuriis minùs pateant. Et hæc quidem, ne facile incauti homines capiantur dolis veneficorum, ratio eſt & facultas. Verùm altera ſuper eſt expeditior, vt ſuſpicioſi aliquid præſumant, quod venenorum vires hebetet, ac inefficaces irritasque reddat. Eiuſmodi caricæ ſunt cum iuglandibus nucibus manducatæ, & quæ citria mala vocantur, ſeminisque buniadis drachma vna cum vino: itidemque folia calaminthæ, aut rubrica quæ ſigillum Lemnium appellatur, pari pondere cum vino: aut rutæ folia, nucis iuglandis nucleum, ſalis grumum & caricæ duas ieiuni ſumant, & nullo veneni genere offenduntur.

tur. Quin & antidota ex vino præsumpta, eundem præbent effectum: ex quorum numero sunt, quod ex scinco paratur, quod è sanguinibus temperatur, & quod magni Mithridatij nomen obtinet. Quin & sæpenu-merò naturali dissidio venenis aduersantur propriæ ac peculiare quædam corporũ cõstitutiones, insuperque antecedentes eorundẽ dispositiones, pro varia ciborum potuũve qualitate aut vini copia inductæ. Siquidem venenorum quæ insuper ingeruntur vires frangunt & exoluũt, eorũque in membra distributionem impediunt, priore alimento antè infarctis præclusisq; meatibus. Verum- enimuerò quandoquidem inter peregrinãdũ incõmodi casus variij absq; vllis hominũ infidiis similia frequenter inuehunt pericu- la, nonnihil etiam hac de re agere necessariũ duco. Ante omnia igitur loco subdiali, quo- ad eius fieri poterit, coquinari, fercula strue- re, omniæque cibo potuĩq; necessaria appa- rare oportebit. Quòd si nõ nisi sub tecto cõ- modè ista fieri possunt, tũ quoq; laquearia diligenter obseruãda sunt. Etenim haud ra- rò è superioribus contignationibus mortifera decidũt animalcula, vti phalãgia, quẽdã alia reptilia, & qui stellio appellatur. Sed & vinaria vasa diligenter & in luce intueri o- portet: nanq; reptilia vini odore illiciuntur,

R. r. iij.

quæ interdum sorbendo noxium virus eructarunt, interdum verò illapſa immersaque perierunt, & iis qui poſtea vinum hauserunt exitij cauſam attulere. Et hæc quidem de infidiis vitandis præcauendiſque hætenus dicta ſint. At ſi qui ſeu vltro, ſeu ex quorundã infidiis venenum hauserint, iis nulla interpoſita mora auxiliari oportebit. Siquidem dum ſigna, quæ ſingula comitari venena ſolent, expectantur, immedicabile ſit malum, aut certè diuſius neglectum, agrè deinde medicamentiſ cedit. Quare ſi qui venenũ ſe hauſiſſe pro comperro habent, aut qui iis adſuere quod qualẽve ſit hauſtum genus veneni fateantur, protinus accedentes ad congrua particulariãve remedia, illos facilè naturali priſtinæque conſtitutioni propriæ reſtituemus. Neque verò iis aſſentimur, qui prorſus auxilia in huiuſmodi caſu fruſtrà adhiberi contendunt. Quo enim modo morbi, quorum cauſæ cæcæ latentẽſq; corporibus infident, medicaminibus curabuntur, quæ verò forinſecus incurrũt venena medicinã haudquaquã admittent? Equè porro omnes corporibus aduenientes morbi pro cauſarũ ingruentium magnitudine, proque anteceditibus affectionibus ac opportunitate habilitatẽque corporum, vel medicabiles ſunt, vel nullis cedunt medicamẽtis. Quod ſiqui forſan

fan vocis interceptione aut mentis aliena-
 tione correpti, aut alioqui nolentes veneno
 liberari, nullam nobis eius cognitionē prae-
 beant: tūm protinūs ad ea transeundum re-
 media, quæ in communi epotis quibuscun-
 que venenis opitulari consueuerunt. Atqui
 nullum communius auxilium dari potest,
 quàm quod exhibitum venenum per proxi-
 mum locum foràs pellit, priusquàm ipsum
 inualescat. Quamobrem illis sine mora cali-
 dum oleum seu per se, sex ex aqua, vt ad vo-
 mitum cogantur, exhiberi conuenit. Quòd
 si oleum natura loci negat, eius vice butyrū
 cum aqua calida, aut maluæ, vel seminis lini,
 vel tragi, vel fœnigræci, vel seminis vrticæ,
 vel alicæ decocto potest administrari. Hæc
 enim non modò venenum vomitionibus e-
 xigent, facilè laxando subuertendoque ven-
 triculum: sed & aluū subducent, ac simul etiā
 qua pollent acrimoniā obtundendi hebetā-
 dique facultate impediunt, quominūs cor-
 pora vlcerentur. Verūm inter cætera illud
 maximè præstabit oleum: id quod euiden-
 ter huiuscemodi argumento deprehendere
 licet. Nam si quispiā viua calce, aut face, aut
 cantharidibus, aut alio quouis acri corpus e-
 xulcerare contendat, id si prius oleo leni-
 ter oblitum fuerit, in eo vlcus excitare mini-
 mè poterit. Imò verò si quis corpus præuictū

vehementer astringere aut perfrigerare velit, frustra id tentauerit. Vomitus præterea nõ ob id modò, quòd vacuet ac virus noxiũ excernat, iuuamentũ affert, sed & quòd hauftum venenum nonnũquam odore, concretis grumis aut colore prodat: quippe cũ odore & amaritudine papaueris succũ, colore cerussam gypsũve, grumis lac aut sanguinem animalis recens iugulati ostendat. Sic quoque ex eorum quæ vomitu regeſta fuerint qualitate viroſq; odore, leporis marini & rubetæ veneficia facile est deprehendere: vt hac potiũs ratione, quàm alia quapiam opem quibusdam afferre nobis in prõptu sit, ad propria & singulis venenis accommodata auxilia tranſeuntibus. Oleo porrò maluæ decoctum admiscetur, aut adeps anserinus, aut pinguium carniũ iusculum, aut lixiuũ lignorum cinere factum. Vbi verò vomitus diligenter citatus fuerit, nequid prorsum in ventre relinquatur, quæ intestinis hæſerint reliquias acriore clyſtere deuocabimus. Faciunt & ad hoc ipſum nitrum tritum cum hydromelite assumptum & vina vetera liberaliũs epota: iura itidem gallinacea, præpingues piſces, carnes vetustæ simul & pingues, & quæ eduliorum genera adipe aut recenti butyro constant. Dum nanque aluum subducunt, vt diximus, ac ventriculum resoluunt,

soluunt, prouocant ipsam ad vomitionem
 reddunt: hebetant & venenorum acrimo-
 niam, atque meatus obstruentia, celerem
 venenorum penetrationem inhibent. Quin-
 etiam medicamenta dantur quæ communi
 dote profunt: è quorum numero est rubri-
 ca Lemnia, agaricum, abrotonum, irio,
 radix eryngij, semen pastinacæ & calamin-
 thæ, Celtica nardus, castorium, ferulæ vi-
 rentis medulla, flos nerij quod rhododen-
 dron appellatur, marrubij succus, laserpi-
 tium ipsiusve succus & radix quam etiam
 magudarin appellant, sagapenum, opopa-
 nax, peucedani succus, aristolochia longa,
 syluestris rutæ semen, & cestri, quæ & beto-
 nica vocatur, folia. Singula porro cum vino
 drachmæ vnius pondere exhibentur. Eun-
 dem effectum præbent, polij decoctum, scor-
 dium, & læuis liquidæq; picis linctus. Egre-
 giè quoque opitulantur antidota, quorum
 præparationes in operis calce describemus.
 Communis itaque ratio præstandi auxilij
 sic se habet. Cæterum & ab iis quæ comi-
 tantur consequunturve symptomatis com-
 munita remedia sumptuari possunt. Ferè e-
 nim plurimorum venenorum facultates in
 consimiles affectus corpus tandem dedu-
 cunt: quam ob causam plerisque com-
 munita conducunt auxilia. Varia siquidem

sunt venenorum genera: communes tamen nec ita multi qui ex iis oriuntur affectus. Enimvero fieri nequit, ut ad vnum veneni genus omnia symptomata sequantur. Alioqui superuacanea foret quæ traditur singulis venenis propria & accommodata curatio. Neque verò facile reperiatur quisquam, qui ex vnius veneni haustu simul & semel vehementi stomachi, intestinorum, iocinoris, renum ac vesicæ dolore crucietur, insuperque singultiat, erodatur, contremiscat, obmutescat, perfrigeretur, conuellatur, pulsu deficiatur, ægrè spiret, veterno ac vertigine caligatio-
neve corripiatur, stranguletur, sitiat, sanguinis eruptione, febris, urinæ difficultate ac torminibus laboret, crebrò vomitet, nausea prematur, rubescat, liuescat, expallescat, desipiat, stertat, resoluatur & alia pleraque ac diuersa faciat patiaturque. Singula porro in vniuersales affectiones distincta, paucorum eorumque communium symptomatum numerum demonstrant. Quapropter ex vno singulari symptomate eorum quæ antè recensita sunt, non facile fuerit venenū assumptum deprehendere ac internoscere. Nam oris & linguæ erosio, stomachi, ventris, renū ac vesicæ inflammatio, vehemens urinæ difficultas, ac interdum etiam cruenta mictio, lancinatio, & in plurimis corporis partibus quod.

quoddam velut incendium, non tantum e-
 potis cantharidibus superuenire cōperiun-
 tur: sed & pinorum erucis, buprestis atque sa-
 lamandræ. Ad eundem modum non solum
 eos qui meconium hauserunt veterno ac so-
 pore prehēdi, stertere, liuescere, elanguesce-
 re, perfrigerari ac torpescere, stupefcere, ac
 toto corpore pruritum pati constat: sed eos
 etiam qui mandragoram aut cicutam assum-
 psere. Sic mētis alienationem non hyoscya-
 mus tantum infert: verum etiam quæ toxica
 appellantur, itidemq; aconitum & mel quod
 in Heraclea Ponti gignitur. Quin & strāgu-
 latio non modò ab assumptis fungis, sed &
 sanguine taurino, lacte, aconito, cerussa, gy-
 psōque conspicitur. In summa difficile est v-
 num vni veneno proprium inuenire signū,
 quod potum gustatūve virus certò prode-
 re possit: maximè cum eiusmodi symptoma-
 ta alios etiam affectus communiter cōsequi
 comitarique soleant. Attamen in iis quæ ce-
 leriter enecant, licet aliquo modo signis de-
 prehendere id quod noxam intulit, vti dein-
 ceptus trademus. Verum in iis quæ diuturnas
 affectiones inuehunt, nulla in curando dif-
 ficultas est, quantumuis noxium venenum
 signis internofcere sit perdifficile: quippe
 cum venena statim atque præsentaneā vim
 illam amiserunt, in longos affectus trāsinu-

tata, communia reliquorum affectuum remedia compositionesque flagitent, venefica proprietate non amplius illis inhærente. Proinde longa quæ ab iis excitata est affectio in aliquod diuturnorum morborum genus recidit, à quibus facile fuerit medendi rationem desumere. Atque de iis quidē quæ generaliter auxiliatur, hætenus. Consequenter quæ priuatim singulis conueniunt auxilia scriptis mandabimus: si prius tamen exposuerimus, quænam in singulis rerum ordinibus exitialem aut maleficam vim sortita sint: ut si qua eorum quæ ad sanitatis usum descripta reperiuntur, aliqua ex illis ammixta habeant, iis medicinæ studiosi cautiùs utantur. Inconsiderantia enim magna infert damna, & sæpè continuo eorum usu homo in perniciem agitur. Animalia itaque quæ exitiosam vim habent, hæc ferè sunt: cantharides, buprestis, salamandra, pinorum eruca, lepus marinus, rana rubeta & palustris etiam muta, nec non & hirudines deuorata. In seminum verò genere, hyoscyamus, coriandrum, cicuta, melanthium, psyllium: è liquoribus, meconium, opocarpasum, thapsiæ succus, elaterium & mandragoras: è radicibus, chamæleon, aconitum, thapsia, veratrum, iuxia, agaricum nigrum, & ephemerum quod nonnulli Colchicum vocant, quia in Colchide

chide nascatur. E plantarum ramosarum herbarumque generibus, smilax quam aliqui thymalum seu thymium, Latini taxum appellant, solanum manicum, quod & dorycnion dicitur, Sardonias herba quæ ranunculi genus est, corniculatum papaver, pharicum, toxicum, ruta sylvestris ac fungi. Ab animalibus, taurinus sanguis recens, lac coagulatum, & mel Heracleæ in Ponto genitum. Inter metallica, gypsum, cerussa, calx, auripigmentum, sandaracha utraque, spuma argenti, adarce, plumbum & quod argentum viuum appellatur. Ex iis quæ domestica & in quotidiano vitæ usu sunt, vnico haultu potum à balneo vinum largius, aut passum: aut frigida aqua similiter.

De Cantharidibus.

CAP. I.



QUIBVS exhibitæ sunt Cantharides, signa eueniunt grauissima: propemodum enim ab ore ad vesicam vsq; iis omnia erodi videntur, pici aut cedriæ simile quiddam in gustu obuersatur: in dextro hypochondrio inflammationem sentiunt, & urinam ægrè reddunt, ac subinde cum lotio sanguinem emittunt: strigmenta, qualia ysentericis, per aluum egerunt: animi defectionibus,

fastidiis & tenebricosa vertigine corripuntur: tandem verò etiam mente alienantur. Ergo anteaquàm tale quid accidat, propinato oleo aut supradictorum aliquo ad vomitum cogendi sunt. Mox ubi vomitione pleraque reiecerint, halicæ aut oryzæ, tragi vel ptisanæ cremor, aut decoctum inalua, vel seminis lini, vel fœnigræci, vel radicum althææ quam Latini hibiscum appellant, clystere infundatur. Superdandum verò iidem nitrum ex hydromelite, ut quæ stomacho adhuc & intestinis adhærent eluantur ac deturbentur. Hæc nisi sic incisa detergeantur, aluo infusa aqua mulsa cum nitro vacuari debent. Detur deinde vinum aut passum, in quo pinei nuclei & cucumeris semina contrita fuerint, aut ex lacte mulsæve: vel anserinus adeps in passio liquatus. Inflammatis autem partibus, post vacationes prædictas, hordei farina cum mulsâ decocta imponatur. Ab initio quidem admota cataplasmata nocent, quòd excitatus ab iis calor haustum virus detineat, ac principibus partibus impingat: procedente verò deinde tempore adhibita, molestissimis inflammationibus non mediocriter opitulantur: quippe quæ dolores & leniant & permulceant. Interim ubi corpus calfaciente oleo præunctum fuerit, in solium demittendum, ibique laudandum: ut per

ut per cutem summam quæ corpori noxia inhæserint etiam excludantur. In summa omne genus excretionis moliri oportet, ut ne perennet affectus, stabilitatemque acquirat. Exhibendæ porrò carnes gallinacæ & agninæ, porcellorum lactentium, & hœdinæ, eæque maximè pingues ac tenerrimæ & cum lini semine coctæ: siquidem & aluum molliunt, & venenorum acrimonias hebeant. Vinum quoque dulce liberalius hauriendum. Sed prodest insuper thuris cortex, & terra Samia quæ aster appellatur, si quaternæ singulorum drachmæ cum passi hemina vna sumantur. Item pulegium ex aqua tritum, & irinum aut rosaceum cum ruta decoctum: utiles & teneri vitis palmites cum passo detriti: omnium autem potentissimè auxiliantur antidota, cum aqua mulsa drachmis quatuor epota.

De Pinorum erucis.

CAP. II.

Is qui pinorum erucas hauserunt illico dolor circa os & palatum oboritur: vehemens linguæ, stomachi ac ventris inflammatio torquet: intestina quoque ingens dolor excruciat, ac simul etiam interanea pungi & erodi videntur: corpus totum exæstuat, & fastidium vrget. His succurrendum iisdem remediis, quæ ad Cantharidas deuora-

Sc. j.

tas exhibentur. Peculiariter tamen pro simplici oleo & irino melinum, quod è coto-
neis malis & oleo temperatur, vsurpabimus.

De Bupresti. CAP. III.

QVI Buprestin hauserunt, simile quid viroso nitro gustu percipiunt: stomachi verò ventrisque vehemens dolor insequitur: sed & stomachi ventrisque tumor qualis hydropicis accedit, totius corporis extima facies circuntenditur, urinæque suppressitur. His eadem, quæ potis cantharidibus, auxiliantur. Priuatim autem, post vacuarum corpus tum vomitionibus tum etiam clystere, sumptis ficibus aridis adiuuantur, itémque earum decoctio ex vino. Iam verò aliquantùm inclinato affectu decedentéque periculo, Thebaicarum etiam palmularum cibo, aut earundem tritarum in mulso lactéve potu iuuantur. Pyrorum etiamnum omne genus esse & lac muliebre bibere conuenit.

De Salamandra. CAP. IIII.

SALAMANDRAE haustum sequitur linguæ inflammatio, itémque mentis quædam hebetatio, ac tremor cum torpore aut horrore quodam & exolutione: partes quoque corporis nonnullæ liuoribus circumquaque variantur, necnon & sepe immorante diu-

te diutius veneno putrescentes sanie manant. His ubi eadem omnia quæ potis cantharidibus præstiterimus, peculiari remedio exhibebimus resinam è pinu, aut galbanum ex melle linctum, & chamæpityos decoctum, in quo pinci nuclei simul contriti fuerint: aut urticæ folia cum farina crassiore cocta in oleo. Prosunt etiam ova testudinis marinæ aut terrestres quomodocunque cocta, itemque ranarum ius, cum quibus eryngij radix incocta sit.

De Ephemero. CAP. V.

SYMPTO Ephemero, quod aliqui Colchicum aut bulbum sylvestrem appellant, pruritus in toto corpore excitatur, non secus atque iis quos scilla aut urtica momorderit, interiora eroduntur, stomachus cum ingenti gravitate exæstuat. Cæterum inualecente malo, cruenta ramenti admista per aluum egeruntur. Hos, æquè ac eos qui salamandram hauserunt, vomitione atque clysteribus adiuuare conveniet: sed antequam venenum inualescat, dandum iis decoctum frondium quercus, aut glandium, aut malicorij: aut serpyllum ex lacte propinandum: item succus polygoni, aut virgultorum viridis vel rubi, aut medullæ recentis ferulæ aut myrti cum vino. Ipsæ porro baccae myrti tritæ & aqua maceratæ opem ferunt,

℞. ij.

siquidem earum dilutum assumatur. Media castanearum tunica similem effectum præbet, si cruda in aliquo supradictorum succo sumptitetur: origanum quoque cum lixiuio epotum. Eximiè verò iuuantur lacte asinino aut bubulo calido potum, aut in ore retento: tamque efficaci remedio, ut quibus copia huiusce lactis adsit, non aliud genus auxilij desideretur.

De Dorycnio. CAP. VI.

DORYCNION (quod aliqui solanum manicum, hoc est, furiosum appellarunt) epotum, veluti lactis saporem gustu repræsentat, crebros singultus ciet, linguæ humiditatem conciliat, & effusorem sanguinis reiectionem concitat: ipsi verò potionati mucosa quædam perinde atque dysenterici aluo egerunt. Itaque antequam aliquod ex hisce symptomatis superueniat, auxilio sunt antedicta: vomitus, inquam, clyster & quæcunque potum venenum expellere apta nata sunt. Priuatim verò ijs opitulantur, aqua mulsa, lac asininum aut caprinum, ac dulce vinum, quod quidem tepidum cum aniso bibatur, amygdalæ amaræ & elixa gallinacea pectuscula. Quin etiam omnis generis conchyliæ, cruda pariter ac tosta, esse salutare est. Conueniunt & locustæ marinæ & gammarum, ac potum eorundem iusculum.

De

De Aconito. CAP. VII.

ACONITVM statim inter bibendum linguam cum astrictione quadā dulci sapore imbuit, ac subinde, præsertim cū asurgere conantur, vertiginē inducit: oculorū humiditates prolicit, & gravitatem pectori præcordiisque affert, cū flatuum multorū eruptione. Proinde venenū vomitione abigi, aut clystere per aluum subdaci opus fuerit. Postmodū utemur in propolisinatis origano, rutæve aut marrubio cū vino absinthite: vel absinthij, erucæ, abrotoni, chamelææ aut chamæpityos decocto. Prodest iis etiamnū opobalsami drachma cum melle aut lacte: itemque castorei, piperis ac rutæ par pondus ex vino: & coagulum hœdi, leporis aut hiniuli cum aceto: vinū quoq; sumptū, in quo ferri stercus aut ipsum etiā ferrū, aurū, argētūve candens restinctum fuerit. Conferūt & lixiuia cū vino, & gallinacci decocti, præpinguiūve bubularū carniū iura cū vino sumpta. Fertur & chamæpitys priuatim iis subuenire: quæ quidē in Heraclea Ponti, vbi & aconitum nascitur, holocleros, Athenis Ionia & in EVbœa sideritis appellatur.

De melle Heraclio. CAP. VIII.

QVI mel quod in Heraclea Ponti gignitur ederint biberintve, non secus afficiuntur, quā qui aconitum hauserunt, atq;

Sc. iij.

adeò iis eadem quæ poto aconito cōueniūt. Facile verò succurritur: quippe cū adiuuētur frequenti vini mulsi potu, cui folia rutæ admixta sint.

De Coriandro. CAP. IX.

CORIANDRVM propter odorem latere non potest: epotum vocis raucitatē facit atque insaniam, qualis ex vinolentia proficiscitur, ita vt qui sumpsere varia dictu pudenda blaterent: toto verò corpore coriandri odor sese prodit. His post vomitionem oleo irino concitatum, vt retulimus, merū aut per se, aut ex absinthio potum auxiliatur: item oleum ouaque in eo exinanita, si tepesacta cum muria sorbeantur. Sic & epota muria, & ius salsum gallinæ & anseris: passum quoque cum lixiuia sumptum.

De Psyllio. CAP. X.

QUOD Psyllium dicitur epotum, corpori toti frigus & torporem infert, cum exolutione & animi quadam ægitudine anxietatēve. Huic omnia quæ haulto coriandro auxiliantur.

De Cicuta. CAP. XI.

CICUTA pota, vertigines excitat & oculis caligines offundit, ita vt ne tantillum quidem cernatur: singultus etiam ciet, ac mentis alienationem & extremorum artuum perfriktionem infert. Tandem ægri con-

uulsi arteriæ spiritu intercepto strangulantur. Quare inter initia, vti in reliquis, cicutam vomitu excutiemus: postmodum deiectionem moliemur, vt quod ad intestina prolapsum fuerit excernamus. Tum demum ad meri potionem, ceu præsentissimū auxilium, deueniemus: idque interiectis interuallis, in quibus proderit lac asininū aut bubulum potui datū, aut absinthium cū pipere & vino: item castorium, ruta, mentaque cum vino, aut amomi, cardamomi vel styra-cis drachma: aut piper cū semine vrticæ ex vino, aut deniq; lauri folia. Præterea laferpitij succus ex oleo & passo. Sed & vinū dulce per sese largius potum, egregiè auxiliatur.

De Taxo. CAP. XII.

QUAE Smilax dicitur, à quibusdam thymium & à Latinis taxus appellatur. Pota, frigus vniuerso corpori, strangulatus & celerem interitum infert. Huic eadem quæ cicutæ conueniunt.

De Carpasi succo. CAP. XIII.

EPOTVS quoque Carpasi succus, soporem inducit, ac repentinam strangulationem infert. Adiuuantur itidem qui hunc hauserunt epotæ cicutæ remediis.

De Sardoniam herba. CAP. XIII.

SARDONIA herba, quæ ranunculi species est, in cibo potuue sumpta, mentē è statu
Sf. iij.

suo dimouet, & conuulsiones facit cum rictu labiorumve contractione, quæ risus speciem præbeat: hinc de Sardonio risu adagium in vulgus infauito omine manauit. Post vomitum peculiariter conuenit pota liberaliùs aqua mulsa, itémque lac: necnon & irrigatio vnctióque totius corporis per calfacientia medicamenta, prætereaque solium ex hydrelæo calente: ita tamen vt post egressum è folio illitibus ac frictionib. minimè parcat. In summa curationem omnem quæ cōuulsioni adhibetur exequi oportet.

De Hyoscyamo. CAP. xv.

HYOSCYAMVS in potu cibóve sumptus, qualem ebriorum mentis errorem seu alienationem infert: sed facilè medicamentis cedit. Auxiliatur aqua mulsa copiosè data, lacque præsertim asininum: si id desideretur, caprinum vel bubulum, aut aridarum ficuum decoctum. Faciunt ad id etiam nuclei pinei, cucumeris semen ex passio sumptum, & vinum salsum cum adipe suillo recenti passioque: itidem vrticæ semen aut nitrum ex aqua. Conueniunt & cichorium, sinapi, nasturtium, raphanus, cepa & allium, quorum singula ex vino sumi par est. Verùm postea sinendi quiescere, quemadmodum qui vinum biberunt, vt excoquant.

De

De Mandragora. CAP. XVI.

MANDRAGORA si bibatur, confestim sopor insequitur, exolutio, ac vehemens veternus nihil distans à lethargo. Huic, antequàm quidquam ex iis accidat, vomitus proderit & aqua multa: postea nitrum & absinthium ex vino dulci aut passo sumantur. Caput rosaceo & aceto perfundatur. Proficit etiamnum excitatio & agitatio corporis: itemque olfactus tritorum in aceto euphorbij, piperis, sinapeos, castorij ac rutæ: prætereaque odor picis liquidæ & funiculi lucernarum, quæ vicissim accendantur & extinguantur. Quòd si egrè ij reuocentur, etiã adhibere quæ sternutamenta cieant, aliisque eiusmodi communibus auxiliis vti cõueniet.

De Papaueris liquore. CAP. XVII.

EPOTO Papaueris liquore, consequitur veternus cum perfriktione & pruritu vehementi. Quin sæpenumerò inualescen-
te veneno tanta oboritur prurigo, vt hominem excitet: odor verò medicamenti totò sese prodit corpore. Post citatam oleo vomitionem, infusumque clysterem acriusculum, auxiliatur acetum multum cum sale potum, aut mel cum rosaceo calido. Item merum copiosum cum absinthio & cinnamomo, aut calidum per sese acetum: nitrum quoque ex aqua, & origanum cum lixiuio aut passo:

syluestris rutę semen cum pipere, vino & panace: ac piper etiam cum castorio & aceto mulso, aut cum satireiæ vel origani decocto, addito vino. Sed & hos odoramētis seu olfactoriis excitare, & in calidæ solium mittere, ac fouere obortę pruriginis ratione oportet. Proderit autem à balneo iusculorum pinguium vsus ex vino aut passo, ac medulla etiam ex oleo pota.

De Corniculato papauere.

CAP. XVIII.

QUOD papauer Corniculatum appellant, & potu & cibo eadem symptomata inferre consuevit, quę papaueris succus: ac iisdem quoque expugnatur auxiliis.

De Pharico. CAP. XIX.

QUOD Pharicum vocant, sapore quidem syluestre nardum planè imitatur: infert verò potum neruorum resolutionem cum delirio & conuulsione. Sed oportet post cōcitatam vomitionem vinum absinthite potui dari, cum cinnamomo aut myrrha, aut nardo Gallico, quod saliuncam aliqui vocauerunt, aut spicę nardi drachmas duas & myrrhæ totidem obolos ammixto passo, aut irin cum croco in vino. Deraso verò capiti adhibenda hordeacea farina cum ruta trita & aceto.

De

TOXICVM ex eo appellatum creditur, quòd Barbarorum sagittæ eo illinerentur. Qui biberunt, haud ita multò pòst labiorum & linguæ inflammatione prehenduntur, iisque furor mentis incoërcitus varias imagines obuersat: quare vix medicinæ locus est, raróque qui hauserunt incolumes euadere contingit. Vinculis attamen cohibendi, vt vinum dulce cum rosaceo bibere, protinusque reuomere, ac rapi quoque semē ex vino haurire cogantur. Priuatim verò iis cōuenit quinquefolij radix, itémq; hircinus sanguis, aut caprillus eodē modo sumptus: proficit & roboris, fagi aut ilicis cortex cum lacte tritus. Prosunt etiā mala cotonea in cibo sumpta, aut trita cū pulegio & aqua bibita. Amomum deniq; benefacit, vt & balsami semen ex vino. Quòd si qui periculis defuncti sunt, lōgo tamen tēpore in stratis decūbunt: ac vbi surrexere, sui impotes ac velut attoniti reliquum vitæ tempus transigunt.

IXIAS, qui & Vlophonon appellatur, inter potandum quiddam tum odore tum sapore ocimo simile repræsentat: vehementem autem linguæ inflammationem ac mētis alienationem inducit, & excretionum genus omne supprimit: murmura inte-

stinorum ac rugitus cū animi deliquio ciet, quamuis nihil interim egeratur. Post eductā vomitionibus maiorem veneni portionem, aut post alui deiectionem, auxilium præstat absinthij dilutum ex vino largiore aut aceto mulso bibitum, nec minùs rutæ sylvestris semen aut laserpitij radix: item tragorigani decoctum cum aliquo supradictorum, aut lacte, aut resina terebinthina: nardus etiam aut castorium aut laser, singulorum inquàm obolus ex vino. Quin & conueniunt nucum iuglandium nuclei triti cum resinæ, castorij & rutæ, singulorū drachma vna. Itidem chamaeleę aut succi thapsiæ oboli duo cum aqua mullā: & acetum calens largius epotum.

De Cerussa. CAP. XXII.

CERVSSA clām exhiberi nequit: siquidem suo sese colore prodit. Vltrò verò sumpta, palatum, gingiuas, linguam ac ipsas dentium commissuras candore quodam inficit: excitat autē singultus, tussim & linguæ ariditatem, extremorūque refrigerationē, cum mentis alienatione ac motus difficultate. His dare conuenit aquam mullā, aut ficuum vel maluæ decoctum, aut lac calidum, aut sesamum ex vino tritum, aut lixiuiam e sarmentorum cinere factam, aut amaracium irinūve oleum, aut Persicorum nucleos cum hordei decocto, aut thus, aut gūmi pru-

ALEXIPHARMACA. 653

mi prunorum, aut humorem qui in folliculis ulmi continetur ex aqua tepida. Hisce præfidiis vomitus euocetur. Conuenit etiam thapsiæ succus aut scammonij liquor, ternis obolis ex aqua mulsa potus.

De Fungis. CAP. XXIII.

FVNGORVM alij toto genere, alij maiore copia nocent: omnes tamen spiritus via quasi laqueo interclusa præfocant. Quare confestim communi auxilio succurrendum, scilicet oleo citata vomitione. Mirificè verò iuuat lixiua sarmentitia, aut è pyrastrì ligno, cum posca & sale aut nitro epota. Sed & pyrastrì fructus aut folia cum fungis decocta, strangulandi vim illam auferunt, esitataque eadem auxiliantur. Iuuat & stercus gallinaceum cum posca bibitum, itémque aristolochiæ aut absinthij drachma vna cū vino: insuperque etiam mel seu in cibo sumptum, seu ex aqua potum. Sic & apiastrum cum nitro, panacis radix & semen in vino: fax quoque vini cremata cum aqua, & atramentum sutorium ex aceto: denique radícula, sinapi aut nasturtium esu profunt.

De Gypso. CAP. XXIII.

GYPSVM strangulationem infert, dū intra ventriculum lapidescit: quare & eadē quæ aduersus fungos valēt auxilia, prætereaque maluæ decoctum, quod quidē olei

vice assumendum est: quoniam pingue cū sit & ad vomitionem lubricas vias præster, deradi corpora minimè finit: quod alioqui gypsum, vbi duratur in lapidem, facere solet. Quinetiam prodest oleum ex aqua mulsa aut ficuum decocto, & lixiuia è ficulneo aut sarmentitio cinere facta, cum vino largiore pota: item origanum aut thymum cum lixiuia vel aceto passōve: sed & maluæ decoctū clystere infundi oportet.

De Taurino sanguine. CAP. XXV.

TAURI recens iugulati sanguis epotus, spirandi difficultatem strangulatūmq; concitat, dum tonsillarū fauciūmq; meatus cum vehementi conuulsione obstruit. Lingua inde rubescit, ac dentes inficiuntur, & inter ipsorum cōmissuras quædam concreti sanguinis vestigia conspiciuntur. Vomitus in hoc malo vitabimus, ne fortè grumi eiusmodi attractu in sublime elati gulæ magis impingantur. Dari verò opus est quæ sanguinem concretum dissoluant & aluum subducant, vti caprifici grossos lacteo succo turgentes ex posca. Nitrū quoq; per sese auxiliatur, nec secus coagulum omne cum aceto, & laserpitij radix cum lasere ipso: itidem & brassicæ semen, & è cinere ficulneo lixiuia. Profunt & conyzæ folia cum pipere, & rubi succus ex aceto. Aluum prætereà soluere par est: si-

est: siquidem iis qui euasuri sunt crocea per sedem egeri consueuerunt. Postremò stomacho aluóque hordeaceam farinam ex aqua mulsa adhibere oportet.

De Lacte intus coagulato. CAP. XXVI.

EOs quoque quibus lac assumptum intus coagulatur frequēs derepente strangulatio inuadit, quòd intus lac in grumos quosdam coalescat. Hos iuuamus exhibētes antidoti vice coagulū ex aceto, idipsūmq; sæpius bibere cogētes. Damus & calaminthæ folia arida, aut succū etiam ipsum similiter: aut laerpitij radicem liquoremve ex posca: pariter & thymum ex vino, & coactiliarium lixiuiam. Caterū falsi nihil exhibeatur, quoniam magis lac coiret & in caseum densaretur. At neq; hos vomitus adiuuat, siquidem concretum lac sese in gulæ angustias insinuans, facilè strangulat.

De Argenti Spuma. CAP. XXVII.

SPUMA argenti pota, stomacho, ventri & intestinis grauitatem cū magnis torminibus affert: interdum & pondere suo intestina vulnerat, urināmq; supprimit: intumescit verò corpus, plumbeāque deformitatem concipit. His secundū vomitionem subueniunt pota ex vino, syluestris hormini semen, myrrhæ oboli duo, absinthiū, hyssopū, apij semē, aut piper, aut cypri flos ex vino.

necnon & finus palumbinus aridus cum nardo & vino.

De Argento viuo. CAP. XXVIII.

ARGENTVM viuum potum, eadem quæ argenti spuma infert: quapropter & eadem exposcit auxilia. Lac autem largius potum auxiliari constat. Vomitus etiam minimè negligendus est.

De Calce, Sandaracha & Auripigmento.

CAP. XXIX.

CALX, Sandaracha & Auripigmentum, eosdem ventris & intestinorum cruciatus cū vehementi rorsione inferunt. Quamobrem exhibenda quæcunq; simul & acrimoniam temperandi, & facilem vomitionē lubricamq; aluū præstandi vim habent, cuiusmodi ibisci & maluæ succus est: natura enim vtriq; perlubrica. Præbendū etiam decoctum seminis lini, aut tragi frumentacei vel oryzæ, lacq; cum aqua multa copiosum, iura denique pingua bonique succi.

De Lepore marino. CAP. XXX.

HAVSTO marino lepore, virosus quidam sapor qualis putentium piscium percipitur: procedente verò tēpore, venter dolore afficitur, vrinaq; sistitur: quòd si quando ea redditur, purpureo colore conspicitur. Accedit & omnis generis piscium auersatio atque odium, & sudor graueolens: biliosus
itidem

itidem vomitus, interdum sanguine mixtus, subsequitur. Hoc malo circumuentis dandum lac asininum aut passum assidue, necnon & radicis maluæ foliorumque decoctum, aut trita cyclamini radix cum vino, aut veratri nigri vel scammonij succi drachma cum aqua mulsæ & Punicorum nucleis; aut cedria contrita ex vino: benefacit & anserinus sanguis adhuc calens epotus. Sed cum pisces omnes respuant & auersentur, solos fluuiatiles cancos elixos esitant & concoquunt, à quibus non mediocriter adiuvantur. Signum porro salutis fuerit, si pisces in cibos admittere cœperint.

De Rubeta & Rana palustris.

CAP. XXXI.

TV M Rubeta, tum etiam Rana palustris assumpta, corporis tumorem ciet, cum intenso pallore qui buxi colorem imitatur: accedit spirandi difficultas & gravis halitus oris singultusque, ac interdum inuita genituræ profusio consequitur. His qui sumpsere facile succurritur secundum vomitionem largiore meri potu & arundinis radicis binis drachmis, aut cyperi totidem. Cogendi quoque sunt ut vehementi ambulatione incitatoque cursu corpus exerceant, ob torporem qui ex hoc malo nascitur. Quinetiam quotidie lauandi sunt.

Tl j.

De Hirudine. CAP. XXXII.

DE VORATÆ cum aqua hirudines si ori vetriculi adhæserint, tractione partium nonnullam suctionis imaginem præbent: atque hoc signo hausta hirudo deprehenditur. Eas muria sorbitione excutit, & Cyrenaicus liquor, aut laserpitij folia vel betæ cum aceto pota, [aut epota niuis glebula cū posca.] Nitrum præterea ex aqua gargarizatur, itémque atramentum sutorium aceto dilutum. Si verò faucibus hæserint, demisso in aquæ calidæ solium ægro, frigidam ore continendam exhibeto, & ad eam protinùs hirudines proficient.

De Veratro albo, thapsia, elaterio & similibus.

CAP. XXXIII.

PROVIDENDVM etiam iis quæ, quâvis auxilij ferendi gratia exhibentur, haud minora tamen pericula quàm venena cetera sæpiùs afferunt: qualia sunt veratrū album, thapsia, elaterium, & agaricum nigrū: siquidem hæc animam suffocant, aut immodicè purgant. Ac præfocationibus quidem ea medentur, quæ in fungorū similiūque mentione retulimus: nimios autem deiectionum impetus medicamentis quæ egestionem supprimunt coërcebimus. Neque verò negligenda quæ paululūm quidē nocere videntur, interim verò periculo non vacant: quo
in nu-

ALEXIPHARMACA. 659

in numero sunt syluestris ruta, melanthium & recentes pappi, hoc est, flores spinæ quæ cactos appellatur. Eos porrò qui talia sumpserè sola vomitio restituit.

De aqua frigida & ceteris quæ itidem nobis domestica & in quotidiano vitæ usu sunt.

CAP. XXXIIII.

AQUA etiam frigida vnico haustu ac sine interpiratione bibita, aut meracū vinum passū me liberalius haustū, præsertim à balneo aut cursu & concitatiores quavis exercitatione, strāgulatus ac dolores infert. In eiusmodi casu venæ sectio protinus adhibita, itēque per enemata vacuatio imminētibus liberāt periculis. Hactenus de notis veneficiorum, eorūque cōuenientibus remediis, necnon & præcauēdi modo, dictum esto. Subiungeremus & vsitata antidota maximè necessaria, quæque inter cetera præclare auxiliari constat: quale est Mithridatium & quod è sanguinis variis generibus, & quod è scinco paratur. Verū quoniam inter antidota accuratissimè descripta sunt, visum est hoc loco ab eorū descriptione supersedere.

Tt. ij.



PEDACII DIO-
SCORIDIS ANAZAR-
bæi Liber, de Venenatis animalibus,
& ab iisdem infligatorum vulne-
rum signis & cura-
tione.

IANO ANTONIO SARACE-
NO LVGDVNAEO, INTERPRETE.

P R A E F A T I O.



E bestiis venenatis & exitia-
libus venenis agere iccirco
nobis propositum est, vt cu-
rationis remediorumque to-
tus expleatur modus. Siqui-
dem pars hæc, non minùs
quàm cæteræ aliæ, necessaria est iis qui me-
dicinam faciunt: quippe cum eorum admi-
niculo quæ inibi traduntur, periculis, dolo-
ribus & cruciatibus, plurimisque aliis malis
homines liberari contingat. Hæc autem in
summa

summa fastigia duo, sicuti ab initio pronuntiatum est, distribuitur. Nam qui tractatus est de bestiis virus eiaculantibus, Theriacus: qui verò de venenis, Alexipharmacus appellatur. Eum porrò seruabimus ordinem, ut quæ symptomata comitari consueuerint priore loco monstremus, deindeque unicuique propria remedia subiiciamus: quæ quidem omnia in promptu & ad manum artificem habere oportet, propter urgentem sæpenuerò necessitatem. Quandoquidem è venenis virulentisque animalibus sunt per pauca, quæ tarda temporisque dilationem admittentia pericula cieant: pleræque verò præsentaneam perniciem afferunt. Sunt prætereà qui ingenta prauitate struentes aliis insidias, maleficiū ita temperant, ut subitū ac repentinum exitium afferat. Alij praua scelerum cōscientia stimulari, aut tristi quopiam rerum euentu oppressi, hausto sponte veneno mortem sibi consciscere conantur: qui postea seu deprehensi seu pœnitentia ducti vitæque cupidi, celerem & præsentaneam opem exposcunt. Neque desunt qui tela in hostes intorquenda toxicis illinētes, aut puteos ac fontes venenis inficientes, certam & inuitabilem aduersariis perniciem moliantur: in quibus maleficiū non subitò quidē, sed aliquantò post vires suas exerere con-

T t. iij.

suevit: attamen nisi maturè ac primo quoq;
tempore salutaribus remediis occurratur,
frustrà tandem succurritur, occupatis iam
corporibus exitiali vi veneni. Proinde non
vulgarem industriam diligentiamque adhi-
bere conuenit, vt quemadmodum in aliis
malis, ita & in his ars vniuersa mortalibus
salutē afferat. Itaque apud priscos hic modus
curandi, eius partis existimabatur esse quæ,
quòd ægris corporibus sanitatem restituat,
Therapeutice dicitur. At recētiore posito
discrimine, quia in præcauēdo versetur, Pro-
phylacticū nominarunt, mediūque statue-
runt inter eā medicine partem cui sanitatis
tuendę cura incumbit, & eā quę Therapeu-
tice dicitur, parua nihilominus eaq; leui per-
suasione decepti. Enimuerò tres esse corpo-
rum humanorū status agnoscūt: vnum quo
sana degunt, alterū quo agrotāt, tertium qui
medium inter vtrunq; locū sibi vendicat: in
quo positi rectè quidem valere videntur, at-
tamen parati sunt lapsu facili in morbos in-
currere, variāq; subire pericula ob vim cor-
ruptricē quæ corporibus insidet: quēadmo-
dum in iis videre licet, qui à rabioso cane
morsi fuēre, necdū tamē aquæ metu horro-
réve prehensi sunt: itidēque in iis qui Cā-
tharidas hausēre, necdum tamen cruciatibus
vrinæve difficultate tenētur. Huic igitur tri-
plici

plici corporū cōstitutioni tripartitā artis distinctionē meritō respōdere contendunt, salubrē inquā, quæ sanitatē tuetur : præcauentē, quæ morbos arcet: & sanantē, qua morbi discutiuntur. Verū tamen his responderi potest, primū iuxta hanc ratiocinationē non tres corporis constitutiones, sed quatuor potius numerandas esse. Veluti enim sunt nonnulli qui nondū ægrotāt, attamen in morbū. sunt proclives ob impendentē causam: ita & aliqui sunt, qui licet haud ampliū ægrotēt, pristinæ tamē valetudini nondū planē restituti sunt: id quod in iis cernere licet, qui recens morbo liberati virium recreationem ac robur desiderant. Sed quemadmodū hæc curandi ratio ad Therapeuticē medicinę partē pertinet, ita & præcauendi rationem huic eidē subiici par est. Quid quod ad arcendas valetudines etiā valētissimis vtimur auxiliis, altiore scarificatu, vstionibus, amputatione, appositis medicamentis mordacibus, itidē inq; propotismatis eiusdē generis, & plerisq; aliis? Verū enim uerō sunt vsq; eò stolidi ac rudes nonnulli, vt ne remedia quidē appellent, quæ in arcendis morbis vsurpātur. Cuius sententiæ inire rationē haud ita facile est: quippe cū & ipsa vox præcautionis & præcauendi ratio remediorum vsum & necessitatem satis superque designent. Sed quomodo

T. t. iiij.

sua illa partium Medicinæ distributione nō
complectuntur eos, qui in pestilēti cœli con-
stitutione agentes, nondum quidem morbo
correpti sunt, pesti tamen propter ambientis
aëris occasionem opportuni & in morbum
proni redduntur? Dicit forsan aliquis, salu-
brium præceptorum obseruationem non a-
liud esse, quàm præcautionis partem aliquā:
quippe cū firma reddere corpora & mi-
nūs vitiis obnoxia nitamur, vt inoffensa va-
letudine degant, neque morbis conflicten-
tur. Neque id silentio prætereundum, quod
maximè præcipuum & tanquam caput rei
est: non ita distinguendas medicinæ partes,
vt totidem corporis constitutionibus respō-
deant, sed naturam potiùs vniuscuiusq; suis
notis seorsum indagādam & explorandam,
vti suis locis ostendemus. Cum illis igitur
non est pluribus agendum. Illud potiùs an-
notandum, affectus qui à virulentis anima-
libus venenisque contrahuntur vocari cæ-
cos, id est, quorum ratio iniri minimè po-
test: pariter & eorum remedia nulli esse ad-
dicta causæ. Idcirco & quæstio hæc artis e-
ius est, quæ obseruatione simul & ratiocina-
tione nititur: siquidem rationi fides adhibe-
tur. Neque enim prorsus verum illud est. Sed
semper id quod redundat, quòdque nullum
in operibus quibusdam præbet vsum, haud
facile

facile est coniectura assequi : etiam si iuxta proprietates prorsus tale est , vt illius causa reddi non possit. Hoc autem in exitiis venenis & virulentis animalibus euenire solet. Veruntamen quod ad opera est vtile, quodque medendi præbet occasionem , id neque imperceptibile est , neq; causa carere existimatur. Quin potius ab ipso quis impulsus certiorum de abditorum comprehensione fiduciam se comparasse affirmabit. Nā etsi sæpè minora sint quam vt sensibus percipiantur , euidenter tamen ex ipsis inter se collatis deprehenduntur. Diocles autem, in eo commentario quem Plutarcho dicauit, modos abundè prosecutus est, ad verbum ita scribens: Nolle quis hoc potest cum in aliis non paucis, tum in viperis aut scorpionibus, & aliis id genus, secum animo reputans quantorum, licet exiguo sint corpore vixque conspectui subiiciantur, discriminum ac dolorum causæ sint. Ex iis nihilominus nonnulla constat propter paruitatem ne cerni quidem facile posse, prætereaque robore à cæteris bestiis longè superari. Quantula enim censebitur, si vulnus spectes, scorpionis & aliorum eiusmodi corporibus nostris perniciem afferentium magnitudo? Et horum tamen aliqua vehementes cruciatus excitant, alia putrefaciunt, alia denique quamprimùm peri-

inunt. Rursus quātulum, quāso, aestimabitur quod à Phalāgij morſu ingeritur venenum, quódque vniuerſum corpus grauiter afficit? Magnitudinē certē aliquā vix ac ne vix quidē deprehēdere quiſquā poſſit, cūm idipſū animal prorſus exigua mole cōſtet. Ergo hęc ad affectiones referri oportere apud omnes eſt in conſeſſo. Illud quoque exactē deprehēſum eſt, vim quandā ipſis ineſſe corruptricem, quā inſinuata corporibus malorū quā exoriuntur cauſa ſit: id quod receptū eſt iam pridem & omnium conſenſu perſuaſum. Neque quiſquā inuenietur vſque adeō contentionis ſtudio flagrans, vt aliunde moleſtias ac perturbationes oriri aſſerat, quā ex materia corruptrice ſeu mortifera, ex parte tantūm corpora contingente. Porro id erat quod inter vtilia artis opera in omni opere dicere par erat, quānam res hoc efficiat, vt nihil prorſus nos lædat incomprehenſa cauſæ proprietates: quandoquidem communis cauſa tunc oſtendi poteſt, cūm firmiter comprehenſa eſt. Ideō Eraſiſtratus Empiricorum peruiaciam graui cauillatione inceſſens, cæcis affectibus cauſā aſſignauit: illis minimē concedens cauſam morborum ſupremam & comunem incomprehenſibile eſſe, & hanc in eo quem de cauſis edidit commentario illuſtrans. Quin & illos reprehendit,

hendit, quòd non explicuerint in quibus dispositionibus satisfaciat trita medendi ratio. Siquidem, exempli gratia, dicere debuerūt, se in venenis venenatorūque moribus & cæteris id genus obseruatione contentos fore, quæ quidem à causarum comprehensione omnino separata sit. Primū enim in genere cōprehendi facilè possunt: quādoquidem veneni vis corruptrix corporaque subiecta ita immutās vt etiam perimat, generalē quidem, at non specialem, subindicat curationē: quæ scilicet vim habeat illud ipsū hebetandi ac prorsus expugnādi. Dum verò subiunxit: [venit quis ad aquam dulcē ac poculentam, & ante obseruationem vomitum prouocauit, vulnus dilatauit, aut partem demorsam exugendam præbuit, cucurbitulas admouit, scarificationem adhibuit, cauteria & eadem vi prædita medicamenta caustica applicuit, postremò partem amputauit,] remedia haud dubiè pensitauit, quotquot [seu intus assumpta seu] foris & in summa cute adhibita immissæ ad intima pernicipi aduersari possent. Hæc itaque quæ differuit Erasistratus, tum veritati, tum & artis operibus sunt consentanea. Sed Methodicos demirari licet, qui quidem corruptricem seu maleficam vim corporibus immissam, negotiorū quæ ipsa facessit simpliciter

causam esse minimè concedāt, at certo quodam modo: vsque adeò ineptè nomini insistant. Palàm enim etiam apud ipsos vis immissa corporibus, φθοροποιός, [hoc est, corruptrix] appellatur. Corruptricem autem vim habere, causæ, non item alijs cuiuspiam rei, opus est. Aiunt porrò voces has μάρσιππος & αναγκλύπειν reliquis omnibus esse similes: in quibus partes quædam dictionum non pro virtute, sed iuxta nudam enuntiationem, cōprehensæ sunt. Enimuerò quemadmodum in his vocibus μάρσιππος & αναγκλύπειν, partes neque principales neque præcipuos retinent significatus, sic & in hoc verbo φθοροποιείν partes superuacuò & quasi productionis tantum gratia, non item ad certam vim & efficacitatem, vnà coaluerunt. Hinc porrò ad causarum differentias transeunt, affirmantque causarum quasdam esse primarias & euidentes: quæ cum primùm aduersam valetudinem creant, à corpore separantur, cuiusmodi sunt labor, frigus, æstus, & similia: alias verò continentes, quæ excitato morbo etiamnum permanent, hoc est, quibus præsentibus & effectus eorum adsunt, incrementibus iisdem effectus itidem augentur, decrescentibus minuuntur, desinentibus finiuntur: quæ denique iccirco perfectæ dici possunt, quòd si adsunt, effectus per se inducunt.

Ac

Ac tales quidem receptissimæ sunt causarum differentia, quarū neutri τὸ φθορογενεῖν subiici rectè potest. Primaria enim causa non est, quoniam morbus ipse permanet, nec ipsa à corpore separatur. Sed neque continens causa dici potest, quoniam magna ex parte aliūde adest quod nocet, quemadmodum in iis videre est, qui à rabioso cane sunt demorfi. Quòd si neque primaria neque continens causa fuerit, utique neque perfecta seu finem per se constituens, neque adiuuans causa dici poterit. Quòd si τὸ φθορογενεῖν in nullo causarum genere locare possumus, consequitur certè ut neque omnino causam esse fateamur. Hisce hoc modo dictis constitutisque, esse vocabula quædam quæ in se non habeant partes rerum significatrices, sed iuxta simplicem ac nudam pronuntiationem effectas, concedendum est. Verūm planè perpauca, nedum omnia, talem nancisci conditionem existimandum est. Neque enim ποιεῖν in hoc nomine, φθορογενεῖν, perinde atque in reliquis exemplis vocum partes, enuntiatur, sed longè principem obtinet significationem. Nam quemadmodum φθορεῖν, id est, corruptionis, nomen mutationem in peius significat, sic & hoc verbum, ποιεῖν, i. facere, ita accipiendum est, ut nihil ampliùs ex eo quod dictionem φθορεῖν sibi adiunctam habeat declaret,

sitq; vox penitus non significans id quod omnes palam audiunt, atq; adeo similis voci, sitire, firim, ut ita dicam, habere significati. Quod si dat sano ex corruptione morbum contingere, concedunt utiq; vim in huiusmodi verbo *πικρῶν* subesse: siquidem aliquid est, quod corruptionem efficiat. *Omne autem quod aliquid efficit, per singulas causas ostenditur quæ corporibus subiiciuntur, idque tam in lethalis venenis, quam iis quæ corporibus ingeruntur. At qualencunque causam ad causarum differentias propositas reduci oportere asserunt. Falluntur autem & hac in parte, quoniam haud exactam diuisionem proposuere. Qui verò se Dogmaticos profitentur, causam hanc esse dicunt partim præparantem, partim continentem, ut inguinum vlcus & inguinariam febrem, & quæ tum causæ finem & effectum per se præstanti assistat, tum etiam ab eadem separetur, ut à fractis præcipitatio. In summa quoties quidpiam suapte natura causa fuerit, nec vlla causarum diuisione comprehenditur, vitiosum est, neq; causæ ascribitur eorum quæ idem genus sortiuntur. Sed quod *φθόρος* causa sit, tum ex ipso nomine deprehenditur, tum & apertius ex iis quæ contingunt ostenditur. Nam post impressum à venenata bestia ictum, quam, quæso, aliam arbitrantur mali causam, quam vim ipsam
 ab an-

ab animante profectam & illapsum in corpora virus? quando quidem neq; frigus, neq; æstus, neque excisionem, neq; cruditatem neq; aliud quicquam simile causari possunt. Quoniã verò etiã causarũ differētiis gaudēt, & aliquas continentes, alias primarias seu evidentes appellāt: ipsis dicendũ, utroq; istorum modorũ causam esse. Ac evidens quidē dicetur, quòd effectum præcedat & corporis substantiã præoccupet: continens verò, quòd morbis præsentibus etiam ipsa adsit, hãcque remota, itidem recedant simul & semel quæcum ipsa euenerāt. Sed de his hæctenus. Statuendum itaque corruptricem seu mortiferam illam vim intrinsecus manifestissimam esse causam, hũncq; veluti principem scopũ nobis proponendum esse. Iccircò antequam irruant morbi, variis modis certandum est, usque dum vis tota corporibus excutiat. Modò enim qua parte intrò subiērit, eã reuocari oportet, modò retineri & quasi coërceri circa partem quampiam, præsertimque ignobilē, priusquã altius irrepens viscera tentet: aliã deniq; pernicies eius eluēda retundendãve est, siquidem iam ipsa membra peruasit. Cumprimũ igitur hausto veneno vehemens succedit inflammatio, crebris vomitionibus excludendum id est: si in actu morsũve impressum est, scarificatione.

affixis cucurbitulis, suctu & carnis scalpello
facta circinatione: interdum etiam extremæ
partis amputatione euocatur. Retinetur ve-
rò atque cohibetur, infusis enematis & im-
positis medicamentis acribus: hæc simul uti-
que virus coercere & eluere possunt. Restin-
guitur porò & euincitur meracioris vini
passive potu, aut etiam esu acrium quæ con-
traria vi polleant. Postremò tandem alui
purgatio, sudoris euocatio, & alia quædam
in commune, quæ sigillatim demonstrabi-
mus, auxiliantur. Verumenimverò non cor-
ruptricem tantum materiam ceu scopum, sed
& eius magnitudinem ac ipsum quoque tem-
pus attendere oportet. Etenim ab his reme-
dia quam maximum discrimen capeffunt.
A magnitudine quidem, quoniam nonnul-
la è venenis tam haustis quam ictu morsive
infectis præsentia pericula constandi vim
habent, alia putredines altiores aut magis
superficiarias excitant: alia dolores aut ve-
hementiores aut leuiores cient, alia denique
incommoda magis minusve infestantia in-
uehunt. Quamobrem oportet quæ grauius
periculum afferunt, valentioribus auxiliis
oppugnare: quæ contrà minus infesta sunt,
mitioribus. Quippe absurdum fuerit in gra-
uioribus malis, segnioribus medicamentis,
si ita contingat, uti, atque adeò hominem in
discrimen

discrimen adducere: in minoribus, verò, precipiti violentaque curatione frustra corpus excarnificare. Est & in promptu quæ à tempore desumitur indicatio: sunt enim quæ presentem ac subitanæam perniciem inferunt, alia verò non nisi temporis spatio, sed modò longiore, modò breuiore nocent. Itaque in acutis quidem, festinanter multa simul auxilia representari oportet, reliquis, tardiùs. Hisce artis quãdam ceu formulam abũde cõplexi sumus: reliquum est, vt ad particularia sigillatim exponenda progrediamur.

Signa rabiosi canis, eorũque qui ab eo demorsi fuerint. CAP. I.

DE rabidi canis morſu tractatum aliis iccirco præpoſuimus, quòd id animal, vt frequens & homini familiare eſt, ita & rabie sæpenumerò prehenditur, indeque perit, & ab eo ſibi cauere difficile eſt: hinc tamen periculum ineuitabile hominẽ manet, niſi multis iſſque cõuenientibus vtatur auxiliis. Plerũque verò canis in rabiẽ agit per flagrantiffimos æſtus, ac interdũ etiam per ſauiffima frigora. Rabie autem correptus, & potum & eſcã auerſatur, largã ſpumãtẽque pituitã naribus & orẽ proiicit, toruum ac ſolito triſtiùs intuetur,

Vv.

in omnes æquæ bestias hominésque irruit,
ac omnes passim tã familiares quàm ignotos
mordet: neque tamen protinùs aliud quic-
quam graue, quàm ex vulnere dolorem in-
fert: at deinceps morbum ab aquæ metu, hy-
drophobiam Græcis appellatum, inuehit.
Hunc comitantur cõuulsiones ac totius cor-
poris rubores, præsertimque faciei, cum exu-
datione & languore quodam. Ex hoc mali
genere correptis sunt qui lucis splendorem
refugiant, alij assiduo dolorum cruciatu cõ-
ficiuntur. Neque desunt qui canum more la-
tratus edant, & obuios quosque dentibus ap-
petant, morsuq; suo alios simili morbo in-
ficiant. Ex iis porrò qui in eiusmodi morbũ
incurrissent, nullũ seruatur scimus: tantũ mo-
dò ex historiis vnum aut alterũ euasisse ac-
cepimus. Enimuerò EVdemus superstitem
quendam euasisse narrat. Themisonem etiã
aliqui demorsum in hunc affectum incidisse,
ac nihilominùs seruaturũ asserunt: alij cùm
ab amici aquæ metu cruciati latere; cuius
commiserescebat, vix vnquam discederet, il-
lique alacriter omne præstaret officium, si-
milem contraxisse affectum: attamen post
multos tandem cruciatus euasisse. Est igitur
hoc genus morbi miserrimum, & curatu
perquàm difficile: sed à quo tamen, priùs
quàm ipso tentarentur, demorsos haud pau-
cos ipsi

cos ipsi vindicauimus, & complures itidem
ab aliis medicis conseruatos nouimus.

Morsus rabidi canis particularia remedia.

CAP. II.

RATIO medēdi quædam communis est,
qua vtendū. in iis omnibus qui à viru-
lenta quauis bestia demorsi fuerint, altera iis
peculiaris quos rabiosus canis momorderit:
quæ nonnullis quidē maximè prodesse con-
suevit, aliis verò est inutilis, quibus scilicet
iam ex lōgo tempore morsus illatus fuerit.
Hanc nos medendi rationem priore loco
exponemus: deinde & communem illā cur-
sim perstringemus. Cancros itaque fluuiati-
les igni è vitis albæ sarmentis cremare o-
portet, & cinerem eorum quàm minutissimè
tritum habere reconditum: pariter & gen-
tianæ radicem tusam cribratamque repone-
re. Quoties autē canis rabiosus alicui mor-
sum intulerit, in quaternos meraci vini cya-
thos bina cineris cārorū cochlearia, vnūq;
gētianæ, cōiiciātur: ac vbi in polētæ dilutio-
ris modū subacta remistaq; fuerint, quatri-
duo bibātur. Cū igitur primo statim vul-
neris inflati tēpore hoc medicamētū exhi-
bebit, in hūc ppinabitur modū. Quòd si ab
illato morfu duo trēsve dies intercesserint,
dū curationē aggrediemur, duplum quoque

V. y. ij.

triplūmve ponderis eius quod ab initio re-
tulimus exhibebimus. Efficacissimum quī-
dem hoc est aduersus rabiosorum morsus
auxilium, quod etiam vnicum nonnullis sa-
tis ad salutem fuit, quóque cum fiducia uti
licet: attamen quò firmitus cōtra periculum,
ut videtur, ineuitabile, muniamur, nihil
quicquam obstat, quominus & aliis utamur
auxiliis. Sed & inhumanos quantūvis fru-
strā remediorum tolerare cruciatus satius
multò fuerit, quā per inertiam negligen-
tiāve in discrimen adduci. Neq; verò tan-
to perē metuenda in demorsis à rabioso cane
maiuscula vulnera, quantoperē minora, isq;
similia quæ per leuem scarificationem fieri
solita sunt: quippe maiori vulnere copiosior
sanguis confertim emanās virulēti liquoris
nonnihil simul & semel exhaurire potest:
id quod minori vulnere fieri nequit. Quin
& à maioribus abscedentes carnes quam pri-
mū auferri, ac ipsa quoque labia acie scal-
pelli circumscribi oportet: prehensa autem
hamulo vossellave caro amputanda. In v-
trisq; autē partes veluti circulo vulnus am-
bientes vulnusculis altioribus circumscari-
ficandæ: sic enim copiosiore vacuato san-
guine cauebitur, ne virus intrò sese inferat
intrudatve. Quin & affixa cū multa flāma cu-
curbitula, maximo fuerit adiumento ad ve-
neni

neni vim exoluendam. Sed contra virulentos ictus vltio omnium expeditissimum est auxilium: vt enim ignis, qua præ cæteris omnibus pollet efficacia, virus ipsum euincit penitusq; ferri prohibet, ita & pars ignem experta, futurę deinceps curationi non medio cre iacit fundamentum, dum diutius vlcera permanet: quã ob causam etiã exinde accuratè animaduertendū, vt ne, cū excidet crusta, celerius quàm par est vlcera oræ coëant coalescantve. Quin si fieri potest, magnam partem statim præfinitique temporis vlcerationes quantumuis inflammatione obsessas atque sordidas prorogari conuenit. Id commodè præstabit inditum iis balsamentum, itemque syluestre allium detritum: similiter & cepæ, ac imprimis liquor Cyrenaicus, aut qui Medicus Parthicusve appellatur. Tritici quoque grana tam mansa quàm minimè mansa imponantur: hæc enim dū humore concepto turgescunt, vulnera dilatāt. Neque desunt qui commanducata eiusmodi grana arbitrentur à mandentium ieiunio vim aliquam asciscere, quæ veneno repugnet: verum id certum non est. Tempestiuus tamen eorum vsus minimè contemnendus est. At si, quod sæpenumerò accidit, ante quadraginta dies coëant committanturque cicatrices, manus ope refricandæ,

V. v. iij.

seu carnem scalpello circinando & amputando : seu etiam, si libuerit, iterum inurendo. Transacto verò stato præfinitoque tempore, & permittendum vt vlcera cicatrice obducantur, & pars tota emplastro quod è sale conficitur comprehendenda : tandemque paucis post diebus, & sinapisinus adhibendus est.

• *De victus ratione demorforum à cane rabioso.*

CAP. III.

TALIA quidem sunt morsus rabiosi canis particularia remedia. Eam verò victus rationē institui par est, quæ potissimum veneno aduersetur, vt ipsius vires hebetet restinguatque, ac simul etiam arceat, quominus ad intima pernicies illabatur. Et enim assumpta maleficæ qualitatis penetrationi resistunt. Horum vtrunque commodè præstare potest vini meracioris, passi, lactisque potus : siquidem qui hæc omnia prouidè assumunt, & veneno non parum obsistunt, & illius omnē acrimoniā obtundunt. Simili modo prodest alliorum, porrorū ceparūque esus : quippe cum planè difficulter conficiantur, vixque aboleantur. Nam dies cōplusculos eorum qualitates remanēt, tandiūque à vimortifera neque euincuntur illa neque immutantur, sed contrà hanc ipsā suapte natura superant. Ad hoc ipsum valet antidotorum
vſus, ac

usus, ac theriacæ præsertim, tum eius quæ
Evpatoria, tum etiam eius quæ Mithridatia
dicitur, necnon & aliis cuiusvis, quæ quidē
ē compluribus constet aromatis: quippe a-
romata omnia ægrè suas tum qualitates tū
substantias permutant, atque adeò integris
viribus diutius in corporibus retinentur. Vi-
ctus igitur ratio hoc modo se habet. Illud
porrò nosse oportet, pauorem aquæ non sta-
to præfinitoque tempore solitum inuadere.
Cum enim ut plurimum ad quadagesimū
usque diem differri consueuerit, neglectis
tamen quibusdā post semestre, imò etiā post
annum, superuenisse obseruauimus. Sunt &
qui narrent, nonnullos post septenniū eo af-
fectu correptos fuisse. Ac inter initia quidē
ea demorsorū à cane rabioso debet esse cu-
ratio, quam antè retulimus. Verūenimuerò
si illa antè memorata auxilia primis diebus
quacunque ex causa prætermissa fuerint, a-
lienum deinceps erit, & carnē scalpro circi-
nare, & vitionē experiri. Nec enim ampliùs
quod iā intrò illapsū fuerit istis auxiliis satis
euocare possis. Nulla utique tū esset illorum
ocasio aut utilitas, sed frustra corpora do-
loribus cruciarētur. Proinde alia curationis
ineunda ratio: nimirum imperanda purga-
tio, quæ, dum corpus agitando ipsius habi-
tum transmutat, magnum affert adiumentū.

Vv. iiij.

Commodè verò vsurpari poterit hiera quæ colocynthidem recipit : itémq; lac schiston, quippe quod simul & deiectionē moliri potest, & contemperandi vim habet. Cibi itidē acres & meraculi potus, quibus vis veneni egregiè retundi potest, quotidie assumi debent. Præter hæc sudores & ante cibum & à cibo eliciendi: quin & dropaces ac sinapismi vniuerso corpori alternatim adhibendi. Attamen elleborifinus longè omnium efficacissimum deprehenditur auxilium, quo quidem cum fiducia non semel aut iterum, sed etiam frequentius ante diem quadagesimum, vel post hoc etiam tempus, vti licet. Tantam enim vim habet id genus auxilij, vt nonnulli qui iam aquæ metu prehdebantur, sumpto in ipso morbi insultu elleboro incolumes euaserint. Nam eo malo iam detentos ne ipsum quidem elleborum seruare possit. Hactenus, velut eramus polliciti, curam contra rabiosi canis morsum breui sermone exposuimus. Iã ad reliquos virulentorum animantium morsus ictusve trãscuentes, eorum signa primùm vno contextu trademus, deinde verò communem medendi rationem, quæ omnibus ex æquo cõueniat, explicabimus. Tandem cursim ea subiiciemus, quæ nonnullos sua proprietate iuuare possunt, Similiter & quæ venena nullis

nullis prorsum cedant remediis, annotabimus.

De Phalangiis. CAP. IIII.

Is qui à Phalangiis demorsus fuerint, pars affecta rubens ac velut aculeis compuncta conspicitur: cæterum neque intumescit, neque adeò calet, sed contrà, quanvis mediocriter rubeat, frigida tamen deprehenditur. Consequuntur verò totius corporis tremor, ac distentiones circa inguina & poplites, conuulsionibus haud absimiles: lumborum dolor & perpetua ad reddendam urinam stimulatio, necnon & eiusdem excernendæ difficultas. Similiter & vniuersa cute frigidus sudor emanat: collacrymant oculi & quodammodo caligant.

De Scolopendra. CAP. V.

Si cui Scolopendra seu Ophioctena morsum intulit, pars per ambitum liuet atque computrescit, interdumque fæci similis, at rariùs rubra, conspicitur. A morsu ipso exulcerari pars incipit, vlcusque id & graue est & curatu difficile: præterea verò pruritus toto corpore persentiscitur.

De Scorpione. CAP. VI.

Ic t a pars à Scorpione quamprimùm inflammatione tentatur, indurescit, rubet, & cum dolore circumquaque distenditur: vicissimque modò exæstuat, modò frigore

prehenditur: dolor itidem qui derepentè accessit, modò remittit, modò intenditur. Comitantur verò sudor, horroris sensus atque tremor. Quin & extremæ corporis partes refrigerescunt, tument inguina, flatus per sedem erumpunt, surriguntur capilli, accedit decoloratio, dolorque velut ex pungente acu per vniuersam cutem sentitur.

De Pastinaca marina.

CAP. VII.

APASTINACA marina percussis protinùs accidunt pertinaces dolores, assiduæ conuulsiones, lassitudo, languor, & mentis alienatio: posthæc etiam vocis interceptio & oculorum caligo. Ipsa verò pars affecta liuet ac nigrescit per ambitum: quin & vicinæ ita obstupescunt, vt tangentem non sentiant. Illam porrò si quis defricuerit, atra, crassa & graueolens sanies exprimitur.

De Mure Araneo. CAP. VIII.

AMURE Araneo demorsis circa morsum in orbem inflammatio excitatur, nigraque pustula diluta sanie turgens exurgit: proximæ verò partes omnes liuent. Rupta pustula depascens succedit vlcus, ei non absimile, quod à serpentium ictibus imprimi solet. His accedunt intestinorum tormina & vrinæ difficultas, corpùsque madore frigido diffluit.

De

De Vipera. CAP. IX.

SI quem momordit Vipera, corpus illius intumescit ac vehementer inarescit, subalbidumque colorē concipit. Sanies è vulnere promanat, primum subpinguis, mox verò cruenta: tandēque pustulæ, quales in ambustis, erumpunt. Accedit his vlcus depascēs, quod in proximas partes omnes serpit: nec modò summam cutem occupat, sed & altiùs intrò subit. Gingivæ quoque cruentantur, & hepar inflammatione prehenditur. His insuper tormina biliosique vomitus accedunt, prætereaque tremor, sopor, urinæ difficultas & frigida exudatio.

De Scytale & Amphibæna.

CAP. X.

CONSIMILIA eueniunt iis qui à Scytale aut Amphibæna demorsi sunt, eadēque ferè auxiliantur: quamobrem genus hoc veneni propriam descriptionem sortitum non est, neque etiam illam exigere visum est.

De Dryina. CAP. XI.

ADRYINA morsis graves vehementēque incidunt dolores, parsque ipsa affecta in pustulas attollitur, è quibus sanies aquosa profunditur. Quinetiam stomachi rosiones torminæque consequuntur.

De Hemorrhoo. CAP. XII.

AB Hemorrhoo demorsis vehementes cruciatus accidunt: quorum continuatio, contracta penitusque strigosa corpora reddit. Ex plaga copiosus cruor effluit, & quacunque alia corporis parte cicatrix vlla fuerit, ea quoque sanguis emanat. Quin & excrementa cruenta reiciuntur, concretumque in grumos sanguinem repræsentant: sic denique affecti sanguinem tū ex pulmone cum tussi, tum etiam vomitione reiciunt, neque iis vlla reperiri medicina potest.

De Dipsade. CAP. XIII.

ADIPSAD E percussos ardor habet intolerabilis, urgetque sitis usque eò pertinax, ut neque restingui possit, neque vlllo tempore intermitrat. Quin & quantumvis potum agri ore pleno affatim hauserint, perinde tamen sitiunt, quasi antea potus nihil assumpsissent, proindeque tandem propter assiduam potationem toto corporis habitu similes hydropicis euadunt: hac de causa dipsas, etiam presteris & causi cognominata meruit.

De Natrice. CAP. XIII.

ANATRICE demorsis vulnus dilatatur ampliaturque, simul etiam liuescens. Quin & sanies ex eo copiosa, eaque atra & putida, qualis ab ulcere depascente, manat.

De

De Cenchro. CAP. XV.

CENCHRI morsum, qui quidem viperino similis est, putridum vlcus consequitur, ac vndique diffluunt carnes, quæ prius velut in aqua inter cutem intumuerāt. Quin & icti, veterino altoque sopore corripuntur. Iisdem iecur, vesicam & colon intestinum malè affici Erasistratus asserit: siquidē dissectis corporibus isthæc viscera quodammodo corrupta deprehenduntur.

De Ceraſte. CAP. XVI.

ACERASTE demorsus pars in tumorem attollitur, cum duritia & pustularum eruptione. Profluit è plaga sanies, modò atra, modò quadantenus pallida: totus verò corporis habitus fuluescit: ipsum quoque genitale arrigitur, mens labat, & oculis caligo superuenit: tandèmq; neruorum distensione prehensi commoriuntur.

De Aspide. CAP. XVII.

AB Aspide commorsus vulnus perquam exiguum, quasi ab adacta acu, citra tumorem conspicitur. Sanguis non ita copiosus, imò perpaucus, idèmq; ater, extillat: ac derepentè acies oculorum hebetatur: totòq; corpore dolor multiplex, sed omnino levis & non sine voluptate consequitur. Quapropter rectè Nicander cecinit: --at vir perit absque dolore. Color minimè constat, at

potius malignè virescit : accedit exigua stomachi rosio: frons assiduè reuellitur: palpebræ sine sensu conniunt, veluti vrgente somno : atque inter hæc vix interposito diei triente mors ipsaprehendit.

De Basilisco seu Regulo. CAP. XVIII.

ERASISTRATVS, in libro qui de medicaminibus ac venenis inscribitur, de vocato Basilisco ad verbum ita scribit: Cùm morderit Basiliscus, vulnus ad auri colorem efflauescit, &c. Cæterùm istæ ferè sunt notæ, quæ plerorunque virulentorum animalium ictus morsusve comitantur. Proinde superest vt ad medendi rationem transeamus : ac primùm communia, quoad eius fieri poterit, curationis præcepta tradamus.

Communis vulnorum à venenatis animalibus inflctorum curatio.

CAP. XIX.

ORIS quidem suctio aduersus quemuis virulenti animalis ictum conuenit. Surgentem verò oportet minimè ieiunum esse, sed & prius cibum sumpsisse & os vino colluisse, prætereaq; dū vulnus exugit, olei pauxillū ore continere. Ipse autem locus spōgia fouendus, deindèq; scarificādus: sed vulnuscūcūq; altius imprimere expedit, quò foelicius virosa materies è profundo reuocetur. Verum enimverò carnis circinatio sectioque,
scari-

scarificatione ipsa longè potentiùs opitulantur. Priuatim siquidem hæc duo secum afferunt commoda: vnum, quòd virus è loco tollitur: alterum, quòd eius veneni pars, quæ iam ad interiora peruaserat, cum multo copiosòque sanguine excernitur. At si locus circinationem haudquaquam admittat, cucurbitulæ cum largiore flamma affigendæ sunt. Quòd ad vstionem spectat, de ea iam antè inter rabiosorum remedia differuimus. Si verò icta pars, vtpote extrema, sectionem commodè admittat, præsertim in omniù serpentium moribus, vti aspidis, cerasæ similiùmque, ea proculdubiò amputanda est. Porro ceu antè memoratis remediis leniora bládioraq; meritò censentur, quæ epithemata vocant. Imponatur ergo sarmentitius cinis aut ficulneus, cū lixiuio percolato subactus, addito garo & acri salsamento. Porri quoq; cepe & allia modò quàm minutissimè trita illinātur, modò cremata vulneribus adhibeantur. Iuuant & pulli gallinacei bipartitò secti, & protinùs dum maximè calēt percusso loco appliciti. Neque desunt qui iis ceu discordia quadā naturali cū veneno pugnantibus vsi fuerint: verùm in prōptu est eiusce remedij ratio. Gallinæ siquidem calida natura præditæ sunt, argumento quòd deuoratum certissimum virus conficiunt, &

aridissima quæque semina consumunt: interdum & arenas calculosque deuoratos molliunt atque dissoluunt. Itaque animantis admoti natiuo calore adiutus spiritus ab ista parte impetum capessens, simul & semel venenum exigit. Neque nos fugit, quid apud Ægyptios in eiusmodi casu fieri soleat. Dum spicas metunt, ollam picis paratam habent, & appensam ollæ fasciam. Tunc enim à serpentibus sibi maximè timent; tum propter æstuosam anni tempestatem, tum quòd opacis abditi cauernis densoque aruorum cespite delitescunt: plurima verò & infestissima è venenatis animalibus Ægyptus in campestribus alere consuevit. Cùm primum ergo quispiam in pede aliave parte demorsus fuerit, illicò qui adsunt fasciam in ollam picis immittunt, ac semel aut iterum brachium aut crus paulum supra vulnus obligant, & arctissimè duo è presentibus vndique constringunt, locumque incidentes quà circumactus est laqueus, picem instillant: vbi verò sat picis infudisse sibi videntur, laqueum resoluunt, & cepas aliæque memorata adhibent. Quin & citra hæc pix liquida cum sale trito ac feruente illita presentaneo est auxilio, si modò frequentius deinceps innouetur. Similiter & conuenit cedria, itémque sinum caprinum ex vino deco-

decoctum. Sed & locū aceto calente & calamintha in lotio & aqua marina seu acida muri decocta foueri salutare est. Sunt præter hæc etiam emplastra calidissima simul & acerrima, quæ venenum elicere, euincere, ac etiamnum discutere possunt: cuiusmodi sūt quæ ex sale aut nitro, sinapi & canchry componuntur, de quibus deinceps erit agendum. Erasistratus autem non immeritò eos reprehendit, qui incognita remedia in hunc vsum conscripsere: qualia sunt fel elephanti aut crocodili, sanguis ouæque testudinis, aliaque consimilia. Videntur enim literis nonnulla tradidisse, quæ iuuare possint: ista verò sola lectoribus imposuere. Quamobrem talia repudianda sunt: quippe quæ non nisi facultatib⁹ Regiis faciliè redimi possint, neque pluribus experimentis fidei faciendæ idoneis comprobari potuerint. Quæ autem ad communem omnium vsum pertinent, quæque paratu facilia sunt, & passim quibuscunque à serpente percussis auxilium ferre queunt, subiungenda videntur. Intubus itaque, erica & astragalus ex aceto pota, contra omnes serpentium morsus auxiliantur. Itidem & asphaltium, ac virentes platanipilulæ in vino diluto coctæ, paliuri decoctū, radix aristolochiæ & eryngij: decoctæ etiam lauri baccæ in cibo sumptæ, piper lar-

Xx. j.

gius esitatum, ruta, anethum & cyclaminus:
coma porrorum priuatim ex pane, aut allia
vel cepæ & falsamentum quàm acerrimum:
itemque origani decoctum è vino potum:
quinetiam fœniculi, pulegij, calaminthæ
porrorumque succus cum melle exsorptus.
Et hæc quidem è plantarum genere desu-
muntur. Quædam verò ab animalibus etiam
utiliter peti solent, veluti cerebella gallina-
ceorum esitata, & leporinum coagulū ex vi-
no potum: itidem & castorij sextans. Mari-
næ quoque testudinis testes assumpti opitu-
lari feruntur. Celebratur & mustela assicca-
ta. Hæc prius exenterata vndiquaque dis-
cinditur, ac deinde exiccatur, ex eaque binæ
drachmæ cum vino bibuntur. Sed de simpli-
cibus quæ exhiberi solent, hæctenus. Porro
conuenit etiam à serpente percussis purgatio
per aluum, vti & sudoris euocatio, & copiosa
vrinæ excretio. Extant & compositz quæ-
dam potiones, quæ mira remedia polliceri
traduntur: vti quæ cōstat ex opij ac myrrhæ
singulis obolis, & piperis drachmis duabus.
Ea melle excipiuntur, & instar Ægyptiæ fa-
bæ dantur cum vino. Similiter rutæ syluati-
cæ seminis, melanthij, cumini Æthiopici,
galbani, aristolochiæ, pares singulorum por-
tiones tritæ & cum erucæ succo subactæ di-
geruntur in pastillos, quorum singuli drach-
mam

mam pendeant: datur verò ex vini hemina semisse. Hec aduersus omnes ictus communia sunt. De peculiaribus contra bestiam vnamquamque venenatam auxiliis deinceps agendum.

Curatio à Vespis & apibus morforum.

C A P. XX.

INTER venenatorum ictuum inorsum-
ve notas minimè de vespis & apibus speciatim differuimus: quòd conspicuæ omnibus forent, neque exunium aut notatu dignum quicquā in iis obseruaretur. Inter remedia tamen & earum meminisse, non abs re fuerit. Igitur aduersus apum vesparumque ictus prodest imposita malua & hordeacea farina cum aceto, itemque lac ficulneum ictibus instillatum, denique fots ex muria aquaue marina.

Curatio à Phalangijs morforum.

C A P. XXI.

PHALANGIORVM verò moribus isthæc imponere oportet: ficulneum cinerem adiecto sale trito cum vino subacti, aut radicem sylvestris Punicæ quàm minutissimè contritam, aut aristolochiam cum hordei farina & aceto subactam. Vlcera autem aqua maris perfundenda, aut melissophylli decocto, ac eiusdè folia illinenda. Porro balneis perquam frequenter vtendum,
Xx. ij.

itemque potionibus è pharmacis proximè
 sequentibus : abrotoni inquam semine, ani-
 so, aristolochia, cicere sylvestri, cumino Æ-
 thiopico, baccis cedri tritis, platani cortice,
 & trifolij herbæ semine: seorsum autem sin-
 gulorum binas drachmas dare cōuenit cum
 vini hemina. Exhibetur & myricæ fructus:
 similiter & chamæpityos ac viridium cu-
 pressi pilularum decoctum vino tempera-
 tum. Sunt & qui asserant, fluuiatilis cancri
 expressum cum lacte succum, adiecto apij
 semine, omnibus quamprimùm liberare
 molestiis.

De Scolopendræ morfu.

CAP. XXII.

SI SCOLOPENDRA morfu vulnus impres-
 sit, sal quam tenuissimè tritus ex aceto
 vulneri inspergendus, aut ruta sylvestris su-
 perponenda. Locus acida muria fouendus, &
 danda in potu aristolochia cū vino, aut ser-
 pyllum, aut calamintha, aut ruta sylvestris.

De Scorpionis ictu. CAP. XXIII.

IC T I S Scorpione præsentissimo est au-
 xilio lac huius in vulnera instillatū.
 Scorpius etiam ipse ictum vibrauit, tri-
 tus & percusso loco inpositus, sui ipsius i-
 ctus remedium est: idque, ut videtur, natu-
 ralis cuiusdam repugnantia & dissidentia
 ratione, quam antipathiam vocant. Præterea

con-

conuenit & scorpius tritus, & cum sale, lini
 semine & althæa herba impositus. Auxilia-
 tur & sulphur ignem minimè expertum, re-
 sina terebinthina exceptum, & emplastri
 modo adhibitum. Similiter & galbanum
 ad splenij formam diductum, itémque cala-
 mintha trita & illita, necnon & cruda hor-
 dei farina cum vino subacta addito rutæ de-
 cocto. Iuuat etiamnum semen trifolij herbæ
 tritum ac vulneri iniectum. Et de his qui-
 dem quæ foris admouentur, hæctenus. Ne-
 que verò interim negligendus potionum
 quàm efficacissimarū vsus, quales parantur
 ex aristolochiæ, præsertim corticis, binis
 drachmis cum vino, è gentiana tusa, & pule-
 gio plurimùm decocto, tritis itidem lauri
 baccis numero decē, & calamintha in posca
 diu multùmque discocta. Valet & cyperis
 cum vino, & ruta eodem modo: sic & lac fi-
 culneum & laser, si affuerit: sin minùs, Par-
 thico vtendum succo. Efficax quoque est e-
 potum trifolij semen, necnon & ocimi. Sed
 his omnibus æquipollent frequens balnei
 vsus cum multa sudatione, dilutæque potio.

De Pastinaca marina ielu. CAP. XXIIII.

QUAE deinceps à vipera demorsis con-
 ferre dicemus, eadem planè omnia
 & eodem modo percussis à pastinaca mari-
 na conueniunt.

Xx. iij.

De marinorum Scorpj Draconisque ictibus.

CAP. XXV.

SVNT & virulenti ictus qui à Dracone Scorpioque marinis inferuntur: quippe qui acerbissimos dolores, interdum etiam, quanvis raro, nomas [hoc est, depascentia vlcera] excitent. Hisce absinthij aut saluix, vel sulphuris ex aceto triti potio subuenit. Quin & mullus in longitudinem diffusus & impositus, eorum ictibus remedio est.

De Muris aranei morsu.

CAP. XXVI.

DEMORSIS à mure Araneo splenium è galbano vulnere impositum per se, aut ex aceto tritum auxiliatur: itémque hordeacea farina ex aceto mulso illita. Quin & mus ipse araneus qui morsum intulerit, si diuulsus imponatur, contra ictum suum remedio est. Idem præstat dulcis mali Punici corium decoctum & illitum. Similiter porri cocti & adhibiti, itémque allia contrita, necnon & calidæ murix fots. Atque hæc quidem affecto loco imponuntur. Prodest verò potum abrotoni decoctum in vino exhibitum: prætereà serpyllum, galbanum & eruca, si in vino diluantur, itémque tenellæ cupressi pilulæ cum aceto, cyclaminus ex aceto mulso, & pyrethrum cum vino: denique.

que & chamæleontis herbæ radix. Nec desunt qui literarum monumentis tradiderint, tritum murem araneum contra suos ictus cōmodè bibi. Quam historiam apud alios inuentam dignam tantummodò censuimus, quæ annotaretur. Assueuerant etiam nonnulli vix vlcerari demorsum, nisi mus araneus prægnans fuerit, ac tūc demum auxiliari ferunt.

De Viperae morsu. CAP. XXVII.

DE MORSIS à vipera finum caprinum vino solutum præsentaneo est auxilio: similiter & laurus, abrotonum & galbanū splenij loco superiecta, necnō & origanum viride contritum: itidem pulli gallinacei discerpti, ac protinūs vt calēt appliciti: erui farina vino subacta, radiculæ cortex vsque eò tusus vt in puluerē solutus abeat: scilla tosta, itēque chamæmelum, siquidē terantur: & cruda hordeacea farina ex aceto mulso subacta: sed locus antè calida foucatur. Et hæc quidem affectæ parti admouentur. Rubus verò intrò sumptus, contra viperinos ictus in vino prodest. Sunt & qui anchusā tenui constantē folio auxiliari proderunt. Bibuntur & leporini coaguli oboli terni, & porracei succi dimidiata cotyla in mero: itēque foliorū melissophylli succus & syluestris ruta: hæc ipsa quoque in vino

X x. iiij.

propinari debent. Quin & ipsa frequens vini potio iuuat, aliorumque, caparum ac porrorum tenellorum esus, salisamentaque acerrima & exquisitissima. Simplicia hæc sunt. Compositum verò medicamentum contra viperarum morsus celebratur, quod est myrrhe, castorij, piperis, sandarachæ anethique seminis singulorum dimidio constat acetabulo. Hæc omnia in passo Cretico aliòve quopiam generoso teruntur. Erasistratus, eo in libro quem de facultatibus inscripsit, complura etiam alia tradidit, quæ ictis a vipera auxilium ferre possunt: [quo in genere sunt gallinarum cerebella in vino pota, & brassicæ satiuæ seminis triti acetabulum cum vino bibitum. Vtile præterea censetur digitum in picem liquidam intingere, ac deinde in vinum demergere, atque hoc tandem potui dare. Et de iis quidem hætenus, quæ contra viperarum morsus auxiliantur.]

De Amphisbænæ morsa.

CAP. XXVIII.

DE Amphisbænâ prius agentes, simul & semel admonuimus, localia remedia eadem ab ipsa percussis adhiberi, quæ contra viperarum morsus descripta fuere.

De morsa Dryini. CAP. XXIX.

ADRYINO ictis conuenit aristolochia cum vino pota, & trifolium herba: similiter

similiter & assumpta radix asphodeli, & cuiuscunque generis quercus glandes epotæ. Parti verò ictæ ilicis radices tusæ & impositæ auxiliantur.

De morfu tum Hæmorrhoi, tum etiam

Dipsadis. CAP. XXX.

HÆMORRHOI Dipsadisque morsus, ceu immedicabiles, à plerisque priscorum pro deploratis habiti sunt: quamobrem & proprietate quadā iuuantibus contra dipsadem auxiliis destituti fuere. Attamen cōmunia experiri operæpretium fuerit. Proti- nūs ergo scarificationes vstionésq; adhibē- dæ: ac siquidem id permittat locus, ad extre- morum amputationē deueniendū est. Dein- de verò acria imponenda cataplasinata, quo- rum sæpenumerò meminimus. Deprehendi etiamnum acres cibos, potissimū verò sal- samenta, vsui esse. Quin & meri potio bal- neæque iuuant: sed hæc continuò post ictum, ac subinde breuib; ex interuallis vsurpan- da sunt, priusquàm sese morbus patefece- rit: quo semel oborto ne tantillum quidem opis vlla Medici opera conferre potis est. In ictu Hæmorrhoi eadem illa cōmunia pro- sunt. At localia descripta comperimus, in dipsadis quidem morfu, portulacæ folia tri- ta cum aceto, & polentam, ac rubi folia tri- ta cum melle, plantaginem, hyssopū, allium

candidum; porrum, rutam & vrticam. In hæ-
morrhoi verò morſu, tum eadem hæc, tum
inſuper vitis folia cocta, cum melle trita.
Ipfius quoque hæmorrhoi crematum caput
potui datur, aut allium cum vino. Eſitantur
& vnaſſæ.

De morſu Natricis. CAP. XXXI.

MORSIS à Natrice confert organum
tritum aqua ſubaſtum, itémque cinis è
quercu oleo exceptus, aut ariſtolochiæ cor-
tex radixve minutim contrita, & hordeacea
farina cum aqua & melle coacta & quaſi
colliquefacta. Bibūtur & ariſtolochiæ drach-
mæ binæ in dilutæ potionis aut poſcæ cya-
this binis: aut marrubij ſuccus, aut alteru-
trius decoctum cum vino. Fauus item recens
cum aceto exhibetur.

De Cenchridij morſu. CAP. XXXII.

MORSIS à Cēchridio auxiliatur lactu-
cæ ſemen cum lini ſemine cataplaſina-
tis in modum applicitum, itémque thymbra,
ſylueſtris ruta, & ſerpyllū cum aſphodelo tri-
tum. Dantur verò protinūs in potu centaurij
radicis drachmæ binæ cum ternis vini cya-
this, aut ariſtolochiæ radix eodem modo.
Similiter & naſturtium ac gentiana.

De morſu Ceraſtæ. CAP. XXXIII.

ACERASTE & aſpide iētis cita ſuc-
currit extremæ partis amputatio. Quare
ſine

sine mora totam partem ictam resecare oportet, aut certè tū partes affectas, tum & iis vicinas scalpello confestim circuncidere. Tandem verò reliquæ cauteriis exiccandæ: siquidem horum animalium virus basilisci veneno simile est.

De morfu Aspidis.

CAP. XXXIII.

ICtus ab Aspide eadem quæ aduersum Icerastæ morsus (vti modò scriptum est) accominodanda remedia. Horum enim, vti & basilisci, virus, haud secus atq; taurinus sanguis, spiritum sanguinèmq; arteriis contentum celerrimè cogit atque coagulat.


De Basilisci morfu. CAP. XXXV.

Morsus à Basilisco Erasistratus auxiliari asserit castorij drachmam vnā in vino potam, itidèmq; papaueris succum. Et ictuum quidem morsumque venenatorum remedia ita se habent.

F I N I S.



I. A. SARACENVVS
LECTORI S.



NON sum nescius, Lector beneuole, varia extare tum manu scripta, tum etiam typis excusa Dioscoridis exemplaria, tam Græca quàm Latina, in quibus multiplices simplicium appellationes, etiam Barbare, singulorum penè capitum principiis annexæ reperiuntur: nec deesse, in quibus præterea remedia multa sanè perquàm vana aut nimium superstitiosa, adeoque ipso etiam Dioscoride, tanta apud Galenum commendationis Autore, penitus indigna, ex variis Scriptoribus temerè ac citra delectum deprompta, in contextum ipsum perperam irrepserint.

pferint. Sed & alia non pauca diuersis in bibliothecis studiosè afferuari mihi compertum est aliquantò & accuratiùs & religiosiùs exarata eiusdem Auioris exemplaria, in quibus tum peregrina illa vocabula, tum quaecunque alia vel esse superflua, vel stylo dissimili scripta constabat, omissa fuere: aut, si qua foriè leguntur, ea non quidem inserta contextui, sed margini tantummodò inscripta reperiuntur. Quamobrem in ista codicum varietate diu multùmque fuit animus in dubio, an illa omnia, quæ ut aliis nonnullis Interpretibus, ita & mihi meritò suspectiora videbantur, quòd essent Auioris stylo planè dissentanea, omnino prætermitterem. Tandem verò quoniam inter illas varias variarum linguarum appellationes, ac medicinas etiam, quauis non satis certas, aut etiam à Dioscoridis mente prorsus alienas, nonnulla interdum occurrere visa sunt, è quibus pol- lens iudicio Lector fructum qualemcun-

que carpere poterat: iccirco etiam iis te
penitus defraudare nolui, sed doctissimo-
rum virorum, Hieronymi Rosci, Jo. Cor-
narij & Jac. Goupyli exemplo, talia, si
non omnia, saltem pleraque, tanquam
supposititia & falso ascripta Dioscoridi,
à contextu remouenda censui, sicut ha-
bui hunc iis locum ad operis calcem as-
signasse. Hisce paucis te, studiose

Lector, admonitum volui,

quò nostri consilij ra-
tio etiam apud
te constaret.

Vale.





INTER DIOSCORIDIS

VERBA, HAEC IN QVIBUS-
busdam codicibus falso adscripta
reperiebantur, & iis ipsis locis quæ
numeris designauimus, quorum
prior paginam, posterior versum
indicat.

Cap. De Iride.

Pag. 7. lin. 15.



B aliquibus Iris Illyrica, ab
aliis thelpide, ab aliis vrania
quasi cælestis, à nonnullis ca-
thæron quasi purgatrix, ab aliis
thaumastos quasi admirabilis,
à Romanis marica seu Naronica radix, à
quibusdam gladiolus, ab aliis opertritis, ab
aliis consecratrix, ab Ægyptiis nar appel-
latur.

De Acoro.

9.9. aliqui chorō aut aphrodisian, Roma-
ni Veneream, alij nauticam radicem, Galli
piper apum vocant.

De Cypero.

10.24. Romani iunci radicem, alij iuncum.

De Asaro.

16.6. Magi sanguinem Martis, Osthances thesan, Ægyptij cerceram, Romani perpenfam, alij baccharin, Hetrusci succinum, alij nardum rusticum, Galli bacchar.

Ibid. lin. 11. Radices subiacent.

odore cinnamomi. Solum amat asperum minimèque humidum. Huius radix ruptis, conuulsis, tussi veteri, spirandi difficultati, ac vrinæ difficili auxiliatur. Menses quoque pellit, & contra serpentium morsus vtiliter ex vino propinatur. Folia, vtpote quæ astringunt, capitis doloribus adhibita profunt, itémque oculorum inflammationibus, ægiolopis incipientibus & mammis à partu inflammatis, atque etiam erysipelati. Cæterùm & ipse odor somnificus est. Et certè quidem Crateuas herbarius de eo ita scriptum reliquit.

De Aspalatho.

29.15. Alij sphagnon, alij phasganon, Syri diaxylon vocant.

De Croco.

32.26. Ab aliquibus Castor, ab aliis cynomorphos, à Magis sanguis Herculis appellatur.

Ibidem.

Ibidem.

32. 22. Thessalus quidem ipsum duntaxat vehementis esse odoris asserit, alij etiam lethalem, si quis illius drach. iij. ex aqua propinet. At reuerà vim habet, &c.

De Helenio.

34. 28. Symphyton aliqui vocant, alij Perficam, alij Medicam, alij orestion, alij nectarion, alij cleonian, alij rubum Idæum aut verbascum Idæum, Latini terminalium aut inulam campanam, Ægyptij, lenen.

62. 22. Est & oleum quod sponte naturæ è petra extillat, odoratum cum quadam granitate. In Arabia & Italia nascitur, ad multa perquàm vtile. Vim habet siccandi & obstructions aperiendi, ac nervos glutinandi. Facit ad scabiem & vlcera. Flatus itidem lenit & euincit.

De Iasmino oleo.

66. 21. Quòd verò Iasme dicitur, apud Persas ex albis violæ floribus conficitur: quorum vnciæ ij. in olei sesamini sextarium Italicum iniiciuntur, ac vicissim permutantur seu remolliuntur, velut in liliaceo dictum est. Huius vsus apud Persas inter conuiuia odoris gratia receptus est. Toti verò corpori post balnea adhibitur iis conuenit, qui calfactionē relaxationēque desiderant. Caterùm odore grauiore

Yy. j.

præditum est: quò fit vt à plerisque minùs libenter admittatur.

De Iunipero.

88.2. Iuniperum paruam Græci Arceuthida, alij Mnesitheum, alij acatalidem, Aphri zuorinsipet, Ægyptij Libium, Romani Iuniperum, Galli Iuniperellum vocant.

Ibidem ad cap. calcem.

folia habet acria: ideòque eorum succus, & ea ipsa tum in vino pota tum etiam imposita, viperarum moribus opitulantur. At cortex vltus, & ex aqua illitus, lepras remouet. Ligni verò ramentum deuoratum, lethale est.

De Iunipero magna. Cap.

Est & Iuniperus magna (quam aliqui cupressum syluestrem appellant, alij Mnesitheum, alij acateram, Romani Iuniperum) vulgo cognita, cupresso assimilis, asperis maritimisque locis plerunque nascens. Easdem porro, quas supradicta, vires obtinet.

De Sabina.

88.16. Aliis barython, aliis baron, Romanis herba sabina appellatur.

De Lauro.

90.27. Sunt qui danaben, qui stephanon, *quasi coronam*, qui daphnon nominent. Alij mythracicen, alij mithrion, alij hypoglossion.

De

De Rhamno.

97.2. Sunt qui Persephonion, qui leucacantham, Latini spinam albam, alij spinam cerualem, Aphri atadin.

De Alimo.

97.18. Aliqui damassonium vocant, alij crymon, alij brittaniam, alij rabdion, *quasi virgulam*. Sunt qui basilion, *quasi regiam*, Magi Mercurij basin, similiter Sapsis, alij Osiridis diadema, alii heliostephanon, *quasi Solis coronam*, alii denique sacrum caulem, Pythagoras anthenoron, Ægyptii asontiri, alii asphe, alii ascaluri, alii asariphen, Latini album aut ampeluciam.

De Hypocistide.

100.22. Aphri phyllesade.

De Rosa.

103.12. Latinis Rosa.

De Vitice.

109.9. Aliqui agonon vocant, *quasi infæcandum*, alii lygon, *quasi vimen*, alii amictomion, alii tridactylon, Magi semnon, *quasi venerandum*, alii Ibis sanguinem, Ægyptii sum, Romani salicem amerinam, alii piper agreste, alii ligusticum.

De Moro.

134.16. Esse quoque videntur mora quædam sylvestria, humilis rubi fructibus similia, sed astringendi maiore vi prædita. Eorū

Y y. ij.

succus minùs teredinem sentit, vtilis fouendis inflammationib. [vulneratis] faucibus cicatrice obducendis, & ipsis vulneribus carne implendis. Nascuntur locis vmbrosis atque frigidis.

De Purpura.

143.2. Purpuræ opercula cum oleo decocta & illita fluentes capillos retinent. Pota verò cum aceto, lienem tumentem reprimunt. Suffita, ex vtero suffocatas excitant, & secundas pellunt.

De Gallinaceis.

159.11. Horum ventriculus sale conditus & in vmbra ficcatus, contra immodicas purgationes à medicamentis vacuantibus factas drach. iij. pondere sumptus præsentis est auxilio: quandoquidem protinus deiectionem cohibet. Teri autem debet, & aqua subactus exhiberi.

De Fœnograeco.

206.6. Alij carpon, alij buceras, alij ægoceras, alij ceraitin, alij loton, Latini fœnum-græcum, Ægyptij itasin.

De Lino.

ibid.27. Aliquibus linocalamis, aliis anon, aliis linon agrion, Romanis linomyrum, aliis linum agreste, Aphris zeraphis.

De Lente.

210.25. Latini lentē aut lenticulam vocant.

De

De Erub.

212.15. Latinis eruum, seu itidem orobum.

De Lupino sativo.

213. 21. Latinis lupinus, Ægyptiis brechu.

De Lupino sylvestri.

214.20. Quem Latini lupinum agrestem vocant.

De Rapo.

ibid.24. Alij gongylida, alij golgosium, Romani rapum vocant.

De Radicula, seu Raphano.

216.4 Quidam polyides eryngium, Latini radicem nostratam, Aphri thorpath appellant.

De Lampsana.

219.2. Latini napium, Ægyptij euthmæ nominant.

De Blito.

ibid 7. Ægyptij echlotoripam appellant, alij riplam, Latini blitum, Daci bles.

De Malua.

ibid. 11. Satiuam maluam Latini hortensem appellant, Pythagoras anthema, Zoroastres diadesma, Ægyptij chocorten, Magi capræ lienem, alij muris caudam.

De Atriplice.

220.8. Latini atriplicē, Ægyptij ochi vocāt.

De Brassica sativa.

ibid. 17. Aliis crambe cepæa, quasi hortensis,

Yy. iij.

Latinis brassica.

De Brassica sylvestri.

222.2. Quam Latini brassicam rusticam vocant.

De Beta.

ibid.24. Nigram Latini betam syluaticam vocant.

De Portulaca sylvestri.

224.7. Portulaca sylvestris, quæ nonnullis aïzoon agrion, quasi semperuium sylvestre, dicitur, aliis telephium, Latinis illecebra aut portulaca, Aphris mœmoem, Dacis lax, Ægyptiis mochmutim.

De Asparago.

ibid.20. Nonnulli myon vocant.

De Plantagine.

225.22. Nonnulli arnion, quasi agninam, alii probatiō, quasi ouillam, alii cynoglosson, quasi canis linguam, alii heptapleuron, alii polyneuron, quasi multineruiam, Magi caudā ichneumonis, Ægyptii aschat, Romani plantagineum minorem, Galli tarbidolopion, Hispani thesaricam, Poeni atiircon.

Ib. ad capitis calcem.

227.17. Syri huius & calaminthæ iusculum cum melle produnt mederi paralyticis, si secunda & quarta parasceues, id est, Veneris, die exhibeatur. Hoc autem velut arcanum accipito: est enim verissimum & experien-
tia

tia comprobatum.

De Sio.

ibid. 19. Sunt qui anagallidem aquaticam vocent, alii schoenon aromaticam, *quasi iuncum odoratum*, alii daren ion, alii lauer.

De Sifymbrio.

228.3. Alii Veneris coronam, Latini austeralem aut herbam Veneream.

De Coronopode.

229.17. Nonnullis ammonos, aliis astrion, Aphris atirsipite, Romanis caciatrix, aliis ftillago, aliis sanguinaria.

De Soncho.

ibid. 25. Sonchum asperum aliqui cichorium vocant, Romani cicerbitam asperam, Aphri gathuonem. Eius autem &c.

De Saride.

230.14. Alii picrida appellant, Ægyptii agon, Romani intibum agrestem.

De Lactuca sativa.

233.18. Latini lactucam, Ægyptii embrosi vocant.

De Lactuca sylvestri.

234.2. Magi Titani sanguinem, Zoroastres pherumbrum, Romani lactucam sylvestrem appellant.

De Gingidio.

ibid. 24. Romani bisacutū, Ægyptii dorysastrū, Syri adorion, Aphri tirieta nominat.

Y y. iiij.

De Scandyce.

235.5. Romanis herba scanaria, seu acicula nominatur.

De Cancalide.

ibid. 11. Alij caucum, alij myitin, Democritus bryon, Romani pedem gallinaceum seu pulli pedem, Ægyptij seselin vocant.

De Eruca.

ibid. 20. Romani erucam vocant, Ægyptij ethrecicen, Aphri asuric.

De Orobanche.

236.25. Alij cynomorion appellant, alij leonem, Cyprij thyrsinem: communiter autem lycos, *quasi lupus*, vocitatur.

De Porro.

239.11. Latinis porrum.

De Ceba.

240.23. Aliqui polyidos, Magi calabotin, Latini cepam nominant.

De Allio.

242.2. Alij geboscum, alij elaphoboscum, *quasi pabulum cerui*, Romani allium vocant.

De Sinapi.

244.2. Latinis sinapi.

De Nasturtio.

245.11. Aliis cynocardamum, aliis iberis, aliis cardamina seu cardamantica, Ægyptiis semeth, Latinis nasturtium dicitur.

De

De Thlaspi.

246.2. Alij thlaspidium, alij sinapi Persicū, alij sinapi sylvestre, alij myiten, alij myopteron, alij dasmophon, alij bitrum, Ægyptij suitepsum, Romani scandulaceum, alij capsellam aut pedem gallinaceum vocant.

De Eryfimo.

247.5. Aliqui chamæplion, Magi Herculis alphita, *hoc est, polentam*, Ægyptij erethimu, Romani irionem vocant.

De Struthio.

251.16. Ab aliquibus cerdon, ab aliis catharsis, ab aliis struthiocamelus, à quibusdam chamærrhytos, *quasi humi sparsa*, à Magis chaliryton, à Latinis lanaria radix seu herba, ab Ægyptiis ceno, ab Aphris syris appellatur.

De Cyclamino.

252.4. Aliqui cissanthemon, alij cissophylon vocant, alij chelonion, alij ichthyotheran, Zoroattres chelonam seu triumphalitē, Osthanes aspho, Magi miaspho, Ægyptij theske, Romani rapū terræ aut vmbilicum terræ, aut orbicularem.

Post caput de Cyclamino altera.

Dracōtium maius, alij aron, alij arifarum, alii iarrum, alij hieracicum, alij biarum, alij aron agreste, alij cyperida vocant. Romani colubrinam, alij sauriariam, alii sigia-

gialion. Nascitur in vmbrosis circa sepes. Caulem habet lænem, rectum, propè bicubitalem & baculi crassitudine, draconis instar versicolore & purpureis maculis abundè respersum: folia lapathi figura, mutuò implicata. Fructum summo caule producit racemosū, colore primū quidem cineraceo, sed cū ematurū, ad croceum & puniceum vergente: radicem prægrandem, rotundam, candidam, tenui vestitam cortice. Colligitur autem & succus ex ea exprimitur dum fructus maturescit, siccatūque in vmbra. Radix quoque messibus effoditur, lotaque frustatim conciditur, & loro traicta in vmbra ficcatur. Vinū autem habet exalfaciendi cum diluta vini potione. Succurrit seu tosta seu etiam elixa, si cum melle delingatur, orthopnoicis, ruptis, conuulsis, tussi atque destillationi: pota verò ex vino, impetus ad Venerem concitat: vlcera maligna & phagedænica cum melle trita & imposita expurgat, maximèque cum vite alba. Ex ea quoque cum melle collyria efformantur ad fistulas extrahendūque partus: facit & ad vitilignes cum melle illita: polypos verò & carcinomata absūmit. Vtilis & ipsius succus oculorum medicamentis, cōtra nubeculas, albugines & caliginem. Porro tum radictis tum & herbæ odor, recens conceptos fœtus

tus in vtero enecat & abigit, æquè ac tricena
feminis grana, si in posca bibantur. Sunt &
qui ex eodem semine expressum succum
cum oleo dolore aurium infestatis infude-
rint: quin & folia, quippe quæ astringant,
recentibus vulneribus imposuerint, eadém-
que cocta in vino pernionibus adhibuerint.
Sed & aiunt, qui folia manibus confricue-
rint, aut radicē ipsam effossam gestent, neu-
tiquam à vipera morderi.

De Aro.

256.7. Aliqui alimon, alii thymon vocāt.
Sunt & qui dracontium, quod Cyprii etiam
colocasium dicunt.

De Asphodelo.

257.3. Alii anthericum, Romani albucum
vocant.

Ad calcem eiusdem capitis:

Floret autem messis tempore. Sed A-
sphodelus albus circa æquinoctium ver-
num demetendus, anteaquàm semen auge-
scat. Radicem verò potam Veneris appe-
tentiam inhibere aiunt. Idipsum Crateuas
herbarius asseuerat, prætereaque sanare po-
dagræ dolores, si drachmæ pondere cum vi-
no bibatur.

Ad calcem capitis de Bulbo esculento:

Coctus cum polenta bulbus & adipe suil-
lo addito impositus, tumores ac tubercula

ocysimè ad suppurationē perducit ac rūpit.

De Cappari.

262.2. Aliqui cynosbatō, *quasi canis sentem*, alij capriam appellant, alij corui malum, alij ophioscorodon, *quasi serpentis allium*, alij ophiostaphylen, *quasi vuam serpentariam*, alij thallian, alij petræam, alij holophyton, alij ionitem, nonnulli oligochloron. Sunt qui aconiton, qui hippomanes, qui trichomanes. Magi potera seu peuteron, alij cor lupi, alij haloscorodon, alij lilium, alij thlaspin: Romani sinapi Persicum seu inturin, Afrherbiaæathum.

De Anemone.

264.24. Anemonem alij syluestrem, alij nigram, alij puniceam cognominant. Sunt qui anemion vocent, alij meconium, alij tragocerota, alij gesparinem, alij barbylē. Osthanes berylium, similiter & ornios ceranion, Pythagoras attractylida, Magi cnicum agrestem, Romani orci tunicam, Afri chuffis.

De Argemone.

266.13. Aliquibus ænone vocatur, aliis anthemis, aliis homonoia, *quasi concordia*, aliis flos campestris, Romanis liburnia seu concordialis aut pergalia, Gallis corona.

Ad calcem eiusdem capitis.

Eiusdem, vti Crateuas herbarius autor est, herba contusa cum axungia, strumas discutit,

tit. Facit & ad vitilignes, cum nitro & sulphure ignis experte sicca tusa & cribrata. Sed iis qui ea vtuntur prius in balneo siccam frictionem adhibitam oportet. Est & contra scabiem efficax.

De altera Argemone.

Alteram Argemonem quidam artemonem, alij arselam seu sarcocollam, Romani argemoniam vocat. Et ea quidem foliis sylvestri papaveri similis est. Vim habet hæc viridis ad læuorē trita & imposita, incisuras sanandi & oculorum inflammationes mitigandi: dysentericis quoque pota cum aqua auxiliatur. Sed & vulnera conglutinat, & inflammationibus est utilis. Similiter imposita, conuulsionibus & vellicationibus medetur. Vtiliter denique contra virulentarum bestiarum morsus ex vino bibitur.

De Anagallide.

ibid. 23. Anagallidem puniceam, alii aëritim vocant, alii augitin, alii sauritin, Magi oculi sanguinem, alii chelidonium, Romani maciam, Hetrusci masitipos, Galli sapana, Daci cerceraphron. Anagallidem verò communē alii corchoron nominant, alii halicabū, alii zeliauron, Magi nycteritin, Egyptii micii, Romani meciatō, Aphri asirrhizi.

De Hedera.

267. 16. Quibusdā cissaros, seu cittaros, alijs

chrysocarpus, *quasi aureis acinis prædita*, aliis poëtica, aliis corymbias, aliis cission, *quasi hederula*, aliis Dionysia, *quasi Bacchica*, aliis erythranon, aliis Persis, aliis cemos, aliis asplenos, Romanis sylvæ mater, seu hederæ, Gallis subites.

De Chelidonia maiore.

269. 2. Quidam præoniam vocant, alij cratæam, *quasi egregiis pollentem viribus*, alij aubion, alij glaucion, alij Pandionis radicem, alij philomedion, alij othonion, Romani fabiū, Galli thona, Ægyptij mothoth, Daci crustane.

Ad calcem cap. de Chelidonia minore. 270.

Similiter & huius decoctum cum melle gargarizatum, strenuè caput cunctaque pectoris vitia purgat.

De Myosotide.

271. 14. Aliqui myoton, alij anthyllion, alij alfinen, alij myortochon, alij myrtosplenon, Romani muris auriculam vocant, Aphri labatholabat.

De Isatide satina.

272. 3. Satiuam Isatin quidam augion, alij egnen vocāt, Magi arusium, Romani luteam.

De Isatide sylvestri.

ibid. 13. Sylvestrem Isatin quidam egnen parvam vocant, Romani luteam minorem.

Ad

Ad capitis eiusdem calcem.

Sciendum Ifatidis vtriusque descriptiones erroneas esse. Siquidem sativa Ifatis luteum fert florem, & tenuiores ac multifidos ramulos, folliculos verò in cacumine linguarum figura, in quibus semina. In his porro semen continetur nigrum, melanthio simile. Sed & caulis non vnicum cubitū, imò verò duos altitudine superat. Sylvestris autem nigriora quàm hæc folia profert, & caulem minorem atque crassiorē: florem purpureum, aut cæruleum, fructum cruciformem, asperum, in quo semen foliolis exiguis quinis, illisque æqualibus, quasi discretum distinctūve.

De Telephio.

ibid. 23. Quibusdā semperuium sylvestre: sunt & qui hanc ipsam portulacam sylvestrem appellant, Romani illecebram, Ægyptij anoth, Aphri atirtopurin.

De Rha.

275. 26. Aliqui rhiam, Romani Rha Ponticum vocant.

De Gentiana.

277. 3. Aliqui radicem centauream, alij aloën Gallicam, alii narcen, alii Chironium, Dardani aloëtin, Romani Gentianam seu cicendiam, alii cyminalem vocant.

De Aristolochia longa.

278.21. Quidam melocarpum, *quasi fructum mali figuram referente præditum*, alij texinon, Romani herbam aristolochiam vocant.

Ad calcem cap. de aristol. clematide. 279

Vocatur & hæchadrariza, *quasi crassiuscula radix*, & melocarpū & Ephesia, & to-cites, & pyxionyx, Dardanis iontitis. Galli eandem vocāt theximō, Ægyptij sophoeph, Siculi chamæmelum, Itali terræ malum, Daci absinthium rusticum. Nascitur locis mō-tosis & calidis, iisque planis, aut etiam asperis & petrosis. Ad grauem febrim ita effi-cax est, vt si ipsius iniectæ carbonibus nido-re febricitans suffiatur, febris desinat. Vuln-nera impositione sanat. Cum cypero, dracunculi semine ac melle, narium carcinoma-tis auxiliatur: rigoribus medetur cocta in oleo aut adipe suillo, illitaque. Eadem tum Crateuas herbarius tum Gallus de ipsa pro-diderunt, insuperque eam podagricis opitu-lari.

De Glycyrrhiza.

280.2. Aliqui Ponticam cognominant, alij glyceraton, *quasi amabiliter dulcem*, vocant, alij symphyton, alij leonticam, alij glycy-phyton, *quasi dulcem plantam*, alij Scythicam radicem: alij adipson, *quasi arcentim sitim*. Sūt & qui sylithram, qui libyestason, qui ho-

mo-

incenomœam, quam peenthaomœon: Latini dulcem radicem appellauêre.

De Centaurio maiore.

ibid. 25. Aliqui limnesion seu limnition, quasi palustrem, alij maroniam, alij pelethroniam, alij Chirôniam, vocant. Magi Herculis sanguinem, Romani ferum, seu vuam feram, seu fel terræ.

De Centaurio minore.

282. 4. Quidam limnesion, alij helleboriten, alij amaranton, Magi Herculis sanguinem, Romani febrifugam, alij herbam multiradicem, Daci tulbela.

De Chamæleone albo.

283. 22. Quibusdam chrysisceptron, seu erysisceptrum, aliis ixias, Romanis carduus varius, Ægyptiis epher seu ephthoschin.

De Chamæleone nigro.

284. 18. Pancarpō alij, alij vlophonon, alij ixiam, alij cynomazon, alij ocimoides, alij granum Gnidium, alij cynozolon, Latini carduum nigrum, seu vernilaginem, Ægyptij sobel vocant.

De Dipsaco.

286. 2. Aliqui crocodiliū appellāt, alij chamæleonē, alii onocardiū, quasi carduum asininū aut cor asininum, alii Veneris lauacrū, Romani labrū Veneris seu carduū Veneris, Ægyptii seseneor, alii chir, alii meleta, Daci sciare.

Z z. j.

De Spina alba.

286.27. Aliqui syluestre cinaram, alii donacitin, *quasi arundinaceam*, alii eryfisceptrō, Romani spinam albam seu regiam, alii carduum ramptarium.

De Spina Arabica.

287.15. Quibusdam acanthis, Latinis spina dicitur.

De Scolymo.

ibid.21. Aliis ferula, quibusdam pyxantha, Romanis strobilus, Ægyptiis chnus.

De Poterio.

288.4. Aliqui phrynion, alii acidotum, *quasi cuspidatum seu aculeatum*.

De Acantho.

ibid.27. Aliqui melamphyllon, *quasi nigro folio præditū*, alii pederota vocāt, alii acanthū ropiariam, alii marmorariā, alii cræpulam.

De Acantha syluestri.

289.14. Acantha syluestris, quam Latini spinam agrestem vocant.

De Leucacantho.

290.10. Quidam polygonatum, alii phyllon, alii ischiada vocant, Romani gniacardum, Hetrusci spinam albam.

De Eryngio.

291.9. Aliqui eryngen, alii erynerin, alii caryon, alii gorgonium, alii hermium, alii origanum clunium, alii myracanthum,
alii

alii moly, Ægyptii crobyson, Magi siserton,
Romani capitulum cardui, alii carteræ, Daci
sicupnoex, Hispani centum capita, Aphri
cherdam, alii orian chloen, *quasi montanam
herbam*, alii chida appellant.

De Aloë.

292.7. Aliquibus amphibion, aliis eryn-
gium, aliis herminium, aliis tragoceros, Ro-
manis aloë, Barbaris itidem aloë dicitur.

De Absinthio.

294.15. Ægyptij somi, Latini absinthium
rusticum vocant.

De Absinthio marino.

296.7. Sunt qui Sandonicem, sunt qui seri-
phum, Romani Santonicum vocant.

De Abrotono.

297.5. Aliqui abutonon, alii absinthium,
alii heraclion, alii cholopœon, *quasi bilem gi-
gnens*, alii thelyphthorion, alii absinthiome-
non, alii procampylon, Magi palmæ neruos,
alii cynanchiten, Romani absinthium Pon-
ticum, nonnulli thelythamnon, *quasi fœmi-
neum fruticem*, alii glycyn ancona, *quasi dulcem
cubitum*, vocant.

De Hyssopo.

298.5. Latini hyssopum, alii later, alii cas-
salam, Ægyptij pesalem.

De Stæchade.

299.2. Aliqui syncliopa, alii Alcibiadē, alii

Zz. ij.

pancratiō, alij styphoniam, Ægyptij suphlo, Magi Pythonis oculum, Romani sciolebinam vocant.

De Pulegio.

301.18. Quibusdam blechon, aliis arsenicanthū, Romanis polium, Aphris apuleium, Gallis albolon, aliis galisopsis.

De Dictamno.

302.12. Aliqui embactron, alii beloacum, *quasi telorum remedium*, alii artemideion, alii Creticam, alii ephemeron, alii heldian, alii belotocon, alii dorcadium, alii helbunium, Romani vstilagine rusticam appellant.

De Salvia.

303.26. Aliqui ciosmin, alii phagnon, alii bechion, Ægyptii anusi, Romani tussilagine, corsaluum seu saluiam vocant.

De Mentha sativa.

304.17. Romani mentham, alii nepetam vocant, Ægyptii tis, alii pherthumerthru-monthu, alii perxo, alii macetho.

De Mentha sylvestri.

305.11. quam Latini menthastrum nominant.

De Thymo.

306.18. Quidam thymum candidum seu capitatum cognominant, alii epithymida vocant, alii thyrsion, Latini thymum, Ægyptii stephane, Daci mozula.

De

De Serpyllo.

307. 19. Aliqui zygin syluestrem, alij polion vocant, Ægyptij meruopyos, Romani serpyllum aut cicer erraticum.

De Sampsucho.

308. 18. Nonnulli trifolium, alij amaracū vocant, alij agathides, alij cneion, alij acapnon, Pythagoras thrambes, Ægyptij sopho, Armenij myurum, Magi sacerdotis asinum, alij Ifidis genituram, Latini maioranā.

De Maro.

310. 3. Sunt qui organida appellant.

De Acino.

ibid. 13. aliis syluestre basilicum, Latinis ocimastrum.

De Ruta.

311. 15. Sunt qui rhytem montanam vocēt, Latini rutam montanam, vti quam Græci peganon cepeuton, rutam hortensem, Ægyptij epnubu, Syri harmala seu besafa, Aphri churma.

*Post id caput.**De Ruta syluestri.*

Rutam agrestem, alij hypericon, alij androsæmon, alij corion, alij chamæpityn vocant, Romani hederalem seu sentinalem. Aphri churma semmaked.

De Moly.

314. 23. Aliqui syluestre leucoion appellāt.

Zz. iij.

De Ligustico.

318.2. Alii panaceam, alii panaces vocant.

De Pastinaca.

319.7. Quidam cerascomen, Romani carotam aut pastinacam rusticam vocant, Ægyptii barbibyrus, Aphri sicham.

De Seseli Massiliensi.

ibid. 28. Sunt qui sphagnon, alii platycyninum, *quasilatum cuminum*, vocant.

De Seseli Æthiopico.

320.16. Ægyptii cyonophricen appellant.

De Tordyllo.

321.5. nonnullis Tordylon.

De Aniso.

ibid. 26. aliqui fion, Latini anisum dicunt.

De Anetho.

322. 21. Anethum quod estur, aliis polgidos, aliis anicetum, Magis cynocephali genitura aut pili, aliis genitura Mercurii, Ægyptiis arachu, Romanis anethum, Aphris ficciria, Dacis poltum.

De Cumino sylvestri.

323. 2. Latini cuminum agreste aut cuminum syluaticum vocant.

De Ammi.

324.20. Latini ammi Alexandrinum.

De Coriandro.

325. 10. Ægyptii ochion, Aphri goïd vocant.

De

De Hieracio magno.

ibid. 28. aliis sonchites, Romanis lactuca
erratica seu syluatica, Aphris fithileas.

De Hieracio paruo.

326. 11. sunt qui etiam hoc sonchiten vo-
cent, alii intybum syluestrem, Latini intu-
bum agrestem, Aphri fithileasade.

De Heleofelino.

327. 8. quidam pedinon, quasi campestre, co-
gnominant, alii hydroselinon agrion, quasi
aquaticum apium agreste, vocant, Romani a-
pium rusticum.

De Oreofelino.

ibid. 12. petroselinum syluestre nonnulli,
Romani apium montanum, Ægyptii ano-
nim vocant.

De Hippofelino.

328. 7. Romani verò olus atrum.

De Elaphobosco.

330. 5. quidam elaphicon, alii nebrium, a-
lii ophigenium seu ophioctonon, alii her-
pyxe, alii lyme, Romani cerui ocellum vo-
cant, Ægyptii chemis, Aphri ascaucau.

De Hippomarathro.

331. 17. aliqui marathin, alii marathron a-
grion, quasi fœniculum syluestrem, vocant, Ægy-
ptii sampsos, Magi thymarnolium, Latini
fœniculum erraticum seu equinum, aliqui
meum, Galli sistrameor.

Zz. iiij.

De Delphinio.

333. 2. aliis diachysis, aliis diachytos, aliis paralyfis, aliis camaros, aliis hyacinthus, aliis delphinias, aliis nerion, aliis nereadium, aliis sofandros, aliis cronios, Romanis buccinus minor vocitatur.

De Pyrethro.

ibid. 24. Aliqui dorycnion, alij pyrinon, alij pyroton, alij pyrothron, alij arnopyriten, Magi pyriten, Romani saluareem vocant.

De Spondylia.

336. 18. Aliqui arāgem nominant, alij phalangium, alij asterium, alij nisyryn, alij sphōdylin, alij chorodanon, alij cœnanthen, Romani herbam rotularem, Ægyptij apfapher, Magi ofirin.

De Ferula.

337. 15. Latini ferulam vocant.

De Peucedano.

338. 2. Aliqui sisona agrion vocant, alij agriophyllon, quasi agreste sæniculum, Magi bonum dæmonem, alij pinastellum, Romani fatanariam, seu statariam gerbam.

De Melanthio.

339. 23. Alij mecona agrion melana, Romani papauer nigrum sylvestre appellant.

De Hammoniaco.

347. 7. herba est, ex qua ammoniacum thymiama colligitur, aliqui agasyllon, alij
crio-

criotheon, alij heliustrum, Romani guttam nominant.

De Alyssso.

351.2. Aliqui aspidion *quasi clypeolum*, alij haplophyllon, *quasi folijs teneris præditum*, alij accyseton, alij adefeton nuncupant.

De Asclepiade.

ibid.17. aliis cission, *quasi hederula*, aliis cissophyllon, *hoc est, hederæ folijs prædita*.

De Atractilide.

ibid.27. Sunt qui amyron, qui cnicum sylvestrem, qui aspidium vocent. Magi aphe-dron, *hoc est, menstruum purgationem*, Ægyptij cheno, Romani præsepium, aliqui fustum agrestem, alij colum rusticam.

De Polynemo.

352.12. Quidam clinopodium, *quasi lecti pedem*, alij polygonatum, alij Iouis colum, alij echeonymon, Romani puteologonthriam vocant.

Ad calcem eiusdem capituli.

Edocuit experientia, ipsius ramulos in vino albo contritos lymphatico furore correptis magno esse præsidio.

De Clinopodio.

352.22. Aliqui cleonicum, alij ocimastrum, alij zopyron vocant.

De Leontopetalo.

353.8. Aliqui leontopodion, alij leuceorō,

alii leontium, alii dorin, seu doricterin, alii pardalē, alii lychnidem syluestrem, alii thorybethron, alii rapeium, alii corniculatum papauer, alii anemonen, Romani papauerculum aut semen *seu pedem* leoninum appellāt.

De Teucrio.

ibid. 21. Aliquibus teucris.

De Trissagine.

354. 4. Latinis trissago minor dicitur.

De Lychnide coronaria.

355. 6. Quidam athanaton, *quasi immortalē*, vocant, alii aquilonium, alii ballarion, alii geranopodium, *quasi gruis pedem*, alii corymbion, alii taurion, alii sceptron, alii maloion, Ægyptii semeon, Magi sanguinem menstrua patientis mulieris, Romani genicularē seu vallariam.

De Lychnide sylvestri.

ibid. 10. Aliis tragonaton, aliis atocion, aliis hieracopodion, *quasi pes accipitrinus*, aliis lampas, *hoc est, lucerna*, vocatur, Ægyptiis semura, Magis menstrua patientis mulieris genitale, Romanis intybus agreitis, aliis lapathū seu caphaguina, aliis feris appellatur.

De Lilio.

ibid. 17. Alii crinanthemon vocant, alii callirium, *quasi pulchrum lilium*, Magi Martis sanguinem, Osthane auram crocodili, Ægyptii symphæphon, quidam tialon, Latini lilium,

lium, seu rosam Iunonis, Syri susan, Aphri a-
biblabon.

De Ballote.

356.17. Aliqui nophthan appellant, alii no-
tiano scemin, alii cynosprasion, *quasi caninum*
marrubium, alii notheran, alii nochelin, alii
nostelin, alii nophryn, alii gnothurin, alii
gnoteran, Romani apnium aut medatam, a-
lii vlcerariam, alii marrubium: sunt qui can-
therinum adiiciant, Ægyptii asphos seu ef-
ce, Prophetæ sanguinem Ixionis.

De Apiastro.

357.2. Aliqui melittæon, alii meliphyllō,
alii erythran, alii temeale, Romani apialtrum
seu citraginem, *quasi citreum malum redolentem*,
Galli merisimorion vocant.

De Marrubio.

ibid. 23. Aliqui eupatorium, alii phyllo-
phares, alii tripedilon, alii camelopodium,
quasi cameli pedem, alii philochares, Ægyptii
asterion asteropémve, Prophetæ tauri san-
guinem, alii aphedron, genituram Hori, Ro-
mani marrubium, seu labeoniam, Aphri a-
tierberzia nominant.

De Phyllitide.

359.4. Aliqui phyllin, alii acaulon, *quasi*
caule carentem, alii laparhum agrion, *hoc est,*
rumicem sylvestrem, vocitant.

De Trifolio.

360.2. Latinis trifolium seu trifolium acutum seu odoratum.

De Polio.

361.7. Montanum aliqui teuthrion, alij pheuxaspidion, *quasi aspides fugans*, alij achemenin, alij libanitin, alij melosmon, alij belion, alij leontocaron, *quasi leoninum caput*, appellant.

De Scordio.

361.25. Quidam scorbiium nominant, alij pleuritit, alij dysosmon, *quasi graviter olens*, alij calamintham syluestrem, alij chamædryn, alij Mithridation, Prophetæ sanguinem Podotis, Ægyptij apho, Romani trixaginem palustrem.

De Tussilagine.

362.22. Nonnulli richion, alij petrinam vocant, alij peganon, alij pithion, alij pagonaton, alij chamæleucen, *quasi humilem populum albam*, alii procheton, alii acrophyllon, alii chamægiron, *quasi humilem populum nigræ*, Ægyptii saartha, Romani tussilaginem, seu farfaram aut pustulaginem, *seu populaginem*, Bessi asa.

De Artemisia.

363.14. Artemisiam seu polyclonon, *à multiplicibus ramulis sic dictam*, seu monoclonon, *à singulari ramulo*, quidam toxotin, alii Ephesian,

fian, alii anaſtorion, alii ſoꝛuſam, *quasi ſalu-
tarem*, alii læuem, alii leucopin, Prophetæ
hominis ſanguinem, alii chryſanthemon
vocant, Romani valentinam, alii ſerpyllum
maius, vel herbam regiam, alii rapium, alii
traganthen, alii artemiſiam, Galli ponem,
Daci zuoſten.

De Ambroſia.

364.23. Romani caprum ſyluaticum, ſeu
apium ruſticum, Ægyptii merſeo.

De Geranio.

365.19. Quibuſdam pelonitis, aliis trica,
aliis geranogeron, Romanis echinaſtrum,
Aphriſieſce dicitur.

De Geranio altero.

ibid. 23. Aliqui oxyphyllon, alii mertryga,
alii myrrhin, alii cardamomum, alii origa-
num vocant, Prophetæ hierobryncas, Latini
pulmoniam, cicutariam aut herbam grui-
nam, Aphriſieſce.

De Gnaphalio.

366.2. Quidam hires, alii ampetocon, alii
anaxeton, alii gnaphalin, *quasi tomentitiam
herbam*, vocant, Ægyptii ſemeon, Galli gela-
ſinem, Romani centunculum ſeu centuncu-
larem herbam, alii albinum.

De Oenanthe.

ibid. 28. Alii ceraſcomion.

De Conyza magna.

367.9. Conyza magna, quibusdam cyno-
zematitis, aliis danais, aliis tanachium, aliis
phycos, aliis ischys, aliis dinosmos, *quasi gra-
ueolens*, Magis brephoctonos, *quasi infantes e-
necans*, aliis anubias, aliis hedemias, Ægy-
ptiis ceti, Romanis intybum aut militaris
herba, quibusdam delliarium, aliis febrifuga
nuncupatur. Sunt & qui phragmosam, qui
musteri, qui pissan nominent.

Eodem capite:

Aliqui conyzam parvam, alii panion, alii
libanotin, Prophetæ Cronon, *id est, Saturnum*,
appellant. *De Hemerocalle.*

368. 9. Aliqui hemerocatallacton, alii eri-
non agrion, *quasi lilium sylvestre*, alii crinathe-
mon, *à flore lily*, alii porphyranthes, *à flore pur-
pureo*, alii bulbum vomitorium seu sanguineū,
alii anticantharon, Ægyptii iocri, Romani
bulbum aut lilium sylvestre, seu marinum,
Aphri abiblabon vocant.

De Leucoio.

ibid. 23. Alii basilion, *quasi regiam*, Romani
opulam albam, seu violam albam, alii au-
gustiam, nonnulli violam matronalem, aut
passarinam, alii polyphoram, *quasi flores mul-
tos proferentem*, vocant.

De Satyrio erythronio.

372.3. Alii melium aquaticum, alii entati-
con, *quasi arrectorium*, nonnulli priapiscū seu
satyri-

satyriscum, alii Satyri testiculum, Romani testiculum leporinum nominant.

De Hormino.

ibid. 14. Latinis geminalis, Dacis hormia dicitur.

De Nymphaea altera.

374. 26. Nymphæam alterā sunt qui nymphona vocent.

De Androsace.

375. 6. Sunt qui pierada, à sapore amaro, appellant, alii leucem, à folij colore candido, alii thalassiam, quasi marinam.

De Aspleno.

375. 15. Alii lonchitin, alii aturium, alii phrygiam, alii phrygitin, alii philtrodoten, Prophetæ mustelæ, aut felis, sanguinem.

De Anthyllide.

376. 16. Quidam anthyllon, alii anthemida vocant, alii eranthemin, alii leucanthemon, alii forant his, alii florem campestem, Romani solastrum seu Solis astrum.

De Anthemide.

377. 4. Romani malium, Aphri astertiphe appellant.

De Parthenio.

378. 16. Alii anthemida: sunt qui chamæmelum, alii chysocalin, alii malobathron, alii florem campestem, Romani Solis oculum, aut millefolium, Hetrusci cautan, Aphri thamacth.

De Buphithalmo.

379. 2. Alii balsaminā, Prophetæ hæmorrhā,

alii Mercurii genituram, aut semen incorruptibile, alii Mnesitheum, Romani cappacorianam, Aphri narat.

De Paonia.

ibid. 13. Pæoniam marem, alii orobelium nominant, alii orobacem, alii hæmagogum, alii pæfæden, alii menogenion, *quasi luna sobolem*, alii menion. *i. lunarem*, alii pæonium, alii panacos ceras.

Ibidem. 14.

Alii aglaophotida, quidam theodonium, *quasi diuinum donum*, alii selenion, *hoc est, lunarem*, Prophetæ selenogonon, *quasi Luna genituram*, alii phthisin, Romani castam.

De Lithospermo.

380. 21. Alii leontion, alii leoninum lapidem, alii gorgonium, alii tantalitin, alii diosporon, *quasi à Ioue satum*, Romani columbā, Daci gonoletam.

De Rubia.

381. 18. Aliis dracanos, aliis cinnabaris, Romanis rubia sativa, Hetruscis lappa minor, Ægyptiis sophobi.

De Lonchitide.

382. 19. Aliis cestron seu Medusa dicitur, Romanis Venerea seu lanceola.

De Lonchitide altera.

383. 2. Latini longinam aut calabrianam.

De Al-

De Althæa.

ibid. 11. Alii althiocon.

De Cannabi sativa.

385.2. Aliqui cannabium, alii schoenostrophon, *quasi intorquendis funibus aptum*, alii asterion, Latini cannabin appellarunt.

De Cannabi sylvestri.

ibid. 10. Aliqui hydrastinam, Romani terminalem seu cannabin vocant.

De Anagyri.

ibid. 20. Alii agnacopum.

De Onobrychide.

387.6. Aliqui onobrochilon, alii eschasmen, alii hypericum, alii corion, alii chamæpityn, Romani opacam, alii brichilatam, alii loptam, alii iocinalem, Daci aniasflexe appellant.

De Chamæpity.

389.20. Alii pityorizon, alii oryzelon, alii bryoniam sylvestrem, Prophetæ Mineræ sanguinem, Romani cupressum nigram, Daci dochela.

In alio codice & hoc de Vettonica caput inseritur: cuius magna pars ex Ant. Musa desumpta videtur.

Vettonica nascitur in pratis & montosis locis, itémque mundis & opacis circa frutices. Animas hominum & corpora custodit.

A A. j.

Contra nocturnas ambulationes ac loca à maleficiis & periculis non satis tuta, necnō & somnos difficiles efficax est: denique ad omne genus medelæ celebratur. Totam radicem rubram habet & odoratam, folia porracea, medium foliorum puniceum, cauliculos in rectum calamus desinentes, triangulos, & in ipsis flores purpurascens. Vis ipsius hæc est: Contusa recens & supra fracti capitis ictum imposita, dolorem eximit, & vulnera glutinat: quin & ossa fracta vi sua extrahit. Illud verò eò efficacius præstat, si quotidie permuretur, donec vulnus sanescat. Sanat & dolorem capitis seu decocta cum aqua & capiti affusa, seu etiam cum bitumine oblita temporibus. Ad idem valet & ipsius radicis suffitus.

De Polygono mare.

394. 13. Aliqui polygonaton appellant, à frequentibus geniculis, seu internodiis, alii cynochalen, alii herculeam, alii asphaltion, alii chiliophyllon, quasi millefolium, alii clematis, hoc est, viticulam, alii polycarpon, à copia seminis, alii carcinethron, alii teuthalida, alii myrtopetalon, à folio myrti, alii clinopodion, alii zaritheam, alii pedalion, Ægyptii thephin seu stemphin, Prophetæ genituram herois, seu vnguem muris, Latini sanguinalem, aut scorpionacā seu proserpinacam, Aphri chulū.

De

De Polygono foemina.

395.7. Latinis sanguinalis seu sanguinaria dicitur.

De Clematide.

396.2. Aliqui philetærium vocant.

De Clematide altera. Cap.

Clematidem alteram sunt qui epigetida vocent: Ægyptii phylacium, Romani ambuxum. Viticulam ex sese mittit rubentem, vitilium modo lentam, folium gustanti perquam acre, ut etiam exulceret: arboribus in modum smilacis sese aduoluit. Huius semen tritum ex aqua aut hydromelite potum, per inferna pituitam & bilem educit. Pellunt verò lepras folia emplastri modo imposita. Ceterum cum lepidio condiuntur, seruanturque ad cibos.

De Symphyto altero.

397.25. Latini solidaginem seu consolidam.

De Stœbe.

399.2. Quidam stœbium, Latini stupam appellant.

De Clymeno.

ibid. 9. Alii calycanthemon, alii periclymenon, alii heliophyes, quasi Solis plantam, nonnulli hepatin, alii smilacem, alii anatolicon, alii dyticon, alii merginem, Latini volucrum, seu volucrum maius, Ægyptii o-

AA. ij.

xiui: clymenon, alii clymenium, quod & agonon nuncupant.

De Periclymeno.

ibid. 25. Aliqui æginen, alii clymenon, alii earpathum, alii splenium, alii hepatitin, alii helxinen maiorem, alii clematitin, alii myrsinen, alii calycanthemon, Prophetæ pileum Veneris, Ægyptii turcum, Romani volucrum maius, Aphri lanath appellant.

De Tribulo.

400. 18. Aliquibus bucephalus, aliis tauroceros, Latinis tribulus aquaticus dicitur.

De Sarxiphago. Cap.

Sarxiphagon, aliqui saxifragum, alij empetron, Romani saxifragiam vocant. Frutex est furculosus in petrosis & asperis locis nascens, epithymo similis. Coctus in vino, morbus potus, febricitantibus opitulatur, itemque vrinæ stillicidio ac singultui prodest: calculum quoque in vesica frangit, vrinæque ciet.

De Limonio.

401. 21. Aliquibus potamogeton appellatur, aliis lonchitis, aliis rapionii, Mysis mendruta, Syris Meüda, aliis lycosemphyllon, aliis helleborosemata, aliis scyllion: Magis cor lupi, Romanis veratrum nigrum, seu tininabulum.

tinabulum terræ, Gallis iumbarum, Dacis
dacina.

De Lagopode.

402. 2. Aliqui leporis cuminum vocant.

De Medio.

ibid. 7. Aliqui Medicam appellant, alij
trifolium, alij clemantion, alij osmon, qui-
dam trigonon, alij cybellium, alij polyphyl-
lon, *quasi multifolium*, Romani trifolium odo-
ratum, Ægyptij epaphon.

De Epimedio.

ibid. 17. Ab aliis erineos, *hoc est, caprificus*,
ab aliis thrias, à nonnullis polyrrhizon, à
Romanis vindicta nominatur.

De Xiphio.

403. 2. Aliqui anactorion, alij arion vo-
cant, Romani gladiolum segetalem.

De Sparganio.

Aliqui xiphidion, alii bolon appellant.

De Xyride.

ibid. 24. Ab aliquibus iris agria, ab aliis
cactos, à Romanis gladiolus seu iris agre-
stis, à Dacis aprus dicitur.

De Anchusa.

404. 21. Aliqui catanchusan vocant, alij
Libycam, alii archibellion, alii alcibiadion,
alii onophyllon, alii porphyrida, alii mydu-
sam, alii salycem, alii nonean, Aphri buine-
sath.

A A. iij.

De Echio.

406.17. Latinis Alcibiacum dicitur.

De Ocimoide.

407.10. Sunt & qui hanc echion appellant, alii scorpiuron, alii sparganon, alii althæam, alii amaranthida, alii probateam, alii elaphion, alii antiminon, alii porphyridem, alii augion, alii nemesion, alii hyanopfolon, *quasi hyæne nudatam glandem*, alii thyrsiten, alii thermutin, alii misopathos, Romani ocimastrum.

De Erino.

ibid. 19. Aliqui ocimoides, alii hydreron, *quasi aquaticam herbam*, Romani ocimum appellant.

De Gramine.

408.2. Aliqui ægicon, alii amaxitin, Ægyptii anuphi vocant, Romani gramen seu assefolium, seu sanguinalem, aut vniolam, Hispani aparian, Daci cotiata, Aphri iebal.

De Sideritide.

409.7. Prophetæ genituram aut sanguinem Titani, alii scorpionis caudam, Pythagoras parmiron, Andreas xanthophanea, Osthanes bupthalmum, *hoc est, bonis oculum*, Ægyptii sendionor, Romani verumnum seu solastrum, Aphri vdedonin.

De

De Achillea.

410. 13. Aliqui myriomorphon nominant, alij chiliophyllon, alij stratioticon, alij Heracleon, Romani supercilium Veneris seu a-corum syluaticum, alij militare, alij millefolium, Aphri asterchillos.

De Rubo.

411. 2. Alij cynosbaton, *quasi canis rubum*, nominant, alij selinorition, alij asyntrophon, Prophetæ Titani seu ibis sanguinem, Romani sentem seu rubum, alij mora vaticana, Daci mantiam, Ægyptij hæmoos seu ametros.

De Helxine.

412. 4. Sunt qui helitin, *quasi palustrem*, vocant, qui canochersæam, qui amelxinen, qui eusinen, qui amorginen, qui sucotachon, qui psychuacon, qui melampelon, qui cissampelon, qui cissanthemon, qui anate-tamenon, Romani volutum laparon, Ægyptij hapap.

De EVpatorio.

412. 20. Aliis hepatorium seu hepatitis, Romanis volucrum maius.

De Quinquesolio.

413. 10. Aliqui pentapetes, alij pentatemon, *à quinq; foliorum diuisuris*, alij pentadactylon, alii pseudoselinon, alij callipetalon, alij xyloloton, alij xylopetalon, alii asphal-

AA. iiij.

tion, alii pentacœnon, alii thymiatitin, Ægyptii orphitebeocen seu enothron, Prophetæ ibis vnguem aut alam, alii hermodactylon, Romani quinquefolium, Galli pempedulam, Daci propedulam appellant.

De Phœnice.

414. 17. Alii phœnicopteron, alii rhunstachyos, *quasi fluxum spica*, alii osthalen, Romani lolium seu hordeum murinum, Ægyptij athnon nominant.

De Rhodia radice.

415. 11. Alii rhodida nuncupant.

De Equiseto.

ibid. 17. Aliqui trimachion, alii anabafin seu anabasion, alii charadranon, alii phædran, alii iteandendron, *quasi salignam arborem*, alii gis, alii schœniostrophon, alii ephydron, *quasi aquaticum*, vocant, Ægyptii pherphra, Prophetæ, Saturni cibum, Romani equinalem, seu salicem equinalem.

De equiseto altero.

416. 8. Aliqui equitium, alii chedran, alii gynon, Romani salicem equinalem appellant.

De Tragio altero.

417. 13. Aliqui tragon, alii tragocerota vocant, alii scorpion, alii garganon, Latini cornulacam, seu bituensam, Daci saliam, Ægyptii sopher, Aphri achiosum.

De

De Iunco.

418. 8. Aliquibus schœnos leia. i. *iuncus le-uis*, aliis oxypternos, aliis Solis supercilium, Romanis iuncus marinus seu manualis, Aphris chudua.

De Paronychia.

419. 7. Aliquibus adocetos, aliis neuras, aliis phrynion, Romanis vngualis dicitur.

De Chrysocome.

ibid. 12. Quibusdam chrysitis dicitur, aliis chrysanthemum, aliis amarantus, aliis Dios pogon, Latinis Iouis barba, Aphris dubath, aliis burchumath.

Ibidem.

Sunt qui chrysoespermon vocent, *quasi aureo semine præditam*, alii daspin, alii organon, alii arcophthalmion, *quasi versi oculum*, Romani aureliam.

De Chrysanthemo.

420. 19. Aliqui chalcitin vocant, alii chalcanthum, alii chalcanthemon, Romani caltham, Hetrusci garuleum, Aphri churzetan.

De Peristereone.

421. 17. Aliqui peristerion, *hoc est, columbinam*, alii trygonium, alii bunion, alii hieran botanen, *hoc est, herbam sacram*, alii philtrodoten nominant: Ægyptii pempsemppte, Prophetæ Iunonis lacrymam, alii mustelæ sanguinem, alii Mercurii sanguinem, Romani

cristam gallinaceam, alii ferream, alii trixalin, alii exuperam, alii denique herbam sanguinalem.

De Hierobotane.

422. 3. Alii erigenion, alii chamælygon, *quasi humile vimen*, alii fideritin, alii curitin, alii Phersephonion. i. *Proserpinacam*, alii Iouis colum, alii dichromon, alii colletin, alii cyparission, alii Demetriada, Ægyptii pemphthemphtham, Pythagoras erysiceptron, Romani cincinnalem vocant.

De Astragalo.

423. 2. Aliqui chamælycen, alii onycha, alii gatalen vocant, Romani pinum triuium, similiter & ficum terræ, alii glandulam, alii talum, alii nonariam.

De Hyacintho.

ibid. 16. Nonnulli heloniam, alii porphyranthes, Romani vaccinium, alii vlcinum vocant.

De Papauere erratico.

424. 3. Aliqui oxytonon, Romani papaueralem, Ægyptii nanti nominant.

De Papauere sativo.

ibid. 27. Sunt qui chamælycen vocent, *quasi ficum humilem*, alii mecon rhœada, *hoc est, papauer erraticum*, alii oxytonon, Romani papauer, Ægyptii nanti.

De Cornuto papauere.

428. 9.

428. 9. Latini fabulum marinum, Aphri
Gsimaca vocant.

Ibidem ad calcem.

Ab huius corniculati papaueris esu po-
tūve eadem planè inferuntur symptomata,
quæ ab hausto opio. Sed & iisdem succurri-
tur auxiliis. Semen æstate dum siccum est
colligitur. Radicis verò decoctum ex vino
bibitum, sanat dysenteriam.

De Apollinari.

429. 18. Quidam dioscyamū, quasi Ioui fa-
bam, alij pythonion, alij adamantem, alij a-
damenon, alij hypnoticō, hoc est, somnificū, alij
emmanes. i. furialem, alij auginō, alij dithyrā-
biō vocāt. Pythagoras & Osthane xyleona,
Zoroastres typhonion, Latini insanam aut
dentariam, alij Apollinarem, Prophetæ rha-
ponticum, Ægyptii saphtho, Hetrusci fa-
buloniam, Galli belinuntiam, Daci dieliam.

De Psyllio.

431. 23. Aliqui cataphysin, alij cynocepha-
lion, quasi caninum caput, alij crystallium, alij
cynomyiam, quasi caninam muscam, alij psyl-
lerin, alij Sicelioticon, quasi Siculam herbam,
Siculi conidiin, Romani silbacium seu her-
bam pulicariam, Aphri vargugum appel-
lant.

De Solano hortensi.

432. 19. Alii satiuū seu domesticū cognō

minant, Latini strumam, alij cacubalum, Ægyptij allelo, Galli scubulum, Aphri astrifmunim.

De Solano halicacabo.

433. 19. Nonnulli dircaon appellant, alij strychnon manicon, *hoc est, solanum furiale*, alij dorycnion, alij callaïda, Romani apollinarem minorem, seu herbam vaticam, alii opfaginem, Daci cocalida, Aphri cacabum.

De Solano manico.

434. 29. Alij anydron, alij pentadryon, alij enoron, alij orthogyion vocant.

De Mandragora.

436. 11. Alij circaon, alii xeranthem, aliqui antimnion seu antimion, alii bombochylon, nonnulli minon, Ægyptii apemum, Pythagoras anthropomorphon, alii aloëten, alii thridacian, alii cāmoron, Zoroastres diamonon seu archinen, Prophetæ hemionous aut gonogeonas, Romani mala canina seu mala terrestria.

De Aconito altero.

440. 2. Alii cyamon leucon, *hoc est, fabam candidam*, Romani colomestrum.

De Cicuta.

ibid. 16. Aliquibus ægynos, aliis ethusa, aliis apolegousa, aliis dolia, aliis amaurosis, aliis paralyfis, aliis aphron, quibusdam creidion, aliis coete, aliis catechomenion, aliis abioton.

abioton, aliis apseudes, aliis ageomoron, aliis timoron, aliis polyanodynos, aliis dardanis, aliis catapsyxis, Osthani babathy, Ægyptiis apemphin, Latinis cicuta dicitur.

De Apocyno.

441. 28. Alii cynoctonon aut cynanchen, à præfocandis canibus, aliis phaleon, aliis oligorion, aliis hippomanes, aliis onistin, aliis ophiofcorodon, aliis cynarican, aliis elaphoscorodon, Prophetæ paralyfin, Latini brassicam rusticam seu caninam appellant.

De Nerio.

442. 16. Aliis spongos, aliis hæmostaris, Romanis rhododendron, Lucanis icmane, Ægyptiis scinphe, Aphris, &c.

De Colchico.

444. 2. Latinis bulbus agreitis.

De Alsine.

445. 27. Alii anthyllion, aliis myortochon, aliis myortosplenon, Latini muris auriculam, Aphri labotholabat.

De Lenticula palustri.

446. 10. Aliis phacosagrios, hoc est, lens palustris, aliis epipteron, Latinis viperalis, aliis iceosmigdonos.

De Semperuiuo magno.

ibid. 21. Aliqui aithales, quasi semper virens, aliis ambrosion, quasi immortale, aliis chrysospermon, ab aureo semine, aliis zoophthalmion

seu bouophthalmum, *quasi animantis aut bo-
vis oculum*, alii stergethron, *quasi amorificum*, a-
lii æonion, *quasi sempiternum*, alii aïchryson,
seu holochryson aut chrysanthemum, *ab au-
reo flore*, alii protogonon, *quasi primogenitum*,
alii borion, alii notion, Prophetæ parony-
chian, aut chrysitin, Romani ceracufiam,
seu Iouis caulem, alii leapetes, alii sedum
maius, Ægyptii pamphanes nominant.

De Semperuiuo paruo.

447. 18. Alii petrophyes, *quasi in petris na-
sci solitum*, appellant, alii brotion, alii theo-
brotion, *quasi à diis datum hominibus*, alii cro-
bysson, alii chimerinen, *quasi hyemalem*, alii
cerauniam, Latini vitalem seu semperui-
uam, Ægyptii eriicelta.

Ad calcem eiusdem capituli.

Semperuiuum, quod tenui constat fo-
lio, aliqui aïzoon paruum, alii petrophyes,
quasi in petris nascens, alii aïzoon sylue-
stre, Latini semperuiuum minus appel-
lant.

De Umbilico Veneris.

448. 7. Aliis hortus Veneris, aliis terræ
umbilicus, aliis stichis, aliis stergethron,
Latinis umbilicus Veneris dicitur.

De Umbilico Veneris altero.

ibid. 21. Quod quidam cymbalium seu
cymbalariam appellant.

De

De Vrtica.

449.4. Alii adicen, Latini vrticam, Ægyptii selepsion, Daci dyn appellant. Alteram etiam acalyphen aliqui cniphen, Latini vrticam mollem vocant.

De Galiopsi.

450.4. Alii galephos, quasi *mustela oculum*, Ægyptii Æthopi, Latini vrticam labeonem.

De Senecione.

451. 2. Aliis erechthites, Latinis herbulum aut senecio.

De Musco marino.

452. 2. Aliqui ballarin, alii iranen, Romani gnomeusilum vocant.

De Potamogetone.

ibid. 22. Aliis stachyites, quasi *spicata*, Latinis fōtalis seu fontinalis, Ægyptiis ethēchis.

Ad calcem cap. de Potamogetone.

Est & alter Potamogeton, cui folia similia, at longiora tenuioraque: cauliculi itidem similes ac tenues, semine rubente referti. Hoc esitatum astringit. Tritum verò cum vino potūque acetabuli mensura, dysentericos ac cœliacos iuuat: sistit & rubentem fluxum muliebrem. Nascitur in aquosis & palustribus.

De Stratiote.

453. 2. Ægyptii tibus, Prophetæ felis sanguinem.

De Verbasco.

ibid.26. Alij phlonon, Latini verbasum, seu fœminalem vocant.

De Personata.

456.8. Alij aparinem, Latini personatiam seu lappam appellant.

De Epipactide.

ibid.27. Alij borion vocant.

De Fumaria.

457.4. Aliqui corydalion aut corion à foliorum coriandri diuifura vocant, alij fylueftre corydaliũ, alij capnon in fegetibus hordeaceis nascentem, alij capniten seu capniõ, alij marmariten, alij capnogorgion, alij chelidonion paruum, alij perifterion, alij cantharida, alij chalcochrun, Romani apium seu fumariam, Ægyptij chnyx, alij tucin.

De Loto fatina.

ibid.15. Alij tripodion, alij trifolium.

De Loto fylueftri.

ibid.20. Alij triphyllon, Latini trifolium minus vocant.

De Cytifo.

458.4. Alij relinen, alij grandem lotum, alij triphyllon, Romani trifolium maius appellant.

De Millefolio.

459.3. Alij melophyllon, alii stratioticen, *quasi* militarem, alii Achilleam, Romani millefo-

lefolium aut supercilium Veneris appellat,
Galli bellicocandium.

De Myrrhide.

ibid. 15. Alii cunilam vocant.

De Cirsio.

460. 18. Alii buglossum magnum vocant,
Latini spinam mollem.

De Astore Attico.

461. 2. Aliqui asteriscon seu asterion, *quasi*
stellulam, alii bubonium, alii hyophthalmum,
quasi suis oculum, Latini inguinalem, Daci ra-
thibida vocant.

Ad calcem eiusdem capituli:

Nascitur inter petras, locisque asperis: stel-
lares huius radij noctu splendent. Quapro-
pter qui hoc ignorant ubi ipsum viderint,
spectrum quoddam esse arbitrantur. Inueni-
tur autem ab opilionibus. Cæterum Crate-
uas herbarius hanc herbam refert, si viridis
cum axungia vetere tundatur, contra rabio-
forum morsus gutturisque ramices prodes-
se, ac suffitu quoque serpentes fugare.

De Viola nigra.

462. 3. Purpuream violam alii dasypodiō,
alii priapeion, alii violam sylvestrem, alii
Cybelion, Romani setialim aut murariam,
aut violam purpuream vocant.

De Bunio.

ibid. 27. Aliqui aton, alii arction, alii ane-
BB. j.

mosphoron vocant, Prophetæ paradacry,
Ægyptij erxoen, Romani scopam regiam,
Aphri zigar, nonnulli thempso.

De Chamecisso.

463.18. Aliquibus chamæleuce, aliis cissos.
acarpus, *quasi hedera sterilis aut infructuosa*, aliis
terræ corona, aliis selinitis, *à foliis circa radi-*
cem apio similibus, Romanis hedera pluuiatica
dicitur.

De Buglossô.

464.7. Prophetæ felis genituram, Osthia-
nes tzauchy, Ægyptii antuërin besor, Ro-
mani linguâ bouis aut libanium, Aphri an-
fanaph nuncupât. Nascitur sabulosis & exæ-
quatis in planitiem locis. Colligitur verò
Iulio mense: feruntque contra febrilium ac-
cessionum rigores herbam vtilem: & ad ter-
tianos quidem, eam quæ tres thyrsos emise-
rit: ad quartanos verò, quæ quatuor, totam
cum radicibus & semine ad tertias in vino
decoctam propinant: quin & ad curandos
abscessus valere aiunt.

De Cynoglossô.

ibid.13. Aliqui phyton, alii caballion, alii
splenion, alii scolymon, Romani linguam
canis aut caninam appellant.

De Leontopodio.

465.2. Aliqui zoonychon vocant, *quasi ani-*
malis ungulam, alii ætonychon, *quasi aquile*
unguem,

unguem, alii *camum*, *hoc est, capistrum*, alii *damnamen*, *quasi domitricem*, alii *idiophyton*, *hoc est, peculiarem plantam*, alii *phytobasilan*, *quasi plantam regiam*, alii *crofion*, alii *crofophthoon*, Magi *sanguinem crocodili*, alii *crocomerion*, Ægyptii *daphnoenen*, Romani *Mineruium* seu *Palladium*, alii *neumatum*, alii *flamulam*.

De Hippogloss.

Aliqui & id *antirrhinon*, alii *anarrhinon*, nonnulli *lychnida syluestrem* vocant.

De Catanance.

466.5. Aliquibus *damnamene*, aliis *Dionysias*, aliis *thyrsiō*, aliis *demos*, aliis *camus*, aliis *croton*, Prophetis *archaras*, aliis *arcopus*, *quasi pes urfi*, Romanis *herba filicula*, seu *datisca*, seu *Iouis radius*, Dacis *caropithla* dicitur.

De Tripolio.

ibid. 20. Aliqui *psyche*, alij *merida*, alij *potamogetona* seu *stachyiten*, Romani *calamarem* nominant.

De Adianto.

467.4. Alij *callitrichon*, alij *trichomanes*, alij *ebenotrichon*, alij *argion*, alij *coriandru aquaticum*, Ægyptij *epier*, Romani *cincinnatiem*, seu *terræ capillum*, seu *supercilium terræ*, Daci *philophthethela* vocant.

De Trichomane.

B B. ij.

468.6. Aliqui pterion, *quasi filiculam*, alii eupteron, Romani capillarem, seu pinnulam, seu filiculam, appellant.

De Xanthio.

ibid. 15. Latini lappam.

De Aegilope.

469.7. Aliquibus sitospelos, aliis siphon, *quasi tubus*, aliis bromos, Romanis auena dicitur.

De bromo.

ibid. 15. Aliqui siphonion, alii acrospelon vocant, Latini auenam.

De Smilace aspera.

470.21. Aliqui hepatitin, *quasi iecorariam* appellant, alij lycanthesmon, *quasi florem lupinum*, alij cynosbaton, *quasi sentem canis*, alij aniceton, *quasi inuictam*, alij heliophyton, *quasi plantam Solis*, alij anatolicon, *hoc est, orientalem*, alij dyticon, *occiduam*, alij helidem, Aegyptij lyisthe, Romani merginam, Hetrusci rhadia.

De Rusco.

471.25. Aliqui myrtacanthan vocat, *quasi myrtum spinosam*, alij hieromyrton, *hoc est, myrtum sacrā*, alij oxymyrfinem, *quasi myrtum aculeatā*, alij myacanthan, *hoc est, spinam murinam*, alij agonon, alij scincon, alij minthen, alij catangelon, alij anangelon, alii acaron, alii ocneron, alii cinen, alii lichenē, alii chamepityn, alii chamæmyrfinen, *quasi humilē myrtum*.

um, Bœoti gyreniam, Prophetæ genituram
Herculis, Latini ruscum.

De Lauro Alexandrina.

472.17. Alii daphnon, alii Samothracicam
laurum, alii mithrion, alii hypoglossion.

De Daphnoide.

473.2. Alypo simile, flos ceu nymphææ, cu-
ius mediū cono non dissimile, in quo semē.

De Chamedaphne.

ibid.20. Alii daphnitin, alii hydragogon,
Latini laureolā seu lauraginē, Galli vsubim.

De Elleboro albo.

474.6. Aliqui ascidem nomināt, alii ecto-
mon, quidam pignatoxarin, Prophetæ geni-
turam Herculeam, alii polyides, alii anaphy-
ston, Ægyptii somphian, alii vnre, Galli la-
ginum, alii anepsa.

De Elleboro nigro.

475.29. Alii Prætium, alij melanorrhizon,
quasi nigra radice præditum, alii Anticyraicon,
Prophetæ zomarition, Ægyptii Isæam, seu
elaphinen, seu cemeleg, Latini veratrum ni-
grum, alii saraca, Daci prodiorna.

De Sesamoide magno.

478.2. Aliqui sesamiten, alii sesamin, alii
lycoscytalium, *quasi lupinam scuticam*, alii elle-
boron album, alii Anticyricon appellant.

De Sesamoide paruo.

ibid.12. Aliqui coronion, alii sesamon syl-
BB. iij.

uestre nuncupant.

De Cucumere syluestri.

ibid. 23. Aliqui elaterion vocant, alij grignon, alij balin, alij syncrisin, alij bubalion, alij scorpion, alij pherombron, *quasi imbriferum*, alij peucedanon, alij notion, Romani anguinum, seu agrestem *cucumerem*, Aphri cuzimezar.

De Staphide agria.

482. 15. Aliqui trifolium, alij stesium, alij astaphida, alij phthiroctonon, *quasi pediculos enecantem*, alij phthirion, alij apanthropon, alij polyides, alij pseudopathes, alij arsenoten, Ægyptij ibesaoeden, Romani herbam pedicularem appellant.

De Thapsia.

483. 9. Aliqui hypopion, *quod sugillatis medeatur*, vocant, alii pancranon, alii scamnonion, alii thelypterin, *quasi filicem fœminam*, Romani ferulaginem seu ferulam syluestrem, Poeni bæden.

De Spartio.

485. 19. Aliqui lobon. *i. siliquam*, alii lygon, *hoc est, vimen*, appellant.

De Narcisso.

487. 11. Aliis narcissus anydros, aliis autogenes, aliis bulbus emeticus, aliis lirim, Romanis bulbus vomitorius.

De Hippophaë.

488. 6.

488.6. Aliqui hippophyes vocant, alii hippophanes, alii hippion, alii equinum, alii pellecion, Romani lappagine seu lappulam minorem.

De Ricino.

489.15. Ægyptii systhamna, alii trixin, Prophetæ sanguinem febris, Romani ricinum, seu lupam.

De Pityusa.

494.20. quam turpeth appellant.

De Chamaesyce.

497.4. Alii mecona aphroden, hoc est, papaver spumeum.

De Scammonia.

ibid.23. Aliquibus scambonia radix, aliis Colophonia, aliis dactylum, Romanis Colophonium, Prophetis apopleumonos, Ægyptiis salinum dicitur.

De Chamelea.

499.21. Alii chamelæam nigram, alii Heraction, alii bdelyran, quasi execrabilem, Romani citocacium, nonnulli oleagine seu oleastellum vocant.

De Sambuco.

501.17. Aliqui dendron arctu, hoc est, arboris, alii heimeron, quasi sativam, Romani sambucum, Galli scobien, Daci seba nominant.

De Chameacte.

B B. iiij.

760 DIOSCORIDIS

502. 3. Aliis heliosacte, *quasi sambucus pa-*
lustris, aliis acte agria, *hoc est, sambucus sylvestris*,
 aliis EVboica, Romanis ebulus, Gallis duco-
 ne, Dacis olma.

De Apio.

503. 17. Latini radicem sylvestrem, Pœni
 thorphathfadoe appellant.

De Colocynthide.

504. 7. Zoroastri thymbra, Osthani auto-
 genes, Romanis cucurbita syluatica, Dacis
 tutrastra.

De Epithymo.

505. 8. Aliqui cedoes, Romani inuolu-
 erum vocant.

De Vite nigra.

508. 24. Alii bucranium, Romani vuam ta-
 miniam, alii batanutam, alii betifalcā, Daci
 priadela, alii peregrinam, Aphri lauothēn.

De Filice.

509. 15. Alii pterion, alii pterineon, alii da-
 fyclonon, *ab hirsutis seu densis ramulis*, alii ana-
 sphoron, Prophetæ Mercurii surculum, Ro-
 mani filicem fœnariam, alii laculam, alii fi-
 licem simpliciter, Ægyptii asini sanguinem.

De Thelypteri.

510. 10. Latini linguam ceruinam vocant.

De Polypodio.

511. 3. Aliqui scolopendrion, alii pterin, alii
 polyrrhizon, *à multifidis radicibus incisuris*, Ro-
 mani

mani filiculā seu filicularem herbā vocant.

De Dryopteride.

ibid. 18. Aliquibus pterion, aliis nymphæa pteris.

De Linozostide.

512. 23. Alii argyron, alii aritrillin, alii chrysitin, Ægyptii aphlopho, Latini herbam mercurialem masculam, alii testiculatam, Aphri asumes.

De Cynocrambe.

513. 12. Aphris harmas, aliis asumeslabon dicitur.

De Heliotropio magno.

ibid. 24. Alii heliotropon, alii dialion, alii heliopun, alii scorpioctonon, quasi scorpios enecantem, alii sesamon agrion, hoc est, sylvestre, alii scorpii caudam.

Ad calcem cap. de Omphacio. 520.

Vi pollens astrictoria, tardè concoquentibus dissolutisque stomachis conuenit, itémque fœminis malacia laborantibus, & ileosis. Creditur etiam salutare, si in pestilenti constitutione sorbeatur.

De Stibio.

577. 12. Alii gynæcion, alii chalcedonium.

Ad calcem capitis de Gagete. 616.

Aiunt & sacro, hoc est, comitiali, morbo laborantes prodere ac deprehendere: quoniam dum eum ferunt, olfacto ipso protinus

ac momento in terram procidunt. Quin & morbos fœminarum occultos sanare, si suffumigati vaporem exceperint.

De Magnete.

ib. 19. Hūc aiunt naturali quadā vi pollere, qua mulierem castam ab adultera discernat. Si quis enim ipsum strato clanculūm impoſuerit, quæ pudica est virique ſui amore tenetur, ſomno conſopita vlnis maritum ita arctè amplexabitur, vt in illius complexu quaſi hæreat: altera verò ſpurcis & indignis per ſomnum exercita laboribus, è lecto procidet. Sed & magnetem ſi duo viri ſecum tulerint, lites & controuerſias, ſi quæ inter illos fuerint, dirimet, atque concordiam fouebit. Idem geſtatus ſupra pectus, populum lenit ac demulcet.

De Melitite lapide.

617. 10. Melitites lapis etiā galactites nominatur, itémque lethæus, *quaſi obliuiſus*, quia ipſum geſtantes, ſi ad dominos ſuos acceſſerint, beneuolos illos & clementes compariant, ac etiamnum immemores ſcelorum & maleficiorum quæ ſæpiùs antè perpetrarint. Quin & capras ouesque deficienti lacte, ſi quis ipſum admixta muria tritum exhibuerit, eas non parum adiuuerit. Fertur & mulieribus itidem tritus potuſque ad lactis generationem vbertatémque conferre.

ferre. Sed & infantis collo adalligatus, arcet inuidiam, eumque à morbis infidiis- que tuetur ac vindicat. Insuper qui lapidē eiusmodi gestauerit, & apud Reges & apud Iudices venerabilis erit, ac omnium denique gratiam fauoremque demerebitur.

De Chamæmelo.

Febricitantes sanat chamæmelum, cum rosaceo ad læuorem tritum. Vtilis inquam planta mediocriter affectis. Nascitur porrò in editioribus arenosisque locis quæ brevis est & optima, eamque auferunt Medici æstatis initio.

De Rhamno.

Rhamnum si quis eruat silente Luna, & secum ferat, contra venena & improbos homines prodesse sentiet. Vtiliter etiam & à pecoribus gestatur, & nauigiis circumponitur. Valet & contra capitis dolores, demoniorumque insultus.

De Artemisia.

Artemisiam herbam si quis iter faciens secum habeat, itineris laborem non sentiet: si ferat in pedibus, venenatas bestias & dæmonia fugabit. Quòd si sanguis circum articulos coaluerit induratusque fuerit, ramulos maiores cum rosaceo in olla feruefacito, expressioque inde oleo locum affectum totum oblinito, discubitur eunte agro. Quin

& vuluæ strangulatu laborantibus fœminis. mirum in modum auxiliatur, ac substillum quoque lotium & opisthotonum leuat.

De Pentadactylo seu quinquefolio.

Pentadactylon si quis circa corpus gesserit, nullo dolore afficietur: oculos, strumas, induratas tonsillas, vuam, & partium sub lingua, articulorum & neruorum dolores, dentes & pforan perniciali fame contractam iuuat: remoratos à partu menses eiicit. Affusa verò manibus cum aqua tepida, cōtra terrores, fascinum ac dæmonia mirū in modum cōmendatur. Cæterū herbam legito dum augefcit luna, oriente Sole.

De Verbenaca.

Verbenaca recta pudendum arrigit: supina verò, exiccandi vim habet. Recta amuleti instar adalligata, oculorum doloribus auxiliatur: contra eorundem hebetudinem & capitis dolorem efficax est: sed & contrita ex aceto, lassitudinem eximit: strumas & induratas tonsillas confestim discutit. Cæterū febiles horrores statim sanantur, si quis solūm stans ex aduerso ramulos eius tenuerit.

De Dictamno.

Dictamnū siccatam manibus terito, & in farinam redigito, adiectaque vini gutta corpus tangito. Contra omnes serpentium iniurias auxiliatur: vlcera putresque nomas purgat

purgat prius, dein etiam explet: adactis corpori aculeis præsentì adhibetur auxilio: ad lienem quoque & abditorum locorum inflammationes in farinam redacta imponitur. Herbam vere, magnis æstibus, autumnóque eruito.

De Salvia.

Salvia perfrictionem tussimque discutit: prauis etiam vlceribus omnibus, cera & rosaceo ammixtis, auxiliatur. Lienis dolorem dysenteriamque pota cum vino albo sanat. Pari quoque modo sanguinem excreantibus potu medetur: & ad extrahendas quasilibet muliebres à partu purgationes efficax est. Cæterum scelestissimæ mulieres subdito ex ea pello partus excutere non verentur.

De Cupresso.

Cupressus herba cōtra raucedines prædest: auriculas, induratos tonsillarum tumores, aquam inter cutem & coxendicum cruciatus persanat.

De Centauro.

Centaureum contra inflammationes & ictuum allisiones valet: fœminis vulvæ stranguinatione laborantibus auxiliatur: quin & substilli lotij calculorumque tormēta leuat. Herbam porro Vere, oriente Sole legito.

De Buphthalmo.

Buphthalmum crescente Luna decerpere

oportet. Facit verò cōtra pauores, dæmonas, fascinationes & venena: ea siquidem omnia auertit. Quòd si quis radicem commanducando identidem expuat, dentium dolori, sedata simul & semel fluxione, auxiliabitur. Quin & aluum soluit.

De Pæonia.

Pæonia herba per æstus Caniculæ ante Solis ortum vellitur: appensa que contra venena, fascinum, pauores ac dæmonum insultus prodest: item contra febres cum horrore adoriētes tam nocturnas, quàm diurnas, necnon & aduersus quartanam. Ceterū dæmones à monte in quo nascebatur quondam fugasse proditur.

De Polio.

Polium herba circa corpus gestata, contra lunaticum morbum lassitudinēque auxiliatur. Siquidem trita ex aceto herba & summis pedibus affusa prodest.

De Moly.

Moly herba radicitus excisa & circa corpus gestata, venenorum & fascinationis amuletum est.

De Marina quercu.

Marinam quercum extrema Luna cum rosaceo misceto, & faciem illinito, cum ad negotia te conferes. Sub ventriculo gestata, foetus vegetiores reddit: ad arcendos
verò

verò pauores nocturnos, manu tenetur. Sed
& contra fascinum & maleficia omnia pro-
dest, corpúsque tuetur. Cùm enim fascinan-
tes recedunt, arescentem furculum illa oc-
cludit, & eundẽ, si propiùs accesserint, aperit.

De Chrysanthemo.

Chrysanthemon si terra ante Solis ortum
eruatur, corporique adalligetur, aut ex collo
suspendatur, veneficas mulieres omnesque
fascinationes amolitur.

De Eryfino.

Eryfinum cum vino tritum, aduersus ven-
tris dolorem bibitur. Quòd si quis grana se-
ptem in domum proiecerit, rixæ & iurgia
concitabuntur.

F I N I S.



